



B.N.C.F.

MAGL. 5.6.199.



CF00527081

~~5.6.199~~

Progr. Sen. 20C.

5KL - 11

1

2

3

4

5

6

7

8

9

10

11

12

13

14

15

16

17

18

19

20

V I T A E
ITALORUM

DOCTRINA EXCELLENTIUM

QUI SAECULIS XVII. ET XVIII. FLORUERUNT

VOLUMEN XII.

AUCTORE

ANGELO FABRONIO

ACADEMIAE PISANAE CURATORE




P I S I S MDCCLXXXV.

~~~~~

EXCUDEBAT ALOYSIUS RAPHAELLIUS

*SUPERIORIBUS ANNUENTIBUS*



iii  
**C A R O L O**  
**FRIDERICO**  
**MARGRAVIO BADENSI**

**ANGELUS FABRONIUS**

**E**A est litterarum fortuna, ut cognatione quadam illi copulari videantur, qui easdem aut colunt aut foveant. Utrumque, SERENISSIME PRINCEPS, adeo praestas cum omni

✱

co, quod pertinet ad rei publicae  
administrationem & subditorum Ti-  
bi populorum felicitatem, ut in  
Te, tanquam in clarissimum lumen,  
non Germaniae modo, sed & uni-  
versae Europae conjecti sint oculi.  
Veniam itaque a Te mihi facile da-  
tum iri confido, quod me Tibi si-  
stere audeam cum dono voluminis  
de Vitis Italarum doctrina excel-  
lentium, quod ut benigne excipias  
Te etiam atque etiam oro obte-  
storque.

# V I T A E ITALORUM

DOCTRINA EXCELLENTIUM

QUI SAECULIS XVII. ET XVIII. FLORUERUNT

---

ANGELUS FABRONIUS

CLEMENTI SIBILIATO

S. P. D.

**D**E Morgagnio scilicet sic fero, ut debeo:  
*virum bonum & magnum hominem, & in  
summa claritudine multa humanitate temperatum  
ac utriusque nostrum amantissimum perdidimus.  
Vivet tamen ipse saeculis innumerabilibus. Nam-  
que ei peperere monumentum aere perennius il-  
lius scripta, de quibus etsi more senum frequen-  
ter gloriaretur, non propterea irascendum ei esse  
putamus. Novimus enim omnes Graecum ver-  
sum, quem sic Latine reddidit Cicero*

Tom. XII.

A

Suavis laborum est praeteritorum memoria.

*Equidem vix ferre possum ferreos quosdam hūmānes, qui illum solum sapientem esse affirmant, qui sit omnium cupiditatum expertus, neque gloria tituletur, neque cupiat post mortem celebrari memoriam nominis sui. Vel ineminisse nimis imperiose vetant earum rerum, quas quis laudabiliter antea gessit, quod omnia ponant in humanarum rerum despectu. Porro quid tanto opus esset instrumento in optimis artibus comparandis, quid tanto concursu honestissimorum studiorum, tanto virtutum comitatu, nisi id conduceret ad laudis cupiditate adolescentes inflammandos? Levis est animi lucem splendoremque fugere; & philosophi etiam in libris, quos de contemnenda gloria scribunt, nomen inscribunt suum, quod in eo ipso, in quo praedicationem nobilitatemque desiciunt, praedicari de se ac nominari velint. Nihil sane deerat Morgagnio ad honorem & gloriam acquirendam; laetabatur tamen, quod ego homunculus commentariolum de ejus vita Latine scribendum suscepissem, eduumque in lucem, ut saepe tu mihi narraſti, ferre*

*in sinu videbatur. Est sane, quod gaudeam me  
 tanti viri desiderio satisfacere potuisse; & quo-  
 niam Deus me ei superstitem esse voluit, addam  
 in illud commensariolum nonnulla, quae decla-  
 rent, quam laudabiliter is vitae cursum confecer-  
 rit. Non enim verisimile est, cum ceterae partes  
 aetatis bene descriptae fuerint, extremum actum  
 tanquam ab inertii poeta fuisse neglectum. Ac  
 domesticarum quidem sollicitudinum aculeos omnes  
 & scrupulos occultabo, quod ita se cupere ali-  
 quando mihi significavit; & quia aliquid tetige-  
 ram de uxoris dementia, iracunde mihi scripsit:  
 quid ad istas ineptias abis? Sua cuique ca-  
 lamitas est, neque ad levandam meam parum  
 profuit, quod propter nimiam timiditatem  
 violandi vel minimum christiana officia mu-  
 lier religiosissima interdum a mente defere-  
 retur. Neque idem tulit, ut mentio a me fieret  
 earum rerum, quae ad carpendum opus illius  
 de sedibus & causis morborum per anato-  
 men indagatis protulit Josephus Lieutaudius.  
 Illic quidem in prooemio Historiae anatomico-  
 medicae more medicorum invidisse Morgagni  
 gloriae videtur, vellicavitque ipsum, quod dum*

omni ex genere orationem aucuparetur, & omnes undique flosculos carperet & delibaret, parum pressus & nimis redundans extiterit. Perspicua & dilucida expositio in narrandis rebus principem quidem tenere debet locum, & si jure medicus Gallus Italum juvenili quadam licentia interdum superfluentem tum in historiis exponendis, tum in schollis exarandis reprimere potuit, suspicere tamen illum debebat, maximisque efferre laudibus, quod cum artem medicam innotatam videret, eam & verborum & infinitarum anatomicarum observationum dote ornavit atque locupletavit. Multi tum prodibant in lucem medici libri, sed ita inconsiderate, ita impolite scripti, ut placere nisi iis non possent, qui eandem licentiam sibi permitti volebant. At Morgagnius respiciens exempla medicorum principis Hippocratis, ceterorumque tum Graecorum, tum Latinorum, qui ab illo manarunt, illam perfectam medicinam judicavit, quae de maximis rebus copiose posset ornateque dicere; in quam exercitationem ita studiosè operam dedit, ut elegans & Latina sit semper ejus oratio, & ab ejus scriptis medici petere possint quidquid in studiis suis



corrumpiscunt. Itaque vix opus, de quo loquimur, in vulgus elitum est, cum sensui omnino laus, quae tribuebatur Sepulchreto Theophili Bonii, & Jacobi Mingei, in quo nihil elegans, nihil ex ordine collocatum, plura aspersa hypothesebus & mendaciis; & in hac confusa ac perturbata materie siquis vel patientissimus versari sibi proponet, nae ille brevi satietate & taedio linguescere cogetur. Contra ea ut oblectamur, ut rapimur, ut erulimur Morgagni lectione! Quoniam igitur futo nostro fieri dicemus, ut Italorum gloriae maxime invidetur a Gallis, ut ne eos quidem laude dignos arbitrentur, a quibus multa non modo sumpserunt, sed etiam surriperunt? Sui licet habuerint vitia vel mores, vel scripta Morgagni (quid enim nos hominuli absolutum & perfectum, & ut Stoici dicebant, omnis numerus habens ostentare possumus?) ita tamen meritis ille est de medicina, de anatome, de humanioribus litteris, ita justus, comis, integer ac religiosus fuit, ut in ejus monumento illud elogium inscriptum vellem: uno ore, cui plurimae consentiunt gentes, Italorum primarium fuisse virum. Quae

de illo, quasi Penelope velam retexens, exaravi, ad te mitto, mi amicissime Sibiliste, quod te habere soleam acquissimum eorum studiorum, quae mihi communia tecum sunt, existimatorem & judicem. Vale, amicorum suavissime, & perge diu multigena illa tua rerum pulcherrimarum supellectile & extemporali Latinae eloquentiae laude florentissimi quovis saeculo Athenaei Patavini nomen decusque augere, cui nuperime quoque Morgagnius noster tantum splendoris addidit ubertate doctrinae & elegantiae dicendi.

*Pisis Kal. Martii MDCCLXXII.*

## JOANNES BAPTISTA MORGAGNIUS.

**J**oannes Baptista Morgagnius Foroliviensis, is natus est Foro Livii v. Kalend. Martias an. MDCLXXXII. patre Fabricio, matre Maria Toruallia. Septimum ætatis annum nondum absolverat, cum ejus pater decessit; quo factum est, ut matris curæ concreditus, quæ ei omnia, quippe unico, cupiebat, primos illos ætatis annos ita transegerit, ut & morbus, quod debabatur, & studiis tribueret. Per hæc tempora magnum adiit vitæ periculum. Nam cum in cavaleq̃ lapsus longis fornicibus magna ex parte obtectum aquisque redundantem, a profluyente sub fornicem raperetur, & jam mergi deberet, cujusdam hominis auxilio subatus tantum evasit periculi. Forte fortuna venerat ad eum locum homo ille; cumque jam puerum prætergressus fuisset, non illum cadentem vidit, tantum nescio quid strepitus audivit, sed non propterea advertit oculos, progressusque paullulum viæ, sibi vitus est

audire intime monentem, ut retro respiceret. Respexit, accurrit, & in canalem se projecit, ut opem pereunti ferret. Jam a prima aetate magnam de se expectationem movit linguas addiscendo, omnemque illam eruditionem, quae ad humanitatem pertinere videtur; illudque consecutus est, ut, quas ligata solutaque oratione in medium proferret, lucubrationes omnibus probarentur. Quod ei contigit etiam dum scientiarum stadium percurrit, & in iis sui publice periculum fecit. Qua in re accidit, ut cum Jesuita quidam argumentum proposuisset, simulque disticon nescio quod, adolescentis laudes complectens, recitasset, Morgagnius mira quadam ingenii alacritate distico primum, mox argumento responderit. Libuit illi theses suas Cardinali Ottobonio dedicare, a quo, ut & ab ejus magno patruo Alexandro VIII. P. M. multa in maternam familiam beneficia atque ornamenta profecta fuerant. Haec quidem fuit prima Morgagnii institutio apud cives suos. Post id Bononiam venit (agebat tunc decimum & sextum aetatis annum) ea mente, ut ad cognitionem rerum medicarum

potissimum se conferret. Qua in facultate cum ibi florerent eo tempore Malpighii auditores, & in iis Jacobus Sandrius, Hippolytus Franciscus Albertinius & Antonius Maria Valsalva, qui prae ceteris in anatome, sine qua medicina esse non potest, excellerebat, his se instituendum dedit. Eodem quoque tempore adolescentulus docilissimo omnium ingenio aliis disciplinis erudiebatur, ac brevi ita tenuit philosophiam ac medicinam, ut cum a praeceptoribus discessisset, nemo de iis, qui peritissimi habebantur, huic anteponeretur. Philosophiae studia per hoc tempus renovanda putavit, ut satis desiderio faceret noscendi recentiorum disciplinam, quod desiderium excitavit *Philosophia Burgundica P. du Hamel*, quae ei, paullo antequam e patria discederet, forte ad manus pervenerat. In hoc cum esset occupatus, ophthalmia correptus est, eaque cum acri subinde dolore conjuncta non modo legendi scribendique, sed etiam somnum capiendi, nisi palpebris imposita pulpa tepida pomorum dulcium, facultatem eripiebat. Qua valetudine cum adhuc premeretur, sua prorsus divina memoria

fretus non dubitavit solemne certamen inire (id fuit anno MDCCI.) ut in album Doctorum referretur. Qua re summo cum plausu peracta, in patriam concessit, ibique brevi convaluit. Ex quo tempore, si ophthalmiam alteram, quae senescenti accidit, sed breviorrem, excipias, ad extremam usque senectutem ita bonis usus est oculis, ut adolescentiam non requireret. Cumque aliquando interrogatus fuisset, qua ratione pristinum illud robur tamdiu conservare potuisset in tanta atque tam assidua oculorum contentione: *non alia*, respondit, *quam faciei & palpebrarum lotione matutina ab eo tempore, quo aegrotavi, sic instituta, ut non temere quavis aqua uteretur, sed ea dumtaxat, quae recens & putco hausta esset*. Cum Bononiam ad studia litterarum rediisset Morgagnius, magno adjumento fuit praeceptori suo Valsalvae in iis rebus, quas scripsit ediditque in vulgus an. MDCCIV. *de aure humana*. Hic quoque plurimum utebatur Morgagnio in dissectionibus humani corporis, quas in celeberrimo Bononienſi Gymnasio publice habebat: idque munus solus ipse sustinuit eo anno, quo idem

Valsalva Parmam actersitus Bononia aberat. Quibus rebus factum est, ut brevi illustraretur. Atque hoc in primis erat in adolescentulo mirabile, quod praeter laudem rei anatomicae maximam, ita in aliis quoque facultatibus excellebat, ut videretur omnia consequi posse, simul ac velle coepisset. Sic enim Etrusce scribebat, ut appareret in eo nativum quemdam leporem esse, non adscitum. Tanta autem erat elegancia sermonis Latini, ut cum elegantissimo quoque scriptore posset comparari. Noverat & Graecas literas, attigerat & poeticen, credo quod illius dulcedinis experts esse noluerit; praeclare tenebat botanicam & geometriam, quod in iis non parum ad sua studia praesidii esse putaverat, ob eandemque causam opticae didicerat; hydraulicam, mechanicam, & quod miraberis, in astronomia se exercuerat. Igitur cum haberet studia communia cum multis, essetque singulari bonitate, moribusque plane facillimis, & ad omnem rationem humanitatis accommodatissimis, ita vivebat Bononiae, ut universis civibus merito esset carissimus. Utebatur autem intime Manfrediis fratribus,

Jacobo Bartholomaeo Beccario , & Joanne Antonio Stancario , hujusque fratre Victorio , cum quibus duobus postrenis ipsi necessitudo quoque erat contubernii . Has ob causas praecipuus ei honos habitus : creatus est enim , cum nondum compleisset secundum & vicesimum aetatis annum , *Princeps Academiae Inquietorum* , in quam fuerat quinquennio ante cooptatus . Qua in potestate praeclaras res gessit . Nam persuasit Academicis , ut relictis inanibus disputationibus , novam utilemque amplecterentur philosophandi rationem ; novisque conditis propositisque legibus , has ut omnes probarent effecit . Plura hac de re persecuti sumus in vita Eustachii Manfredii , qui & conditor illius Academiae ; & socius una cum Victorio Stancario glorioso in labore Morgagnio fuit . Hic vero , ut collegas ad occulta naturae investiganda suo exemplo inflammaret , in solempni ac publico Academiae conventu , qui habitus est anno postquam Princeps ipse frerat , recitavit quae ei in longa cadaverum serie attentissime spectanti se se observanda obtulerant , & in adversaria conjecerat . Neque haec communia &



pervulgata, sed pleraque nova, omnia vero difficilissimam cognitionem habentia. Ex quo factum est, ut non modo laudem ingenii, sed etiam admirationem sit consecutus; nullusque auditorum fuerit, qui eum non sit hortatus, ut illa in lucem proferret, pollicitus fore & ipsi & Academiae honorificentissima. Paruit ille horum consiliis, ediditque an. MDCCVI. Bononiae librum, quem inscripsit *Adversaria Anatomica prima*, instituitque ad Eulachium Manfredium tunc Academiae Principem ceterosque sodales. Nihil enim magis laborabat, quam ut in Academiam, cui quidquid erat videbatur referre acceptum, gratissimus cognosceretur. Dividitur opus in partes tres, quarum in priori exponuntur quae ipse primus omnium aut vidit aut descripsit in humani corporis fabrica. Talia sunt glandulae aryaenoidaeae (necesse fuit nova novis rebus imponere nomina) quae de epiglottidis foveis, glandula, & lateralibus vinculis, & quae de vinculis quoque labrorum tradit: tum quae de finibus eorum muscutorum, quos hyothyroidaeos vocant, & sternothyroidaeos, ac de horum

tendineis inscriptionibus: uvulae, & pharyngis musculi: foramen saepius in lingua conspicuum: duo tenuia corpora non modo in virili, sed & in muliebri vesica extantia: urethrae foramina & canaliculi peculiare: fabaceae glandulae in nymphis, in palpebris, in mammarum areolis, & in aliis plurimis partibus: & quae denique de vagina & de valvulis cervicis uteri docuit. In secunda vero parte persequitur illa, quae a gravissimis anatomicis olim quidem proposita erant, sed quae mox vetustate ferme obsoleverant, & hujusmodi sunt arytaenoidum cum cricoide articulationes, laryngis ventriculi, medium epiglottidis ligamentum, ligamentum penis suspensorium, & corpuscula quaedam, quae in aortae & pulmonaris arteriae valvulis visuntur. Haec restituta a Morgagnio satis comprobant, quantum acuminis ac diligentiae ipse conferret ad lectionem veterum scriptorum; hoc vero specimen moderati animi & ab inani gloria abhorrentis, quod sequi noluerit illorum exemplum, qui sibi tribuere non dubitarunt inventionem earum rerum, quas ab oblivione hominum atque a silen-

tio vindicassent; id quod, si cui facere liceret, ipsi prae ceteris licuisset, ut qui res non modo restitueret, sed etiam illustraret ac augeret, novis tubinde propriisque adjectis circa illas observationibus; quod ut in secunda libri parte, sic in tertia quoque facere non omisit. In hac demum proposuit quid ipse observasset de quibusdam magnorum hominum controversiis. Primo venit in medium illa, quae posita est in eo, utrum sanguis fluat per eam anastomosis, quae est in fetuum cordibus, de cava in pulmonarem venam, an vero de pulmonari feratur in cavam, ac priorem opinionem comprobat. Hanc sequitur controversia de venae umbilicalis in jecur ingressu, & de illius sanguinis per hoc progressionem, quibus in rebus cum iis facit, qui fuerunt diligentiores. Tertia controversia est, an ad internum humani quoque oculi latus, praeter carunculam lacrimalem, alia glandula, aut saltem an ea caruncula pro glandula agnoscenda sit, & iis, qui utrumque negant, adstipulatur. Contra in quarta controversia, quae in eo versatur, fiant nec ne ossae in senescentibus laryngis cartilagineae,

sintque medullosa substantia refertae, sententiae eorum, qui utrumque affirmant, adhaeret: inde transit ad ostendendum, quonam loco asperae arteriae cartilagine desinant esse semiannulares, de qua re non adhuc inter anatomicos conveniebat; ut ne illud quidem conveniebat ante Morgagni observationes hoc loci propositas, qua magnitudine & ubinam glandulae ejusdem arteriae locatae essent. Idem fecit, ut non amplius controverteretur, an una esset thyroidaea glandula, quam glandulam peculiari ductu instructam esse, quamvis non pro certo statuatur, probabile tamen esse ostendit. Solvit controversiam, quae etiam tum vigeat, unde nascantur muscoli corachyoidaei, demonstrans ab eo scapularum latere, quod costam superiorem vocant, initium sumere. Multa quoque solvit de iis musculis, qui laryngis cartilaginibus proprie sunt attributi; exponitque quid ipse observaverit de hymene, de ovariis, de tubis Falloppianis, de lacunis fossae muliebris, de fontibus cujusdam muci ad cervicem uteri occurrentis, ac denique de menstruo cruore, qua is ex uteri parte fluat.

de quibus rebus variae erant opiniones atque inter se dissidentes. Haec omnia non multis litteris & parvo omnino volumine continentur. Nos in iis referendis longiores fortasse fuimus, quam instituti nostri ratio postulat. Sed id ea de causa fecimus, ut facile intelligant lectores, qua ratione in aetatis flore tantam famam collegerit Morgagnius, ut satis superque nominis immortalitati mature consultum ab eo esse videretur. Tali modo Bononiae confecto studiorum curriculo, Venetias & Patavium venit ad cognoscendos doctos homines. Qua professione magnum accepit vulnus Academia. Vix enim ferre posse videbatur absentiam hominis, qui ipsam prae ceteris exemplo & legibus institutisque quasi parens & conditor formaverat. Patavii Morgagnius magnam junxit amicitiam cum Dominico Guglielminio, Venetiis cum Joanne Polenio & Joanne Hieronymo Zanichellio aliisque multis, quos sibi mores & optimarum artium ac litterarum studia commendabant. Ibi quoad fuit (non diutius autem quam triginta circiter mensibus fuit) assidue aut in dissectionibus majorum prae-

ferim piscium, aut in re chimica, aut in pharmaceutica diligentius cognoscenda, aut in physicis & anatomicis experimentis, aut denique in selectorum librorum, quos studiose comparabat. lectione versatus est. His tot instructus adjumentis, tum demum venit ad medicinam faciendam; hancque in patria exercuit ea felicitate, quae observationibus, dum Bononiae degebat, ad aegrotantium lectulos jugiter ac solerter habitis responderet. Vel antea quidem cum relaxandi paulisper animi causa domum secessisset adolescentulus, ea de ipso opinio fuerat suorum civium, ut ad amplissimi in civitate viri abditum gravissimumque morbum dignoscendum, &, si fieri posset, ex aliqua saltem parte levandum advocaretur, quorum utrumque egregie praeiitit. Nunc vero reversus in patriam, ibique permanens, dici non potest quanto in pretio apud omnes fuerit: & certe aegrotatio paullo difficilior accidebat nulla, quin a senioribus ipsis medicis sibi socius optaretur Morgagnius; adeo attentus erat in observando, cautus in praedicendo, felix in curando. Quae cum sine assidua ani-

mi contentione & corporis fatigatione esse non possent, intelligere primum coepit, si sic porro pergeret, non diutius se esse victurum; mox ut erat, siquis alius, tum otii inimicus, tum anatomes amator, in memoriam rediit oblatam sibi, cum Patavii esset, a Guglielminio fuisse occasionem ibi permanendi, eamque facultatem excolendi, & postea fortasse etiam docendi, si ex ejus Gymnasii scholis una placeret, quam tunc qui regeret, quaerebatur. Quae amissa est eo tempore occasio opportunius rediit, mortuo Guglielminio. Cum enim in hujus locum traducendus esset immortalis vir Antonius Vallisnerius, quaesitum est de Morgagnio, an Vallisnerii scholam regendam suscepturus esset? Quaerentibus cum ob eas, quas diximus, causas non gravate annuisset, ab Senatu Veneto iisdem honestissimis conditionibus, quibus docebat Vallisnerius, sub finem anni MDCCXI. ad tradendam theoricam medicinam est vocatus. Itaque non toto triennio in patria exacto, Patavium concessit. Ipse eo die (is fuit XVI. Kal. Apriles an. MDCCXII.) quo primum suggestum conscen-

dit, in magna doctissimorum hominum frequentia Latinam habuit orationem, qua formam expressit, seu potius adumbravit, quarundam medicarum institutionum, quas animo conceperat. Sicuti enim Cicero & Quintilianus oratorem omni ex parte perfectum instituunt, sic Morgagnius talem informare medicum volebat, cui nihil deesset, omnesque, ut ajunt, numeros haberet. Itaque tripartita oratione proposuit, quae partes esse debeant illius, qui ad perfectam medicinae laudem aspirat, antequam medico praeceptum tradatur, postquam erit traditus, & ex quo eidem aegrotantes tradentur. Non hic Morgagnio communia & contrita praecepta exponere erat in animo, sed ea persequi, quae ipse per se divino, quo erat ingenio praeditus, & inusitato quodam mentis acumine viderat atque didicerat, ut non satis docere possimus, opus, cujus adumbrata lineamenta perspicimus, non fuisse ab eodem perfectum. Sed hoc illi ignoscatur volo propter infinitas, quibus omni tempore, sed hoc praesertim, distentus erat, occupationes. Etenim ei multum erat & laboris & temporis



in erudiendis medicinae studiosis, quod ea ratione praestabat, ut docte, erudite, ordinate, distincte, Latine atque etiam ornate omnia explicaret. Petierat ab eo Lancisius, quocum magnam contraxerat amicitiam, ut diligenter describeret quatenus in triginta octo anatomicis tabulis Bartholomaei Eustachii per hos dies repertis agnosceret quae propria & peculiariter inventa ejusdem Eustachii dici deberent, fuerint licet ab aliis post ipsum prodita. Qua quidem in re sic amici postulatio- ni brevi octo dierum spatio satisfecit, ut laudem ab eo reportaverit hominis in ana- tomes historia omnium peritissimi. Sed prae- fertim perentibus non solum, sed etiam fla- gitantibus amicis, qui hoc magni interesse dicebant ad decus ejus, in quo docebat, Gy- mnasii, studium & curam contulit, ut de- fenderet *Alversaria sua anatomica* contra ani- madversiones, quas in illa fecerat Joannes Baptista Blancus, & Jacobus Mangnus suum in *Theatrum anatomicum* retulerat. Grave ac molestum fuit homini a contentionebus alie- no ac levi mitique animo, in illud se ad- ductum esse discrimen, ut naturam atque in-

genium suum defereret. Et quidem non defensoris modo, sed acris etiam accusatoris personam sustinuit in iis quinque *Adversariis*, quae intra biennium in vulgus edidit. Quae accusatio cum in eo maxime versetur, ut coarguat atque corrigat plurimos ac gravissimos errores, quibus foedantur multorum anatomicorum scripta, quæ locus datus est in hoc *Theatro*, ac praesertim Verheyenii & Blanci, illud consecutus est Morgagnius, ut haec *Adversaria* non solum utilia, sed etiam necessaria sint rei anatomicae studiosis, qui eodem *Theatro* uti desiderant. Iis vero, qui aliquam cupiditatem habent noscendi novas observationes animadvertionesque ad anatomicum quidem praecipue, sed subinde etiam ad chirurgiam ac medicinam spectantes, nihil dulcius esse potest iisdem *Adversariis*, quae hoc rerum genere mirum in modum abundant. Non est autem credibile quam multa Auctor disseccare debuerit cadavera ad confirmandas a se propositas observationes; nec mediocrem quoque in eo diligentiam adhibuit, ut operi adjungerentur tabulae anatomicae affabre inculptae, qua in re usus est

praefertim opera Michaelis Angeli Cavazzonii, Joannis Baptistae Cromerii, & Francisci Mariae Franciae. Ceterum, vix *secundis* *tertiisque* *Adversariis* inspectis, taeduit Blancum, vehementerque poenituit, quod Morgagnium offenderet, pro qua offensione illi se iatisfacturum Lancisio per litteras significavit. Accepit satisfactionem Morgagnius, & signum mitigati animi erga illum dedit in *Adversariis*, quae mox in lucem emisit. Egerat etiam Lancisius de restituendo in gratiam Mangeto, cui ostendit posse rem ad concordiam facile deduci, dummodo ille declararet, non invidia atque obreclatione laudis Morgagnii, cui ipse semper faverit, se scripta Blanci suum in *Theatrum Anatomicum* intulisse, sed inconsulto atque inconsiderate id fecisse, factumque suum improbare ac detestari. Non dubitavit quidem Mangetus ingenue fateri Lancisio, se *animalversines* *Blanci*, *currente praelo*, *accepisse*, *ac vix antequam* *perfectis typis commisisset*, . . . *opereque jam edito*, *deprehendisse in his nonnulla*, *quae delictatulis acerbiora videri poterant*; sed adeo illum pupugerunt *secunda & tertia Adversaria*,

ut ea rescripserit, quae reconciliationis desperationem afferre viderentur. Verum postea sentiens multorum vocibus se reprehendi, quod talem virum offendiisset, neque offensum placare studuisset, de reconcilianda gratia cogitare coepit. Verebatur quoque ne peccatum suum a Morgagnio severius in aliis, quae paraverat, *Adversariis* puniretur. Quibus rebus factum est, ut ei se purgaverit per litteras a Joanne Fantonio scriptas, utens excusatione negligentiae, quo majoris criminis, illatae scilicet injuriae, suspicionem averteret. Qua excusatione & amici precibus commotus Morgagnius, multa, quae acrius scripserat, oblitteravit in edendis *Adversariis*. Sic bellum acerbum, quod inter Morgagnium, Blancum & Mangetum exortum fuerat, sedatum esse videbatur. At non multos post annos Blancus rursus Morgagnium ad arma compulit. Nam cum secundo typis committeret librum a se conscriptum de *Historia Hepatica*, in hoc non solum veteres refricavit controversias, sed novas etiam exfuditavit, non videns hac re plurimum violari existimationem suam. Nam fidem Lan-

cisio dederat, nihil se unquam commissurum, quod hominibus suspicionem fiste reconcilia-  
tae gratiae movere posset. Nec modo infidi,  
sed etiam ingrati animi accusationem timere  
debebat Blancus, cum esset Morgagnio re-  
centi beneficio obstrictus. Quapropter mini-  
me reprehendi debet Morgagnius, si quid ab  
eo paullo severius vindicatum est, cum de  
hac instaurata controversia binas sane longas  
ad amicum scripsisset epistolas, de quibus ve-  
re dictum fuit, nihil defendere, quod non  
evidenter probent, nihil oppugnare, quod  
non plane evertant. Profecto magna haben-  
da est gratia Blanco & Mangeto, quod has  
epistolas, quaeque eis socia damus *Adversaria  
anatomica*, a Morgagnio extorserint, in qui-  
bus tanta doctrina, tot inventa, tanta in  
omni re anatomica eruditio apparet, ut ido-  
neus certe iudex Albertus Hallerus non du-  
bitaverit pronuntiare, nihil habere anatomen,  
quod cum illis operibus conferri possit :  
Ruyfchius quoque, Boerhaavius, Heisterus,  
Winslowius, Schroekius, Hoffmannus, Va-  
therus, Meadius, Goelichius, Walterus,  
Senacus, Cockburnius, Guntzius, Mechelius

aliquae (transalpinos testes adhibeo, ne quae gratiae suspicio sit) haec eadem opera laudibus ad caelum extru'erunt, & ex iis in sua scripta multa transtulerunt ornamenta. Atque in his libris conficiendis dum elaborabat Morgagnius, nihilo minus officia sua praestabat aut studiosae juventuti, quae domum ejus, tanquam officinam sapientiae, frequentabat; aut amicis, qui judicium consiliumque suum saepe exquirebant cum in iis, quae ad eruditionem, tum in iis praesertim, quae ad rem medicam ceterasque physicas facultates pertinent; aut Germanis, qui Patavii dant operam philosophiae, medicinae atque rerum divinarum scientiae, cum eorum patronus anno MDCCXV. delectus fuerit. His persuasit, ut sibi aedem emerent, in qua eorum bibliotheca tutius in omne tempus servaretur, & conventus haberentur, in quibus illi tractare solent de iis rebus, quas inter se communes habent. Quaeempta, haec in ingressu iidem inscripserunt:

*In hysa natio Germanica DD. Artistarum, adjuvante liberalissimo Protectore Cel. viro Joanne Bapte. Morgagno P. P. P. has sibi emit aedem*

*Act &c.* Sic cum Morgagnius magno in honore Patavii viveret, electus est a Senatu Veneto, ineunte Octobre ejusdem anni MDCCXV. ad tradendam in Academia anatomem. Non est praetereunda illius modestia hoc loco. Nam quamvis suam ingrederetur provinciam, plurimum tamen se vereri dicebat, quidnam pro dignitate loci & expectatione omnium afferre posset, praesertim cum cogitaret Andream Vesalium, Realdum Columbus, Gabrielem Faloppium, Hieronymum Fabricium, Julium Casserium, Adrianum Spigelium, Joannem Veslingium, aliosque praestantissimos anatomicos, qui in hac sede fuerunt. Erat quidem inanis timor. Omnes enim jam tum in illud consentiebant elogium, adeo Morgagnium excellere anatome, ut nemo esset non solum hujus aetatis, sed etiam de majoribus natu, qui ei anteponi posset. Quod judicium non minus oratione, quam factis comprobavit Senatus. Nam cum ei satis amplum quingenorum aureorum stipendium decrevisset, illud primum raro exemplo ad octingentos, postea rarissimo ad bis millenos, singulari demum atque unico

ad ducentos supra bis millenos perduxit. Sed maximum, quod Morgagnio dari potuit prae-  
mium, fuit incredibilis clamor & plausus,  
quo ille in exedra collocatus fuit. Cujus rei  
cum statim fama emanasset, magna undique  
ei facta est gratulatio: & pro sua eximia in  
litteras & litteratos homines voluntate Sum-  
mus quoque Pontifex Clemens XI. hujus diei  
celebritatem eidem gratulatus est. Quam por-  
ro Morgagnius in docendo viam secutus fue-  
rit, ut magnam sui expectationem sustine-  
ret, ex his intelligi potest. Ab similaribus,  
ut vocant, partibus explicandis, sive ab  
anatomies elementis docendi initium sume-  
bat: utens in iis syntetica methodo, quam  
omnium esse apertissimam utilissimamque in  
hac tradenda facultate scite a Rojolano di-  
ctum est. Explicationem vero elementorum  
analytica sequebatur descriptio compositarum  
omnium partium. Non habebat paratum quid  
quaque de re diceret: dicebat tamen copio-  
se, varie, perspicue eleganterque, cum ha-  
beret divinam memoriam rerum & verbo-  
rum. Magnopere ei curae erat, ut quidquid  
docebat non tam auribus committeret, quam



in oculis conspectuque auditorum suorum, adhibita diligentissima praeparatione, exponeret. Veniebant autem ad eum audiendum non solum magna studiosorum adolescentium frequentia, sed etiam multi aetate provecti & doctrina ornatissimi viri; ac nemo fere ab illo discedebat, quin aliquid novi edidicisset. Non parum sudare debuit Morgagnius primis hujus sui muneris annis, ut hominem informaret ad bene diligenterque anatomicas ostensiones administrandas; sicque Joannem Baptistam Vulpium ad incidendorum cadaverum officium instituit, ut nemo fortasse esset, qui cum illo comparari posset. Accidit aliquando, ut cum hic aniculae cadaver aperiret, quo adstans Morgagnius ostenderet auditoribus suis singulorum viscerum sedem, etsi plus solito illud nequaquam male oleret, neque ullum in eodem praeter implicationem intestinorum vitium appareret, subitus tamen languor Morgagnium oppressit, non secus ac si deliquium instaret. Revocatis paullulum viribus, cum uterque domum e theatro anatomico rediissent, ad eundem modum, eodemque tempore, febri

cotrepti fuerunt, quae sic Morgagnium male  
 habuit, ut nisi aliquot post annos pristinam  
 valetudinem recuperare minime potuerit. Non  
 propterea tamen in eo languit industria. Nam  
 eodem, quo antea, studio commodis discipu-  
 lorum domi, in nosocomio atque in thea-  
 tro inservivit, ac nihil unquam, si paucos  
 excipias aestivos menses, quibus in patria  
 fuit, remisit de labore, quem in anatomicis  
 praesertim scriptionibus solitus erat impende-  
 re. Etenim, quod mireris, magna pars *Ad-  
 versariorum* in hac corporis infirmitate ab eo  
 confecta est. Eodem quoque tempore amice  
 per litteras cum Lancisio disputavit de ge-  
 nere mortis Cleopatrae, multaque in his  
 litteris, sane elegantibus atque eruditis, ar-  
 tulit huic convenientia sententiae, quam ipse  
 tenebat, quamque minus verosimilem esse ar-  
 bitramur, Cleopatram aspidis morfu periisse  
 adversus eos, qui veneno ore capto subla-  
 tam contendebant. Scripsit & alia multa con-  
 sequentibus temporibus, quae eum praestan-  
 tem philologum ostendunt. Majore enim stu-  
 dio humanioribus litteris deditus fuit, quam  
 qui illum non adhuc bene noverant arbitra-

bantur ; nec vero in puerili solum , sed etiam in adulta , & in senili aetate , cum nullum putaret melius a Deo sibi datum munus ad oblectandum otium , animumque relaxandum a gravissimis majorum doctrinarum occupationibus . Itaque rogatu Joannis Baptistae Vulpii , qui nobilem editionem parabat medicorum operum A. Cornelii Celsi , & Q. Sereni Samonici , sub finem an. MDCCXX. & intra proximum quatuor exaravit epistolas , quarum tres Celsum attingunt , quarta Samonicum . In iis prioribus diligenter persequitur aetatem , qua auctor ille floruit , studia & scripta ejusdem ; haud pauca ipsius loca difficilia illustrat , ac multa , quae erant depravata , restituit : quaedam indicat verba , quae removenda ( & sane remota fuerunt ) existimabat a Latinis lexicis , in quibus sub mentito Celsi nomine locum obtinnerant : indicat & alia , quae sunt profecto Celsi , sed quae in iisdem lexicis non facile reperias . In quarta epistola examinat quid praestiterint Asulanus , Caesarius , Humelbergius , & Kenuchenius tum in emendando , tum in illustrando Samonici poemate *de Medicina* , iis-

que lumen (saepe enim magnis in tenebris versati sunt) de suo lumine accendit; quae occasione multa in medium profert, quae pertinent ad illius scriptoris vitam declarandam. Hanc epistolam undetriginta post annos secuta est altera, quae explicat quale iudicium fecerit Petrus Burmannus de priori epistola, & quale Morgagnius ipse faciat de opera, quam idem Burmannus in hunc medicum scriptorem consulit, cum illum an. MDCCXXXI. Lugduni Batavorum edidit minores inter poetas Latinos. Explicat etiam quid sit id, de quo auctor a Burmanno dissentiat, qua dissensione sane modesta, & qualis homines doctos decet, magis magisque Samonicus illustratur. Eodem ferme tempore dedit Morgagnius tribus superioribus in Celsum epistolis quinque alias comites, ut esset unde ad illa, quae notaverat de hoc auctore, ejusque scriptis, corollarium adderetur, & unde plurima Celsi studiosi sumere possent, quibus depravata ab Almeloveenio & Lindanio corrigerent. & a quibus magis ad cognitionem intelligentiamque ejusdem scriptoris ducerentur. Has decem epistolas scripsit Morgagnius  
ad

ad Joannem Baptistam Vulpium ; dedicavit vero Laurentio Heistero , cum inter se & hunc virum propter excellentem utriusque in anatome doctrinam magna intercederet amicitia . Neque is de Celso solum & Samonico optime meritus est . Nam quatuor scriptis epistolis ( id fuit annis MDCCXXI. & MDCCXXIII. ) ad Jacobum Facciolatum una , reliquis ad amantissimum & eruditissimum in primis inter tot alios discipulos suos Julium Pontederam , his vitiosa multa , quae sunt in rei rusticae Latinis auctoribus atque praesertim Columella & Vegetio , emendavit , & loca nonnulla obscura bono in lumine collocavit , omnibus ostendens , quanta afflueret eruditionis copia , quantumque in eo esset ingenii acumen atque Latinae linguae scientia . Ex quo factum est , ut ejus sententia saepe exquireretur in hoc rerum genere ab eruditis amicis , quibus ille facile poterat satisfacere , praesertim cum recurreret ad copias suas . Sic enim vir , qui famae laudem modestiae addere cupiebat , appellabat thesauros illos suos , in quibus admirabilem vim eruditionis tum Graecae , tum Latinae , tum

Itaicae reconditam habebat. Sunt in manibus hominum, quae, postulante Joanne Polenio, quo neminem nec amiciorem, nec jucundio rem, nec cariorem habebat, scripsit tum ad eundem Polenium, tum ad Petrum Pluvenium & S. J. de ordinario Frontini consulatu, id habens ratum, quod Norisius olim judicaverat, scilicet anno Aere Christianae C. Frontinum, non Frontonem, ut aliqui putabant. Trajani III. Consulis Collegam ordinarium fuisse; quamquam idem Norisius, non satis quidem probabilibus impulsibus conjecturis ac rationibus, hanc suam sententiam postea deseruit pro Frontone pronuntians. Extant etiam quae differuit de Proipero Alpino, de Philologo Ravennate, & de Angelo Bolognino; nec non ad memoratum Polenium epistolae tres, quarum altera est de quadam particula libri IV. M. Varronis *de lingua Latina* in veterem Frontini codicem relata, quam particulam sic explicat Morgagnius, ut Romanae antiquitatis se peritum ostendat; altera est de Vitruvii loco, ex quo in dubium verti potest, utrum scriptor hic Augusti aevo vixerit; tertia demum emendat & explicat alium ejus-

dem scriptoris locum ad rem medicam spectantem . Sed quam antiquitatis amator fuerit Morgagnius , & quam diligenter habuerit cognitam , ex iis praesertim intelligi potest epistolis , quas *Aemilianas* inscripsit . Exposuit in iis plurima scitu dignissima de fluminibus Aemiliae , atque in primis de iis , quae propter Ravennam fluunt ; sicque persecutus est monumenta nonnullarum urbium atque oppidorum , quae ab his fluminibus aluuntur , ut ea , qui legat , non multum desideret historiam contextam illorum locorum . Sed maxime ea in veritatis lucem protulit , quae Forum Livii patriam ejus illustrent , notans unde , & quo tempore orta , qui fuerit ejus status & dignitas , pluribus verbis ostendens quanto credibilius sit Gallum poetam , cujus de vita multa in apertum profert , suum civem fuisse , & haud pauca recensens de Flavio Blondo , de Hieronymo Mercuriali , de Jacobo a Turre , aliisque viris illustribus Foroliviensibus . Neque sejungere debemus ab operibus , quae Morgagnius mansuetioribus musis scripsit , vitas Dominici Guglielminii & Antonii Mariae Valsalvae , quibus non modo

laudem diligentis elegantisque scriptoris consecutus est, sed etiam hominis benevolentissimi. Quos enim vivos omni officio ac potius pietate coluerat, mortuos monumentis litterarum ornare voluit. Sed praesertim lumen ingenii sui, gratumque ac pium animum ostendit in iis, quae de Valsalva scripsit. Eo enim praeceptore, ut initio docuimus, usus fuerat. Itaque non solum fecit, ut ejus vita plenissima esset illarum rerum, quae ad illam declarandam pertinerent, sed etiam duodeviginti exaravit epistolas, quae mirabiliter ejusdem viri opera illustrent. Harum epistolarum undecim attingunt *Tractatum de aere humana*, reliquae *Dissertationes*. In iis vero sic omnia perscripta sunt de observationibus animadversionibusque habitus ab ipso Valsalva, Morgagnio, aliisque doctis viris, quibus aut exornantur, aut confirmantur, aut corriguntur res, quae in memoratis Valsalvae operibus continentur, ut nihil non appareat, & facile existimari possit singulari studio atque intelligentia fuisse Morgagnium in omni re anatomica. In hoc quoque magnopere is laudandus est, quod non se tenuit,



quim aliquando contra suum doctorem ( quam semper aliquam, & quidem probabilem, dedit errato illius excusationem ) disserterit. Videbat enim homini in inquisitione veri unice occupato nihil tam esse adversarium, quam ad alicujus, quamvis sapientissimi, auctoritatem ita se conferre, ut integra non esset judicandi potestas. Quapropter minime est mirandum, si nunquam gravate tulit, quod aliquis sententiam probaverit, quam ipse non sequeretur; & si in omni dissensione non vincere maluit, quam vinci, dummodo verum inveniretur. Qui autem scire cupiat, quantum ab illo laboris ac temporis positum fuerit in perlegendis, conferendis, seligendisque Valsalvae chartis, quarum magnum numerum ille reliquerat, quantum in volutandis omnibus pene alicujus nominis anatomicorum libris, ut ex eorum fontibus hauriret, quae aliqua ratione possent illustrare res, de quibus aut egerat, aut commemoraverat Valsalva, quantum in observationibus habendis, cum soleret ex anatome proferre nihil, quod non propriis oculis atque saepius perspectum habuisset, quantum deni-

que in omni re proposita diligenter perpendenda exponendisq̃ue judiciis suis, legat ea, quae idem praefatus est de his anatomicis epistolis. Praeter has scripsit etiam epistolam ad amicissimum suum Franciscum Mariam Zanottum, quae epitomen complectitur trium, quas Valsalva in Bononiensi *Instituto Scientiarum* Academia habuerat, Dissertationum, eaque legitur primo in volumine Commentariorum ejusdem Academiae. Editis jam his epistolis, cum Morgagnius colligendi sui, vitandique aestivi caloris causa rus se contulisset, venissetque eodem egregiae indolis adolescens, & cum aliis studiis, tum praesertim medicinae deditissimus, multum inter se collocati sunt de rebus ad illam facultatem pertinentibus. Quo quidem in sermone multa praeclara a Morgagnio commemorata sunt de vera medendi ratione, deque sua non modo, sed etiam praeceptorum suorum Valsalvae & Albertini hac in re consuetudine. Quae inter cum casu mentio incidisset operis Theophili Bonetti, quod inscribitur *Sepulchreum*, quodque continet dissectiones eorum, quos morbi de medio abstulerunt,

plurimis ex auctoribus collectas, rogatus est ut aperiret, quodnam esset de hoc opere iudicium suum. Affirmavit ille opus quidem utilitate maximum suscepisse Bonettum, sed non satis diligentiae ad illud conficiendum contulisse: quapropter eum praeclare acturum, qui hoc sibi sumeret, ut multa, quae in illo deficiunt, suppleret, non pauca redundantia resicaret, & accuratius atque exquisitius seligeret ac referret observationes, quae ad singulos morbos pertinerent, notans quid certum, quid incertum, & si quid minus recte a scriptoribus esset expositum. Tum adolescens: non sum, inquit, nescius, te aliquid simile cogitasse, & in commentariolo de Valsalvae vita promississe te facturum, ut ejus plurimae huc spectantes observationes in lucem prodirent. Quid igitur differs rem dignam usu & ista singulari doctrina tua? Facile se exorari sivit Morgagnius, credo, quod videbat se in suo regno versari debere. Itaque vix Patavium rediit, cum studium suum ad hanc rem admovit; confectisque aliquot Latinis epistolis, has ad amicum misit. Ex hoc autem cognosci potuit quam placue-

rint, quod ille non prius rogare destitit Morgagnium, ut his epistolis alias comites daret, quam septuaginta obtinuerit, quodque easdem Auctori, ut recensere posset, petenti, non antea remiserit, quam idem Auctor sancte pollicitus esset, nihil se esse detracturum, ac brevi eas editurum. Quod & fecit. Inscribitur opus *de sedibus & causis morborum per anatomen indagatis*, idque in libros quinque dividitur, quorum in priori agitur de morbis capitis, in secundo de morbis thoracis, in tertio de morbis ventris, in quarto de morbis ad chirurgiam aut ad universum corpus spectantibus, in quinto autem ea comprehenduntur, quae ad singulos quatuor priores libros addenda videbantur. Multas ex veterum & recentiorum scriptis huc spectantes collegerat Morgagnius observationes, multas ipse a Valsalva acceperat, multo plures in hujus ineditis scriptis notatas repererat, plurimas vero per se infinito studio ac diligentia totis sexaginta annis habuerat, easque omnes in hujus operis confectionem contulit. Quod ego opus si cum summo medico Jacobo Bartholomaeo Beccario amplissimum

interioris medicae doctrinae thesaurum appellalem; minus quam debeam praedicem. Verè enim mihi videor posse contendere, illud unum omnium medicorum bibliothecas superare, si quis noscere velit, quibus in corporis partibus morbi sedem ac domicilium habeant, quaeque sint horum morborum causae ac notae; quae quidem cognitio tantae utilitatis est in medicina facienda, ut non videam quo alio modo haec facultas possit habere quasdam errare in medendo non patientes vias. Unde illud apud Ciceronem III. in libro Tusculanarum Quaestionum: *Medici causa morbi inventa, curationem esse inventam putant*. His aliisque libris, quas Morgagnius medicinae & anatomiae consecravit, propositum illi maxime fuit, ut deerrantes medicos quasi domum deduceret. Nam, ut paucas res exempli causa ponamus, adhuc disputabatur vel in celebrioribus Academiis, quid in corporibus humanis efficerent quatuor illa humidum, siccum, calidum & frigidum, num *cordis humiditas hepatis siccitatem vincere posset*, num *calidum agens in frigidum denigraret*, *agens vero in siccum dealbare*; con-

*tra frigidum agens in humidum dealbaret, in siccum vero denigraret.* Quae dum inquirebantur, pauca revocabant homines ad experientiam artemque anatomicam, cujus amore ut omnes accenderet, ejusque utilitas magis magisque appareret, Morgagnius nonnulla longius, quam nunc fieri soleat, in opere, de quo scribimus, profecutus est. De quo opere satis dictum erit, si hoc unum addam, quatuor annorum spatio ter illud, quamvis non mole exiguum, typis impressum fuisse, quod est indicium quam magno plausu medicinae cultores idem exceperint, quantaque inde facta fuerit accessio ad Morgagnii gloriam, si tamen haec augeri potuit. Jam enim maximi viri uno ore consenserant, penes illum principatum anatomes esse, e quibus nominasse sufficiat Joannem Albertum Korffum, Joannem Bernoullium, Fridericum Ruyschium, Joannem Saltzmanum, Laurentium Heisterum, atque Petrum Senacum. Haec propria Morgagnii: illa vero cum paucis communia, quod celeberrimae Europae Academiae, quae ad excolendas reconditiores doctrinas sunt institutae, Germanica Naturae Curiosorum,

Londinensis, Parisiensis, Petropolitana, & Berolinensis illum suum fecerint eo tempore, quo illi minime in mentem venerat tale quicquam non dicam petere, sed ne suspicari quidem. Quem honorem alio quoque auxerunt. Nam saepe ei praeconium suis in Actis impertivere hominis in primis docti. Cum tanto esset Morgagnius in pretio apud externos homines, fieri non poterat, ut illum minoris facerent Itali sui. Itaque nulla apud hos extat alicujus nominis Academia, in quam ille honorificentissimis decretis cooptatus non fuerit; nullum floret Gymnasium, quod ejus scriptis maximam non tribuat in rebus physicis auctoritatem, iisque plurimum non utatur in erudiendis harum rerum studiosis adolescentibus; nulla inter hos exorta est aut controversia, aut dubitatio de re anatomica, de qua idem, tanquam oraculum, haud fuerit consultus. Multa sunt illustrata ejus patriae, ut ostenderet de tanto cive se maxime gloriari. In primis quod in publicis aedibus marmoream ejusdem effigiem sane similem posuit, hoc circum eam scripto epigrammate.

*Hic est, ut perhibent doct̃orum corda virorum,  
Primus in humani corporis historia.*

Infra autem haec exculpta est inscriptio.

JO. BAPT. MORGAGNIO NOB. FOROL.  
PATRIA  
INVENTIS LIBRISQ. EIVS PROBATISSIMIS  
VBICVMQVE GENTIVM ILLUSTRATA  
DECREVIT A. D. MDCCLXIII.  
PONENDAM IN CELEBERRIMO HJC LOCO  
MARMOREAM EFFIGIEM  
ADHVC VIVENTIS.

Quanta autem dignitate viveret Patavii,  
haec sunt indicia. Ejus schola ac domus  
floruit semper nobilitate ac frequentia disci-  
pulorum, nec unquam praelectiones osten-  
sionesve habuit anatomicas, quin magnus ad  
eum omnium ordinum omniumque aetatum  
fieret concursus. Nemo mediocriter eruditus  
in hanc civitatem veniebat, qui Morgagnium  
videre, adire, alloqui praetermitteret; nemo  
vero ab ipso unquam discessit, qui non pa-  
rem ejus virtutibus ac doctrinae laudem tri-



buendam esse judicavit. Quae si in privatis gloriosa sunt, quanto magis commemorabuntur in Regibus? Quare non jucunda solum, sed etiam admirabilis ei visa est benignitas Josephi II. Caesaris, qui cum primum Patavium venit, deberi hoc a se tanti hominis ingenio putavit, ut ei gratularetur longaevam vitam, quae multis aegris salutis, & Academiae Patavinae honori fuerat. Quanquam, ut supra demonstratum est, illud ei a Veneto Senatu pro munere docendi decretum fuit stipendium, quod nemini unquam, non propterea tamen timere debuit reliquorum Doctorum aut offensionem, aut invidiam, cum inter hos nullus esset, qui ejus gloriae plurimum non faveret. Quintum Praefes Collegii Veneti Gymnastici fuit, quae potestas, quanquam legibus cautum sit, ne ultra triennium duret, semel tamen ei ad septennium prorogata est. Jure igitur is dicebat se in summi beneficii loco ponere, quod in ea civitate natus esset, a qua, quae dari maxima poterant, accepisset ornamenta, quodque docendi causa in eam se contulisset civitatem, quae cum humani-

tate, & doctrina praeſtaret omnes; ſic ei erat carus, ut non magnopere patriam deſideraret. Ex quo factum eſt, ut licet magnis praemiis invitatus fuiſſet ad docendum in aliis, iſſque celeberrimis, tum intra, tum extra Italiam Gymnaſiis, ire ſemper recuſaverit. Hoc quoque ad tanti viri laudem illuſtre fuit, quod Laurentius Heiſterus, Georgius Daniel Coſchowitzius, Albertus Hallerus, e noſtratibus vero Joſephus Antonius Pujatus, Franciſcus Maria Zanottus, Joannes Verardus Zevianus, aliiſque maximae doctrinae homines quosdam e multis, quos ediderunt, libris, ejus nuncuparunt nomini. In tanta celebritate famae Principibus quoque viris minime placere non poterat Morgagnius; quam quidem non ultimam eſſe laudum vere ab Horatio dictum eſt. Itaque magnam aſſecutus eſt gratiam Caroli Ruzzinii, Aloyſii Piſanti, Petri Grimanii, Franciſci Lauretani; Marci Foſcarinii, & Aloyſii Mauroceni, qui omnes ſummum locum in Venetorum Republica tenuerunt. Foſcarinius autem ſummis etiam laudibus celebravit Morgagnium in eo, quod edidit, opere *de Veneta Litteratura*. Ca-

rolus VI. Augustus de re quadam medica per litteras ab archiatro suo Garellio scriptas illum consuluit; cumque aliquando ejus exercitus in Aemilia hyemaret, Ducibus praecepit, darent operam, ne quis domui familiaraeque Morgagnii molestus esset. Fecit hoc idem Carolus Emmanuel III. Sardiniae Rex; isque cum semel & iterum per Forum Livii iter habuisset eo tempore, quo ibi seriatim commorabatur Morgagnius, hunc humanissime excepit, & ad plures horas cum eo collocutus est. A Summis Pontificibus Clemente XI. Benedicto XIV. & Clemente XIII. magnas tulit existimationis atque voluntatis significationes, ac jure in eo praesertim gloriabatur, quod Benedictus suo in opere *de Beatificatione Servorum Dei* testimonium tribuerit amplissimum illius doctrinae; quodque Clemens XII. litteras ad eum dederit honorificentissimas humanissimasque, quibus significabat pergratum sibi fuisse munus illius operum, quibusque ei non tam yim doctrinae admirabilem, quam pietatem in Deum, ceterasque virtutes gratulabatur. Quod testimonium gravissimum reputari debet, quia a summae

dignitatis Principe proficiscebatur, cui notissima erat vita Morgagnii. Quo enim tempore sacris Patavinis sanctissime praesuit, ejus saepe consilio in curanda vaetudine usus est, eidemque suas semper patere voluit aedes. Ego quoque aliquando ea praedicari audiui ab eodem Summo Pontifice de Morgagnii doctrina, modestia, comitate, humanitate, in Deum hominesque caritate, in amicos fide, in suos studio ac diligentia, ut nihil gloriosius ac magnificentius praedicari potuerit; addiditque, illud non mediocre esse verae laudis argumentum, quod is nunquam timere debuit hominum invidiam. Si hominibus optime de se meritis gratum se praebuit Morgagnius, non effugit tamen vituperationem levitatis, quod nihil tam cupiebat quam de se magnifica praedicari, sua efferri, ut nec modum nec satietatem laudum habere videretur. Cum plurimum auctoritate, & gratia valeret, has libentissime ad aliorum, atque praesertim amicorum, commodum ac praesidium libentissime conferebat. Atque in beneficiis tribuendis se illa nolle foenerari ostendebat, cum tandiu meminisset, quoad ille  
gratus

gratus erat, qui acceperat : percepta vero a se immortalī retinebat memoria ; quod saepe declaravit , & maxime in homine , cujus opere periculo vitae ereptus est , quod ob lapsum in canalem quemdam , ut initio narravimus , subiit in pueritia . Hujus enim egestatem suis sumptibus sustentavit , mortem deflevit , memoriam grata recordatione prosecutus est . Multum semper vigilavit ac laboravit ; & provinciam docendi ad extremam usque senectutem ita sustinuit , ut de se praedicare potuerit illud Virgilianum :

..... *Nec tarda senectus*

*Debilitat vires animi , mutatque vigorem .*

Vixit ad aliorum utilitatem , & magnam se Deo habere gratiam dicebat , quod siverit se in ea praesertim scientia elaborare , quae hominibus plurimum prodesset , & quae ad ipsius Dei cognitionem una omnium maxime duceret . Nihil in eo fictum & simulatum unquam apparuit . Ut autem erat decoris amantissimus , aequalitatem universae vitae singularumque actionum mirabiliter servavit . Quemadmodum

in vita, sic in medicina quae essent simpli-  
cia amavit; & qui saepe ceteros venae sec-  
tione curavit, nunquam tamen hoc reme-  
dii genus sibi adhiberi passus est, credo quod  
naturaliter illud horreret. Consuevit etiam  
in quibusdam capitis morbis sanguinem ex  
occipitio mittere, cujus curationis, quae jam-  
diu fieri desierat, tanquam restitutor ab Hof-  
manno, Walterio, aliisque merito laudatur.  
Duxit uxorem Paullam Vergeriam civem  
suam, nobili genere natam, cum qua vixit  
conjunctissime, & ex qua quindecim suscepit  
liberos. Inter hos tres virilis sexus fuerunt,  
quorum uatu maximus matrimonio se se jun-  
xit cum nobili femina Maria Serughia. De-  
cessit autem an. MDCCLXVI. patri relinquens  
non solum peracerbum sui desiderium, sed  
etiam nepotum curam, quam mira alacritate  
& providentia sustinuit. Filiorum alter mor-  
tem obivit in pueritia, alter Societati Jesu  
nomen dedit. Filiarum vero quatuor occide-  
runt in cunis, reliquae se se Deo virgines  
voverunt. Fuit Morgagnius statura magna &  
venusta figura, hilari & laeto vultu, fulvis  
capillis, oculis caeruleis, & ad summam se-

*neſtutem* uſus eſt ſenſibus & valetudine opti-  
 ma . Ad hanc autem conſervandam plurimum  
 conduxiſſe putavit , quod ſimplici viſta ve-  
 ſtituque ſemper delectatus eſt , quod non fa-  
 cile tempus variavit ſumendi cibum dor-  
 miendique , quodque ſibi ab intemperie caeli  
 cavit . Haſtenus Morgagnio vivo edita a  
 nobis ſunt , ex quibus intelligi poſſe puto ,  
 fuiſſe hominem excellenti virtute & doctrina ,  
 nec mediocrem per eum factam fuiſſe acceſ-  
 ſionem Italiae gloriae . Quoniam vero Deus  
 ſuperſtites nos illi eſſe voluit , reliqua per-  
 ſequemur , quae ad ejus mortem ſpectant , in  
 qua obeunda modice illum tetigiſſe viſa ſunt  
 futurae vitae pericula . Magna eſt enim vis  
 conſcientiae in utramque partem , ut neque  
 timeant , qui a Chriſtianis officiis non de-  
 clinarunt , & poenam ante oculos verſari  
 putent , qui illa violarunt . Repente ſtoma-  
 chi doloribus oppreſſus non . Decembris an-  
 MDCCCLXXI . hora noctis v . , in poſterum diem  
 vitam cum morte commutavit . Conſuluerat  
 antea nepotibus , cum iis magnam & lucu-  
 lentam hereditatem , quae ſummam confeciſſe  
 dicitur centum & amplius millia centuſſum ,

testamento legasset. Sibi & providit, facto sepulcro in aede ad S. Maximi, in quo haec inscripsit :

**SEPULCRVM MORGAGNI ANATOMICI**

**ET SVORVM**

**ITEM GYMNASII PATAV. PROFESSORVM**

**SI QVEM VNQVAM HIC CONDI IVVERIT**

**MDCCLXX.**

Si cui videbitur de se gloriosius praedicasse, quod anatomici nomen sibi tribuerit, nec satis liberaliter in collegas se se gessisse, quod iis tantummodo locum sepulturae reliquerit, non vehementer repugnabo. At non severe judicandum est de viro, qui licet gloriam & divitias concupivit, se tamen integrum castumque semper servavit, & qui perpetua quadam usus felicitate omne longissimae aetatis suae tempus in erudiendo sui similes eorumque saluti consulendo consumpsit.



## O P E R A E D I T A

*Opera omnia Morgagnii in quinque Tomos in fol. divisa Bassani edi curavit an. 1765 Antonius Liber ejusdem Morgagnii discipulus. Nos in iis recensendis ordinem servabimus, in quem Auctor eadem maluit esse disposita.*

*Tom. I. Adversaria anatomica omnia. Horum Prima edita sunt Bononiae 1706. typis Pisauri in 4. magno, postea Lugdani Batavorum 1714. apud Wshoff in 8., & Patavii 1719. apud Cominum in 4. & Lugdani Batavorum 1723. apud Langerak in 4., & rursus apud eundem 1741. in 4. Altera & Tertia impressa fuere Patavii apud Cominum 1717 in 4. & Lugdani Batavorum apud Langerak 1723., & rursus 1741. in 4. Quarta denique, Quinta, & Sexta impressa fuere Patavii 1719. apud Cominum in 4. & Lugdani Batavorum 1723. apud Langerak, & rursus 1741. in 4.*

*Tom. II. Epistolae anatomicae XX., quarum priores duae prodierunt Lugdani Batavorum apud Joann. a Kerkhem in 4. reliquae impressae fuerunt cum Valsalvae operibus Venetiis 1740 typis Pitteri in 4. Tom. II. & deinde 1741. apud eundem in 4. minori tom. 10.*

*Tom. III. IV. De sedibus & causis morborum per anatomen indagatis Libri quinque. An 1761. in Typographia Remondiniana Bassani primum prodierunt*

an. deinde 1762. recusæ fuerunt Neapoli sumptibus Dominici Terres in 4.

Tom. V. Miscellanea opuscula tres in partes divisa. In I. Parte continentur, quæ ad rem medicam anatomicam spectant, eaque sunt.

--- Nova institutionum medicarum idea Patavii edita apud Coronam in 4. magno, & Lugduni Batavorum apud Langerak in 4. 1740, & cum Adversariis conjuncta 1741.

--- De via atque ordine in tradenda publice medicina atque anatome Epistola ad Antonium Larber Archiatrum B. Manensem.

--- Proœmia quædam anatomicarum Praelectionum.

--- De anatomicis Eustachii tabulis Epistola ad Joannem Mariam Lancisium. Editæ hæc epistola a Lanciso fuit cum iisdem Tabulis Eustachianis Romæ 1714. apud Goussogam, & Genevæ 1717 cum Theatro Anatomico Mangeti apud Cramer & Perathon; & rursus Romæ 1728. sumptibus Pagliariorum in fol.

--- De glandulis Epistola ad Petrum Antonium Michelæum. Editæ ab hoc fuit in suo de Separatione fluidorum libro: Venetiis 1721. apud Pinellos in 4.

--- De lacrymalibus ductibus eorumque obstructione Epistola ad Dominicum Anelium, qui illam edidit in libro, cui titulus: Suite de la nouvelle methode de guerir les fistules &c. Taurini 1714. apud Maisse in 4.

--- De lumbricis Epistola ad Antonium Vallisner-

nium, a quo edita fuit in suo libro, qui inscribitur :  
 Considerazioni intorno alla generazione de' vermi : Pa-  
 tavii 1711. typis Seminarii in 4. & recusa inter illius  
 opera : Venetiis 1733. apud Coletum in fol.

--- De scu intra vesicam intrusa, & de excre-  
 scentia membranæ adiposæ Epistola ad Lucam Schro-  
 ckiū : habetur in Centuria V. Ephemeridum Cas-  
 sareæ N. C. Academiæ : Norimbergæ 1717. typis  
 Heintii.

--- De calculis felleis Epistola ad eundem, eaj  
 que relata est in II. Vol. Actorum ejusdem Acade-  
 miæ. Ibid. 1710. typis Adelbulteri.

--- De venæ cavæ varicibus epistola ad Anto-  
 nium Cælestinum Cnechium, qui ei locum dedit inter  
 suas epistolas physico medicas, Romæ 1723. apud An-  
 tonium de Rubens in 4.

--- De vesicæ calculis a Fratre Jacobo Bernlieu  
 Patavii exscriptis, & de casu Corneliæ Bandiæ Episto-  
 la ad Salvatorem Mirandum.

--- In locum Viennæ medicum epistola ad Ioan-  
 nem Polemum. Exstet in Exercitationibus Virravisinis secun-  
 dis Polemi --- Patavii typis Seminarii in fol.

--- De iis, quæ Valsalva in Bononiensi Acade-  
 mia Instituti Scientiarum recitata fuerant, Epistola ad  
 Franciscum Mariam Zinsecum. Exstet in T. I.  
 Commentariorum de eodem illo Instituto, Bononiæ  
 1731. in 4.

--- Experimenta circa aquam calcis vivæ. Ha-  
 bentur in cit. volumine.

... Responsum medico-legale circa obstetricium  
judicium de mulieris virginitate. *Romae 1739. typis  
Rev. Cam. Apostol. in 4.*

.... Responsum medico-legale alterum super feminis  
emittendi impotentia.

... Responsum medico-legale tertium, an post  
septem a conceptione menses infans nasci possit vitalis  
& perfectus?

.... In A. Corn. Celsum, & Q. Serenum Samoni-  
cum epistolae X. *Harum primae quatuor Patavii  
proderunt 1721. apud Caminum in 8., & Hagae Co-  
mitum 1724. apud Alberti in 4. & rursus apud Co-  
minum cum Celsa 1722. & omnes autem tum solae,  
tum simul cum Celfo apud eundem Caminum 1750.*

*In II. Parte continentur quae ad Philologiam perti-  
nent, eaque sunt.*

.... De Prospero Alpino epistolae duae ad Hiero-  
nymum Davidem Gaubium.

.... De Philologo Ravennate, & de Angelo Bo-  
lognino Epistola ad Joannem Astruc, a quo edita fue-  
rat in Tom. II. editionis secundae suorum de morbis  
venereis librorum *Parisii 1740. in 4.*

.... De vita & scriptis Dominici Guglielmini com-  
mentariolum. *Exstat in Centuria IV. Ephemeridum  
Caesareae N. C. Academiae Norimbergae 1715. typis  
Adelbulneri, in operibus Guglielminii editis Genevae.  
apud Cramer & Perathon en. 1719. in 4. in Biblio-  
theca Scriptorum Medicorum Mengeti Genevae apud*

eisdem in fol. & in *Decade I. Vitarum Italorum doctrina excellentium*, qui *Saeculo XVIII. floruerunt*, Romae apud Komareckium 1766. in 3.

.... De vita & scriptis Antonii Mariae Valsalvae commentariolum editum cum hujus operibus Venetiis 1740. & 1741. in 4. & in memorata *Decade Vitarum Italorum* &c.

.... De genere mortis Cleopatrae Epistolae duae ad Joannem Mariam Lancisium, qui eas vulgavit in appendice ad *Mercati Metallothecam Vaticanam*, Romae 1719 typis Salvionis in fol.

.... De ordinario Frontini consulatu Epistolae duae, quarum prima est ad Joannem Polenum, qui eam vulgavit cum *Frontino de Aquaeductibus* 1722. Patavii typis Seminaril in 4. altera est ad Petrum Plavenium S. J.

.... De quadam librorum M. Varronis particula, ut legitur in veteri codice, Epistola ad Joannem Polenum. *Exist in Tom. IV. della Raccolta di opuscoli scientifici e filologici*. Venexia 1730. appresso Cristoforo Zane in 12.

.... in Vitruvii locum ad tempus, quo is scripsit attinentem, & in alterum veteris Auctoris compendii *Architecturae* epistola ad eundem Polenum.

.... Laudationes a Morgagnio habitae olim, cum *Gymnasiarchas*, aliove Doctoris insignibus exornaret.

.... In Scriptores Rei Rusticae Epistolae IV.

quarum unam dedit ad Jacobum Facciolatum, reli-  
quas ad Julium Pontederam *Editae fuerunt Lipsiae*  
*cum iisdem Scriptoribus Tom. II. 1735. Sumptibus*  
*Frischii in 4.*

*In III. parte continentur Epistolae XIV. histo-*  
*rico-criticæ, Aemilianæ dictæ, non modo quia*  
*pleraque olim scriptæ fuerant in Aemilia, sed &*  
*quia omnes ad antiquitates, & geographiam attinent*  
*partis non modicæ illius Provinciae.*

*Epistola ad Joannem Mariam Lancisium de vena*  
*sine pari. Exiit in opere cui titulus: Joannis Ma-*  
*riae Lancisii &c de motu cordis & aneurysmatibus*  
*Romæ 1745. ex Typographia Palladis apud Fratres*  
*Palcatinos in 4.*

ANGELUS FABRONIUS

JOSEPHO GENNARIO

S. P. D.

**R**ecte quidem dicitur Philosophia mater omnium benefactorum beneque dictorum, quam qui tenent, divina quadam mente & consilio praediti esse videntur. Quanta vero est oblectatio animi, quantum levamenum miseriarum in illa ediscenda! At veteres quidem philosophi in beatorum insulis fingeant, qualis natura esset vita Sapientum, quos cura omni liberatos nullum necessarium vitae cultum aut paratum requirerentes, nil aliud esse acturos putabant, nisi ut omne tempus in quaerendo atque in naturae cognitione consumerent. Sunt autem perspicua indicia naturae, ut appetat semper animus aliquid veri noscere; & cernere possumus in primis puerorum aetatulis istam naturae voluptatem, cum ii semper aliquid exquirant, & animo & corpore moveantur ad res percipiendas; quae cupiditas adolescit una cum aetatibus. Dubitare ergo non

possumus ad verum noscendum nos esse natos, cuius veri genera plura sunt, ut obsceurentur etiam minora majoribus. Maximum autem est consideratio cognitioque Dei rerumque caelestium, quid illi, quid hominibus, quid nobis ipsis debeamus, quid sit in homine praestantissimum atque optimum, quid acceperimus tanquam elementa virtutum, quomodo id, quod natura inchoavit, arte atque labore perficere possimus, sic ut omnia vivendi agendique consilia, omnis felicitas, omnis honos, omnis admiratio, omne studium ad virtutem, & ad eas actiones, quae virtuti sunt consentaneae, referatur. His, quae divina ducimus, quod a Deo sint, & per illa ad Deum propius accedamus, proxima sunt, quae ad physicam pertinent, quibus plerique nunc gloriari solent, & in quibus quaerendis explicandisque illos libentissime aetates conterere videmus, quod & gloriosum sit a natura occultatas res & latentes indagare, quodque id ad vitae commoditatem & ad ipsius naturae sapientissimum Auctorem magis magisque noscendum maxime conducat. Et sane quis est tam vecors, qui cum aut in caelum suspexerit, multitudinemque corporum caelestium & leges, quibus illa moventur, aut pulchritudi-



nem mundi, admirabilemque infinitarum rerum ordinem, vim & naturam contemplatus fuerit, Deum non esse sentiat, ab eo omnia manare debuisse, hunc moderari, hunc regere omne id, in quo vivimus, movemur & sumus, & hanc aeternam infinitamque naturam suspiciendam, admirandam, & pie sancteque colendam? Nemo sanus a physica sejungit mathematicas disciplinas, quae ei mirabilis utilitatis fructum praebere solent, quaeque ex aeterna veritate manasse videntur. Iis qui bene uti noverint, de rerum initiis omnique mundo ita loquentur, ut multa non probabilis solum argumentatione, sed etiam necessaria ratione concludant, maximamque materiam ex rebus per se investigatis ad rerum occultarum cognitionem offerent. Miror equidem Romanos, qui cum omnis praeclarae artis Graecorum non solum aemuli, sed etiam, ut Plinii verbo utar, rapacissimi essent, neque ignorarent apud hos nihil mathematicis illustrius, & in summo honore habitam semper fuisse geometriam, hujus disciplinae metiendi ratiocinandique utilitate terminasse modum, nec vidisse quanta sit illius facultas & vis in difficillimis enodandis naturalibus quaestionibus. Nequaquam in eum locum, in quo

nunc est, progressa fuisset astronomia sine geometriae ope, per quam complicatiorem notionem assequi potuit distantiarum & motuum planetarum, & vocare ad calculum vires, quibus hi motus aut cientur, aut retardantur. Neque minorem utilitatem afferunt mathematicae disciplinae terrestrium corporum scientiae. Quanquam haec in primis exigit, ut, omissis incertis & fallacibus hypothesibus, iudicium electioque fiat plurium phenomenonorum, ut haec inter se comparentur, & ad unum veluti caput, ex quo alia pendeant, redigantur, ea tamen est potestas matheseos, ut ex unica observatione aut experientia multa saepe vera inferre possit. Tali modo extitere dioptrica, catoptrica, hydrodinamica, motus & pendulorum scientia, aliaeque plures, de quibus minime nunc necesse est dicere. Quantum voluptatis sit in his studiis, quae ad veritatem ita ducunt, ut nihil iis sit evidenti, ex uno Archimede noscere possumus, qui dum in pulvere quaedam describebat attentius, ne patriam quidem captam esse sensit. Ad eam partem philosophiae, quae bene vivendi praecepta continet, referri solent ea, quae non solum ad vitae privatae rationem, sed etiam ad rerum publicarum rationem pertinent;

& laudare eos solemus, qui omnium fere civitatum mores, instituta, disciplinas perpendunt, qui docent, quae sint optimae leges, qui optimus reipublicae status, qualem in republica Principem esse conveniat, quae sint in ea inclinationes rerum & momenta temporum, quomodo iis sit moderandum, & per quae hominum felicitas aut comparetur aut conservetur. Qui litibus & iurgiis sustentantur, & non ex aequo & bono, sed ex callido versutoque jure judicant, & rationes omnes contemnentes auctoritate pugnant, philosophi nomen haud merentur; nec introduci verae juris prudentia ullo modo poterit, nisi omnia, quae statuet ad summam illam veritatem summamque legem, id est Deum, exigantur. Saepe mecum quaesivi num ii, qui nunquam intermittunt studia antiquitatis, nec ullum fugiunt laborem, ut investigent & explicent qui fuerint priscorum mores, sacra, ritus, caeremoniae, leges atque artes, egeant philosophia; & ex multis, quae nostra hac praesertim aetate hujus generis prodierunt, praeclearissimis operibus facile est intelligere, inane ac leve hoc fore studium, nisi sibi quaerat praesidia atque adjumenta ab illa omnium laudandarum artium procreatrice & quasi parente. Ex cogni-

sione & scientia rerum utilissimarum ortae sunt artes, quae docent inventa non solum ordine, sed etiam momento quodam atque judicio disponere atque dispensare, claris & electis verbis illustrare & distinguere orationem, quibus artibus nihil est sane praestabilius, nihil quod latius pateat, nihil quod magis alliciat homines ad discendum. Ex his rebus universis philosophia constat, & si in singulis elaborare permagnum est, quanto majus erit universas tenere, ut idem sit & doctrinis multis excultus & eruditus, & ad persuadendum concinnus, perfectus, politus? Multos sane habuit Italia hujus generis homines, qui effecerunt, ut ejus gloria, quae perversitate & malitia nocentum exaruerat, reviresceret. Postquam Galileus, quem philosophorum principem libenter dixerim, istud vestrum Patavinum Gymnasium voce sua illustrius fecit, invitavitque homines ad sumendas ex scriptis suis tum omnem doctrinam liberalem, tum omnem elegantem orationem, plures excellentes physici, mathematici, musici, medici exitere, qui, tanquam ex praeclara omnium artium officina, ex hac ipsa Academia prodierunt. Nunc etiam usuvenit (nam acrius & attentius de claris viris locorum admonitu cogitare

sare solemus) ut multi moveantur illa exedra, in qua summus homo sedit, ad imitanda ejusdem facta, atque iter conficiendum, quod ipse tanta cum nominis sui gloria patefecit. Discussa est caligo, diluxit, patet, videmus omnia; & barbara Scholasticorum philosophia nunc latere cogitur in tenebris alicujus coenobii. Ex iis, qui Galilei exemplum secuti frugiferam & fructuosam philosophiam amplexi sunt, nec ullam ejus partem incultam esse sivere, maxima sane laus Joanni Polenio tribuitur, cujus vitam declaraturus haec praefanda putavi, non ut te erudirem, qui omnium es eruditissimus, & qui de Polenio ipso, in cujus nomine acquiescis, non pauca Parisinorum Academicorum rogatu scripsisti, sed ut Jub uno aspectu ponerem & multa & varia, in quibus cum illi excellere coniugisset, in ejus mente philosophia ipsa inesse videbatur. Vale.

Pisis XII. Kal. Apriles MDCCLXXXV.

## JOANNES POLENIUS

**J**oannes Polenius natus est Venetiis x. kal. Septembres an. MDCLXXXIII. patre Jacobo, matre Elisabetha Brojuolia, Venetis civibus. Leopoldus Caesar, cum praemio vellet afficere virtutem Jacobi, hujusque patrui Poleniorum, qui contra Turcas in Hungaria strenue militarunt, Marchionis & Comitibus titulis honestissima familia condecorata\*, se auxisse, non dedisse generis ornamenta declaravit. Haec & majorum exempla Joanni fuerunt quidam stimuli industriae atque laboris, qui postquam litterarum elementis domi imbutus fuit, ad Somascos venit, qui

\* Diploma Caesareum datum est III. non. Junias an. 1685. confirmatum vero a Senatu Veneto IV. kal. Sextiles an. 1686. Commemoratur in eo quanta cum virtute Josephus Polenius se gesserit, quando Vindobona dira obsidione a Turcis premebatur. Priusquam Jacobus in Italiam rediret, multorum vidit mores & urbes, singularibusque honoribus a Ludovico XIV. Galliarum Rege affectus fuit.

Collegium, ut vocant, Salutis regebant, a quibus non in studiis solum humanitatis, sed etiam philosophiae & theologiae diligenter exercitus est. Hunc ita institutum, eaque docilitate ingenii, ut ad omnes res aptus videretur, pater foro destinaverat, ut quam plurimum lucri faceret; sed Joannes, vix a limine salutata juris prudentia, suae magis quam alienae voluntati paruit, totumque se mathematicis disciplinis dedit. Tum quidem sibi ipsi placere coepit, cum videret in his studiis se non solum excurrere, sed etiam evolare, quanquam illum pater, qui de recentissimorum mathematicorum praeclaris inventis aliquid audierat, assidue moneret, ut animo rei magnitudinem complecteretur, neque iis aut praeceptis, aut magistris, aut exercitationibus, quibus tum fere omnes utebantur, sed aliis quibusdam se id, quod expetebat, consequi posse confideret. Elaboravit etiam in architectura civili & militari addiscenda, seque in graphice aliisque in artibus libero homine dignis exercuit. Erat & propensissimus ad physica; & cum illi in manibus esse solerent opera Jesuitae Chalesii,

brevi intellexit, sibi aliud iter instituendum, ut ad veritatem propius ac tutius accederet. Coepit ergo omnia revocare ad experientiam, ejusque domus schola quaedam experimentalis, ut appellant, physicae facta esse videbatur. His vero experimentis de rebus naturalibus cum saepe interesset Jo. Baptista Morgagnius, orta inter eos est amicitia jucundissima, quae postea maxime illustris fuit, quaeque per omnes aetatis gradus usque ad summam senectutem permanfit. Erat enim virtute & studiorum similitudine, firmissimis animorum vinculis, juncta atque constituta. Interea a patre ad ducendam uxorem nobilem & lectissimam puellam Ursulam Robertiam Bassanensem sollicitatur, quod quam detrimentum allaturum intelligeret studiis suis, quae incredibili ardore colebat, ne tamen aut durus, aut inhumanus videretur, cessit ejusdem voluntati. Id accidit exennate anno MDCCVIII. paucis mensibus antequam ad astronomiam & meteora explicanda in Academia Patavina vocaretur. Ut gravissimum, quod de ejus doctrina judicium fecerant Veneti Senatores, comprobaret, in lucem



hominum emisit opus, quod *Miscellanea* inscripsit, propterea quia minime in una re versabatur. Agit in principio de barometris & thermometris a se machinae pneumaticae ope confectis; neque rationem solum eorundem conficiendorum docet, sed etiam illa omnia persequitur, quae de his instrumentis ceteri physici ac praesertim Joannes Bernoullius & Amontonsius tradiderant. Cum observasset scintillam emicare in barometro, si aeris bulla quaedam forte in illud penetraret, hujus phaenomeni causam assequi se posse putavit. Fugit illum fortasse decennio fere ante Bernoullium & Leibnitium multa inter se de luminoso barometro communicasse\*; neque vero mirum videri debet quidquid ii omnes ad phaenomenum explicandum attulerunt abesse a vero, quod iis temporibus electricitatis vis & effectus plane ignorarentur. Post id machinam arithmetica a se excogitatam descripsit. Neminem latet quantum numerorum ars non modo ad mathematicas & physicas disciplinas, verum etiam ad vitae

\* Vide illorum *Commercium epistolicum*.

utilitatem conducat. Sed quanti interdum laboris est subducere calculos implicatos & longos, & quam facile ex animi lassitudine in errorem inducimur! Ad hæc declinanda incommoda Blaius Pascalius omnium primus vehementissima contentione ingenii machinam invenit, quae sola oculorum & manuum ope facile atque tuto omnia posset vocare ad calculum, eaque adeo placuit Leibnitio, ut de illa perficienda expeditiorique habenda statim cogitaverit. Ut relatum de illorum inventis ad Polenium fuit, tentare voluit quid ipse quoque posset, & cum superiorum se aequasse gloriam existimasset, opusculum de machina arithmetica edidit; postea hanc ipsam confregit, cum audiisset Brawinii magni nominis mechanici feliciores hac in re fuisse conatus. Claudit Miscellaneorum librum dissertatio de sectionibus conicis parallelorum in horologiis solaribus, quae docet quomodo in planis horologiorum species, vertex, axis, & periameter sectionum conicarum determinetur, quae itineribus Solis definiendis inserviunt. Sed ut majorum vigiliarum opus extaret, quod magis magisque suam in astronomicis

rebus doctrinam declararet, dialogum de vortibus caelestibus an. MDCCXII. typis commisit, quem exorditur ab expositione earum rerum, quas feliciter Galileus, Keplerus, Cartesius & Newtonus invenerant: nam ante horum aetatem physicae caelestis vestigia ac prope incunabula vix reperiuntur. Non horum modo, sed & ceterorum illustriorum astronomorum inventa de illo duce & principe & moderatore luminum reliquorum Sole, de cursibus Jovis, Veneris, Mercurii, Martis, & praesertim Saturni, de secundariis planetis, qui illorum quosdam sequuntur ut comites, de stellis fixis, de cometis, de luna, quomodo omnes ferantur in Solem, & ab eo repellantur, qua ratione tanti motus incitentur, quaque via peragantur, & quomodo motu aetheris, qui primarios planetas ambit, motus minorum ciantur, ita explicat Polenius, ut Cartesii sectatorem facile agnoscas. Sed in suis exponendis sententiis aiebat, se dum inquirebat quid in quaque re verum sincerumque sibi videretur, nolle cogere aliorum judicia, sed invitare omnes, multorum inter se collatis opinionibus, ad

verosimiliores amplectendas. In extremo libri affert seriem infinitam numerorum, ut ajunt, irrationabilium, qui differentiam exprimunt omnium polygonorum regularium circulo inscriptorum: hac ratione illorum aream, ut ita dicam, exhaurit per methodum e quadratura lunularum Hippocratis ductam. Aliqua postea huic dialogo Polenium addidisse, deque illo iterum imprimendo cogitasse scimus, quod si non perfecit, postquam mira Newtoni inventa tot confirmata observationibus de Cartesianis hypothesebus omnino triumpharunt, faciles nos habebit ad ignoscendum. Neque majoris momenti, ut arbitror, illa sunt habenda, quae differuit de acceleratione & retardatione, quam gravia corpora, dum descendunt, patiuntur, si annuus terrae ponatur motus: nam licet haec ingenii acumen declarent, quod nihil tamen addidisse physicae videntur, multis haud exponenda putamus. Acuebant illum ad argumenta physica pertractanda non tam studium in praeclarissimam scientiam, quam discipulorum voces, quod an. MDCCXV. ab astronomiae & meteororum cathedra ad nobiliorem philosophiae tra-

ductus fuerat. Venetus enim Senatus in eam benignitatis consuetudinem venerat, ut qui munus suum praeclare geſiſſent, novis honoris gradibus, novisque ſtipendiis afficerentur. Nemo ſane iis temporibus majori cum opinione doctrinae phyſica docuit, quam Polenius, qui, ut probaret omniſus quam arcte inter ſe phyſicae & mathematicae res conjunctae eſſent, in ipſo ingreſſu muneris Latinam orationem dixit, ediditque de phyſices in rebus mathematicis utilitate. In eo praefertim verſatur oratio, ut exemplis magis, quam argumentis probet mathesin, ut loquuntur, puram a phyſica ſic adjuvari, ut per eam maxime illuſtrior, amplior, utilior evadat; illam vero, quam dicimus mixtam, ab ea ſic pendere, ut ſine phyſica nulla ſit, quod dum conficit Polenius, ſe litterate peritum oſtendit omnium illarum rerum, quae tantam gloriam recentioribus mathematicis atque phyſicis peperere. Videre jam licet hominem, qui hos aemulari cupiebat, conſtantia in quaerendo, ſagacitate in obſervando, induſtria in experiendo, perſpicacia in comparando, ut proprietates operum vel ſolius naturae, vel etiam

naturae ab arte adiutae omnino assequeretur .  
Qui labor vitaeque ratio cum late dimanasset ad aestimationem hominum commendatione ac judicio maxime Jacobi Hermanni , & qui huic in munere docendi Patavii mathematicas disciplinas successit , Nicolai Bernoullii , omnia summa a Polenio Triumviri Academiae Patavinae sibi polliceri videbantur .  
Ad haec studia non mediocri illi erat adiumento quotidiana consuetudo & familiaritas eorundem summorum virorum ( majorem etiam conjunctionem fecit cum Bernoullio victus communis ) neque eorundem gloriae ipsum invidisse ex eo conjici potest , quod nihil non egerit de iisdem Patavii retinendis .  
Sed nemo ignorat quam vehemens sit in Helvetiis patriae amor , ut ab ea divelli diutius minime patiantur . Discessu itaque Bernoullii Polenius ad mathematicas disciplinas tradendas vocatus est stipendio florenorum aureorum DC. additis insuper argenteis Venetis C. ad formas cudendas , quibus in geometria explicanda uteretur . Tum alteram orationem edidit de mathesis in rebus physicis utilitate , quae licet suppeditaret majorem argumento-

rum fegetem atque materiem, rerum tamen copia superiori concedit, nisi dicere velimus multa, quae ad hanc pertinebant, in priori jam Polenium praeoccupavisse. Utraque magis sententiis gravibus & severis, quam concinnis & venustis commendatur. Quanquam ipse defunctus jam esset astronomi munere, non elanguit tamen in eo studium caelestia contemplandi, quod & firmum & stabile ad vitae usque finem, tanquam pabulum jucundissimum animi atque ingenii, in eodem permansit. Si observationes quasdam eclipsium tum solis, tum lunae transitusque Mercurii super Solem \* excipias, nihil his de rebus edidit; multa tamen seposuerat tum per se, tum per alios (nam commercium ei erat literarum cum celebrioribus astronomis) observata, quae in vulgus emittere meditabatur. Res enim spectabant in astronomia gravissimas, videlicet ut certius statueretur per eclipses satellitum Jovis tempus, quo lux a sole

\* Hae legi possunt in libro, cui titulum fecit: *Fasciculus mathematicus, epistolarum*, editoque Patavii an. 1719.

ad nos usque dimanat, utque cometarum omnium itinera atque cursus per ellipticum orbem, & quas ab attrahentibus corporibus pati poterant, morae definirentur. Exemplum sumebat ab omnium celeberrimo cometa, qui apparuit anno MDCLXXXII., cujus cursus LXV. circiter annorum spatio peragitur, quique idcirco apparuisse videbatur, ut multorum astronomorum gloriae inserviret. Non mediocriter quoque elaboravit in definiendis latitudinibus & longitudinibus plurium Italicarum urbium \*, ut ex multis, quas hac de re reliquit scriptis, cognosci possit de perficienda charta topographica universae Italiae illum cogitasse. Mos erat Polenio, dum observationes caelestes habebat, mentem alere in exquirendis causis quorundam phaenome-

\* Extat in vol. IV. *delle Osservazioni Letterarie*, quae Veronae a Maffeo edebantur, Dissertatio Polenii de longitudine & latitudine Patavii. Cum Claricius chartam topographicam Patavinae Dioecesis jussu Georgii Cornelii Cardinalis, qui illam gubernabat, conficiendam suscepisset, plurima a Polenio obtinuit, quae ad hanc rem maxime conducebant.



norum, disputavitque aliquando amice cum Philippo a Turre Episcopo Adrienſi, cur in eclipsis Solis obſcuratio minor appareat, quam revera, ſi partium obſectarum amplitudo ſpectetur, eſſe deberet. Tribuit id radiis lucis, qui in oculum ea ratione agunt, qua in ipſo recipiuntur. Statuit enim fibrillarum tenſiones non omnino quantitati ſolarium radiorum reſpondere, ſed aliis etiam ex cauſis eſſe. Hinc autem conſequitur, ut ſi anima tantummodo ex illis tenſionibus de radiorum quantitate ac lucis copia iudicium ferat, iudicium illud errore involvatur. Ita ſi quamplurimi extinguantur radii, ſed eadem in oculo tenſio ſit, eventurum dicit, ut fere eadem radiorum quantitas appareat. Cum id minus probaret Philippus, occaſionem inde ſumpſit ſcribendi opusculum doctum ſane atque eruditum, eique reſpondens Polenius videtur ſibi irasce, quod per ſe non excogitaverit huius rei cauſam rejiciendam in illam oculorum proprietatem, qua in copioſiori luce illorum pupilla contrahitur, in minori diducitur. Hac ipſa de re ſcripſit poſtea copioſius ad

Meranium \*, fuitque doctiorum sententia  
fibras oculi non parum in eam rem conferre,  
nec mediocre fuisse modestiae Polenii argu-  
mentum, quod alienae tantum tribuerit sen-  
tentiae, ut suam plane deferuisse appareret.  
Quanquam in physicis & mathematicis disci-  
plinis excolendis trahi & duci in primis vi-  
deretur Polenius ad cognitionis & scientiae  
cupiditatem, nunquam tamen animo depone-  
bat univerforum hominum utilitatem, quam  
nobis in omni actione proponendam in pri-  
mis esse dicebat. Cui officio sic satisfecit, ut  
nemo sit, quin illum optime de Provincia,  
de Imperio Veneto, de civibus, deque uni-  
versa Italia meritum esse arbitretur. Vel ma-  
xime id praestitit aquarum scientiam profiten-  
do, quae tota nostra est, sive inventionem,  
sive perfectionem, sive necessitatem, quae illi  
causam dedit, spectemus. Principio opus

\* Epistola data est an. 1753. & in ea praeter  
experimenta, quae spectant ad majorem vel minorem  
pupillae dilatationem, continentur multa, quae so-  
lidorum corporum resistantiam illustrent. Magnum  
enim illi erat cum summo viro rerum mathematicarum  
atque physicarum commercium.

vulgavit *de motu aquae mixto*, ac paullo post aliud *de Castellis*, quorum in utroque tantam prae se tulit diligentiam & sagacitatem in experiendo, ac iudicium in experimentis explicandis, ut nihil ad famam colligendam magis fuerit idoneum. Qui de motu aquarum fluentium ante illum scripserunt, motus tantummodo simplicis rationem habuerant. Ut hydrometriadem igitur proveheret, Polenius examinandum suscepit motum aquae mixtum, quem sic appellat, quod ex motu aquae vivae & mortuae efficiatur. Dicitur autem mortua si quiescit, viva si ob pressionem superincumbentis moveatur, nec quicquam motui ipsius resistat, ejusque motus simplicis nomine donatur. Cum vero aqua viva fluat super mortua, eamque premens efficiat, ut & ipsa moveatur, tum motus, quem diximus mixtum, habetur. Quomodo hic per curvam aliquam lineam, non secus ac motus simplex per parabolam a Scriptoribus repraesentatur, exhiberi possit, ut nempe quantitates aquae fluentis motu simplici cum quantitibus fluentis mixto conferantur, pluribus Auctor inquit, & quamvis res multis ob-

noxia esset difficultatibus, plurimis tamen calculis tentatis, multisque habitis experimentis hoc statuere se posse theorema putavit. *Quantitas aquae per perpendicularem mixti motus affluentis est id, quod procreatur ex tempore multiplicato per radicem altitudinis vivae ductae in parametrum mixti motus multiplicatam per duas tertias partes vivae altitudinis plus mortua altitudine.* Magno ubique candore totam meditationum suarum seriem exponit Polenius, & cum candore modestiam, quod summorum semper hominum proprium fuit, conjungit. His positis, exemplo aestuariae Venetorum doctrinam motus aquarum mixti illustrat, & dum judicat de variis hominum operibus, quae ad aquas maris, fluviorum & canalium moderandas pertinent; exponitque quae afferri emolumenta, & quae caveri aut averti detrimenta possunt, effecit, ut nihil utilius esse videretur hoc libro Curatoribus aquarum, quae in aestuaria se se exonerant. Optasset ut flumina omnia ab his averterentur, cujus rei exequendae dum rationem explicat, Castellium aliosque erroris convincit, qui sibi persuaserant a vi fluminum in aestuaria

fluaria influentium maximum obtineri aquarum momentum. Quoniam ingressus jam erat aquarum fluentium doctrinam tradere, ad hanc plurimum conducere putavit notitiam, quae sit natura motus aquae, quae fluat aut per castellum, cujus latera convergant, aut per cavalem, cujus orificium alterum amplius, angustius alterum sit, quibus in motibus declarandis, quod nemo antea elaboravit, merito censuit se posse adeo de aquarum fluentium scientia mereri, ut inter inventores aliquando esset numerandus. Profecto ipse multa non solum nova, sed etiam mira experiendo detexit, e quibus illa praesertim celebrantur, quæ docemur a parietibus capalium sive multum sive parum convergentibus quantitates fluentium aquarum paululum semper immutari; aquam effluentem ex nudo foramine plus contrahi, quam ex tubo exeuntem, quodque mirum magis est per nudum foramen multo minus aquae transire, quam transeat tempore eodem per tubum, cujus diameter aequalis sit foraminis diametro; eandem tamen, & quod ad tubum & quod ad foramen attinet, inter velocitates &

altitudines aquae in vase rationem fervari; ex quibus fundamenta poni posse videntur ad aestimandam aquam per castella transeuntem, quod Auctori propositum in primis erat. Ad extremum cum in eorundem castellorum latera fluens aqua impingat, inquiruntur tum momenta impulsuum, quae varia sunt, tum vires, quibus pollent particulae aquae fluentis, quo loco temperare sibi Auctor non potuit, quominus de celebri quaestione de viribus motorum corporum a viris doctissimis plus nimio agitata pluribus differeret, quam certo atque claro experimento tandem a se prorsus diremptam fuisse putabat \*. Addit insuper aliqua de corporum motu & percussione, aliaque spectantia ad causam, cur vires, de quibus agebatur, tales essent, quales esse comperiuntur. Cum primum Newto-

\* Quae Polenio videbantur non posse convelli, confutata fuerant a Cribellio, Crofa seu Crusatio, Pembertonio & Dasagulierio, quorum scripta extant in Transactionibus Anglicanis. Virium vivarum defensor accerrimus calamus sumpsit, quo prolata a se experimenta propugnaret, ejusque scriptum extat in *Fasciculo epist. mathematicarum Epist. VI.*

nus animadvertit aquam prodeuntem ex foraminibus vasorum contrahi, pronuntiavit in supputandis aquae tali modo prorumpentis velocitatibus non diametri foraminis, verum diametri venae, ut dicitur, contractae habendam esse rationem, & aquae velocitates velocitatibus corporum solidorum prorsus respondere. Multa instituit experimenta Polenius, ut id confirmaret; neque contentus iis, quae in libro *de Castellis* exposuerat, alia retulit in epistolam quamdam ad Jacobum Marinonium, quanquam fateretur ipsam velocitatem aquae minorem a se deprehensam fuisse, ut recedere videatur a sententia, quam antea proposuerat. In eadem epistola quaestionem ponit, an aquae filamenta, quae jactum efficiunt, semper aequaliter densa sint; etenim quoties etiam venae contractio sensu minime percipitur, ut accidit, quando per tubos extrahitur aqua, modo plus, modo minus aquae colligi animadvertit juxta diversam longitudinem tubi, qui semper ejusdem erat diametri, cum aquae altitudo in vase constans esset; quin immo velocitas etiam jactuum manifesto erat aequalis, quod ii omnes eam-

dem parabolam describere videbantur. Haec & cetera hujusmodi a Polemio pertractata latius patent, quam hic exponitur, & longi temporis, & magnae atque arduae cognitionis opus fuisse judicabis. Quapropter qui de aquis fluentibus tractant, magnam his scriptis tribuere solent auctoritatem; & Eutachius Manfredius, qui sane mihi unus instar est omnium, ex iis plura deprompsit, quibus tradita a Dominico Guglielminio de fluminum natura aut emendaret aut illustraret. Cum multas alias res in hydrostatica nequaquam satis explicatas & perdifficiles esse intelligeret Polemius, quae ad agnitionem animi pulcherrimae, & reipublicae aut utiles aut necessariae esse videbantur, hortabatur se ipsum, sane non socordem, ad veri investigandi cupiditatem, ut editis jam libris alios veluti comites daret. Sed ipsa fama, quae de superioribus percubuerat, effecit, ut illi tempus deesset absolvendi ea, quae multa commutatione ac meditatione indigebant; nam quotidie fere occupabatur aut in itineribus faciendis, aut in epistolis scribendis, aut in consiliis dandis, quae ab illo multi, & Ve-



metus praesertim Senatus, requirebant ad flumina aut avertenda aut dirigenda. Neque alienum unquam putavit homini de hydrostatica scribenti hujus incunabula requirere, quapropter multa seposuit, quae declarabant, quae fuerit hac in re veterum Romanorum aut industria, aut doctrina, non solum eorum scriptis, sed etiam publicis operibus ad artis praecepta revocatis. Quanti haec facienda sint satis indicat *Commentarius Sext. Julii Frontini de aquae ductibus urbis Romae* tanta eruditionis doctrinaeque copia a Polenio illustratus vulgatusque an. MDCCXXII. ut opus hoc omni ex parte perfectum judicatum fuerit. Multi, & Rupertus Keuchenius praesertim, hac in re illum antecesserant, sed postquam Polenii opus prodiit in lucem, vix ceterorum Frontini illustratorum recordamur. Utque magis magisque de Scriptore, in quo mirabilis sane, si tempora, quibus vixit, species, erat scientia aquarum, bene mereretur, non multos post annos Joannis Buteonis libellum de aquae fluentis mensura edidit, commentariisque auxit, quo multa Frontini inventa optimo in lumine collocantur. Mira-

beris praesertim haud ignorasse Frontinum multa esse, ex quibus aut augentur aut minuuntur velocitates & mensurae aquarum, quamvis artem hujus rei noscendae definiendaeque certo ac generali theoremate minime docuit, quod geometriae ope a Benedicto Castellio abunde praestitum hydrostaticae scientiae fundatoris illi gloriam peperit. Post hæc Polenius excussit explicavitque intelligentiam suam, ut M. Vitruvii Pollionis de architectura libros corrigeret atque illustraret, quod quidem majorum vigiliarum munus videri poterat, quam ut ab homine in aliis gravissimisque rebus occupato praestaretur. Sed quo difficilius, hoc praeclarius. Prodiit itaque Patavii an. MDCCXXXIX. liber cum hoc titulo: *Exercitationes Vitruvianae primae*, qui fere totus componitur ex notitia eorum virorum, qui in Vitruvio emendando, explicando atque edendo laborarunt, earumque rerum, quas ipsi gesserunt, ut judicari posset, interesset ne operam ponere in adornanda nova librorum Vitruvii editione. Quod ei erat persuasum omnem animadversionem acerbitate, objurgatione, contumelia vacare debere,

lenissimis verbis utitur, dum aliorum corrigit errores; & siqua feliciter ab hominibus callidis & peritis notata fuerunt, haec in rem suam minime seposuit, sed magnificis verbis extulit, atque omnibus patefecit. Liber hic veluti aditus & vestibulum magnifici aedificii esse debebat, ad quod absolvendum magnam; dum vixit, congeffit materiem Polenius. Edidit ille quidem *Secundas & Tertias Exercitationes Vitruvianas*, quibus hominum de se expectationi, sed non plane architecturae studioforum desiderio satisfecit. Nam quamvis eruditis commentariis tum Vitruvii vitam a Bernardino Baldo Urbinate descriptam, tum Anonymi cujusdam, quem Petrum Diaconum fuisse suspicatur, de architectura epitomen, aliaque aliorum opuscula ad Vitruvium spectantia adornavit, nimium tamen impatienter ii exigere videbantur a Polenio, ut Auctoris textum a se codicum ope emendatum explicatumque in lucem hominum emitteret. Is non promptus ingenio tantum, sed usu quoque exercitatus se promissa servaturum aiebat, coactusque aut rei difficultate, aut rerum publicarum cura rem in aliud tempus

differre, haesit in scribendo, quanquam, ut diximus, nunquam cessavit segetem atque materiem gloriosi operis colligere. Multa, quae hac de re ipse reliquit, in manus hominis pervenerunt eleganti doctrina abundantis, quae melior ne voto quidem fingi potuit ad inchoata perficienda, sarciendumque detrimentum, quod Polenii interitu Vitruvii studiosi fecerunt \*. Qui existimabant virum mathematicum non plus attigisse eruditionis, quam quantum prima illa puerili institutione potuisset, ex his aliisque ejusdem scriptis facile coniecere, non mediocrem ipsum Latine scri-

\* Is quidem an. 1773. declaravit quid esset acturus, hoc edito novae Vitruvii editionis, quam meditabatur, titulo. *M. Vitruvii Pollionis Architectura textu ex collatione Codicum MSS. emendato cum commentariis integris Guiljelmi Philandri, excerptis Danielis Barbari, Claudii Salmasii, Joannis de Laet, Claudii Perraultii, Bernardi Marchionis Galiani, aliorumque possumis, neque ante hac editis Julii Pontederæ & Joannis Marchionis Poleni, ac ejusdem exercitationibus Simonis Stretici in Patavino Gymnasio matheosæ & nauticæ theoriæ P. P. Academiae Scientiarum Londinensis & Senensis Socii MDCCLXXIII.*

bendi artificio operam dedisse, neque hominem de schola esse atque a magistro eruditum, sed interioribus quibusdam litteris praeditum, ut hac solum laude nomen suum ab oblivione posteritatis atque a silentio potuisset vindicare. Ille vero dum in studiis, quae ad eruditionem pertinent, versabatur, nunquam visus est sibi magis placuisse, quam cum obsecutus est Academicis Cortonensibus collegis suis, Dissertationem de Dianae Ephesiae templo illis concedens \*. Diligentissime & sagacissime inquit in ea, quae memoriae sunt prodita de omnium celeberrimo aedificio, de ejus conflagratione, instauratione, ornamentis, divitiis, de sacerdotibus, deque sacrificiis, quae ab iis fiebant, de jure reorum, qui in illud asylum confugissent, deque ceteris hujusmodi privilegiis, quae Dianium Ephesinum maxime nobilitabant. Eodem ferme tempore epistolam exaravit rogatu Aloysii

\* Alteram iis destinaverat dissertationem *sulla pianta d'un antico edificio scoperto in Pozzuoli*, quam ad Gorium misit; sed haec minime in vulgus est edita, quanquam diligentissime elaborata fuerit.

Salii Vicetini de veteribus theatris atque amphitheatris, quod facile fuit homini in Vitruvii lectione exercitatissimo. Hujusmodi multa saepe ab eo requirebantur, quod studia antiquitatis maxime tum excolerentur, non modo stimulos admovente, sed & ignes adhibente Scipione Maffejo. Ad hoc scriptorum genus pertinent & illa (nam de editis tantummodo nobis propositum est dicere) quae, postulante Angelo Maria Bandinio, exaravit de obelisco quodam, qui ex Aegypto Romam advectus, Caesare Augusto imperante, diu jacuit in Campo Martio, quem ornaverat, sepultus erutusque a terra fuerat an. MDCCXLVII. Res erat hujusmodi, ut antiquarii & astronomi operam requireret (nam lapis ille solis umbras, dierum noctiumque magnitudines indicabat) neque fortasse tum erat alius, qui aequae ac Polenius utrumque munus posset explere. Enim vero mirari satis non queo hominem mathematicum, cui fordescere solent omnia, in quibus insignitae notae veritatis minime appareant, adeo laborasse in studiis antiquitatis, quae plerumque in obscurissima luce versantur, ut his maxime capi

ac deliniri videretur. Neque contentus illa suis illustrasse scriptis, alienorum quoque diligens collector esse voluit, & ex iis quinque magna confecit volumina, quae an. MDCCXXXVII. vulgavit cum hac inscriptione: *Utriusque The-  
sauri Antiquitatum Romanorum Graecorumque no-  
va supplementa congesta ab Jo. Poleno.* Messe  
jam facta a Jo. Georgio Graevio, Jacobo  
Gronovio, & Alberto Henrico Sallangrio,  
spicilegium superesse ajebat; & quae ipse  
collegit pertinebant maxime ad civilem Ro-  
manorum Reipublicae administrationem, ad  
eorum numina, ad servos horumque officia,  
ad amphitheatra, circos & theatra, ad Sa-  
lios Sacerdotes, Saliarumque coenas, ad rem  
navalem atque vehicularem. Multa narrat  
in praefationibus, quae vitam declarant eo-  
rum, a quibus ad id opus scripta mutua-  
tus est; atque de iis non solum prudenter,  
sed etiam modeste, suo more, judicat. Accen-  
debatur magis magisque ad haec studia Po-  
lenius ab homine, quocum non solum socie-  
tate atque amicitia, sed etiam cognatione  
(nam ei filiam in matrimonium dederat)  
conjunctus erat, Julio Pontedera; neque du-

bito quin ei multa suppeditaverit, quibus usus est ad famam hac ipsa in arte colligendam. Prorsus tanta erat in Polenio facilitas morum, tam ardens desiderium alienae obsequendi voluntati, ut id quod ab ipso petebant amici, exigere magis, quam rogare viderentur. Quare minime est mirandum, si vel morosioribus satisfaceret, nesciretque irasci aut intempestive accedentibus, aut impudenter rogantibus: juvare enim homines ad beatam vitam maxime conducere putabat. Ut utilitas sua communis utilitas esset, non solum aditum omnibus patere volebat in bibliothecam suam, quae sane multorum erat numerorum, quaeque nunc ornat Benedictinorum coenobium ad S. Justinae, sed libros vel rarissimos tam libenter commodabat, quam parabat. Si igitur operae, si vigiliae Polenii deserviebant amicis, & praesto erant omnibus, si cum hydrostaticum aliquid suscipiebat, non secus ac Frontinus suus gloriari poterat *se vel a naturali sollicitudine, vel a file sedula non ad diligentiam modo, verum ad amorem quoque commissae rei instigari* \*, non solum excusatione,

\* Front. in praef. ad librum de Aquaeductibus &c.



verum etiam laude dignum illum judicabimus, quod inchoata multa aut physica, aut mathematica, quae longos & otiosos dies requirebant, minime absolverit. Interdum tamen laborabat, ut ante collectam in his studiis famam conservaret, moremque gereret Academicis aut Londinensibus, aut Berolinensibus, aut Petropolitanis \*, quorum in collegia cooptatus fuerat, aliquid ab eo semper requirentibus, quod ad exornanda illorum *Acta* valeret. Habebat & litterarum commercium cum Parisiensibus, quibus praesertim gratificari optabat. Ut diligentissime poterat, colligebat observationes, quae ad meteora pertinebant \*\*, & nunquam defuit Meranio

\* Cum ad Eulerum mathematicorum saepe principem misisset, quae de organica descriptione Tractoriae & Logarithmicae ingeniosissime sane excogitaverat, invitatus ab eo fuit, ut magis magisque instrumentum suum perficeret. Tanti viri hortatu operi manum admovit, sed quod inchoaverat minime absolvit. Reliquit tamen instrumentum ad describendas Tractorias, quarum bases essent curvilineae, aptissimum.

\*\* Vel ab adolescentia instiguerat hujusmodi ob-

multa ab eo de auroris borealibus, de quibus opus scribendum susceperat, quaerenti \*. Misit etiam ad Academiam an. MDCCXXXIII. scriptum quoddam de terrae figura, qua de re ita disputabant philosophi, ut nulla iis temporibus celebrior quaestio esse videretur. Conatur praesertim ostendere illa, quae de telluris figura eo usque tradita fuerant, non esse satis certa & explorata. Cumque Cassinius figuram telluris ex inaequalitate graduum in meridiano elicere voluerit, contrariam prorsus ei, quam Hugenius & Newtonus ex vi centrifuga a motu vertiginis ipsius terrae pendente intrulerant, arbitratur Polenius posse hanc dirimi controversiam, si graduum differentiae in circulis parallelis investigentur, ut pote quae multo majores esse debent, si ter-

servationes, & in iis habendis nunquam cessasse videtur. Communicabat eas praesertim cum Jacobo Turino Anglo medicinae Doctore, qui an. 1724. scriptum ediderat cum hoc titulo: *Invitatio ad observationes meteorologicas communi consilio instituendas.*

\* Vide Meranii ipsius librum, cui titulus; *Traité de l'auteur boreale.*

rae non fuerit sphaerica figura, quam in meridiano. Docet enim qui fieri possit, ut in motu vertiginis retineat tellus sphaericam figuram. *Usque eo dum lis sub iudice est* (scribebat in haec verba ad Guidonem Grandium) & alii dantes telluri figuram sphaeroidis versus polos oblongatae meridianorum gradus ab aequatore circulo progrediendo ad polos magnitudine minui, alii vero contraria prorsus ratione sphaeroidis depressae sub polis formam terrae tribuentes, gradus ab aequatore circulo progrediendo ad polos magnitudine augeri volunt, nonne tutius videri potest tueri etiam num telluri sphaericam formam, atque ita eam propositionem ponere, quae ab utraque ex modo allatis sententiis minus hercle distabit, quam distent sententiae illae inter se? Quanquam Polenii sententia haud probabatur Maupertuisio \*, eam tamen sic discutit, ut plurimum argumentorum illius subtilitati tribuere videretur. Quantum haec suffragarentur laudibus Polenii, nihil attinet dicere, cum is an. MDCCXXXIX. in Academiam ipsam Parisiensem lectus fue-

\* Vid. Histoire de l'Academie Royale an. 1733.

rit, quod ex omnibus praemiis doctrinae amplissimum esse existimatur. Octo enim exteris viris aditus tantummodo est in id sapientiae sacrarium, praeccluditurque iis omnibus, qui singularia non dederint doctrinae aut physicae aut mathematicae documenta. Proponuntur & praemia, qui aliquam rem novam invenerint, aut inventis addendo magnam attulerint utilitatem, & qui uno donantur, immortalitate ipsa donati esse videntur. Sed Polenius tria consecutus est praemia, quae ad rem navalem pertinent, cujus scientia non admodum ab eo expectabatur. Docuit enim primo, quae esset ratio magis idonea mensurandi navis cursum sine opē caelestium observationum; secundo, quae esset optima figura anchorarum, & quomodo hae fabricandae sint, & quomodo de earum perfectione judicari possit; postremo quale sit ergatae genus, quod navibus magis inserviat. Parum absuit quin quarta ei decerneretur corona. Nam Dissertatio, quam ad Academiam misit *de praestantiore modo, quo acus magneticae declinatio a navigantibus possit determinari,* secundos

secundos meruit honores \*. Profecto si omnia philosophiae praecepta referri debent ad vitae commoda, & publicis & privatis in rebus Polenium ea praestitisse judicabimus, ob quae in sapientissimorum suae aetatis philosophorum numero ipse sit collocandus. Et quod ei praesertim probabatur physica, quae experientiam consulit, cui sane utiliora inventa sunt tribuenda, magni interesse putavit ad decus & laudem Academiae Patavinae, ut esset in ea *physicae experimentalis* magister, cuius consilii, quod statim probarunt Triumviri, dum ipse illius docendae onus in se fusciperet, ipsum minus poenituit, quod statim senserit, quam multorum non modo discendi, sed etiam scribendi studia commoverit. Oratio, quam dixit v. kal. Decemb. an. MDCCXL. cum primum cella physica, ut ita dicam, publice dedicata est, satis est argumenti iudicio, facultate atque arte summa illum fuisse in exploranda per experimenta na-

Tom. XII.

G

\* Bongerius, quod oblatum fuerat praemium, solus obtinuit. Extat Polenii dissertatio in Translationibus Anglicanis.

tura. Cujus cum interpret esset, quanquam erat acerrimo ingenio, tamen ea dicebat, ut ab ipsa natura casu didicisse, non ut ipse reperisse videretur. Habebat Polenius in animo insitam quamdam informationem veri; quapropter quacumque in re, quam suscipiebat, talis evadebat, ut ad id unum maxime natus aptusque judicaretur. Vel bellus fabricator machinarum & architectus esse dicebatur & erat; qua de causa Romam a Benedicto XIV. P. M. vocatus fuit. Rumor enim sparsus fuerat Vaticanum tholum ruinam minitari, & idoneus maxime Polenius existimabatur vel ad arcendum timorem vel ad malum sanandum. Extat opus ejusdem Pontificis jussu a Polenio conscriptum, in quo eleganter & copiose ea omnia narrantur, quae ad historiam hujusce tholi pertinent; quodque res eo praesertim spectabat, ut quae facienda, quaeque vitanda essent ipse decerneret, & suam & aliorum architectorum, qui multi consulti fuerunt, sententiam ad artis praecepta perpendit. Satis timori, satis periculo consultum putavit, si ferreo circulo universus cingeretur tholus, quod sane in

varias incurrit reprehensiones. Nonnulli enim in dubium vocabant, satis ne causae esset metuendae ruinae; aiebant alii, si male materiatum & ruinosum aedificium fuisset, ferreum circulum aut nullum huic malo futurum remedium, aut ipsum aucturum ruinae periculum. Respondit Polenius reprehensoribus suis, vehementerque laetatus est suum factum suumque opus ab sapientissimo Pontifice probatum, neque mediocribus praemiis remuneratum fuisse. Cum coram illo esset, & garriret quidquid in buccam veniret, paucos se novisse testatus est Pontifex, qui aequae ac Polenius multiplici adeo praediti essent doctrina, & de illo Romae retinendo cogitasset, si quidquam eidem dulcius fuisset patria, Academia Patavina, laribus familiaribus, litteratoque otio, iis, dico, litteris, quibus infinitatem rerum atque naturae & in hoc ipso mundo caelum, terras, maria cognoscimus. Libenter tamen commorabatur in Urbe, quod antiquitatis studioso jucundissimum esse dicebat, quacumque ingrederetur, in aliquam historiam vestigium ponere. Venerat & eo, ad Christianae Reipublicae gubernacula sedente

Clemente XII., & caussa veniendi fuit emendatio Romani Kalendarii \*, quod negotium diu per summos mathematicos agitatum ad exitum pervenisset, nisi Jesuitarum artes obstitissent. His enim cordi maxime erat Clavium, quem in sua correctione adhibuit Gregorius XIII., omni erroris suspitione liberare. Redux Polenius in Academiam Patavinam perfunctus jam rebus amplissimis tanquam in portum confugere debuisset non inertiae atque desidiae, sed otii moderati atque honesti. Verum quod illum non tam fructus & gloria, quam studium ipsum exercitatioque maxime delectabat, minime relaxabat animum, vehementique contentione multa, quae inchoaverat, persequabatur. Hoc eo magis commovebat eos, quibus erat carus, quod videbant sine vitae periculo tantos labores haud

\* Extant hac de re bina Polenii scripta sane docta, quae tamen minime in vulgus sunt edita. Altero ad examen revocat Manfredii sententiam, altero respondit libello, qui inscribatur: *Quaestiones de recta Paschae indictione*, quique ita prodierat in lucem, ut ignoraretur illius auctor, qui sane fuerat Manfredius ipse.



posse ab illo sustineri. Ipsa natura visa est admonuisse illum, ut aut remitteret, aut moderaretur exercitationes ingenii, cum vehementissimis coeperit affligi capitis doloribus. Sed habitus nunquam se deserit, & cum paullulum remittebat dolor, ad pristina homo navus redibat studia. In hoc cum esset statu de *fasciculo* altero *epistolarum mathematicarum* edendo cogitavit. Nam alterum ediderat anno MDCCXXIX. multaue seposuerat, quae luce & fama, quam collegerat, digna putavit. Ex his epistolam commemorabimus ad Meadium (erat is inter Londinenses Academicos vir clarissimus) qua probare conatur bina aequalia pendula eodem in loco sic posita, ut alterum sit in meridiani plano, alterum in plano primi verticalis, inaequaliter vibrare; quod si certo confirmari posset experimento, nulla non laude Polenii inventum esset celebrandum. Inter haec corpus infirmum & caducum debilitabatur quotidie magis; & quod vir religiosissimus intelligebat nullam esse humanam gloriam, cujus consequendae spe inflammatus multos labores magnosque susceperat, totum se ad aeterna convertit. Sic

cum vitam tranquille traduxisset ad septuagesimum usque octavum aetatis annum in vero inquirendo unice occupatus, placide mortem obivit XVIII. kal. Decemb. an. MDCCCLXI. verum illud anhelans, ad quod nisi omnis nostra actio omnisque summa philosophiae referatur, nos quidem specie magna, sed re ipsa levissima negotia moliti esse judicabimur. Nec vero ille in luce modo atque in oculis civium magnus, sed intus domique praestantior. Sex, quos susceperat, filios sancte educavit, eorumque tres libentissime Deo consecravit. Cum uxore nunquam in gratiam rediit, mortuamque an. MDCCXXXVII. voluisset ab inferis revocare. Cautus, moderatus, diligens, consilii plenus, & egregie fidelis, elegans, & lepidus etiam, si res & tempus posceret, vel ab iis diligebatur, qui solent invidere virtuti: omnino dixisses collectam vel ab adolescentia famam maluisse illum tueri dignitate, humanitate atque innocentia, quam populari jactatione. Pro singularibus illius meritis nobilitate Patavina donatus est; & cum saepius amplissimo Quatuorvirorum munere functus fuisset, multa consiliis suis providit utilissi-

ma : quare minime est mirandum si universae civitati perluctuosa ejus mors fuerit. Quantum autem desiderium sui reliquerit apud Senatum Venerum, ex eo conjici potest, quod de ejus scriptis hydrostaticis publico in loco asservandis ille deliberavit, monumentumque tum ei, tum Francisco filio decrevit aureo numismate, in quo erat inscriptum \*.

FRANCISCO ABBATI

JOANNIS POLENI MARCHIONIS P. P.

FILIO

OB MERITA ERGA REMPVBLICAM

PARENTIS EXIMIA

ET SVA

SENATVS CONSVLTO .

Quidni beatos eos esse judicabimus, quibus tanto honori est a suis Principibus servire patriae & litteris ?

\* Aliud monumentum Polenio positum fuit in Aede S. Jacobi, in qua ejus corpus sepultum fuit. Hujusmodi est titulus : *Joanni Marchioni Poleno Jacobi filio Veneto civi ac Patavino Physices & Mathematicos in Patrio Gymnasio per an. LIII. Professori clarissimo, cujus ingenium & doctrinam scripta testantur, Patri optimo desideratissimo Filii moerentes posuere. Vixit annos LXXVIII. M. II. D. XXII. Obiit XVIII Kal. Decemb. an. Aer. Vulg. MDCCLXI.*

## O P E R A E D I T A

Miscellanea; hoc est I. Dissertatio de barometris & thermometris . II. Machinae arithmeticae , ejusque usus descriptio . III. De sectionibus conicis parallelorum in horologiis . Venetiis apud Blasium Pavinum 1709. in 4.

Considerazioni intorno al barometro del Cartesio ed al peso dell'aria. *Extant* nel Tomo V. del Giornale dei Letterati d'Italia . In VIII. vero volumine *extant* : Considerazioni intorno alle varie accelerazioni o ritardazioni che i corpi gravi nelle loro cadute patirebbero , se la terra girasse per l'orbe annuo .

De vorticibus coelestibus Dialogus , cui accedit quadratura circuli Archimedis & Hippocratis Chii analytice expressa . Patavii ex typographia J. B. Konzatti 1712. in 4.

Observatio solaris eclipsis habita Patavii V. non. Maii 1715. Patavii apud Konzattum 1715. in 8.

.... eadem : accedunt epistolae duae de quodam phaenomeno in eadem eclipsi observato . Patavii ap. Konzattum 1716. in 4.

De motu aquae mixto libri duo. Patavii typis Josephi Comini 1717. in 4.

De Castellis , per quae derivantur fluviorum aquae , habentibus latera convergentia . Patavii typis Josephi Comini 1718. in 4.

De physices in rebus mathematicis utilitate Praelectio. Patavii 1716, typis J. B. Conzatti in 4.

De mathesis in rebus physicis utilitate Praelectio. Patavii 1720. Typis Josephi Comini in 4.

Sex. Julii Frontini de aqueductibus urbis Romae Commentarius antiquae fidei restitutus atque explicatus. Patavii 17.2. ap. Jo. Manfrè in 4.

Mercurius in sole observatus V. Id. Nov. 1723. Patavii in 4.

Ad Guidonem Grandium epistolae duae, in quarum altera nonnulla de telluris forma; in altera vero quaedam de causa motus musculorum; primae autem accedit observatio defectus Lunae habita Patavii an. 1724. Patavii 1724. in 4.

Ad Jacobum Marinonium epistola, in qua agitur de Solis defectu an. 1724. Patavii observato, & de aliquibus experimentis pertinentibus ad aquas fluentes: accedit Jo. Buteonis de fluentis aquae mensura libellus cum notis in 4. *Hæc a Polenio in Italicum conversa fuere, ut cum ceteris ejus scriptis hydrostaticis ornarent. La nuova raccolta d' Autori, che trattano del moto dell' acque; quae collectio Florentiae & Parmae edita est. In collectione Florentina extant etiam quae Polenius animadverterat de vi percussoris cum historia omnium librorum, qui hac super ea prodierant, & experimentorum, quibus celeberrimam iis temporibus disputationem se conficere posse putavit.*

Joannis Poleni in Gymnasio Patavino Matheseos Profef. Petropolitani Prof. Honoratii & Scient. So-

etatum, quae Londini & Berolini sunt, Sodalit epistoliarum mathematicarum fasciculus, Patavii typis Seminarii 1729. in 4. *Hae epistolae separatim antea editae fuerant. Commemoranda praesertim videtur epistola ad Jacobum Hermannum, in qua agitur de organica curvarum trajectoriae atque logarithmicae constructione, cum problematum ac theorematum de curva trajectoria a celeberrimis Geometris propositorum Demonstrationibus: Patavii typis Seminarii 1729 in 4.*

Observatio defectus Solis habita Patavii 15. Julii 1730.

Observatio defectus Lunae habita Patavii kal. Decemb. 1732. *Exstat in Comment. Acad. Petropolitanae T. IV. p. 311.*

... habita Patavii kal. Aprilis 1736. ib. T. V. p. 392.

Epistola ad Alexandrum de Pompeiis, qua nonnullae observationes astronomicae & meteorologicae continentur ib. T. VIII. p. 439.

Epistolae duae, quibus continetur summarium observationum meteorologicarum per duo sexennia Patavii habitarum. *Exstat in Transactionibus Anglicanis n. 437. & 448. In his invenies etiam quae Polenius scripsit*

De vi centrifuga

De praestantiore modo, quo acus magneticae declinatio a navigantibus possit determinari.

Utriusque Thesauri antiquitatum Romanorum Graecorumque nova supplementa vol. V. Venetiis apud Pasqualium 1737. in fol.

Observatio Aurorae Borealis visae nocte insequente diem XVI. Decembr. an. 1737. habita Patavi. Patavii in 4. *Exstat etiam in Collectione Calogeriana T. XVII. p. 1. Plura Meranius habet de Polenii observationibus in libro, quem inscripsit: Traité de l'aurore boreale.*

Parere intorno al taglio della macchia di Viareggio. Lucca per Domenico Ciuffetti 1739. in 4.

Exercitationes Vitruvianae primae, secundae & tertiae. Patavii typis Seminarii 1739-41. in 4.

Quanam potiori ratione, nullis habitis stellarum observationibus, navigantes metiri queant iter a navi confectum. *Haec Dissertatio, quae praemio affecta fuit ab Academia Parisiensi, extat in ejus actis an. 1733.*

Dissertations Latines sur les ancrs, qui respondent aux trois questions proposées à cet sujet par l'Académie Royale des Sciences. Pièces, qui ont partagé le troisieme des prix de l'année 1737. *Extant dans les Pièces, qui ont remporté les prix de l'Académie Royale en 1737. p. 85.*

De ergatae navalis praestabiliiori facilliorique usu Dissertatio. *Haec Dissertatio una ex quatuor, quae praemium duplex meruere, extat dans les Pièces, qui ont remporté le prix de l'Académie Royale an. 1741. p. 89.*

Riflessioni sopra la maniera di fare le tavole astronomiche coll' osservazione di parte dell' Ecclesi luna-re 8. Settembre 1737. *Iis locum dedit Scipio Massejus*

in vol. III. delle Osservazioni letterarie stampate in Verona . *Quaedam alia astronomica Polenii extant etiam in volum. I. ejusdem operis . Relatum vero in Volum. IV. fuit ejusdem Polenii scriptum , cui titulus*  
 Posizione geografica della città di Padova .

*Institutionum philosophiae mechanicae experimentalis specimen . Praefatio habita V. kal. Decemb. 1740. cum novum Theatrum pro experimentalis philosophia in Patavino Gymnasio dedicaretur . Patavii typis Seminarii 1741. in 4.*

*Dissertazione sopra il Tempio di Diana d'Efeso . Extat in parte II. vol. I. dei Saggi di dissertazioni Accademiche di Cortona . Roma 1742.*

*Lettera in materia d'acque per il canale di Montefelice .*

*Parere intorno alla regolazione dell' acque del Tesino in vicinanza della città di Pavia . Hoc scriptum cum aliis ad eandem rem pertinentibus editum est an. 1752. in fol.*

*Memorie istoriche della gran Cupola del Tempio Vaticano ec. Padova nella stampetia del Seminario 1758.*

*Lettera sopra gli antichi teatri ed anfiteatri . Edita est col discorso del Conte Gio. Montenari sopra il Teatro Olimpico . Padova presso Gio. Batista Conzatti 1749. in 4.*

*Epistola de obelisco Caesaris Augusti . Extat in libro , qui inscribitur , de obelisco Caesaris Augusti e Campi Martii ruderibus nuper eruto Commentarius*



Audore Angelo Maria Bandinio. Accedunt Clarorum Virorum epistolae atque opuscula. Romae 1750. in fol.

## OPERA INEDITA.

Euclidis elementorum, Theodosii sphaericorum, Apollonii Conicorum figurae tyroni accommodatae.

Trattato di Ottica. *Hoc mira Newtoni inventa exponuntur atque illustrantur.*

Memorie per un trattato di geografia.

De natura finitarum quantitatum differentialium. *Opus istud quinque in volumina dividitur, eaque Autor destinasse videtur ad universam analysim exponendam.*

Trattato sopra alcuni volatili delle Lagune detti volgarmente Cocali.

De recta Paschae indictione scripta varia.

Votum super sexto miraculo praeservationis & omnimodae incolunitatis Petri Vagii ex altissima nucis arbore praecipiter labentis. *Fortasse editum fuit Romae inter acta beatificationis B. Hieronymi Miani.*

Descrizione d'un orologio d'invenzione nuova, il quale mostrz minuti primi, secondi e terzi, ed istantemente si move e si ferma, coll'aggiunta di alcune cose sulla resistenza de' solidi.

Differtazione in forma di lettera diretta al Sig. Proposto Ancon Francesco Gori sopra la pianta d'un edificio ritrovata in Pozzuoli.

Li primi cinque libri dell' Architettura di Vitruvio ridotti alla sua vera lezione con annotazioni d' altri, ed il Commento del Poleni. Per gli altri cinque si danno le varianti lezioni, le proprie ed altrui annotazioni coll' indice di tutte le parole di Vitruvio, dietro l' edizione di Guglielmo Filandro.

Riflessioni sulle forze centrifughe, sulle forze vive e morte.

Osservazioni meteorologiche giusta l' invito di M. Jurin.

Scheletri e sbizzi di lezioni matematiche.

Volum. XXIV. di scritte o dissertazioni appartenenti alla scienza idraulica ed al regolamento de' fiumi, d' arsenale, di boschi, all' architettura militare e civile. *Haec delata Venetas studiosissime Principis iussu publico in loco asservantur ad posterorum utilitatem.*

Commercio epistolare. *Utinam aliquis reperiretur, qui colligeret atque ederet tum Poleni, tum aliorum summorum virorum ad eum scriptas epistolas, quae magis doctrina, eruditione atque elegantia commendantur.*

ANGELUS FABRONIUS

MELCHIORRI CESAROTTO

S. P. D.

**S** Acpe a multis reprehensus sum, quod cum de Italica doctrina excellentibus scribendum susceperim, alia usus sim lingua, quam Italica, quae elegantia & copia abundat, quam cultiores nationes discunt, & quae, si grati in patriam videri volumus, eo studiosius nunc excolenda est, quod eam impurissimis vitiis multi inquinaverint. Fuit profecto tempus, quo quidquid homines loquebantur & scribebant, puro quasi quodam & candido orationis genere ornabant, ut cum ipsius nutricis lacte non elegantiam modo, sed & dicendi veneres sugere viderentur. Sed nunc pene amissimus hanc linguae, ut ita dicam, innocentiam; quapropter diligenter etiam atque etiam curare debemus, ut ei pristinus splendor, dignitas & gradus reddatur. Gessimus & nos quoque morem tuae voluntati, cum libellum Italice scriptum anno superiore edidimus, in

quo complexi sumus vitas Galilei, Leopoldi Medicei, Jacomellii, Perellii, Frugonii & Metastasio. Atque hoc quidem in genere descriptionis nescio num intelligentibus iudicibus me probaverim. De Frugonio scilicet & Metastasio non aliter scribendum putavi, cum mihi propositum esset ex variis carminum generibus, quae ab ipsis maxime exculta fuere, excellentissima quaeque libere, & lectorum oculis subicere, quo restatior esset singularis eorum in re poetica virtus. Ridicule autem fecissem, si alternis verbis Latinis Italica carmina interposuissem. Verum quidem nos & in hoc tempore, & in omni vita, quantum ingenii vires sivere, elaboravimus, ut Latinae litterae in pretio essent atque excolerentur, neque alia nisi Latini lingua utendum nobis putavimus, cum posterorum memoriae proderet decrevimus Italorum nostrorum illustria in litteras merita, quod ea nescio quam dignitatem rebus, de quibus scribimus, impertiri mihi videatur, & quod nusquam gentium ignota sit & peregrina. Ex iis, qui magna voce clamaverunt, Latina abjicienda, majorum nostrorum iudicia damnanda, qui tantum in iis operae studiique posuerunt, ut longum post exilium velut postliminio revocarent,

rent, non postremus certe fuit, vir cetera sum-  
 mus, Alembertius, cujus auctoritate multi de-  
 cepti Latinam linguam vix a limine salutare au-  
 dent, adeoque impie se se gerunt in nobilissi-  
 mam matronam, quae leges olim universo orbi  
 dixerat, quae humanitatem feris gentibus inve-  
 xerat, cujus maiestate Catholica Ecclesia, & qui  
 ad ejus gubernacula sedent, gloriari videntur,  
 ut in puerorum scholas, tanquam in aliquod pi-  
 strinum, detrudant atque compingant. Quam id sit  
 illitteratum & stultum, multi ostendere conati  
 sunt; sed nemo fortasse magis virium habuit, ut  
 cum Alembertio luctaretur, quam Sibiliatus no-  
 ster, qui defensionem suam (nam quantum va-  
 leat Graecis Latinisque litteris nemo est qui igno-  
 ret) cum ipsius Latinae linguae defensione con-  
 junctam esse putavit. Sed irasci homini amicis-  
 simo soleo, quod latere sinat in scriniis multa,  
 quae ipse diligenter elaboravit, cujus rei causam  
 quamlibet aliam esse arbitror, praeter unam  
 desidia, cum assidua ejus atque inexplebi-  
 lis in studiis opera sit. Audivi quidem ex illo  
 ipso ita contexuisse opus suum, ut, non argu-  
 menti modo, sed ipsissimis verbis in aciem ve-  
 lus eductis, ea sigillatim qua rationibus, qua

conjecturis, qua exemplis ita oppugnatum eat, ut pronum sit intelligentibus pervidere Gallum philosophum in Latinis litteris hospitium, Italum philologum domicilium habere. Sed & in castris hic illum suis, nempe philosophicis, adoritur quandoque & urget, velut cum negans ille nobis Latine scribentibus satis compertas esse germanas verborum proprietates, & alterum pro altero promiscue ac temere usurpari, citat locum ex IV. Tusculanarum M. Tullii, cujus nec in scribendo fidem, nec in interpretando sententiam videtur esse affecturus. In eo etiam commemini vim multam ingenii & eruditionis a Sibiliato expresseri, ut Latinam linguam mortuam nunquam fuisse contemnat, festive provocans adversarium, ut emortualem ejus diem indicet, & alteram iidem diem, qua cineribus suis, phoenicis instar, revixerit: tum vero serio agens, ab Augusti aevo ad nostrum usque percenset seriem doctorum virorum, qui scribendo & loquendo ejus vitam, sin minus eadem semper salubritate vigentem, at vitalem tamen per vices propagarunt; tum bono in lumine collocat Quintiliani effatum: consuetudinem sermonis effici consensu eruditorum, ut vivendi consensu bono-

sum, *Alia plura memori menti recursum mis-*  
*sa facio, quae sua tum ille mihi animi incita-*  
*tione & linguae volubilitate non tam protulit,*  
*quam effudit de pronuntiatione, quam tamen*  
*non eandem esse concedat, ac olim Romuli ne-*  
*potum, multimodis tamen refutat, quae corolla-*  
*rii loco adstruere satagit Alembertius; de Titi*  
*Livi Patavinitate, cujus ignorationem nobis tam*  
*fero natis frustra exprobrat ille, & argumentum*  
*ignoratae quoque Latinitatis non rite censet; de*  
*multipli dissimilium Latinorum auctorum lectio-*  
*ne, ex qua dissimilem, & abnormem dicendi ra-*  
*tionem conflare vitiligit; de linguae ac stili di-*  
*scrimine, quae duo interdum confundit Criticus*  
*Gallus, & controversiae statum immutat. Quae*  
*idcirco tibi longiuscule commemoravi, ut quae*  
*apud Sibiliatum collegam tuum polles benevolen-*  
*tia ac fide, cessant stimulos subdas, cum tibi*  
*quoque, qui linguam hanc egregie calles, non*  
*possit non esse cordi ejus tuendae, ornandae,*  
*perpetuandae sollicitudo. Quam si forte ego nunc*  
*impensius efferre videor, ignoscas volo homini de*  
*laudibus Jacobi Facciolati dicturo. Nam non sa-*  
*tis habuit vir immortalis memoria dignissimus eam*  
*per se colere, & ab ea magnum nomen accipe-*

re, sed illexit homines ad illius studium, cum ejus veteres illibatasque divitias in magnum *Lexicon* profudisset. Non necesse putamus referre, quid alii, & *Calepinus* praesertim, ante eum praestiterint. Nam in hac acie non tam gloriosum est palmam ferre, quam arripere. Nec mediocris eum quoque cura tetigit provehendi studium *Italicæ* linguae, cui & libris editis consuluit, ac praesertim *promptuario* illo libro (*orthographiam Italicam* nuncupavit) in quod bis millena ferme vocabula conjecit ex probatae notae scriptoribus diligentissime arcessita, quae in magno *Etruscorum* *Lexico* desiderabantur. Monebat tantummodo Italos suos, ne Gallos imitentur, quibus nihil placet alienum, & qui adeo lenocinantur linguae suae, ut oleum & operam perdere putent omnes illos, qui linguas, ut vocant, mortuas adhibent, quique superbe pronunciant, Sinas aliosque *Astiae* populos canere, Germanos rudere, Hispanos declamare, sibilare Anglos, Italos suspiria mittere. Sed quid est cur rationibus convincamus homines nimium suorum amantes, cum ii ne commoveantur quidem tuique similium exemplis, qui locupletiore hanc nostram linguam effecisti, multis in lucem emis-



*sis scriptis, quae omnium manibus reruntur? Nam ut de Celtarum poeta Ossianno nihil dicam, quem ita Italici versibus reddidisti, ut exemplar semper exaeques, non raro exsuperes, quas tibi habere gratias debemus, qui loquentes Italice induxisti non solum illud eloquentiae fulmen Demosthenem, sed & ceteros omnes nobiliores Graecos oratores; & qui ea de Homero parcas, ut non reformidet Italica poesis exprimere infinitas pulchritudines, quas ex divinitate sua genuit Poeta, cui similis nunquam fuit? Hic erit sane campus amplissimus, in quo excurrere virtus tua, cognoscique possit quanta sit copia, vis, & potestas Italicae linguae, cui dum consulimus, aequo patiemur animo habere nos oratores nostros, dummodo Demostheni & Ciceroni; habere poetas, dummodo Homero & Virgilio; habere historicos, dummodo Thucydidi & Livio fasces submittamus. Vale; & quoniam tantis litteris es instructus & abundans, quantis esse oportet ei, qui non unus e multis, sed inter multos prope singularis videri vult, perge Italiam nostram scriptis tuis illustrare, ut per te quoque non degenerasse a virtute majorum jactetur. Iterum vale.*

*Pisis V. Kal. Apriles MDCCLXXXV.*

## JACOBUS FACCIOLATUS

**V**enio nunc ad Jacobum Facciolatum, qui etsi magnarum rerum scientia Morgagnio & Polenio erat inferior, eam tamen famam adeptus est, ut par iis esse videatur. Dum ii vivebant, in ore omnium coeperat esse, tribus hisce viris maxime illustrari Academiam Patavinam, quorum alter se ipsum unice, alter omnes laudans, tertius denique omnes carpens, consecuti fuerant celebritatem sermonis hominum. Sed ab initio est ordiendum. Jacobus natus est Tauriliae in collibus Euganeis, patre Matthaeo, matre autem Maria Superantia prid. nonas Januarii an. MDCLXXXII. Annum aetatis attigerat vix alterum & decimum, cum eum parentes politioribus litteris in Trestensi collegio, non procul Ateste oppido, sedulam operam navare voluerunt. Quod cum auspiciis floret Gregorii Cardinalis Barbadici, id causae fuit quamobrem Facciolatus, qui ingenii acie non modo, sed industria etiam pollebat, anno post a sapientissimo Antistite inter alu-

mnos Seminarii Patavini referretur. Ibi studiorum omnium stadium emensus an. MDCCIV. theologica laurea donatus est, & cooptatus in collegium theologorum. Anno eodem iterum in Seminarium accitus a Gregorio Cardinali Cornelio, qui Barbadiçi, cui successerat, famam magna cum laude sustinebat, ut juventutem imbueret earum rerum cognitione, quae plurimum decent adolescentes divino cultui addictos, primum ad breve tempus pro theologo fuit, tum vero triennium professus est philosophiam. Verum quod ei acutum & feliciter audens ingenium natura tribuerat, & humaniores disciplinas, declinata, quae diu eas infuscaverat, barbarie, quotidie magis excolere videbatur, eidem Cardinalis Academiae scholam regendam commisit, quod munus ad id tempus fuerat Praefecti studiorum. Huic etiam quotannis praefationis onus imposuit in publica studiorum instauratione, qua quidem re cum omnibus cumulatissime satisfecit, tum Cardinalem, qui bonas artes vehementer fovebat, ita sibi devinxit, ut is studiorum Praefecto, viro sane praestanti, sed laboribus defatigato auctor

fuerit, ut eo se munere abdicaret. Hoc munere, quod studia omnia complectitur, auctus Facciolatus, scholis omnibus aemulatione excitandis animum adjecit; sed curam potissimum linguarum suscepit. Id illi visum est juventuti accommodatissimum, quae cito abitura in Seminariis instituitur: idque ipsum eum impulit, ut, adjuvante praesertim Aegidio Forcellinio carissimo discipulo suo, septem linguarum, ut vocant, Galepinum, qui multis scatebat erroribus, corrigeret augetque. In tanta re tamque immensa, cui viri summi manus an. MDCCXV. admove-runt, vehementer adeo atque vigilanter elaborarunt, ut quatuor admodum annis expurgatus, auctus & perpolitus liber fuerit, non quidem ut debuit, sed ut potuit, urgente quotidie typographo. Placuit Latinitatis studio-sis, & invidiam, quam commoverat, extinxit. Hinc crevit animus, & majus aliquid cogitare coeperunt. Itaque novum condere Latinae linguae Lexicon aggressi sunt, quod voces omnes, variosque earum usus complecteretur, qua in re mirabilis adeo utilitatis fructum attulit Facciolato Forcellinii opera

huic studiorum generi jam affueti, planeque dicati, ut vix ille in plerasque litteras quippiam conferret praeter consilium, in multas autem ne consilium quidem. Quadraginta prope anni excurrere, antequam finis immenso pene operi impositus fuerit; & quod antea Facciolati nomine circumferebatur, Forcellinianum Lexicon coepit appellari. Forcellinius tamen ipse, ut erat vir non tam doctrina, quam modestia summa, meritas laudes semper tribuit praeceptori, quod, illo duce & auctore, quidquid boni praestitit, se fecisse affirmaret. Eodem quoque, sed non unico usus est adiutore, cum & Graecum Schrevelii Lexicon adornandum Facciolatus suscepisset, quod eodem tempore, quo Latinae linguae, Graecae etiam studiosis consulere volebat. Neque Italicam contempsit; quapropter postquam Nizolii Apparatum, Graecam grammaticam, Latinas Tursellinii particulas amplificavit, ornavit, Italicam orthographiam edidit, in qua verba propria, usitata, nova, prisca, inusitata cum quibusdam notis & Latina interpretatione condidit. Erat quidem persuasum Fac-

ciolato exercendam maxime juventutem esse in Graecis Latinisque litteris, quod ab iis rerum magnarum scientia & omnis elegantia petatur; sed illum adeo fortunae nostrae & saeculi non poenitebat, ut Italos scriptores & Italicam linguam negligendam putaret. *Omnia Graecae* (ajebat indignatus Juvenalis \*) *cum sit turpe magis nostris nescire Latine*, in quam reprehensionem ne nostri incurrerent, jubebat eos Italici sermonis rationem naturamque inspicere, ut nesciret, an quippiam esset in Latio Graeciaque universa ad res blande suaviterque efferendas accommodatius. Cum enim Graecis ac Latinis consonantes litterae familiariissimae sint, & verba pleraque consonantibus claudant, molestam quamdam moram pronuncianti afferunt, ut identidem haerere ac subsultare cogatur; Italus vero contra vocalium multo amantissimus ita eas per singula verba distribuit, ut nulla sit junctura asperior, claudicatio nulla, totaque oratio aequabiliter expediteque fluat. Quoniam vero omnes linguae

\* Sat. VI.

egent praeceptis, normis & regulis, de Grammatica Latinam orationem habuit an. MDCCXI., quam qui audierunt, illum nova moliri ac de grammaticis studiis mutandis cogitare suspicati sunt. Sed Facciolato de grammatica praefertim Latina dicenti nil aliud in animo fuit nisi probare, tenellas angustasque puerorum mentes immensa illa regularum, appendicum, scholiorum farragine haud esse opprimendas, & vere dictum a Quintiliano, nil aliud esse grammaticae loqui, quam omnino Latine non loqui, cum omnis Latinae linguae laus collocanda sit in plena ac tereti compositione verborum, in colore & habitu quodam, ut nihil claudicet, nihil diffuat, nihil fluctuet, sed tota permixta & temperata numeris aequabiliter constanterque feratur oratio, quod facile obtinebis a continua optimorum scriptorum lectione exercitationeque scribendi, frustra vero requires a Priscianis, Donatis, Vallis, Sanctiis, Alvaris ceterisque huiusmodi formularum grammaticalium cantoribus. Cum haec oratio tota conformata fuisset ad Tullianarum exemplum, magno doctorum hominum plausu comprobata fuit; quare hi

certatim monere Facciolatum non cessarunt, ut famae securus ceteras edere non dubitaret, quas e suggestu quotannis habebat, aut de Humanitate, aut de Rhetorica, aut de Philosophia, aut de reliquis disciplinis, quibus instrui in publicis scholis adolescentes solent. Interea Cornelius Cardinalis e vita migravit. Addicendum itaque hominem vel absentibus notissimum Academiae Patavinae hujus Triumviri censuerunt, antequam is successori fidem suam obstringeret. Logices docendae ei onus imposuerunt, quod a Pappadopolo his verbis, sane Facciolato honorificentissimis, narratur \*. *At vacuum Logicae sedem designarunt Triumviri Litterarii neque penitentem, neque volentem eloquentissimum virum Jacobum Facciolatum Coloniensem. Coloniensem appellat, propterea quod Consilium Coloniae, parvae quidem urbis, sed admodum cultae, eum civitate donarat. Cum propositum esset Facciolato, sicuti in Seminario fecerat, magna cum cura & diligentia suos discipulos instituere, non duos tan-*

\* Hist. Gym. Pat. tom. I. cap. LIII. n. IX.



tum *Analyticorum posteriorum* libros e superiori loco more majorum interpretatus est, sed domi quoque in privato ludo alias omnes Dialecticae partes absolvit, e quibus unum corpus confecit saepius typis seorsum impressum, proxime vero additis etiam *Logicis Axiomatibus*, quas in Gymnasio ad scholas auspicandas quotannis habere solebat, & separatim ediderat. Quale de hoc opere judicium fecerit intelligens vir Hercules Franciscus Dandinius, juvat ejus verbis referre. *Ab hisce Institutionibus*, inquit in suo Meranio, *velim praeceptores Logicae non discedere latum unguem, non alio vii ordine, non aliis aut verbis aut sententiis; sunt enim & prudentia & elegancia atque eruditione insignes, & ad eos, qui Logicae arti dant operam, oblectandos aptissimae*. Honorificentissima quoque sunt, quae Antonius Genuensis protulit de hoc Facciolati opere, quod tanta perspicuitate & elegantia, tanto praeceptorum delectu ornatum dixit, ut nihil supra desiderari possit. Cum an. MDCCXXXIX. logica schola metaphysicae publico decreto conjuncta fuisset, Facciolatus vacandi veniam postulavit, ut ad

pristina studia rediret. Sed Magistratus nullo modo pati voluit, ut nomen ejus ex publicis Gymnasii tabulis tolleretur; proindeque jussit, ut, servato publici Doctoris nomine ac stipendio, Academiae Patavinae historiam, quam Pappadopolus scripsit & ad suam perduxit aetatem, ipse persequeretur & absolveret. Paruit, & quidem eo consilio, ut rem totam ab initio ordiretur. Sed quid? Tabularia invenit, alia deserta & confusa, alia pene vacua. Non tamen idcirco animum despondit, sed totum se monumentis undique colligendis dedit, quibus tabularia implevit, & catalogis confectis, ad usum accommodavit. Ex his *Fastios Gymnasticos* contexit, praemissis *Syntagmatibus duodecim*, quibus totam Gymnasii rationem, originem, instituta, leges & munia complexus est. Quo confecto, Princeps confirmavit illi scribendi munus quidquid memoria dignum Patavino in Lyceo in posterum contingeret. Poterat quidem tractatio historiae amplissimus esse campus Facciolato ad laudem. Sed cum ipse nimis jejune res praeteritas attigisset, nec semper vere de praesentibus judicasset, ex-

pestationem, quam sui concitaverat, minime sustinuit. Cum pervenit tamen libellus *Syn-  
tagmatum* in hominum manus, magno plau-  
su exceptus fuit, quod majora & omnino  
magna denunciare videbatur, quodque pru-  
dens sincerumque Auctoris judicium & poli-  
torem ejus elegantiam undequaque prode-  
bat. Quare minime est mirandum, si eo in  
primis gloriaretur Facciolatus; qui postquam  
vestibula & aditus ad Historiam Gymnasii  
Patavini fecit illustres, cetera abjecte, ti-  
mide atque ignave contexuit. Homo sane  
gnarus faciendae orationis ad laudem quoque  
poetae aspirare se posse putavit. Sed quae  
condidit tum Latina, tum Italica carmina,  
carent imaginibus, quibus pulsentur & de-  
lectentur animi, & sine quibus nulla est poe-  
sis. Insidet tamen iis quidam elegantiae non  
fuco illitus, sed sanguine diffusus color, ut  
facile hominem in veteribus scriptis studiose  
& multum volutatum agnoscas. Hac profe-  
cto laude nulli erat inferior; & quod omnes  
praedicari de se & nominari volunt, laetitia  
gestiebat, quoties audiebat efferentes homi-  
nes suam excellentem praestantiam in Latina

eloquentia, & in omni Latine scribendi ratione \*. Quanquam is esset, ut in primis consuleret Ciceronem, ejusque sermone uteretur, non tamen abhorrebat ab Apulejo, hujusque aequalibus, quoties accidebat, ut aliqua Latine dicenda essent, quae vel ii uni, vel primi dixissent: sed ita iis utebatur, ut illos ad se, non se ad illos adjungeret, & illos ipsos quodammodo Tullianos efficeret. Idem autem elatus cupiditate famam colligendi ex pluribus disciplinis (& sane versatile erat ejus ingenium, ut natum ad id unum diceret, quodcumque ageret) & theologiam & moralia tractavit. Perplacet mihi libellus, in quo optimi civis officia complexus est, secutus maxime Aristotelem & Ciceronem, quos expilasse dixeris iis in locis, in quibus praecipua bene vivendi, conjungendi, colendi, diffuendique amicitias praecepta continentur. Horum tamen deletus, pura & dilucida, & ad rerum dignitatem

\* Instar omnium testimonium erit Joannis Georgii Walchi, qui in *Historia Critica Latinae linguae* p. 443. editionis Lipsiensis an. 1716. Jacobum Faciolatum appellat *lumen Latinae linguae, a quo Italia maxime illustratur*.

tatem apta & quasi decora oratio, non mediocrem merentur laudem, ut praemia meruerunt a nobilissimis adolescentibus Pisanis, quos suis & alienis praeceptis instituendos susceperat. Neque est celandum in iis rebus, quas litteris mandavit Facciolatus, ei propositum semper fuisse, ut non tam elegantiae perspicuitatique, quam ut brevitati serviret, solitus dicere magna volumina magna mala esse, ipsa fastidium parere, & onerare magis, quam ornare bibliothecas. Quapropter libenter carpebat eos, qui exiguum aliquem librum, qui bonus esset, scribere nesciebant, seque tanquam exemplum proponebat, qui paucis pagellis id affecutus esset, quod alii multis paginarum millibus vix obtinuerant. Verum quanquam longiora brevioribus non semper sint anteponenda, confidentius tamen de se mihi pronuntiasse videtur Facciolatus, neque ignaviae suspicionem omnino vitasse. Mirum autem videri minime debet, quod de se gloriosius interdum loqueretur, quod magnam collegerat doctrinae famam, qua permotus Lusitaniae Rex eidem, ingenti proposito praemio, Praefecturam obtulit Collegii

nobilium adolescentium, quod Ulyssipone instituerat. At ille aetatis jam pene exactae excusatione usus, obtinuit ab humanissimo Rege, ut bona ejus cum gratia in urbe Patavina, suoque in munere maneret. Detulit tamen ei omnem operam, quae in tanta terrarum longinquitate praestari posset. Credibile est non vanam oblationem fuisse, quandoquidem paullo post ingens munus planeque regium valorum Sinenfium ab eodem Rege Facciolatus accepit. Quod quidem munus & gratum per se, & eo magis etiam gratum, quod Facciolatus ipsum domesticis usibus destinavit. Nam ut in inscriptione, sic in omni re domestica, omnique vita munditiam, non affluentiam affectabat. Neque hoc praeteribo, quanquam nonnullis leve visum iri putem. Cum hortulum haberet, nihil in illo plantaverat ac seruerat nisi quod optimum & rarissimum esset; nec vile aut vulgare existimabatur quatuor aut quinque pomis a Facciolato donari. Cum esset liberalis non excludebat ab usu rei suae familiaris amicos, cum quibus omnia habere communia videbatur. Adeo vero illum tangebatur aliorum in-

digentia, ut non magis illorum misereres, qui suam misericordiam requirerent, quam qui minime efflagitarent. Non mirum igitur si supremæ ejus tabulæ ac voces nil nisi pietatem in pauperes præ se tulerint. Ut amicitiiis eluxit, sic inimicitiiis minime caruit; neque defunt adhuc qui libenter de ipso detraherent, & ejus memoriam in invidiam vocare contendant. Ipse autem, quoad vixit, malevolorum vocus contempsit, suæque fortunæ animo maximo velificatus est. Porro si tum in scribendo, tum in judicando de alienis scriptis se suis finibus, non iis quidem amplissimis, continuisset, non adeo multos habuisset suarum laudum adversarios obrectatoresque. Vixit ad extremam senectutem valetudine secunda, attulitque ei mortem illeus. VII. kal. Septemb. an. MDCCLXIX.

## O P E R A E D I T A

*Orationes Latinae. Harum multae separatim emissae in lucem fuerunt. Primum eas collegit Joannes Mansfrè, ediditque Patavii an. 1744. in 8. cum praefationibus librorum, epistolis philologicis, Academicis commissionibus, Scholaësticis disputationibus & vita Philippi a Torre. Idem Typographus Joannes Mansfrè XXVII. Orationes a Facciolato conscriptas, quarum nonnullae erant ineditae, an. 1767. typis Seminarii vulgavit.*

Logicae disciplinae rudimenta ex optimis fontibus deducta, & Latine explicata opera & studio Jacobi Facciolati in Patavina Academia Posteriorum analytutorum Interpretis ad usum privatae scholae. Venetiis 1728. apud Jo. Baptistam Albricium Hieronymi fil. in 8. *Haec Rudimenta ita contextuit Facciolatus ut de se praedicare potuerit Ciceronis illa in lib. de Invent. II. Omoibus in unum coactis scriptoribus, quod quisque commodissime praecipere videtur, excerpimus, & ex varijs ingeniis excellentissima quaeque libavimus.*

*Acroases dialecticae. Separatim editae primum fuerunt, mox relatae in librum, cujus est inscriptio:*

Jacobi Facciolati logica tria complectens, Rudimenta, Institutiones, Acroases XI. Venetiis 1730 typis Jo. Baptistae Albricii fil. in 8.

*De vita Cardinalis Cornelii Episcopi Patavini.*



*Exat in Actis Eruditorum Lipsiensium an. 1722.*

Ortografia moderna Italiana con qualche cosa di lingua per uso del Seminario di Padova aggiunti in fine gli avvertimenti grammaticali : in Padova 1721. presso Gio. Manfredi in 4.

Lettera sopra un testo della Gerusalemme liberata del Tasso. *Exat in Tom. I. operum Tassi Venetae editionis p. 397.*

... sopra lo studio della lingua Latina scritta a Gio Battista Recanati. *Exat in Tom. I. delle novelle della Repubblica delle lettere dell'anno 1729.*

Epistola de significatione vocis *Nepos*. *Exat nel Supplemento del Giornale de' letterati d'Italia.*

Jacobi Facciolati exercitationes in duas priores Ciceronis orationes : ediclo altera, cui adjuncta est epistola ad Quintum Fratrem Asiae Praetorem de ratione regendae provinciae. Patavii typis Seminarii 1722.

Animadversiones criticae in I. Litterant Latini Lexici, cui titulus = *Magnum Dictionarium Latino Gallicum* : collegit & vernaculo sermone reddidit Petrus Danetius = Patavii apud Joan. Manfredi 1731. in 8.

... in X. Litterarum ejusdem Lexici. *Exat in collectione opuscul. scientific. Calogerà tom. XIX. Venetiis 1739.*

Scholii in libros Ciceronis de officiis, de senectute, amicis, somnio Scipionis, paradoxis, deque petitione. Venetiis ex typographia Jo. Baptistae Albricii Hieronymi fil. in 8. magno. *Versit etiam Fac-*

*ciolatus in Italicum sermonem commentariolum de positione Consulatus.*

Monita Isocratea Graeco Latina collecta & explicata: secunda editio locupletior. Patavii typis Seminarii 1741. in 8.

De Gymnasio Patavino syntagmata duodecim ex ejusdem Gymnasii factis excerpta. Patavii 1751. ex typographia Seminarii in 8.

Facti Gymnasii Patavini Jacobi Facciolati studio atque opera collecti ab an. 1260. ad annum 1756. Partes III. Patavii typis Seminarii 1757. apud Jo. Manfrè in 4.

Sfera e geografia per le scuole de' fanciulli.

Il giovane cittadino instruito nella scienza civile e nelle leggi dell' amicizia. In Padova 1740. nella Stamperia del Seminario appresso Gio. Manfrè in 8.

Ciceronis vita litteraria. Patavii typis Seminarii.

Vita & aetate Jesu Christi secundum utramque generationem divinam & humanam. Accedit Italicus Christi fermo ex monte habitus. Patavii 1761. typis Seminarii in 24.

Vita & aetate B. Mariae V. Jesu Christi Matris ex Evangeliorum libris excerpta. Patavii 1764. typis Seminarii. Addenda libello de vita & aetate J. C. in 24.

Narrazione compendiosa della vita di Gesù Cristo Signor nostro e di Maria Vergine di lui madre. In Padova 1764. nella Stamp. del Seminario in 24.

**Viatra theologia X.** quibus adversus religionis diffidia Catholicus Viator munitur. Patavii 1763. ex typographia Seminarii.

**Epistolae Latinae CLXXI.** Jacobi Facciolati in Patavina Academia professoris emeriti & historici. Patavii 1765. ex typographia Seminarii in 8. magno.

*Quam consulerit operam Facciolatus in Lexicon Ca-  
lepinum, nec non Nizolii, & Scriverii, in Latinas  
Turjetinæ particulas, ceterosque hujus generis libros  
ad Graecae Latinaeque linguarum studium sum utiles,  
tum necessarios supra commemoravimus.*

ANGELUS FABRONIUS  
JACOBO FACCIOLATO

S. P. D.

**N**isi tua singularis humanitas jam effecisset; ut ego haberer in tuis, ornatissime Facciolate, satis profecto causae esset ad consequendam amicitiam tuam, quod vitam explicaverim Herculis Francisci Dandinii. Qui enim fieri potest, ut illum non complectaris, qui in omnium aetatum memoriam producere, quantum in se fuit, curavit facta hominis non solum Juris, sed & multarum facultatum peritissimi, ubique longa consuetudine, morum integritate atque doctrina conjunctissimi? Habes cum his litteris illam ipsam vitam, & pro jure nostrae amicitiae a te peto, ut in ea legenda virgam expedias, & quaecumque minus tibi probabuntur, corrigas. Intelligo enim quantum illi accessurum sit ornamentum & auctoritatis ex censorio judicio, & notatione ista tua. Narratur mihi saepe te solere contemplari Dandinii effigiem, magnamque ex ea delectationem capere, quod illa tibi vi-

*deatur renovare congressus vestros doctissimosque sermones. Utinam non solum corporis, sed etiam ingenii, virtutumque ejusdem viri imaginem in hoc commentariolo possis agnoscere, quod esset ad levandum laborem, quem in illo emendando perpoliandoque impendes, accommodatissimum. Ego quid a me tibi pro hoc aliisque tuis beneficiis rependi possu non video. Sed si quid evenerit, in quo tu perspicere velis studium ac gratum animum erga te meum, efficiam profecto, ut intelligas, neminem tibi esse, quam ego sum, amiciores atque gratiores. Venio nunc ad epistolam tuam, qua mihi multa tribuens, unum reprehendere videris, quod in declarandis illustrium virorum vitis nimius sis, & tanquam prodigus. Suspicio illud minus tibi probari, quod nimis multa de illorum scriptis referam, & ambitiose interdum de iis iudicium interponam meum. Existimo equidem nihil a te nisi sapienter. Sed si demas narratori libertatem pluribus exponendi ea, per quae famam celebritatemque homines docti consecuti sunt, non dubito fore plerosque, qui hoc genus scripturae leve & non satis dignum summorum virorum personis judicent. Exigeres a me, ut consilia primum, deinde acta,*

postea eventus ceteraque, quae pugnas comitantur, describerem, si mihi de praestantissimo aliquo duce dicendum esset, quod haec seges atque materia fuerit illius gloriae, neque hac ipsa de causâ concedes mihi, ut paullo diuius immorer in exponendis iis, quae otiosus homo litteris consecravit? Fuerit Imperatorum vita gloriosior, sed non minus laudandi sunt ii, qui totas aetates contriverunt in exquirendis aperiendisque sapientiae fontibus, in erudiendis hominibus ad Dei cultum, ad jus naturale, civile, Pontificium, ad humanitatem, ad iustitiam, ad modestiam, magnitudinemque animi, vel si vis etiam in oblectandis animis poësis atque eloquentiae lenocinio. Horum vita profecto minus molesta fuit hominum generi, quippe ad pacis artes provehendas unice conversa, eaque tota cognoscenda est, ut sit proposita ceteris tanquam exemplar ad imitandum. Neque illud, quod a te dictum est, esse permulta de illorum prima institutione, de moribus, de vitae cursu, quae plerisque communia sunt, atque idcirco omittenda, valde tibi assentior. Cum admovemus manum ad effingendam formam alicujus, quae tota fuerit animi & corporis imago, quae exercitationes ingenii, quae

curricula mentis indicandum putamus cum electi-  
 one tamen quadam, ne minutissima quaeque con-  
 sectari voluisse videamur. Ut negligentia, ita ni-  
 mia diligentia vituperatione digna esset; qua-  
 propter scriptori utendum est iudicio quodam suo  
 in discernendis, distribuendis, narrandisque rebus,  
 & non tam instruere, quam delectare debet ille  
 lectorem, ejusque desiderio dum consulit, fasti-  
 dium atque satietatem vitare. Non audeo dicere  
 me id effecisse; experiri tamen volui, num as-  
 sequi possem, & dubitans plerumque, & mihi  
 ipse diffidens, exquirere soleo ab hominibus, qui  
 teretes aures habent intelligensque iudicium, num  
 satis oneri atque muneri, quod suscepi, me sa-  
 tisfecisse putent. Reliquorum, qui aut odio aut  
 invidia ducuntur, quorum insulsiatatem atque stul-  
 titiam ferre saepe debeo, iudicia non moror,  
 eosque aegris assimilare soleo, qui morbo insa-  
 nabili oppressi cibi suavitatem non sentiunt. Hi  
 quidem si quid litteris mandant, ita inkompta  
 atque inornata est eorum oratio, ut inopes hu-  
 manitatis, atque inurbanos homines facile agno-  
 scas; & dum insueti rerum majorum, diligenter  
 inquirunt in minima quaeque, quo die, qua ho-  
 ra aliquid dictum, factumque sit, & dum se

ostendant, & dum de non necessariis vel inutilibus rebus ineptissime multisque verbis disputant, neque vident quid res postulet, risum mihi magis quam stomachum movere solent. Plura me ad te de his rebus scribere pudet, ne videar prudentiae suae diffidere. Illud addam unum me curiosiorem fuisse in exquirendis Dandini moribus, quod rem gratam me facturum putavi Summo Pontifici Clementi XIII., cui maxime cordi erat (omnis enim honos, omnis admiratio, omne studium ad virtutem, & ad eas actiones, quae virtuti sunt consentaneae, ab eo referabatur) ut immortalitati commendaretur vita hominis, in quo literarum studiosi habere possent illustre veteris sanctitatis exemplum. Vale.

Romae III. Id. Decemb. MDCCLXVI.



## HERCULES FRANCISCUS

## DANDINIUS.

**A** Pud Caesenates & antiquitate & gloria majorum clara est Dandiniorum familia, quam ortam Senis nobilissima Etruriae urbe in magnis Senensis Reipublicae motibus in oppidum S. Archangeli primum, mox Caesenam saeculo XV. venisse hujus civitatis monumenta testantur. Ex hac familia procreatus est prid. non. Novemb. an. MDCXCVI. Hercules Franciscus Dandinius; natale vero solum habuit Anconam, quod ejus pater Hieronymus in hac civitate duxerat uxorem nobilem & probatissimam feminam Margaritam Fazioliam. Non diuturnum hoc matrimonium fuit, cum mors Herculis quadrimi matrem, & cum ea maternam familiam e medio sustulerit. Ex quo factum est, ut ejusdem pater in Urbe Veteri alteram duxerit uxorem e nobilissima gente Gualteria, ex qua plures suscepit liberos. Hi omnes patris diligentia bene instituti sunt; sed cum is vi-

### 142 HERCULES FRANCISCUS

deret Herculem docilitate ingenii reliquos superare, Romam misit, commendans & tradens eum fratri suo Anselmo Dandinio, qui erat ex numero XII. virorum, qui in Collegio Signaturae Iustitiae jus dicunt. Erat Anselmus in adolescentes paullo difficiliore atque severiori natura, quem sic veritus est Hercules Franciscus, ut ad ejus arbitrium & nutum totum se fixerit atque accommodaverit. Tantum vero eidem obsequens evigilavit in studiis humanitatis, ut in iis tempora quoque consumeret, quae alii concedere solent vel ad festos dies celebrandos, vel ad ludos, ceteraque oblectamenta, vel ad ipsam animi & corporis requiem. Hae erant exercitationes ingenii & curricula mentis. Quod quoque die legerat, atque a praeceptoribus audierat, commemorabat vespere, in adversaria etiam conjiciebat quaeque excellentissima, quae ex variis seu Italis, seu Latinis, seu Graecis scriptoribus libaverat: nam eodem tempore tribus in his linguis erudiebatur, sed praesertim Latina excolebat; & hoc maxime ad formandam sibi Latinam orationem conduxisse arbitratus est, quod totos

tres Ciceronis *de Officiis* libros Italos prius fecerit, mox Italos factos Latinitati restituerit. In his defudans, atque elaborans in morbum incidit; cumque sanguinem evomisset, vehementer diuque aegrotavit. Vix recuperata valetudine, praetermissa litterarum studia repetiit. Itaque triennium fere operam dedit cuidam religioso viro e familia Eremitarum S. Augustini, qui non vulgari cum plausu Romae Peripateticam philosophiam tradebat; mox ad rerum divinarum scientiam se applicuit, in eaque quadriennium versatus est, magistro primum Ambrosio Ansano Tontuccio e Dominicana familia, mox Dominico Antonio Briccialdio e Societate Jesu. His quidem doctoribus plurimum deditus fuit, sed non propterea ullus dies illi ab exercitationibus humanarum litterarum vacuus erat. Tali modo cum ad nonum & decimum aetatis annum pervenisset, admirabili quodam ad Juris prudentiam studio concitatus, totum se tradidit viro summo Jano Vincentio Gravinæ. Hoc praeceptore, non ad jejunam & nudam juris prudentiam ingressus est, sed ad illam magnam atque uberem, quae ad cogni-

tionem legum haustam e fontibus adjungit omnis antiquitatis notitiam , verborumque elegantiam . Qua in facultate adeo Dandinius profecit , ut facile illum omnes possent Cravinae discipulum agnoscere . Magno quoque eidem adjumento fuit patruus , qui in omni judicio , quod sibi faciendum erat , Herculem non modo participem , sed etiam adiutorem esse volebat : interdum etiam jubebat alicujus causae defensionem suscipere ; neque his contentus statim diebus ad se convocabat doctos homines , studiososque adolescentes , quibuscum Hercules exercebatur in explananda interpretandaque lege aliqua , disputandoque in contrarias partes de omni , quae poneretur , judiciali quaestione . Hi labores , magni ii quidem , cessationem aliquam liberam & plane otiosam postulare videbantur ab adolescente , cui tenuis erat valetudo . Sed tantus in eo residebat industriae ac scientiae amor , ut soleret otii quoque & rusticationis tempus in studiis consumere . Hoc tempore multum versabatur in lectione Ciceronis , aliorumque antiquitatis scriptorum , a quibus sibi suppeditari aiebat , ubi aures dicendi barbarie , quae

quae in foro dominatur, defessae conquiescent. Quo vero stilum exercitatione acueret, aureum illud Joannis Casae opusculum, quod *Galateus* inscribitur, ex Italica lingua in Latinam convertendum suscepit. Difficillima profecto res est pro dignitate Latine repraesentare dictionis genus, in quo cum veneres pene omnes Italicae orationis insunt, tum sententiarum concisae, humilesque comprehensiones, quam rem cum ex Transalpinis hominibus duo Nathan Chitraeus & Nicolaus Fierbertus tentassent, multum quidem abfuit, ut ii perfecti munus interpretis explerent. Nam neque periodi ac numerorum ulla ab iis est habita ratio, nec ullius delectus in verbis, quae propria, culta, immo quae non barbara essent, adhibendis. Praeter quam quod non semel iis in hac interpretatione conficienda aqua haesit, sic ut loca aliqua intentata reliquerint. Nihil est hujusmodi, in quo accusari possit Dandinius, quin immo maximis ille extollendus est laudibus, quod talem elucubraverit *Galatei* interpretationem, in qua ubique incorrupta Latini sermonis integritas apparet, & in qua tanta ineit sua-

vitas verborum numerorumque, ut facile possis in ea quasi pictam Casae in scribenda venustatem cernere. Quemadmodum autem natura ex una re aliam educit ejusdem generis, sic labor, quem Hercules Franciscus in *Galateo* impendit, laborem non dissimilem procreavit. Itaque conscribendos suscepit Latinos dialogos de quibusdam officiis ad urbanitatem pertinentibus, ut esset unde ad ea, quae in hoc genere *Galateus* tradiderat praecepta, corollarium adderetur. Quae autem docuit in his dialogis Dandinius, voluit illa exemplis declarare. Quare plurima Graecorum, Latinorum, Italicorumque scriptorum loca in medium profert, conferensque rusticitatem unius cum alterius urbanitate (fecit hoc idem Casa in quibusdam Dantis & Petrarcae carminibus) quid cavere, quid sequi nos deceat, ante oculos ponit. Scribendi ratio, quam in his dialogis adhibuit, est culta, pura, suavis, lenis & pressa, sine inopia & jejunitate, satisque apparet dialogos Ciceronis philosophicos, quod & ipse in praefatione testatum voluit, sibi proposuisse ad imitandum. In primo dialogorum, ut de sine

gulis pauca perstringamus, reddit: & exponit rationem, quare *Galateum* ex Italico Latinum fecerit; nonnulla quoque persequitur de perfecta interpretandi ratione; & simul ostendit rem esse magni laboris ac difficultatis. In secundo multis probat rationibus, quarum plerasque ab Aristotele mutuatus est, urbanitatem virtutem esse, ejusque praecepta e morali philosophia deduci. Dicturus figillatim de quibusdam urbanis officiis initium ab iis sumit, quae in salutatione & in primis congressionibus observanda sunt. His tertio in dialogo expositis, transit ad ea, quae ad sermones & ad ornatum ac gestum corporis pertinent, in iisque explicandis totus versatur dialogus quartus. Deum quintus tribuitur explicationi convivalis urbanitatis, de qua utilissima praecepta dat; neque negat plura eorum, illa praesertim, quae sunt de convivali sermone, se ex Plutarco sumpsisse, quoniam ejus convivia magis, quam aliorum antiquitatis philosophorum, sunt exulta officiis urbanitatis. Neque est praeterendum, multa in his dialogis occurrere, quibus auctor ostendere conatus est, Virgi-

lium in iis ipsis rebus, quas ab Homero mutuatus est, hunc longe multumque superare: ( loca enim utriusque inter se conferuntur ) observatione decori urbanorumque officiorum. Placuit Dandinio opus hoc inscribere *Orium Aricinum*, propterea quod in Aricino illud elucubraverat iis feriarum forensium temporibus, quibus ibi cum patruo rusticari solitus erat. At priusquam haec perficeret atque ederet, aliud conscripsit opus, quod & sibi & patriae gloriosum fuit. Etenim adnotationibus illustravit Historiam Caesenaë, quam Italicae scripserat Caesar Brixius, & Franciscus Maria Fancinus in Latinum converterat. Profecto Brixius nimis properans ac festinans pleraque in hac Historia nisi summatim attigerat, quae ut dilatarentur, plurimum ad laudem illius urbis interesse Dandinus putavit. Ille igitur multa in medium protulit testimonia ac monumenta, neque ea minuta, sed gravia & grandia, quae mirabiliter Brixium resque Caesenatium illustrent. In his adnotationibus sunt nonnullae, quae non solum explicant hominum res gestas, sed etiam qui fama, nomine excellunt.



riat, & de eorum vita & natura haud pauca commemorant. Optasset Dandinius illud atrium familiarum origines subtexere; sed cum Brixius nullum sibi ad hanc rem aditum dedisset; supersedendum duxit. His confectis adnotationibus; egit cum Batavis typographis, qui curam sustinebant edendi *Thesaurum Antiquitatum & Historiarum Italiae*; ut eae cum Brixiana Historia in *Thesaurum* illum referrentur. Quod facile obtinuit. Quare eundem idem sub ficto Herclei Dinundae nomine latere voluerit, non satis scio. Verum is suis civibus diu haud potuit occultari. Hi pro tali munere in Dandinium grati nihil sibi reliqui fecerunt, ut sua in illum amoris ac studii constarent officia; ac praesertim honores eidem tribuerunt amplissimos eo tempore (id fuit anno MDCCXXIV:) quo ille ad eos venit, ut lauream ceteraque doctrinae insignia acciperet. His ab eo acceptis cum praeclaro indicio praestantissimi ingenii & perfectae eruditionis; in eam praesertim curam incubuit; ut valetudini consuleret, patrique caeli aspirationem adeo salubrem expertus est, ut qui non bene sanus;

gracilisque Roma profectus fuerat, valens pinguique habitu ad eam septem fere post menses redierit. Hoc tempore magnam junxit amicitiam cum Alexandro Cecchinio viro non solum scientia juris, quod in Urbe magna cum laude exercebat, sed etiam optimis artibus eruditissimo, & cum eo quasi quamdam societatem & communicationem studiorum instituit. Optasset ille per omnes recentiorum juris Interpretum libros excurrere, sperans se multa ab eorum fontibus posse haurire, quae immensam suam proficiendi sitim explerent; sed obstabat patruus plus aequo antiquitatis amans, verensque ne ab iis praesertim, qui jus naturae & gentium tractarunt, adolescens summa integritate & innocentia pravis imbueretur opinionibus. Itaque si quem horum scriptorum is in manus sumebat, occulto id facere cogeatur. Ab juris exercitationibus disjungebat se interdum, seque ad mansuetiores musas referebat. Hinc Latinae quaedam orationes sane nobiles atque elegantes, quae alieno nomine sunt editae. Vel antea jam Hercules Franciscus dederat specimen sui ad eloquentiam ingenii.

in ea, quam an. MDCCXVII. in patria habuit, Italica oratione de Principe Eugenio Sabauda, laudans & efferens eum a fortitudine, prudentia atque pietate. Nullus sane erat campus, in quo magis exultare posset ejus oratio, cum ex bellica laude nemo aspirare ad Eugenium auderet. Idem cum cooptatus fuisset in Academiam Quirinorum, vernacula quoque oratione disseruit de antiquorum Fecialium jure, quae quidem oratio & elegantia & eruditione omnibus probatissima fuit, aditumque ei patefecit ad amicitiam Cardinalis Laurentii Corsinii, qui eidem Academiae praeerat. Neque studiis eloquentiae contentus attigit poeticen quoque, sed quae condidit carmina seu Itala, seu Latina, quamvis ea concinna sint & elegantia, declarant tamen eum caruisse illo quasi furoris afflatu, sine quo Democritus quemquam poetam magnum esse posse negat. Interim Dandinius, jubente patruo, consilia inire coepit ducendae uxoris, duxitque in patria an. MDCCXXX. Isabellam Fattiboniam, feminam virtutibus & nobilitate claram, cum qua ad extremum vitae spiritum vixit con-

junctissime, & ex qua undecim suscepit li-  
 beros. Sexto mense postquam has nuptias  
 contraxerat Hercules, patrum amisit, a quo  
 ex asse heres factus est. Haec res illi causa  
 fuit magnarum perturbationum, propterea  
 quod pater in liberos, quos ex secunda pro-  
 creaverat uxore, propensior iniquo ferebat  
 animo, hos fratris sui bonorum exheredes es-  
 se. Itaque non sinebat Herculem nisi tenues  
 ex hac hereditate percipere fructus, quibus  
 vix se suamque familiam sustentare posset.  
 Quibus angustiis cum premeretur, maximum  
 in sua virtute suisque in studiis levamen-  
 tum reperiēbat. Cum jam non amplius Ur-  
 bem cogitaret, ac sedem domiciliumque suum  
 in patria collocasset, in hoc sibi quam ma-  
 xime elaborandum putavit, ut sui cives es-  
 sent opera, studio ac labore suo doctiores.  
 Itaque domum suam tanquam ludum quem-  
 dam aperuit non solum jus discere cupienti-  
 bus, sed etiam omnibus iis, qui se cetera-  
 rum doctrinarum optimarumque artium ama-  
 tores profiterentur; horumque utilitati quo  
 magis prospiceret, eadem in domo sua Aca-  
 demiam instituit, cui *Philomatorum* nomen im-

posuit. Academicis leges quasdam dedit; has vero ita scripsit, ut haud pauca earum verba retineant venerandam illam antiquitatis effigiem, quae in XII. Tabularum legibus est expressa. In hoc quoque magnopere profuit civibus suis, quod omnibus de jure consulentibus respondebat, quodque illo arbitro ac disceptatore plures diremptae sunt lites. Accidit interea ut Caesenates singularibus a Clemente XII. ornati beneficiis (per eum enim gradus, honores, juraque amplissima, quae sibi adempta fuerant, recuperarunt) aeternis vellent monumentis memorem atque gratum animum suum testari. Itaque tanti Pontificis simulacrum e marmore in Praetorio positum fuit, & invitati ii, qui laude ingenii ea in civitate florebant, ad ejusdem Pontificis munificentiam celebrandam cum soluta, tum obstricta pedibus oratione. In hac re praecipuae partes fuerunt Dandinii. Nam is Latinam attulit orationem, attulit quoque Latinum carmen & elegiam, quae quidem omnia scripta sunt elegantissime & sententiis & verbis. His ille rebus effecit, ut maxime coleretur a civibus suis. Multa quoque &

ornate & honorifice de eo praedicabant absentes, ad quos aut fama de illius doctrina, aut ipsius scripta pervenerant; florebatque jam doctissimorum virorum familiaritatibus. Sed non magis vir doctus, quam bonus paterfamilias haberi studebat, quam utramque laudem collegit eo, quem, ut filiis suis praesertim consuleret, Latine & Italice scripsit, dialogo de ratione pueros adolescentisque erudiendi in bonis artibus ac disciplinis. Argumenti utilitas hortatur nos, ut plura de hoc libro referamus, quam instituti nostri ratio postulare videtur. Statuit primo delectum haberi oportere ingeniorum, quae idonea sint ad bonas artes ac disciplinas adquirendas; haec benigne liberaliterque instituenda, cum permagni referat, ut suos praecipit ament, & cum voluptate studia litterarum excolant. Transít inde ad rationem docendi, tradendique praecepta, atque hanc ita esse temperandam, ut brevis sit, ut commoda, ut jucunda adolescentibus. Jure igitur ac merito eos vituperat, qui sinunt pueros plures annos in unius Latinae linguae rudimentis consumere, cum Latinae orationis

formandae regulas ab usu & consuetudine Latinorum scriptorum petere necesse sit. Hinc jubet pueros, postquam capita quaedam praeceptorum grammaticae perceperint, quae certa sint, firma, ac stabilia, statim duci ad classicum aliquem scriptorem, quem sine intermissione versent, memoriae tradant, in Italicum sermonem convertant, habeantque veluti unum ex familia, quocum magistri ope familiarissime loquantur ac vivant. Explicat quibus gradatim libris uti illi debeant, existimatque initio iis minime attingendos esse poetas, ne poeticas locutiones solutae orationi incaute admisceant, & monstra quaedam pariant. Postea vero quam adolescentem in suavi non minus, quam utili elegantissimorum librorum lectione ita se exercuerint, ut jam non Latinam solum orationem, sed etiam illius veneres sint affecuti, censet iis dandam esse operam dialecticae. Non tamen vult eosdem misere torqueri illis spinosis disputationibus, quas barbari quidam Scholastici invexere, quare ipsos delegat ad Arnaldi librum, qui inscribitur, *Ars cogitandi*, aut ad *Institutiones Logicas* Ia-

cobi Facciolati . Morem disputandi in contrarias partes non negat plurimum habere utilitatis ad acuenda ingenia , verum placere sibi , ut ea in quaestione ponantur , quae pertinent ad hominum mores , aut ad civilem populorum societatem . A dialectica ducit adolescentes ad geometriam , cujus inter ceteras utilitates illam potissimum recenset , quod mentem sic informet , ut haec rectum ordinem agnoscat ac sequatur in omni scribendi loquendique ratione . Hoc confecto cursu , tunc jubet adolescentes ingredi stadium rhetoricae ac poeticae , quarum artium praecpta ex lectione maxime optimorum tum oratorum , tum poetarum haurienda esse putat . Optare se dicit , ut hoc tempore Grae-  
 eas litteras cum Latinis iidem conjungant : quaedam eaque utilissima , allata Julii Poggiani viri docti epistola , differit de recta ratione imitandi veterum scripta , cujus rei exempla permulta profert , quae manu volut ducunt adolescentes cum ad recte invenien-  
 dum , tum ad scribendum eloquenter . Haec sunt curricula , hae exercitationes . in quibus ingeniosi adolescentes , qui mansuetioribus



musis initiari cupiunt, versari debent. Neque iis quoque deest, qui ad majores facultates aspirant, nempe ad philosophiam, reconditiores res, mathematicas ( his tamen rebus ille non erat nisi leviter tinctus ) theologiam, pontificium atque civile jus. Indicat enim quibus libris tanquam ducibus uti debeant; & hoc ignoscatur velim jurisconsulto, quod de sola juris prudentia plura tradat, quam de ceteris omnibus, quas memoravimus, disciplinis. Nihil vero in hoc libro ponit Hercules Franciscus, cujus continuo rationem non proferat, quanquam paucis aliquando comprehensam. Qua in re imitari voluit scientiae juris civilis conditores illos elegantissimos Alfenum, Papinianum, Ulpianum, ceterosque, in quibus assidue legendis fatetur ipse multum se & posuisse temporis, & hausisse voluptatis. Satis de hoc libro dictum erit, si hoc unum adjunxero mihi affirmasse hominem, qui fuit intimus Dandinio, hunc auctorem esse orationis de moderanda studiorum ratione, quae in eundem librum relata est, quaeque Turrio in Archigymnasio Romano juris prudentiae interpre-

ti tribuitur. Quoniam vero hanc susceperat personam Hercules Franciscus, ut optimae adolescentium institutioni consularet, rem perquam utilem se facturum putavit iis, qui ad juris prudentiam exercendam se applicuerunt, si rationem traderet declinandi immanes illos barbarissimos, quos perversa consuetudo in forum invexit. Quid sunt potro apodiare, retinere sub manica, antidata, cavamentum, palata, unum petium terrae, depositare in banco, reportare suum recapitum seu receptam a bantherio, juvenis negotii, defectus non adimplementi tractamenti, tractamentum, repartimentum, deducere praetensionem, & innumera alia hujusmodi foedissima monstra? Haec acriter persequitur Hercules Franciscus in eo, quem confecit, dialogo de forense scribendi ratione culta atque perspicua; & ex Pandectarum libris, tanquam ex narthecio, promit medicamenta, quibus ista sanari possit contagio. Optandum esset quidem ne Dandinium forensem barbariem emendare ingressum e cursu ipso aliae res tum privatae tum publicae revocassent. Eodem ferme tempore edidit commentariolum de ea distribuentis Iustitiae

*parte, quae in praemiis largiendis versatur. Quae-  
rere solebat Dandinius, quid esset, cur, cum  
multa theologi, philosophi, ac jurisconsulti  
scripserint de justitia, hanc partem, in qua  
magna est laus atque utilitas, aut praeter-  
miserint, aut non nisi leviter tetigerint. Fa-  
cturum igitur se operae pretium existimavit,  
si in id incumberet, ut ostenderet, in prae-  
miis largiendis certas justitiae regulas esse,  
quas negligi nec aequitas nec honestas pati-  
tur, adeo ut qui meritis honores non ferat,  
tam conqueri possit, quam is, cui pactum non  
servetur, aut data in stipulatione fides franga-  
tur. Docte eruditeque examinat ad praemium  
obtinendum quid aetas, quid genus, quid  
majorum praeclara gesta, quid natale solum,  
quid propria cujusque conferant merita; &  
quae demum honorum petitio honesta existi-  
manda sit, & distribuenti justitiae consenta-  
nea. Hoc porro commentariolum nuncupavit  
Triumviris Patavinae Academiae, totiusque  
rei litterariae Moderatoribus; rationem au-  
tem nuncupandi hanc se habuisse dicit, quod  
ii se praeberent exemplum illius justitiae tum  
in eligendis viris insigni doctrina praestanti-*

bus, qui eo in Gymnasio publice docerent, tum in praemiis pro cuiusque merito concedendis. Illi certe hanc laudem meruere, cum anno MDCCXXXV. eximio D. aureorum florenorum praemio Herculem Franciscum invitassent ad interpretandos eodem in Gymnasio Pandectarum & Justiniani Codicis libros. Accepit ille conditionem, & quod esset honestissima, & quod illius accipiendae suae esset atque impulsor Joannes Baptista Morgagnius vir sibi maximis amoris vinculis junctus. Patavium igitur cum uxore & liberis autumnus ejusdem anni concessit; & quamvis vir modestissimus illa se commoveri exedra diceret, in qua praestanti doctrina homines consediscent, talem tamen se praebeuit; ut superiorum gloriam aut vicerit, aut certe aequaverit. Ex quo factum est, ut ad stipendium quingenorum florenorum ducem breve post tempus adjungerentur, utque ad impositum munus hoc quoque novum adderetur, explicandi videlicet quidquid Novellis Constitutionibus continetur. Ac ne quis forte quaerat quam interpretandi viam secutus sit Dandinius, juvat referre, quae ipse epistola

stola quadam ad amicissimum suum Iosephum Torellium Veronensem scripsit. Nosti morem interpretandi meum. Cum enim in unoquoque titulo Pandectarum capita, sive leges, universe quidem ad unum genus juris attineant; sed tamen si spectentur singillatim, varia de uno genere juris argumenta complectantur, sic distributa, ut diversas in sedes ea, quae similia sunt ac saepe eadem quoque, concurrant: ego, certas conficere classes opportunum censui, duas modo, modo tres, in quarum singulis convenientia inter se quaeque capita collocarem; ne primo aliquid attingere, mox aliud diversum, rursusque primum, deinde novum aliud, iterum ad primum, vel tertium resilire, non sine temporis dispendio & auditorum molestia, opus haberem, quem ordinem, a me nullo duce institutum, indicant eae tabellae, quas typis edo quotannis, exhibeoque amplissimis rei nostrae literariae Triumviris. Neque est praetereundum nunquam Dandinium satis putasse legum sensum exponere, nisi simul ostendisset, quibus ex fontibus illae manassent. Hinc multa ex Graecis & Latinis scriptoribus depromebat, multa ab historia, omniique antiquitate repetebat, & saepe

pe etiam a philosophia ac praesertim morali lumen mutuabatur. Dixisses illum spoliare voluisse grammaticos suis divitiis, cum ad enodandos juris laqueos vocum origines rationesque explicaret: non nisi utilia confectabatur, & quotidie tamen aliquid minime vulgare, minimeque contritum adferebat: adjungebat ad haec miram Latini sermonis elegantiam, adeo ut si ipsa loqui posset juris prudentia, non rectius, aut copiosius, aut ornatius, aut majori cum dignitate sensus suos explicatura videretur. Huic rei argumentum esse possunt duodecim, quas an. MDCCXLI. in vulgus edidit, epistolae ad Josephum Torrellium, quem paullo supra commemoravimus, *de Servitutibus praediorum*. Hae enim continent eadem ferme illa, quae anno superiori in schola idem tradiderat, cum VII. & VIII. Pandectarum libros interpretaretur. Quas qui legent, hoc maxime admirabuntur, quam acute atque erudite Auctor indagaverit illarum servitutum originem; quam scienter earumdem jura exposuerit; quam nova multa attulerit de usufructu illarum rerum, quae sunt in abusu, de usufructu navis, statuarum ac

gemmarum, massae aureae vel argenteae, feminarii sive plantarii, arearum, aedium, harumque habitationis; quam expedite explicaverit difficiles in quibusdam legibus nodos; quam facile specie inter se pugnantēs leges conciliaverit; & quam recte multos interpretum errores correxerit. Neque contemnenda, immo scitu digna sunt, quae arrepta a tempore, in quo scribebat, occasione, cum lepide, tum ingeniose differit de discrimine vocum *virilia* & *viridaria*, & quocumque te veritas, ubique interiorum ac reconditarum litterarum vestigia agnosces. Quapropter eos, quibus disciplina juris squalidum quiddam ac desertum videtur, facile erroris convinci posse arbitror, si ad has Dandinianas epistolas delegentur. Patavii cum esset, dulcem quidem & optatum capiebat fructum ex familiaritate & consuetudine Joannis Baptistae Morgagnii, Josephi Alaleonae, Jacobi Faciolati, Joannis Antonii Vulpii, aliorumque clarorum virorum, quibus semper illud Sapientiae domicilium abundavit. Aedes quoque frequentabat Card. Caroli Rezonici, qui tum Patavinam Ecclesiam, nunc orbem ter-

rarum, gentiumque omnium Catholicarum Clementis XIII. nomine sapientissime sanctissimeque gubernat. Huic enim eximie carus & jucundus erat, praesertim propter summam in Deum pietatem, summamque morum innocentiam. Atque hoc non auditum, sed nobis ab ipsomet Pontifice Maximo testatum praedicamus. Nam cum is aliquando pro sua singulari benignitate passus esset nos secum loqui de viris doctrina claris, qui aut illustrant, aut illustrarunt Patavinum Gymnasium, incidissetque in mentionem Dandinii, paucos se cognovisse dixit, qui cum eo integritate, religione, diligentiaque in liberis educandis certare possent; adeoque viri jucundissimi, & ab adolescentia amicissimi obitu se commotum fuisse, ut nihil propemodum sibi unquam acciderit ad dolorem acerbius. Sciunt porro omnes experti, quanta vis sit in amicitia, si hanc similitudo naturae conjunxerit. Nec minus Hercules Franciscus officia sua praestitit absentibus amicis, e quibus maxime dilexit Jacobum Bassanum Vicetinum, e Caesenatibus Angelum Serram, Patricium Righium, Ferdinandum Ghinium,



Stephanum Florevantium , e Provincialibus Sanctem Buchium , Josephum Pintium & Hieronymum Ferrium , ad eoque cum laxatus erat curis , quas illi docendi munus afferebat , crebras elegantissimasque mittebat epistolas . Est in manibus hominum , quam ad Bassanum scripsit de Benedicti XIV. Pontificis Opt. Max. laudibus . Carolo Fattibonio non solum amicitia , sed etiam affinitate sibi conjuncto , cum lite implicaretur , ea tribuit , ut plura a parente proficisci non potuerint . Nam jura illius scripto defendit , & quibus aliis potuit rebus juvit . Longum esset commemorare singulos , quibus in judicialibus controversiis consilia dedit plena prudentiae ac fidelitatis . Thomae Emaldio Lugienſi paranti editionem elucubrationum Bartholomaei Riccii popularis sui multam & utilem operam praebuit . Nam illius politissimi scriptoris vitam magna ex parte exaravit , haud pauca inedita suppeditavit , & ut quam emendate ac nitide Patavinis typis editio fieret curavit . Id intelligi volumus , nemini unquam , qui ejus ope indigeret , defuisse ; quo fiebat , ut ejus amicitia omnibus esset carissima ,

Beatum se existimabat, si posset memor gratulque accepti beneficii & esse & videri; quod autem ipse tribuerat, tamdiu meminisse videbatur, quoad daret. Neminem etsi lacessitus unquam laesit, & in indulgendis peccatis facilem semper se praebuit; tanta vero erat patientia, ut nullus eum querentem audierit. At qui forti & magno erat animo in rebus suis adversis perferendis, facile cum in amicorum, tum in ceterorum hominum miseriis lugebat. Sed hoc in eo propter singularem ipsius bonitatem minus fortasse mirum videri potest. Vere enim hoc Graeci proverbio dicunt, bonos viros faciles esse ad lacrimandum; & miserius esse carere omni sensu doloris, quam dolere. Si quis unquam fuit remotus & natura, & magis etiam ratione atque doctrina ab inani laude, simulatione atque ostentatione, Dandinius profecto fuit: adeo vero simplex & purus, ut vel ipsa fraudis, machinationis atque avaritiae nomina ignorare videretur. Quae, aliaeque virtutes eo magis delectabant, quod apparent in eo cum specie quadam liberali, hilari & venusta. Ludicra spectacula ab ipsa

adoleſcentia fugit ; & quo tempore plerique hominum ſolent feriati oblectationi indulgere , ille ſe in ſuam bibliothecam abdebat , ut aliquid aut legeret , aut ſcriptitaret . Ornabant hanc bibliothecam non modo feſtivalibrorum copia , ſed etiam pictae doctorum hominum imagines , quarum ſingulis appoſuerat brevem , ſed elegantem explicationem earum rerum , quae magis eſſent commemorandae de vita illorum , quos repraeſentabant . Magnorum viroꝝ exempla maxime incitabant Dandinium ad illa aemulanda . Quapropter nunquam cogitare deſtitit , quibus aliis poſſet ingenii monumentis , quam ſuſtinebat , publici Doctozis dignitatem ornare . Suſceperat expoliendos Latinos dialogos , quos ad emendandam barbariem forenſem deſtinaverat ; multa ex annuis interpretationibus in lucem hominum edere parabat , quo libro *de Servitutibus praediorum* , alii comites darentur , ſed ab his , alijsque laude quidem dignis rebus agendis eum , abſtraxit mors , quam obiit VII. id. Nov. an. MDCCXLVII. Mortis cauſſa fuit apoplexis , quae eundem jacentem in lecto ( nam febricula labo-

rabat) corripuit. Sepultus est in Aede S. Aegidii, ut ipse testamento praescripserat. In sepulcro vero Joannes Baptista Morgagnius, qui in primis amicissimi hominis casum doluit, hoc inscripsit elogium.

D. O. M.

HIC SITA SVNT OSSA  
 HERCVLIS FRANCISCI DANDINI  
 COMITIS ET PATRITII CAESENAT.  
 PANDECTAR. COD. AVTHENTICOR.  
 IN PATAVIN. GYMNASIO  
 INTERPRETIS CELEBERRIMI  
 GENERE DOCTRINA MORIBVS  
 PRAESTANTISSIMI  
 QVI VIXIT AN. LII.  
 OBIT AN. DOM. MDC. XXXVII.  
 VI. ID. NOV.

Caesenates non solum luctu, sed etiam iustorum pompa, cenotaphio, & monumentis litterarum tanti civis mortem honorandam decreverunt, quod ad memoriam patriae laudis, & ad superstites excitandos spe gloriae plurimum conducere sunt arbitrati.

## O P E R A E D I T A

Orazione delle lodi del Serenissimo Principe Eugenio di Savoia per le vittorie riportate contro il Tureo . *Exat in libro, cui titulus* Componimenti degli Accademici riformati di Cesena per le vittorie dell' armi Cesaree sopra de' Turchi . In Faenza per Gioseffantonio Atchi Stampatore del S. Offizio 1717. in 16.

Caesaris Brixii ad Clementem VIII. Pont. Max. urbis Caesenaë descriptio a Francisco Maria Faccino Caesenate nunc primum ex Italico in Latinum sermonem versa , & Herclel Dinundae ( *hoc est Herculis Dandini* ) adnotationibus illustrata ac locupletata . *Exat in Thesauris antiquitatum & historiarum Italiae edito a Petro Burmanno* , Tom. IX. Part. VIII. quae priorum Tomorum supplementi vicem praestat : Lugduni Batavorum sumptibus Petri Vander Aa , Bibliopolae Civitatis , atque Academiae Typographi 1735. in fol.

Herculis Francisci Dandini Caesenate Otium Arcinum , sive de Urbanis officiis Dialogi V. quibus accedit ab eodem ex Italico sermone in Latinum conversus Joannis Casae Galateus : Romae ex Typographia Antonii de Rubis &c. an. 1728. in 4.

*Leges Academiae Philomatorum nuper in urbe Caesanae institutae Kalendis Januarii 1731. Caesanae eodem anno in 8.*

*Oratio, Carmen, & Elegia, quae laudes continent Clementis XII. Extant in libro, qui inscribitur:* Alla Santità di nostro Signore Papa Clemente XII. tributo di venerazione e gratitudine della Città di Cesena per li decorosi ed utili privilegi dalla Santità Sua ad essa restituiti. *In Padova 1732 presso Giuseppe Comini in 8.*

*Erminii ac Meranii dialogus, in quo Erminius ad Filium suum erudiendum institutionem pirat, Latine, idemque Italice conscriptus, auctore Hercule Francisco Dandino, Patricio Caesenate, Comite & J. C. Caesanae typis ac sumptibus Francisci Antonii Blasini Typogr. Episc. 1734. in 4.*

*Herculis Francisci Dandini Comitis & J. C. Caesenate, de forensi scribendi ratione culta, atque perspicua: Dialogus primus. Patavii 1734. typis Jo. Baptistae Conzatti in 4.*

*Herculis Francisci Dandini Comitis & J. C. Caesenate de ea Distribuentis Justitiae parte, quae in praemiis largiendis versatur commentariolus ad interpretationem legis XIV. §. de honoribus & §. Gerendarum de muneribus & honoribus. Patavii 1734. typis Jo. B. pt. Conzatti in 4.*

*Hendecasyllabi sane fluentes & nitidi ad Catullum a Joanne Antonio Vulpio commentariis auctum & illustratum.*

*Stratum: impressi sunt cum eodem Catullo, Patavii 1737. in 4.*

*De Pont. Opt. Max. Bened. XIV. laudibus epistola ad Jacobum Bassanum S. J. Patavii apud Josephum Cominum 1740. in 8.*

*Herculis Francisci Dandini Comititis & J. C., & in Patavino Gymnasio Pandectarum, Codicis Justiniani, & Novellarum Constitutionum interpretis, de Servitutibus praediorum Interpretationes per epistolas ad l<sup>ra</sup>ca quaedam libri VII. & VIII. Pandectarum illustranda pertinentes. Veronae typis Seminarii 1741. in 4. magno.*

## ANGELUS FABRONIUS

FRIDERICO MANFREDINIO MARCHIONI

S. P. D.

**N**Oli putare quidquam me malle, quam de-  
 fideriis satisfacere tuis, tibiue gratifica-  
 ri, cui, ut Plinii verbis utar, summa dignitas,  
 summa studiorum reverentia, summus amor stu-  
 dioforum, quique patriam tuam omnesque, qui  
 nomen ejus auxerunt, ut patriam ipsam venera-  
 ris & diligis. Quod si hæc, quæ de Silvestrio  
 tuo exaravi, elegantiae aliquid habere tibi vide-  
 buntur, necesse est ut te ipsum laudes, quia ni-  
 hil nisi ex consilio & judicio tuo sane prudent-  
 tissimo feci. Obversatur enim oculis tuis civis  
 praestantissimi imago, quo neminem aetas nostra  
 graviolem, sanctiorem, eruditiolemque tulit, &  
 de quo cum soleas multa narrare memoriter &  
 jucunde, eum corpi diligere, posteaue magis  
 admiratus sum, cum propius inspexi. Homo, qui  
 omne tempus perire putabat, quod studiis, quod  
 patriæ non impertiebatur, dignissimus quidem est.



cujus memoria posteritati prodatur. Majores nostri id spectabant in primis, ut religionem & generis humani societatem incolumem servarent, operamque omnem atque industriam ad eas artes conferebant, quibus duo haec continerentur. Quapropter multi nunc queruntur ea maxime probari & esse in pretio, quae extrinsecus inducta facie pellucet, magisque oblectant, quam profunt. Ausim non caret litteris hoc saeculum, abundat etiam, si nihil quaerimus nisi copiam, adeoque absumus a reprehendendis iis, qui temporis serviunt, ut Plinianum illud usurpare non vereamur; unusquisque contentus esse debet litteris saeculi sui, easque colere, ut moris est. Florent nunc etiam in Italia & extra Italiam Graecae Latinaeque litterae, non desunt poetae & oratores, quae jacuere jamdiu philosophica & mathematica studia magno sunt in honore, creata chemia, ad novam, ut ita dicam, vitam revocatae historia naturalis, res herbaria, medica & anatomica, sordibus spoliata metaphysica novaque luce illustrata, illud ipsum jus civile, quod aliquando ita erat jejunum, ut se triduo juris consultum fieri posse Tullius in causa Mureniana jactaret, magna eruditionis & de-

*doctrinae docti locupletarum, patefacti legum omnium fontes, vindicata hominum jura, rei publicae gubernandae scientia optimo in lumine collocata, enodatus & enucleatus exposita hominis officia, & quae sint rectae animi affectiones, quae distortae & pravae, ac sublato veluti libertatis signo, invitati homines ad meditandum, investigandum, experiendum, deprecandosque de antiquissima possessione illos, qui olim in scholis dominabantur, aut qui specie tuendae religionis tyrannice vetabant quidquam in vulgus emittere, quod veram philosophiam saperet. Quid plura? Hujus adeo amplificatum est imperium, ut nobis pene sordescant vel ea, in quibus libera quaedam animi oblectatio quaeri solet, nisi adjuvmenta atque ornamenta quoque sumpserint ab hac laudandarum omnium artium parente. Sed cum multum dilatiati sint doctrinarum fines, plurimumque aucta discendi facilitas, vereri illud debemus, ne homines aestu quodam cognoscendi omnia sic ferantur, ita tanquam tempestate aliqua perpetuo jactentur, ut nunquam errandi finem faciant, nunquam in ullius doctrinae tanquam portu conquiescant. Si verum quaerimus, non esset istud discendi desiderium, sed fasti-*

dium, & ad coarguendam levitatem eorum, qui se omniscios; minus quidem Latīno, sed splendido glorioſoque vocabulo appellant, ſatis erit oſtendere, quanta & quam varia vel una diſciplina requirat & poſcat, & quantis ex artibus ipſa coaleſcat. Quam late patet phyſicorum mathematicorumque facultas! Quod univerſam mente comprehendere non potuerunt, plura in membra ſecuerunt, quibus in ſingulis elaborare atque excellere magnum eſt, omnia conſequi non poſſumus. Eadem ferme eſt ratio ceterarum facultatum, quae niſi ex multarum artium cognitione eſſortuerint, jejunae & imperſectae erunt; quapropter nunquam ſatis monere poſſumus homines, ut ex eo, quantum cuique datum eſt, meditiantur ingenii facultates, ne in plura ac diſparia ſtudia illud diſtrahant, ne ſe aut communi philantia, aut fallacibus librorum inſcriptionibus, qui paucis chartis univerſam aliquam ſcientiam ſe comprehenſuros pollicentur, decipi ſinant, ut multam quidem dent operam litteris, ſed non multis, & ad eas, quas excolendas ſuſceperint, omnia referant, ut in iis non mediocres, ſed ſummi; ſed excellentes, ſed ſingulares tandem aliquando evadant. Noſti tu quidem, vir

*amplissime, quam libenter aut increparet, aut illuderet Silvestrius adolescentes illos, qui caeco impetu abrepti sibi nimum confidentes universum pene scientiarum curriculum conficere se posse sperabant, & quos beato ac moderato ingenio praeditos inveniebat, blandissime appellabat, indicabat iis temeraria aliorum consilia, nec dubitabat onus in se suscipere, quamvis non festive modo, sed etiam vere dictum a Luciano videatur; Jovem quem oderit illum pueris erudendis addicere, iis rerum fontes, atque itinera ipsa demonstrandi, dum eam spartam, quam sibi sumperant, & ad quam nati & a natura facti videbantur, nunquam desererent. Id praesertim praestitit in liberis suis, quos patriae ornamento fore sperabat, non secus ac fuerunt Caelii, Riccobonii, Bonifacii alique plures, quorum vestigia tu quoque vivido, quo polles, ingenio secutus es, donec ex armis & bello gloriam quaerere tibi perplacuit. Sed accidit Leopoldi Principis nostri sapientissimi providentia, ut ad pacis artes, vel invitus, redieris, ex quo tibi liberorum suorum curam detulit, quibus ita consulis, ut per eos aurea saecula restitutum iri confidamus. Vale.*

*Pifis III. Non. Martias MDCCLXXXV.*

## CAMILLUS SILVESTRIUS

**C**amillus Silvestrius Rhodiginus. Is tamen Patavii natus est postr. id. Junii an. MDCXLV., quam in urbem saeculo XVI., qua de causa nescio, majores illius commigraverant. Pater ipsi fuit Alexander, mater Anna de Angelis. Horum si virtuti nobilitatique par data fuisset fortuna, non is durus esset initio adolescentiae. Patrem puen amisit, coactaque mater rei familiaris angustia & cognatorum negligentia Rhodigium redire, ibi pudice ac parce vitam agebat. Sed cum fulgere jam coepisset in adolescentulo indoles virtutis, ipseque cuperet animum ad juris prudentiae studium adjungere, venit mater una cum illo ad Academiam Patavinam. Tum vero omnes omnia bona praedicere, & laudare fortunam ejusdem, quod filium haberet tali ingenio praeditum. Fecit hic periculum in utroque jure, cum ageret aetatis annum viceimum primum, & laurea donatus est. Post haec redditus patriae Camillus, hoc unice ei propositum esse videba-

tur, ut in otio & negotio fraudata longa  
majorum absentia civibus suis restitueret.  
Hoc patrium quoque existimavit, uxorem  
ducere, rei familiari operam dare, quod be-  
ne adeo illi successit, ut fortunati illi puta-  
rentur, qui tali ex genere talique ex paren-  
te nati essent. Uxor illius fuit Placida Cam-  
pa Rhodigina, femina generosa & nobilis, ex  
qua plures suscepit liberos, quorum nonnulli  
vivunt adhuc ex paternis virtutibus ornati.  
Cum videret Camillus illos sapere, intellige-  
re, in loco vereri, inter se amare, ab iis  
se diligi, & magni pendere, eum quaestum ma-  
ximum putavit, maxime servire eorum com-  
modis & gloriae. Optimi patrisfamilias ima-  
ginem in illo potuisses intueri; tanta indul-  
gentia erat in liberos, tanta pietate in ma-  
trem, tam fideli atque amico animo in uxo-  
rem, quam industriae suae in educanda re-  
gendaque familia sapientem adjutricem habe-  
bat. Neque minus foris, quam domi egre-  
gius vir perfunctus est primis civitatis mu-  
neribus atque honoribus, & cum in omni-  
bus diligentissimus fuisset, singularem tamen  
industriam adhibuit, cum ei mandatum fuisset

set omnem Rhodiginum agrum censendi .  
Quot exantlaverit labores in alienis scriptis  
colligendis atque perpendendis , quae ipse  
per se didicerit , animadverterit , notarit nunc  
enucleare minimo necesse est . Ex his quidem  
omnibus *Agrariam Historiam Insulae Rhodigi-*  
*nae* contexuit , quam in duo magna volumi-  
na distribuit , & in qua multa industria &  
diligentia comparet , multa doctrina . Erat  
enim cupidissimus litterarum , in quibus tan-  
tos progressus fecerat , ut non facile reperi-  
re potuisses neque de Graecis , neque de La-  
tinis , neque de Italicis litteris , quod ei fuisset  
incognitum . Sed praesertim eum ad se  
se alliciebant studia antiquitatis , cujus mo-  
numentorum erat cupidissimus , & cujusvis  
generis illorum intelligentissimus . Nunquam  
cessavit in iis colligendis ; & cum bellissimum  
museum haberet , in quo erant multae Grae-  
cae & Latinae inscriptiones , nonnullae etiam  
aeneae tabulae , numismata rarissima , sepul-  
crales urnae , idola , & quae sunt hujus ge-  
neris alia , hoc suppeditare sibi aiebat , ubi  
animus publicorum munerum labore fessus  
libentissime conquiesceret . Ornabant etiam

illud clarorum virorum imagines, quod facilius eorum gloriosa facta occurrant mentibus nostris, si ora ipsa oculis proponamus. Haec non tam ad decus atque ornamentum Silvestriæ domus & Rhodiginae civitatis comparata erant, quam ad exercenda ingenia, quae consilio bono antiquitatis monumenta interpretantur, explicant, consulunt, & quaedam eorum ad praesentem etiam usum flectere didicerunt. Minime silentio praetereundum putamus visum Silvestrio fuisse superasse Crassum divitiis, cum argenteum nummum Familiae Horatiae museo suo acquisivisset, non illum a Trajano *cam nota restitutionis* constat, sed antiquissimum, quem ex maximo raro nummorum genere judicare debemus: nam harum rerum peritissimi viri ad nos usque illum minime pervenisse pronuntiaverant \*. Non est hujus loci cetera com-

\* Patinius gloriari in primis videbatur, quod numisma Horatii a Trajano restitutum possideret, cujus simile mortalium neminem possidere affirmabat. *Illud vero nudum & simplex*, ait ille, seu absque ulla *restitutionis nota ab aliquo Horatiae Gentis signatum fuisse mihi nullum est dubium, esse neque illud vidisse unquam*



memorare, quae Silvestrius industria summa comparavit, videbaturque Italos omnes suo exemplo excitare ad abigendos externos homines, qui pecunia instructissimi ad nos veniunt praeclaram musarum supellectilem abrepturi, ut hi intelligerent, Romanum Imperium Italis auferri potuisse, Romanas litteras non posse. Ad has excolendas non mediocri illi adjumento fuit Philippus a Turre Adrianensis & Rhodiginus Episcopus, cujus in familiaritatem vel ab adolescentia penitus se se dederat, quae quotidiana consuetudine mutuisque officiis sic aucta fuit, ut nihil ea esset conjunctius. Haec fama de his hominibus jam pererebuerat, omnium, qui tum florent, cognitione rerum antiquarum illos esse eruditissimos, invitabanturque, ut aliquid ex se promerent, quod alios delectaret atque erudiret. Sed Silvestrius publicam lucem reformidare videbatur; dolebat etiam se eo loci vivere, qui non satis esset optimis li-

*licuerit, neque a quodam Visum intellexerim: Dissertatio de numismate antiquo Horatii Cocleus. Silvestrius nummus bracteatus est.*

bris ornatus & copiosus. Lautam tamen suppellectilem illum habuisse ex iis intelligi potest, quae ad illustrandos Juvenalem & Persium collegit, de quo opere, quod maximum sit eorum, in quibus Silvestrius elaboravit, paullo latius dicendum arbitramur. Nemo est, qui ignoret eam esse interdum in his scriptoribus rerum & verborum obscuritatem, ut non intelligatur oratio, quod sive de industria fecerunt, ut Heraclitus cognomento, qui *εὐρεῖν* perhibetur, sive id exigeret scriptionis genus, & potentiorum mentus, sive id pariat morum, personarum aliarumque rerum hujusmodi ignoratio, quas carpere aut innuere illis perplacuit, magnam ii parasse videntur segetem & materiem gloriae consequentium aetatum hominibus, qui eosdem explicandos illustrandosque suscepissent. Propositum id fuit Silvestrio suas sic contexere animadversiones, ut lectores tanquam in locupletem aliquam & refertam ornamentorum omnium domum venissent, ex suo opere sumere possent quidquid fere ad Romanam eruditionem pertinebat. Horum ritus, disciplina, mores, leges, ludi, facta il-

lustria, temporum varietates fortunaeque vicissitudines subtiliter & copiose ab eo exponuntur, confirmat saepe rationes suas monumentis antiquitatis; illuminat obscura, corrupta restituit, nec cohibere se potest, quin interdum ostendat fontes earum rerum, quae maxime commendant Romanam satyram, quales porro sunt moralis doctrina, urbanitas & sales. Paucis dicam: quidquid Latinum olet, hoc totum ab eo eruditissime excutitur, enucleatur, non ut ab conjectore & interprete, qui partes ab aliis relictas explere velit, sed ut ab uberrimo explanatore, qui omne id, quod inclusum habebat in scriniis, in apertum proferre cupiat. Miror equidem illum parcio rem fuisse in iis, quae ad Persium pertinent, cui certe magis libuit latebram obscuritatis adnibere; quique perpetuus & constans vitiorum exagitator; sui semper similis graviorum artium instrumento (in quo quidem non Juvenali modo, sed & Horatio superiorem facile dixeris) poeticam locupletavit. Non erudire modo lectores suos, sed etiam delectare Silvestrio propositum fuit, cum versibus aut hendecasyllabis, aut alio

metro in Italicum convertisset satyricos illos. Non usus est verbis similiter desinentibus in Persio, quod versum, quem nos vocamus *sciolio*, magis idoneum esse putavit ad exprimendam vim illam, qua adeo pollet poeta, ut quodcumque verbum emittat, id telum acerrimum esse videatur. Sed neminem adhuc novi poetam, qui sibi non optimus videretur; & cum Silvestrius multarum rerum studia teneret, quae & doctrina & praeceptis & arte constant, non tamen admodum valebat natura, quae in poesi maxime dominatur, ad pangendos versus. Praeter quam quod in omni re, quam suscipimus, quid difficile fieri & quid facile fieri possit oportet considerare; & talis certe est Persius, ut vis, quam habet ad frangendas potentias, vitiaque insectanda, aliena lingua haud exprimi possit. Adde quod Silvestrius mitissimo erat ingenio, & ea satyrae est natura, ut vehementem & atrocem orationem requirat, quam frustra expectes ab homine lenissimis moribus. Severe fortasse agere videbor, quod Silvestrii opus tantummodo laudandum putem pro eruditione & noticia rerum antiquarum, qua illud

ornatum & refertum voluit; sed haec ipsa non mediocris est laus, ad quam pauci, aequae acipse, iis temporibus poterant aspirare. Nisi homo modestissimus refugisset edere multa, quae paraverat, ad haec studia antiquitatis pertinentia, absentibus testator fuisset ejus doctrina, quam ipsius cives & vicini ita suspiciebant, ut si quidquam ex museo Silvestrio diceretur, ex oraculo dici putarent. Atque etiam in eo libro, quem de chronologia scripsit, se litterate peritum monumentorum antiquitatis ostendit, cum iis usus fuisset ad celebriores dirimendas quaestiones, aliorumque sententias perpendendas. Tres in partes illum divisit, quarum prior exhibet seriem annorum ab Orbe condito ad annum aerae communis I., secunda seriem eandem percurrit ab excidio Trojae ad obitum Constantis II., tertia haec omnia confert, & viros recenset, qui iis temporibus aliqua illustri laude floruerunt. Extat etiam Commentarium \* in Graecum anaglyphum Argenidis

\* Librum sic inscripserat; *Anaglyphum paucis ab hinc annis effusum, nunc, primum in lucem editum a*

ipsi a Carolo Torta testamento legatum; sed hæc licet absolutissima, minime tamen a se obtinere potuit, ut, dum erat in vita, in lucem proferret. Ex quo intelligi potest in summa doctrina summaque fama, quod est difficillimum, servasse modestiam. Litteris enim utebatur ad vitam regendam, ad compescendos animi motus, & ad tempus, cujus ne minimam quidem partem vir, si quis unquam alius industrius, perire sinebat, traducendum. Omnino ostendebat se præsertim in eo elaborare, ut omnis ejus actio aut cum sui, aut cum aliorum utilitate esset conjuncta, solitus dicere, talem esse ordinem actionum adhibendum, ut quemadmodum in oratione constanti, sic in omni vita sint apta inter se & convenientia. Hinc hilare omnes perferebat ac patiebatur, cum quibus erat, iis se dedebat, eorumque studiis obsequabatur, adversus nemini, nun-

*Comite Camillo de Silvestris Rhodigino cum ejusdem interpretatione. Editus liber fuit Romæ anno post auctoris mortem. Edita quoque fuit typis Lipsiensibus; quam supra commemoravimus; Chronologia.*

quàm praeponens se aliis; quibus rebus fiebat, ut facillime sine invidia inveniret laudem, & amicos pararet. Stabilis & perpetua permanſio in omni officio hominis & civis apparebat praefertim, cum quippiam moliebatur ſibi à patria demandatum; nec quicquam erat vel graviffimum ac difficillimum, quod ejus fidei, diligentiae ac prudentiae recte non committi poſſe videretur. Patriarum rerum cauſa ſaepe legatus eſt Venetias, & ſaepe oratione aut iratoſ mollivit, aut diſſidentes flexit atque in ſuam ſententiam perduxit. Magnò amore ſe inflammatum eſſe in patriam tum maxime oſtendit, cum ad bellum Peloponneſiacum binos liberos cum cohorte ſuis ſumptibus conſcripta miſit, qui cum occidiſſent, pater, licet utriuſque amantiffimus, non ceſſit dolori. Satis enim vixiſſe eos putabat, qui vitam pro patria, pro religione fortiter dimicantes profuderunt, quique e vita abeuntes laudem ſingularem ſibi & univerſae familiae pepererunt \*. Moun-

\* Laus eorum, quae gratiſſima memoria Venetorum omnium incluſa erat, auctoritate etiam publica tributa eſt, ut ex his litteris apparebit.

mentum iis posuit in Aede S. Hieronymi \*\* ,  
 invitavitque , qui supererant , liberos , in  
 quibus bonam spem & magnam indolem esse

FRANCISCUS MAUROCENO DEI GRATIA  
 DUX VENETIARUM &c.

*Universis & singulis Rectoribus & Representantibus nostris quibuscunque, nec non Magistratibus hujus Urbis nostrae Venetiarum, eorumque Ministris praesentibus & futuris, ad quos hae nostrae pervenerint, & earum executioni spectat, vel spectare poterit, significamus hodie in Consilio nostro Rogatorum captam fuisse partem tenoris infra scripti, videlicet. Con la nave S. Marco, rimasta incendiata nell'incontro del combattimento con le Sultane di Costantinopoli, sono periti li due fratelli Alessandro e Primo Silvestri, Nobili di Rovigo Feudatarij nostri, che sopra v'esistevano con una delle due compagnie di quella magnifica città, da loro a proprie spese ammassata, e che veniva dai medesimi con valore diretta. Alessandro essendovi alla testa, come Capuano, e Primo sostenendovi la carica d'Alfiere. Camillo loro padre assistito per la perdita di due figliuoli, che con fine lodevole di comprobare a più andui cimenti la costanza dell'antica ereditaria devozione dei loro maggiori verso la Signoria Nostra, s'erano esposti alli pericoli et alli travagli dell'armi, ricorre ed implora li soliti effetti della pubblica benignità, che come testimonj del publico gradimento vagliano a consolarlo, & a porgerli qualche ristoro. Al merito distinto de' figliuoli defonti, che per il corso di*



videbat, ad eorumdem gloriosa facta aemulanda. Porro si quis instituta & mores Silvestrii, ejus in regenda familia solertiam ac

*tre campagne, hora nelli presidj delle piazze di nuova conquista, hora sopra le publiche Navi, & hora nelle superate trinciere dei nemici sotto Negroponte e negli assalti dati a quell' oppugnata piazza, non risparmiando le proprie vite, dederò piene prove di coraggio e di zelo, finchè nel fatale preaccennato incendio terminarono l' intero sacrificio di se stessi, unendosi il riflesso delle gravi giatture dell' addolorato padre, che con molto incomodo delle ristrette fortune della sua numerosa famiglia, somministrò loro i mezzi d' ammassare la compagnia, e di sussistere nel servizio, ben si conosce conveniente di renderlo consolato, Però*

*L' anderà Parte, che il fedelissimo Camillo Silvestri Feudatario nostro sia per atto della publica benignità insignito del titolo di Conte con suoi figliuoli e discendenti legittimi in perpetuo, per godere di tutte le prerogative, preeminenze & immunità, che sono proprie di tal grado, e resti per sempre con li suoi figliuoli & heredi suoi libero dall' obbligo delli venticinque Ducati annui, che li sono stati imposti in tempo di guerra, per il feudo, che da più secoli fu conferito, e si mantiene tuttavia nella sua benemerita fedelissima casa; onde apparisca il pubblico gradimento verso il sangue sparso de' figliuoli defonti, & il compatimento, con quale s' accompagnano le giuste afflizioni del di lui crime. E li Procreditori*

summum in cunctis rebus ingenium singu-  
laremque doctrinam paullo attentius inspe-

*alli Feudi siano incaricati di eseguire in conformità .  
Quare auctoritate supradicti Consilii mandamus Vobis ,  
ut ita exequi faciatis .*

*\*\* In monumento haec inscripsit Silvestrius , qui  
se filius titulum posuisse aiebat , quem sui sibi filii de-  
buisse .*

D O M

ALEXANDRO ET PRIMO DE SILVESTRIIS FILIIS  
CARISSIMIS

QVI

ALTERI EX COHORTIBVS RHODIGINAE CIVITATIS  
DECRETO

AD SACRVM BELLVM CONSCRIPTIS PRAEPECTI  
TRIENNALIBVS TERRA MARIQ. MILITIAE MVNIIQ.  
STRENV E PERFVNCTI

TANDEM CONFLICTV INTER DVAS NAVES  
VENETAS CLASSEMQ.

TYRACICAM EMEV NIMIVM DISPARI MARTE  
COMMISSO

VII. KAL. APR. MDCLXXX.

ILLVSTREM MORTEM OPPETIERE

CAMILLVS PATER

HONORIFICO INDE TITVLO ET IMMVNITATE

PRO SE LIBERISQVE S. C. DONATVS

VT VENETAE REIP. MVNIFICENTIAM

ET B. M. FILIORVM NOMINA COMMENDARET

H P M

xisset, haud erat sane quod fortitudinem & prudentiam, quibus maxime rebus egere homines solent, ab illo requireret; nam hae ita abundabant in eo, ut nec moeroris medicinam, nec agendi consilia foris peteret, sed ex sua semper virtute depromeret. Atque id ipsum maxime contigit, cum coepit ipse calculorum doloribus, aliisque valetudinis incommodis conficari, a quibus cum se ad mortem duci praesentiret, mentis aciem, ac aetate, vigiliis, laboribus & morbo labefactas corporis vires exacuebat ad magis magisque exequenda, quae sunt Christiani hominis, officia. Obiit postrid. non. Januarii an. MDCCXIX. Hominem, qui ita semper vixerat, ut suis jucundus, Deo gratus, hominibus fructuosissimus esset, singularibus honoribus dignum cives illius censuerunt. Quapropter universa fere civitas exequias funeris prosecuta est, decretum, ut solemnis mortui laudatio esset, utque ei marmoreum monumentum publico in loco poneretur, in quo Justus Fontaninus hoc scripsit elogium:

CAMILLO CO. DE SILVESTRIS  
 PATRICIO RHODIGINO I. V. D.  
 QVI LITERARVM STVDIIS MAGNI  
 COELII VESTIGIA PROXIME SEQVVTVS  
 PATRIAM CVIVS GLORIAE COMMODISQVE  
 SVMMA  
 PIETATE ET PRVDENTIA CONSVLVIT  
 AEREIS ET  
 MARMOREIS PRISCI AEVI RELIQVIIS  
 VNDIQVE  
 CONQVISITIS ORNAVIT SCRIPTIS  
 ETIAM ET  
 NOMINIS SVI FAMA CLARIOREM  
 REDDIDIT  
 JOAN. PAVL. CASILINVS)  
 ) 11. VIRI  
 JOAN. DOM. RONCLAIVS EQ.)  
 CIVIT. DECR.  
 AN. MDCCXIX. CIVI OPT. H. M. PP.

Ipse

Ipse patriae dolor filiis praeterea acerbiter  
parentis erepti, cujus mandata vocesque,  
quas penitus animis figerent, lacrimantes ex-  
ceperant, augebat moestitiam, nec solum  
per titulum \*, sed & per imitationem vir-  
tutum, qui verus est honos veraque pietas,  
ejus memoriam posteritati propagarunt.

---

\* D. O. M.

CAMILLO CO. DE SYLVESTRIS

I. C. HIST. CHRONOL. POETAE ANTIQVITATISQ.

STVDIOSISSIMO V. B. ET OPTIMO CIVI

QVI EX S. C.

CONES CREATVS ET INDE PRAESES VENETOR.

FINIVM

IN ACADEMIAS

RHODIG. PATAV. VENET. ET. ROMAN. ADSRIPTVS

DECIES HVIVS REIP. RHODIG. II. VIR.

PLVRIES PRO PATRIA LEGATVS VENETIAS MISSVS

OMNIBVSQ. MVNERIBVS IN HAC VRBE PERPVNCTVS

MAGNA SVI PATRIAEQVE GLORIA EX HAC VITA

MIGRAVIT.

VI. IDVS JANVA. ANN. MDCCXIX.

VIXIT ANN. LXXIII. M. VI. D. XXIII.

FILII MOESTISSIMI PATRI OPTIME MERITO.

H. M. P. P.

Tom. XII.

N

ANGELUS FABRONIUS

JACOBO MORELLIO

Venetae Bibliothecae ad S. Marcum Praefecto

S. P. D.

**C**Ui in doctrina, cui in virtute atque humanitate percipienda magis vel a pueritia studii fuit & temporis, quam Pontederac? Si singulas disciplinas tenere magnum est, quanto magis plures, atque arte valere ea, quae didiceris, distincte, distribute, eleganter ornateque scribendi? Omnino Pontederac vita & oratio consecuta mihi videtur difficillimam illam societatem gravitatis cum humanitate, & cum illae cunctis fuerint laudatae & cognitae, prolixiorem scriptorem nunc minime desiderant. Juvabit tamen de homine, quo jure gloriatur Italia, nonnulla memoriae prodere, ne defuisse videar instituto meo & voluntati tuae, doctissime & amicissime Morelli, qui me saepe ad hujusmodi descriptionis genus vocare soles. Sed velim mihi

ignoscas, si hoc loco quaedam de re herbaria, cujus scientiam Pontedera praesertim excoluit & illustravit, differuero, non ut te instruam, qui omni eruditionis genere abundas, sed ut adolescentium utilitati consulam, qui disciplinarum originem & progressionem noscere cupiunt. Nobilissimae facultatis primum ortum inter mundi primordia procreatum arbitramur; nec mediocria sane ejus apparent vestigia in antiquissimis scriptoribus Moyse, Hesiodo atque Homero. Quantum ejusdem apud Graecos, ut de Aegyptiis aliisque antiquissimis nationibus scireamus, viguerit studium, ex Hippocratis scriptis, intelligi maxime potest; & cum esset ipse hac quoque laude clarissimus, Cratevae tamen tantum tribuit, ut hunc ἀρίστου πύρρον appellaverit. Neque Cratevae, neque Aristotelis libri de plantis (nam qui hujus nomen praefecerunt, suppositos esse constat inter eruditos), si fragmenta quaedam excipias, ad nos usque pervenerunt. Quis dubitabit tamen quin excellentes fuerint, cum quae scripserit Aristoteles, de avibus, aliisque rebus naturalibus, quae utilitate rei herbariae concedunt, etiam nunc admirabilitatem magnam efficiant? Hujus discipulus Theophrastus sexdecim libris disseruit de natura &

differentiis stirpium, earumque cultura & vegetandi modo, quasdam etiam in classes easdem distribuit, & quidquid litteris consignavit, eleganti adeo vestivit oratione, ut divinitate loquendi scribendique nomen invenerit. Minus eloquentiae, at sapientiae fortasse magis apparet in Dioscoride, quod characteres plantarum proprios, & quo suo quaeque proprio & certo vocabulo tum in Graecia tum in vicinis regionibus appellarentur, sedulo investigavit. Serius Romani, quanquam, ut ait Plinius, omnium utilitatum & virtutum essent rapacissimi, studium hoc celebrare. Nam nisi devicto per Pompejum Mithridate, cujus de rebus medicis scripta Romam delata triumphî magnitudinem auxere, intellectum est, quantam vim haberet in medicina faciendâ herbarum cognitio. Tum culta a multis studiosissime & quaestuosissime fuit, memoranturque ex iis praesertim Anronius Musa ejusque frater Euphorbius, & Acemilius Macer, qui rem herbariam versibus etiam persecutus est: Verum Romanorum nulli res herbaria adeo cordi fuisse videtur ac C. Plinio Secundo homini cuivis summorum suae aetatis vel ingenio, vel industria, vel fama superiori. In opere, quod de historia naturali scripsit, quodque



non minus varium est, quam ipsa natura, copiosissime de stirpibus differit, adeoque varie, ut modo philosophi, modo medici, modo rustici, modo historici, modo magici partes agat. Res undique collectas & comportatas eleganter describit, sed nullo ordine, & interdum aut vulgi, aut scriptorum, quos expilavit, opinionibus rapitur in errorem. Post Plinium ad Cubam usque, qui exeunte saeculo XV. floruit, plane addicta res herbaria medicinae fuit, & eatenus culta, quatenus ad sanandos morbos conducere, cui rei testimonio esse possunt Galeni, Oribasii, Aetii, Tralliani, Aeginetae, & Arabum, qui ab his didicerunt, scripta. Quanquam nihil ineptius esse iudicetur Horto Sanitatis Joannis Cubae, laudatur is tamen, quod quingentarum & amplius plantarum figuras primus exhibuerit. Sed in his studiis efferre eos maxime solemus, qui in generum plantarum distributione prudentiores fuerunt. Exeunte saeculo XVI. cum plurimum crevisset maiorum virorum industria plantarum cognitio, & hinc aucta fuisset confusa nominum multitudo, maximum docti viri arti herbariae lumen accessurum sapienter iudicarunt, si plantae eo usque cognitae ex principiis quibusdam quasi

naturalibus ad certa genera revocarentur. Conradus Gesnerus Tigurinus primus omnium aperuit viam, quae quo homines intendebant duceret, & cum fructus, semina & flores esse notas statuisset, ex quibus stirpium naturae & cognationes apparent, fundamenta Botanices jecisse videtur, quae pluribus deinde vitiis laboravit, quod ejus vestigia non fuerint secuti, si unum excipias Fabium Columnam, qui post ipsum vixerunt. Quanta sit laus tribuenda Caesalpino nostro, qui et suam quamdam propriam excogitavit methodum ad ordinate, seminum habita tantummodo ratione, disponendas plantas, viderint eruditi. Sed minime necesse est de singulis dicere, quod ante Josephum Tournefortium nullus extiterit, qui methodum proposuerit, quae plane naturalis esset, & ad species plantarum tribuendas in genera, & haec in classes, facilis atque expedita. In qualibet planta sunt radix & semen seu fructus, unde & caulis in herbis, truncus in arboribus, folia & flores nascuntur. Diligenter quaesivit Tournefortius, an genera plantarum constitui deberet ex mutua quinque harum partium structura quadam, an ex una tantum, eaque praecipua & insigni magis, an ex pluribus inter se

*conjuactis. Ac primum non omnes illae partes ; ac ne quatuor quidem ad constituenda genera conspirant , cum ne duae quidem plantarum species in omnium partium consensu , vel in quatuor aut tribus simul sumptis conveniant . Nam toti fere genera , quòt species ponenda erunt , si tanta partium cognatio ad genus aliquod constituendum requiratur . Sic quaedam ranuncolorum species radices habent tuberosas , aliae fibrosas , aliae grumosas . Quod si partes quatuor ad definiendum generis characterem , ut florem , fructum , caudicem & radicem exigas , plantae speciem , non genus designabis . Radicum & truncorum differentiae pauciores sunt , quam ut generum varietatem pariant . Folia magis ad hanc rem idonea videntur ; sed ubi flores & fructus se produnt , tanta plerumque in iis apparet diversitas , ut plantae , quae ob similem foliorum structuram sunt perquam similes , eodem genere censi non possint citra magnam hujus scientiae confusionem : Eadem est ratio florum , quae huic rei non sufficit . Nam in plerisque plantis diversi generis consimiles sunt flores , uti in leguminibus , convolvulis , campanulis : Quare rationibus omnibus*

subductis, duarum aut ad summum trium partium cognatio in stirpibus requiritur ad earum genera definienda. Radicum cum foliis comparatio est inutilis; sic enim quae eodem genere, exempli gratia, ranunculorum continentur, ad plura genera essent referenda. Idem eveniet, si flores cum radicibus, aut folia cum seminibus comparentur. Restat igitur, ut flores cum fructibus conjuncti cum aliis floribus & seminibus conferantur: insignes hae sunt cognationes, eaeque animo fortius imprimuntur. Noverant id ipsum Gesnerus, Caesalpinus, Columna; sed horum nemo ipsa genera constituendi rationem indicaverat, quod postea viri, siqui unquam alii de re herbaria meriti, Morisonius & Rajus praestiterunt. Cum autem sola fructuum & floris contemplatio plerumque non sufficiat eorum generibus apte distinguendis (sic enim frumentum, Secale, avena, hordeum & gramina pene omnia eodem genere censerentur, cum in iis eadem pene sit fructuum & florum conformatio) genera ipsa plantarum in duplici ordine constituit Tournefortius, cum in priori ea collocasset, de quibus dictum est, quaeque ex sola floris & fructus structura pendent, in alte-

ra quae praeter duas illas partes omnino necessarias tertiam veluti subsidiariam requirunt, cujusmodi esse potest radix, foliorum numerus, nec ceterae solum plantarum partes, sed & earum affectiones, crescendi modus, habitus & facies. Non satis visum est Tournefortio plantas ad sua genera ex naturae ipsius praescripto, non ex suo arbitrio, ut plerumque fit, revocare, sed ipsa quaeque genera quasi in classes atque ordines varios, quo dignosci facilius possent, omnino tribuenda esse existimavit; adeo ut genus esset instar cohortis vel ordinis militaris, classis instar legionis. Sic plantis omnibus classes duas supra viginti assignavit, quarum septendecim herbae & suffrutices, reliquis quinque arbores fruticesque comprehenduntur. Primae quatuor plantas floribus ornatas unico petalo (nam petalorum figura & numerus spectari in primis debent) complectuntur; proximae decem illas, quarum flores pluribus componuntur petalis; ex tribus, quae supersunt, unam attribuit flores gignentibus imperfectos, sive, ut vocant, apetalos & stamineos; alteram illis, quae floribus carere dicuntur, & semina tantum ferunt; tertiam denique flore & se-

mine desituitis, quae incertae appellantur. Arborea porro & frutices eodem distribuit ordine, sed his, ut pote paucioribus, pauciores classes assignavit, hoc est tantum quinque; alteram uno flore apetalò; sive siamineo instructis; alteram amenta, sive julos ferentibus; tertiam iis, quae monopetalum florem producunt; reliquas suas polypetalò flore donatis, sive rosaceò sive papilionaceo. Licuit sane Tournefortio in hoc gloriari, nihil unquam simile antea excogitatum fuisse ad rem herbariam universam recte disponendam atque facile memoria comprehendendam, nec satis dici potest quanto cum plausu ejus Institutiones ab omnibus exceptae fuerint, quantumque subito studiù extiterit, quamvis & Anglià suos Rajos, Germanià suos Rivinios, atque methodos ab his inventas extolleret; exequendi in iisdem contenta praecepta: Quod ipse tamen immensi operis perpoliendi extremum laborem minime a se adhibitum esse affirmaverit, nonnulli, quorum in numero fuit etiam Pontedera noster, ad optimi ab solutionem ac perfectionem se posse pervenire putarunt, si pauca quaedam aut dempsissent, aut addidissent. Sed evertendi plane Tournefortiani sy-

*stematicis consilium coepit Linnaeus, cum staminum & pistillorum, seu plantarum sexus tantummodo rationem habuerit in MCLXXIV. generibus & XXIV. classibus plantarum numerandis. Quanquam minime ignoraverint vel antiquissimi rei herbariae Graeci scriptores esse stirpes in mares, in feminas, in androgynas distributas, partesque illas, quas flores vocamus, nihil aliud esse nisi generationis organa, atque dari in plantis, ut Plinii verbis utar, veneris intellectum, maresque afflatu quodam, & pulvere etiam foeminas maritate; quanquam recentiorum plures a staminis & pistillis genera plantarum derivaverint, novi tamen systematis novam formam totam Linnaeo tribuere debemus, qui per illam non solum meliorem rei herbariae scientiam reddidisse, sed pene creasse a plerisque judicatus est. Quorum etsi laudabilior est defensio, aliorum tamen etiam accusatio probata saepe est, ex quo illud confici posse videtur, naturam varietate adeo delectari, ut soleat subirascei iis, qui systematum studio abrepti illam in parvum quemdam & angustum locum concludere adlaborant. Quaesivisse tamen juvat rerum infinitarum*

ordinem, &, ut ita dicam, concordiam, celebraturque omnium sermone *Ponederæ* nomen cum aliis multis rei herbariæ cultoribus, qui hujusce rei inquisitionem sapientis hominis propriam esse putarunt. De quibus quod nunc longius, quam quod conveniens sit commentarioli præfationi, scripserim, videbor tibi mali architecti exemplum imitatus, qui magnifico vestibulo aediculam ornandam suscepit. Vale; & si quæ erunt, quæ te velle, quæque ad studia tua pertinere arbitrabor, omnia diligentissime pro mea facultate curabo; quæ cum faciam, benevolentiam erga me tuam imitabor, merita non assequar.

*Pijis XI. Kal. Jan. MDCCLXXXV.*



## JULIUS PONTEDERA

**V**etus & illustris quondam habebatur Pisis Pontederia familia, quae patrios lares deferere coacta civilium bellorum & Florentinorum tyrannidis causa, Veronae an. MDXXX. constitit. Hac in urbe Laurentius Pontedera uxorem duxit nobilissimam feminam Elisabetham Sagramosiam, & civitate donatus est. Hunc abavum habuit Julius, de quo scribendum suscepimus; sed hic Vicetiae ortus est non. Maii an. MDCLXXXVIII. ex Antonio Pontedera & Lucia Zanonatia. In collegio Vicetino, quod Somaschi regunt, litterulis Graecis & Latinis imbutus est, & ex eo tempore conjici potuit ad botanicam provehendam illum genuisse & conformasse naturam, quod nihil tam delectaretur quam conquirendis colligendisque herbis & floribus, horumque fabrica contemplanda. Domesticis quoque exemplis & vocibus docebatur, ut omnium rerum, ex quibus aliquid exquiritur, nihil agricultura melius, nihil uberius, nihil dulcius, nihil libero homine dignius esse pu-

taret. Nam ejus patruus Laurentius Pontedera vel in primis egregius habitus est agricola; nec minus agricultione oblectabatur ejus uxor, ique cum liberis carerent, eduxerunt Julium a parvulo, habuerunt, amaverunt pro suo, nihilque tam studuerunt, quam ut ei rusticum fundum & urbanum hortum omni furculorum & stirpium genere refertos testamento relinquerent. Videbatur jam puero cum ditioribus posse contendere, quod hortum, ut vocant, siccum sibi comparasset, in quo quingentae fere erant plantae belle sane ab eo distributae atque descriptae. Sed quo cumulatius suo singulari studio in rem herbariam satisfaceret, Patavium venit, ibique non botanicam modo, sed & medicinam & philosophiam excoluit. Magno tum in honore erant, ut nunc quoque sunt, Academiae Patavina atque Pisana, sed utraque suo cuiusdam proprio philosophandi generi adhaerescere videbatur. Pisani quidem philosophi abutebantur ad omnia atomorum regno atque licentia, Patavini nihil non tribuebant Cartesiano aetheri, & in hoc communi & quasi fatali malo caecabantur mentes erroribus, ne

admiranda Newtoni inventa possent adspicere. Ex his duabus diversis sicuti familiis magni prodierunt mathematici, medici, botanici, anatomici, sed nulli physici egregii, & cum in Cartesianos incidisset Pontedera, eorum more coepit ipse quoque philosophari. Sed in hoc ei favit fortuna, quod cum frequenter anatomiam exerceret una cum Jo. Baptista Morgagnio, quem sicuti alterum parentem colebat, & saepe versaretur cum Jo. Polenio in obicuriis naturalibusque quaestionibus explicandis occupato, illam maxime foecundam & uberem philosophiam esse intellexerit, quae observatione & experientia tota nititur. Jam se continere non poterat, quin peragraret, lustraret, ac pedibus interdum obiret asperas & montosas regiones conquirendi herbas causa, quorum laborum fructus egregius fuit opus, quod inscripsit: *Compendium tabularum Botanicarum*, in quo CCLXXII. usque plantae, quae ceterorum herbariorum oculos effugerant, referuntur. Magnis laudibus exceptus liber fuit non ab Italis modo, sed etiam ab exteris, qui de his rebus judicare poterant. Haud dissimu-

landum tamen est plusculas varietates pro speciebus Pontederæ fuisse, sed etiam varietatum investigatio diligentiam poscit atque laborem. Ex quo cum Triumviri Academiae Patavinae pernovissent ecquid spei esset reliquum, horti Patavini & botanicae cathedrae curam Julio an. MDCCXIX. commiserunt. Decretum illi stipendium fuit CC. aureorum florenorum, quod auctum biennio post ad quadringentos ac demum ad quadringentos supra millenos. Multo omnium se fortunatissimum factum esse putabat Julius, quod ingenio suo plane obsequi posset, agebatque Triumviris gratias, quod semina plantarum & plantas ipsas rarissimas a remotissimis regionibus alieno sumptu, cum copulae suae non sufficerent, suo & Academiae horto, qui & saevissimis tempestatibus, & Antecessoris negligentia senuisse videbatur, parare posset. Sic cum domi haberet, unde discerent adolescentuli, & cum plenus ipse esset optimorum praeceptorum, nitebatur, faciebat, experiebatur omnia, quo rei herbariae scientia neque minuta neque jejuna appareret, sed ut summam speciem & digni-

gnitatem prae se ferret. Ut illa, quae dispersa atque infinita esse videbantur, ratione quadam & ordine distribuerentur, Tournefortianam methodum, quae tum sola in honore erat, maxima ex parte sequebatur. Diligentia atque elegantia summa ponebat in conspectu mentis, & quantum fieri poterat etiam oculorum, plantas, semina, flores, & quidquid ad eorum structuram virtutesque pertinebat, & cum adhiberet quamdam in dicendo speciem atque pompam, efficiebat, ut ad ejus scholam magna concurreret adolescentium multitudo. Quae esset ipsius docendi ratio, ex iis cognosci potest Dissertationibus, quas anno MDCCXX. cum *Anthologia* quadam in vulgus emisit. His quidem cum prius explicasset illa, quae de principiis, partibus, humoribus & incrementis plantarum tradi a philosophis solent, & quid judicandum esset de Tournefortii methodo, suam quamdam proponit, qua quidquid ille Botanicorum princeps æfati necessitate imperfectum & mancum reliquit, se posse perficere putavit. Primo itaque classium ordinem invertit, cum ei optimum visum fuerit, ab imperfectis plan-

tis, idest ab incertis, initium capere, mox a perfectis, quales sunt herbae suffruticesque, ad perfectiores, ad arbores videlicet ac frutices, ascendere. Quare plantas omnes in duas divisit partes, quarum in altera collocavit *incertas*, quae neque flores, neque semen, neque gemmas producere putabantur, in altera *certas*, quae ex semine nascuntur. Incertis unicam assignavit classem, certas vero bifariam separavit, hinc herbas & suffrutices, hinc frutices & arbores seponens. Inter has discrimen statuit, quod herbae suffruticesque gemmis extra terram priventur, arbores & frutices gemment. Primum gemmis carentes attigit, quoniam gemmiparis minus sunt perfectae; & cum harum nonnullae semina tantum producant, flores nequaquam, has protinus a reliquis segregavit, & in primam certarum classem gemmas haud gignentium digessit: sunt sane hae imperfectiores, si cum flore & semine instructis comparantur. Reliquas omnes, quae flores & semina producant, hoc ordine distribuit. Primo in loco posuit, quae flores imperfectos ferunt, cujusmodi plurimae stirpes ex illis sunt,

quas Tournefortius in classe *xv.*, cujus titulus, *de herbis & suffruticibus flore apetalo seu flamineo*, collocaverat. Sequuntur genera floribus perfecta & monopetala, quae in novem classes distribuuntur. Prima attribuitur generibus flore ornatis monopetalo ac *anomalo*, quod hic ob inaequalem figuram imperfectior videtur. Hanc sequitur quae *labiali* floris plantas complexa est, cui proxima floris *campaniformis* classis, quae in quatuor secatur partes, cum hoc floris genus in totidem species a Tournefortio dividatur in *campaniformem* proprie dictum, *subulatum*, *globosum* atque *patentem*. Ab his ad floris *hypocrateriformis* classem gradus fit, cujus genera inter classem recensiebantur, in qua ea, quae flore *infundibuliformi* donantur, collocaverat Tournefortius. Haec Pontedera in novam recepit, cum hic flos ceteris forma dissimilis ei videretur, quam ob rationem & classem, quae hanc subsequitur, flore *rotato* instructa genera continens, constituit, ab eadem *infundibuliformis* floris classe segregans plantas. Illa porro cum generibus floris *infundibuliformis* seorsum a reliquis commemo-

ratur. Haftenus genera, quae & Tournefortius in floris monopetali classes distribuit. Hic non solum a monopetalis, sed etiam a polypetalis sejunxerat genera illa, quae Pontedera tribus proximis classibus assignavit. Nam cum horum flores unico constare petalo vidisset, monopetalis adjicienda judicavit. Sed hos flores non *compositos*, ut Tournefortius, sed *conglobatos* vocavit, quod plures calyce communi comprehensi in capitulum colliguntur. Dividit in *flosculosum* & *semiflosculosum*: *flosculosus* duas recipit differentias, ideo ille alterum *flosculosum proprie dictum*, alterum *lingulatum* appellare solet. Genera itaque *floris flosculosi lingulati* primae attribuit classi, *flosculosi proprie dicti* alteri. Restabat flos *conglobatus semiflosculosus*, cujus nulla peculiaris est classis, cum solus nulli plantae innascatur, sed semper flosculosum proprie dictum coronet. Propterea utrique flori Pontedera duodecimam assignavit classem, cujus titulus est; *de floribus conglobatis in radiata capitula digestis*. Hac ratione floris monopetali generibus dispositis, ad polypetalos transit, in quorum recensenda historia a Tournefortiano institu-



to quoque declinat. Nam incipit ab iis generibus, quae floris figuras cum inaequalia sint, ac inter se discrepantia, *anomala* vocant, quibus primam classem, quae ordine decima tertia est, attribuit. Parvo discrimine floris polypetali *papilionacei* classis sequitur, cui, quae *liliaceum* florem amplectitur, proxima est: nam quae genera monopetalo flore hac in classe collocaverat Tournefortius, Pontedera per floris monopetali classes ex ipsius figura digessit. Quartam classem, sive decimam sextam caryophyllaeo flori attribuit, suasque, ut Tournefortius, proprias classes concessit flori *cruciformi*, *rosaceo*, & *rosaceo umbellato*, quibus herbarum suffruticumque narrationem absolvit. Supererant arbores & frutices, quos tali ordine distribuit. Octo classibus gemmiperas omnes comprehendit; duabus primis florem imperfectum gignentes; prima quidem, quae florem *imperfectum filamentosum*, altera quae *apetalum*. Amentacei floris nulla ab eo habetur ratio. Quatuor assignavit gemmiparis flore monopetalo instructis; primam quidem *anomalum* ferentibus, alteram *campaniformi* ornatis, tertiam *rotato*,

quartam *infundibuliformi*. Duabus reliquis arborum ac fruticum genera collegit flore polypetalo donata, septima scilicet, quae *papilionaceo*, octava quae *rosaceo*. Cum una classe comprehendisset *incertas* omnes plantas, octo supra viginti classium numerum idoneum esse putavit ad ordinandas plantas omnes, quae terra marique nascuntur. Cum de his classibus vero, quas capitulatim attigimus, ut intelligant lectores quid Tournefortianae methodo ad illam perficiendam addere se posse putavit Pontedera, separatim disseruisset, multa exposuit nova, quae singularum plantarum naturam, proprietates virtutesque ad sanandos praesertim morbos (nam hoc ab eo exigebant non solum medicinae studiosi, sed etiam Triumviri ipsi Academiae) declarabant, omnibusque patefaciebant, quam ille diligens esset naturae investigator. Minime tamen est praetereundum homines in re herbaria summos \*, qui summis laudibus extu-

\* Adansonius in Praefatione libri, cui titulus: *Familiet des Plantes*. Cette méthode (de Pontedera) n'est que celle de Tournefort retournée un peu plus subdi-

lerunt ingenium & industriam Pontederæ ,  
 haud acquieviffe in illius methodo . Sed ne-  
 mo ignorat tot effe in hac disciplina metho-  
 dos five naturales five artificiales, quot pêne

visée , & rendue par là moins facile . Elle est aussi  
 moins parfaite , parce que Pontedera a regardé com-  
 me absolus les principes , sur les quelles il l'a fondée ,  
 au lieu que Tournefort se prêtoit en tout à la mar-  
 che de la nature . Pontedera s'est contenté de pro-  
 poser le plan de cette methode , sans la mettre en  
 execution , & sans en faire l'application sur le di-  
 vers genres de plantes , d'où il suit , que nous ne  
 pouvons en porter aucun jugement . *Alfo in loco cit.*  
 Pontedera dans la v. de ses Dissertations divise , com-  
 me Tournefort , la famille des composées , qu'il apelle  
 conglobées , en 3. classes , les demi-fleuronnées , les  
 fleuronnées & les radiées , qu'il subdivise relative-  
 ment à la figure du calice particulier de chaque  
 fleur , & a leur receptacle commun en 24. sections ,  
 dont 11. c. a. d. pres de la  $\frac{3}{2}$  sont naturelles ; ce  
 qui prouve la bonté de la methode de Tournefort ,  
 & la superiorité du travail de Pontedera sur celui de  
 Vaillant en ce partie . Ses 3. classes ou premieres  
 divisions seroient naturelles , s'il n'avoit introduit  
 dans la 2. la scabieuse , le dipsacus & la globulai-  
 re , qui sont étrangères a cette famille .

fuerunt homines doctrina & ingenio praestantes, qui ad illam accesserunt; neque nos affirmare dubitamus, non adhuc inventam esse methodum naturalem, quae omnes partes, quae ad plantas pertinent, complectatur. Cum vero Tournefortianae methodi, in qua celebranda saepe exultabat & triumphabat Pontederæ oratio, vis atque facultas sita & collocata sit in flore, ex cujus forma omnia plantarum genera (si incertarum imperfectarumque excipiamus) constituta atque in ordinem fuere digesta, neque morte impeditus Tournefortius ipse floris naturam satis explicare potuerit, hanc rem peculiari opere tractandam suscepit Pontedera, quod inscripsit *Anthologia*. Postquam uno alteroque libro de floris partibus & usibus praecipuis, & de philosophorum quorundam placitis in eo, quod pertinet ad plantarum foecundationem physicorum more differuisset, exponit in tertio, qui totus est botanicus, floris differentias, quibus plantas cognoscere, & in certas classes ac deinde genera digerere valeamus. Quo sane loco multa a Tournefortio aut non

recte tradita aut praetermissa restituantur \*.  
Non antea haec aggressus est Pontedera, quam

\* Quod fuerit Alberti Hallerii de hoc opere iudicium, hoc loco referre minime pigebit. *Primo libro* ( inquit ille lib. II, Bibliothecae Botanicae p. 145. ) *de flore agit, ejusque multiplici specie, ejus partibus & figuris, & characteribus inde sumptis. Partes definit in sexum in universum iniquior. Tournefortium possum corrigi, calycem melius per suas notas exprimit. Receptaculi, cui embryo innititur, dignitatem vindicat; idem per multas plantas describit. Petali diversas species per exempla exponit. Tubam praecipuam floris partem facit, quae a nullo embryo absit, eamque vult aerem in fructum admittere, quo motus intestinus cieatur. Staminum varietates persequitur & fructus. Stamina non ad foecundationem facere putat, cum in primis tubae possum tunc demum se efflerant, quando flamina delecta sunt. Palmarum foecundationem aliter interpretatur, & coprificationem. Inde apetalas plantas partitur & describit, tunc ringentes; liliaceas alias. Describit ex data occasione hyppurin ( charam ), aponogetonem ( zanichelliam ), palmas chamaecriphen, choddapannam, anpannam, schedapannam, toddopannam, jacaram, tengam; deinde dactyloides, myriophyllum, caprificum, erinosycan, triphyllloides; hoc ex rigore methodi; ocimastrum ( Valerianam calcarnam ), alopecurum, linophyllum, corydalin ( fumarium luteum ), sesban, ornum, aliaque genera, quorum characteres omnes per figuras additas declarat.*

cum regiones multas pedibus peragravit, quarentique ex eo causam tot laborum, tantorumque itinerum, *mel se auferre ex Hymetto voluisse* respondit. Nihil enim illi dulcius rei herbariae cognitione erat, quam scientiam ita tota vita coluit, ut si Micheliū excipias, nullus Italorum ei par ponatur. Prima institutio & quasi disciplina, illo, de quo supra dictum est, libro continetur. Multa alia paraverat, quibus sapienter utebatur ad instituendos discipulos, sed ea minime in vulgus emisit. Cum esset campus amplissimus, in quo exultare posset ejus oratio, videbatur ei se nimis semper jejune agere, quapropter nunquam deerat modesto homini excusatio, qua responderet importune ab eo majora & postulantibus & expectantibus. Levia sunt, si ejusdem spectes summam doctrinam, quae de lapatho, acetosa & agrimonia Orientali, & de plantis lacus Benaci amicorum rogatu separatim scripsit; talia tamen sunt, ut per ea aliqua accessio fiat Botanicae, cum ex terra nihil emineat, quod diligenti contemplatione non sit dignissimum. Decreverat is omnes plantas Patayini agri & regionum, quae

illi proximae sunt, describere, quantamque industriam in id contulerit, ex epistola, quam ad Guillelmum Sherardum scripsit, quaeque extat in extremo *compendii tabularum Botanicarum*, conjici poterit. Nec minus laboravit de augendo describendoque horto Patavino, cui unice famam, qua vel absentibus erat notus, se acceptam referte dicebat: mirum vero videri debet illum tantum tribuisse diligentiae patrui uxoris, ut huic uni curam ejusdem horti daret, quando ab eo ob itinera in montes & campos discedere cogeatur. Profecto neminem extitisse putabis, cui aeque cordi fuerit munus officii sui sic exequi, ut per se quoque Patavina Academia celebraretur. Quo fiebat, ut in oculis omnium collegarum viveret, & gratiosissimus esset apud generosos illos viros, quibus Venetus Senatus ejusdem Academiae curam deferre solebat. Imitatus Tournefortium non se continuit in una scientia rei herbariae, sed naturam, quam late ipsa patet, contemplatus est. Nomen gloriæque praesertim sibi addidit colendo etiam antiquitatis studia, & quod ei omnis bene Latinae scribendi ratio nota esset, quidquid

humanioribus litteris, mansuetioribusque musis consecravit, singulari ornavit elegantia. Non parum sane debemus Academiae Patavinae, quod ab ea studiosissime cultae Latinae litterae fuerunt; & quoniam aetas nostra ad ea patienda, quae rudioribus & inertioribus facere collibuit, exolevit, non convincam horum errorem, sed dolenter renovabo memoriam eorum, qui exacuerunt aciem ingenii ad res gravissimas comprehendendas, haecque Latii lingua, quae omnibus nationibus communis facile esse poterat, eleganter explicandas. Sed ad Pontederam revertor, cui cum a prima aetate plurimum studii fuisset in colendo agro, multa quae ad Latinos rei rusticae Scriptores illustrandos pertinebant, commentatus est. Id cum rescivisset Christinus Martinellius Patricius Venetus ingenio & doctrina praestans, nullam fere hebdomadam abire sinebat, quin ab eo verbosiores epistolas eliceret, modo de Catone, modo de Varrone, modo de Columella, saepius etiam de Plinio, quo in primis delectabatur, aliqua ab eo requirens. Perplacuit & illi, qui de gloria amicissimi viri vehementer laborabat, ut hic diligentiam



conferret ad exornandam editionem eorundem scriptorum, quam Lipsiae instituerat Thomas Fritschius, moxque perfecit Jo. Mathias Gesnerus. Non diu se exorari est passus Pontedera, condiditque tres epistolas, & *notas atque emendationes varias in Scriptores rei rusticae Latinos veteres*, in quibus tantum comparet acumen atque eruditio, ut quam plurimum lucri se fecisse Fritschius judicaverit, quod eas impetrasset. Neque ad eas conficiendas Pontederae necesse fuit omnem cellam penuariam (sic enim scrinium appellabat, in quo hujusmodi scripta continebantur) exhaustire. Majora enim seposuerat, alia postea collegit, quae omnia non mediocris fuisse laboris existimabis. Nam qui de veterum scriptorum monumentis agere iussit, non solum quid senserint, quid optaverint, quid effecerint homines moribus, institutis, legibus, lingua dissimillimi exquirere debet, sed etiam omnia rimari verba, detruncata atque praetermissa divinare, supplere, inserta atque aliena demere, varia operarum & interpretum discrimina perpendere, & veritatem e densissimis tenebris in lucem vocare. Ut convin-

ceret Pontedera erroris eos, qui istam rem nihil vel lactabilis, vel gloriosi habere affirmabant, opus sane magnum an. MDCCXL. in lucem protulit, quod inscripsit: *Antiquitarum Latinarum Graecarumque enarrationes atque emendationes*. In his multa sunt, quae ad rei rusticae Scriptores pertinent, quibusque queritur cum Gesnero, quod non esset habitus honor iis, quae ad ornandam eorumdem Scriptorum Lipsiensem editionem litteris consignaverat. Profecto Gesnerus minime functus est amici officio, cum elaborata a Pontedera magna ex parte suppresserit atque condiderit, & quaedam etiam ex iis in rem suam converterit. Sed hoc durius accepit Pontedera, quam belli homines solent, ex quo hinc illinc ortae sunt objurgationes, quae acerbitatis plurimum habuerunt. Cum vero ad Varronem & Columellam praesertim vel explicandos, vel vitiis & mendis expurgandos pernecessarium sit stellarum motus, ut illorum aetas ferebat, anni prisca rationem, temporum vicissitudines, intervalla, sedes noscere, multa hac de re perquisivit, multa scripsit, glorians se non elaborare, ut actum haberet,

quod egerant viri in chronologia summi Petavii & Scaliger, sed ut nova, quae illos ceterosque effugerant, proferret. Principio igitur Chaldaicum annum cujus fama jam evanuerat, ex Herodoto atque Plutarcho contextuit, eundemque in Romanam civitatem, ut ita dicam, recepit. Quo constituto, Boeotii anni, qui celeberrimus quondam viguit tum scriptorum ceu Hesiodi, Thaletis, Anaximandri, Hippocratis, Democriti, Eudoxi, Diodori Siculi, Plutarchi nomine, tum gentium nempe Boeotiae, Spartanae, Corinthiae, Syracusanae nobilitate, hoc autem aevo extinctus jacebat, nec non Attici atque Olympici ambitus civilia principia in anno Romano patuere. Ab ultima deinde antiquitate repetitis annorum differentiis, de Dieteride, de Tetracteride (qua Olympiades primum desinebantur, mox enim Oeteateride usa est Graecia) de Oeteateride, de anno magno Metonico & Callippico, quae comperit, in tabulas digessit, quibus praecipuarum gentium instituta, Boeotiae, Spartanae, Corinthiae, Syracusanae, Thebanae, Atticae, Olympicae, Macedonicae in duas sectas di-

stributae, & Bithynae subjiciuntur & declarantur. Neque de civili tantum anno, qui res gestas, qui magistratum auspicia, qui sacra & profana omnia moderabatur, haec animadvertit, sed & solarem ex Graeca astronomia, quae foede lacera medicam exposcebat manum, in hominum memoriam revocavit. Ad Latinos deinde conversus a Lavinii primordiis ducto initio, ad annum V. C. DCCVIII. quartumque Julii Caesaris Consulatum tempora certa ratione connexa ita deduxit, ut quantum Lavinio anno, quantum Albano, quantum Romuleo, quantum Pompilio sive Romano attribuendum sit, diligentissimi admodum cura computet. Neque his contentus de unaquaque periodo singillatim referendo, quae cognoscere hominis erat, sepositis fabulis, aut vera, aut veris propiora ex penitissima antiquitate derivavit. Idcirco in Trieteride Lavinia, qua tres anni lunares in orbem redibant, quid Calendae, quid Nonae, quid Idus (quarum nomina & sedes receperunt Romani, usus nequaquam) annis & mensibus definiendis conferrent, ita est affecutus, ut illius aetatis simul ingenii perspicuita-

spicuitatem & acumen, simul in caelesti disciplina prudentiam admiraretur. In Albano vero Romuleoque annis, quorum modus idem, mensium intervalla dissimilia, solis motum sic metitus est, ut quinto quoque anno solaris orbis die praeiret; sexto autem recederet civilis: quorum inconstantia a Numa Pompilio sublata, is Chaldaicum annum, qui ea tempestate propter Olympia celeberrimus in Graecia ferebatur, edixit, Terminalibusque clausit, CCCL. dies complexus, quibus altero quoque anno mensis intercalaris dierum XXX. quem Mercedinum vocarunt, & quarto dies, qui ex quadrantibus fit, Olympia & Mysteria Romana appellatus, inferebantur. Hunc annum die tantum mox auctum, qui ex intercalariis exemptus post Reges sacer habitus est, Regifugium a debellato Tarquinio dictus, per annos DCLXIX. fuisse Romae eodemque sacra & civilia omnia comprehensa primus omnium evulgavit Pontedera. Hoc igitur Romanae historiae fundamento posito, facile fuit reliqua peragere, quae ad anni partes & discrimina, quaeque ad Consulatus initia pertinebant. Quibus cognitis,

coepit deinde regulam ac viam considerare, qua Julius Caesar ab anno Romano & Chaldaico ad solarem Aegyptium transitum fecit, ab eoque suum Julium annum expressit. Hoc in loco maxime se prodit acumen & doctrina Pontederæ; & postquam ea omnia recensuit, quae summam Caesaris in astronomia prudentiam patefaciunt, ea expedire conatur, quae dubios animos facere potuissent, num Julius annus cum Aegyptio conveniret. Obstabant praesertim Ovidius, Plinius & Columella, ad quos explicandos & cum sententia sua conciliandos geminas fuisse anni normas ait, alteram quidem a Caesare proditam, alteram, quae Italica ratio vocabatur, ab Augusto inductam, cum Julium annum Italico caelo minus aptum, ut pote Aegyptium, emendasset. Macrobius ei faciem praetulit, eoque duce tres illos auctores tum a vitis tum a reprehensione vindicavit. Sed restabant alia veterum monumenta, per quae ejus systema infirmabatur, ad quorum auctoritatem infirmandam ementita & falsa & plena erroris illa esse affirmavit. Quanquam assensu eruditiorum multa argumenta Pontederæ excepta fuerint, ii tamen

valde ipsum errasse judicarunt, quod Calendarium Rusticum Farnesianum omnium ore celebratum neque vetus neque legitimum esse crediderit. Sed in his tam discordantibus sententiis est tamen quaedam societas atque conjunctio, neque quisquam est, qui magnas non laudes tribuat ingenio, eruditioni & doctrinae Pontederæ, qui adeo multa collegit, digessit, perpendit ad Graecam Romanamque antiquitatem pernoscendam non modo utilia sed etiam necessaria. Is cum librum instituisset ab emendandis Catone & Varrone, magnamque postea ejus partem consumpisset in chronologicis & astronomicis rebus pertractandis, tanquam ex longinqua peregrinatione domum deductus esset, ad Varro- nianam villam rediit, nihilque eorum omittit, quae explicatione atque emendatione indigere sibi videbantur. Quo peracto, ad Columellam transivit, & quia in eo sunt quoque multa ambigua & obscura, & corrupta etiam librorum aut negligentia aut inscitia, eas explanationes adhibuit Pontedera, quae si prudentum judicio expendantur, pronuntiabunt ii a perfectione Gesneri opus non me-

diocriter abesse; hunc multa conatum esse; sed majora etiam pro suo singulari acumine atque eruditione perfecisse Pontederam. Mitto ea omnia, quae ab ipso ad imminuendam Gesneri famam dicta sunt, quod ferociorem eum fecit laesa a Gesnero ipso sui & Italiae gloria \*. Postquam universam ruris disciplinam, quam veteres Scriptores expolivere, optimo in lumine collocavit Pontedera, quod sane immensi laboris fuit, instabant atque

\* *Vide epistolam LIII. operis, de quo loquimur, Haec inter cetera habet* Nostra ut abdita essent, neque lucem, si fieri posset, adspicerent, qua potuit diligentia curavi. Huc atque illuc dispersit inhonora, atque abscondidit. Tabulas ipsarumque explicationes eo animo distribuit, ut non nostra, sed Gesneriana existimarentur. Nonnulla itaque praenisi, deinde nostra annexuit nullo intervallo aut indice separata. Quamobrem qui meum nomen in extremis legerit, id a nobis tantum reliqua sine nomine a Gesnero prodita reputabit. De suis vero nihil, nisi ampla forma & magnifice exornatum edendum fuit. Tum a magno illo rustico apparatu, quae a nobis restituta sunt ad rusticos auctores intelligendos, maxime attinentia rejecit . . . . Cur posthabuit quaeris? . . . . Ut Italiae decus demeret Gesnerus, adderetque Germaniae.



urgebant majori cum studio Gymnasii Patavini Triumviri, ut inchoatam horti Academici historiam ipse perficeret. Suavis hic ei erat labor, quod illis rebus, quae ad eruditionem & rem herbariam pertinebant, pascebatur, delectabatur, perfruebatur. Sed tantum huic operi minime potuit impertire temporis (nam aestivum in peregrinationibus consume-  
bat) ut, priusquam e vita migraret, illud absolveret atque in lucem proferret. Ea tamen reliquit, quae si architectum invenirent, magni aedificii materiem esse facile possent. Sed perpauci ab aliis instituta perficere adlaborant, vel quod raro nobis placeant aliena, vel quod nostrae gloriae melius confutum iri ambitiose nimis arbitremur, si aliorum minime utamur praesidiis. Atque in iis curis, quas contulit Pontedera ad dignitatem Gymnasii Patavini & ad sui gloriam, maximam cepit voluptatem, cum audiit praemio donatas fuisse tres dissertationes suas, quas diversis temporibus ad Academiam misit Parisinam, quae *Inscriptionum & Litterarum nomine* nuncupatur. Altera explicat quibus anni temporibus, mensibus, diebusque in Romana Re-

publica Consules inire honorem solebant, altera in eo versatur ut ostendat, quodnam fuerit & quale Romanae religionis institutum, Graecum ne an proprium ac patrium, tertia de Graecorum πολιτεία ab Alexandri Magni morte ad illud usque tempus, quo in Romanorum potestatem ii pervenere, copiose agit. Mens erat Pontederæ non has modo Dissertationes, sed & alias plures, quarum indicem ad calcem hujusce commentarioli rejicimus, in vulgus edere, nec dubitabat quin ad augendam sui famam plurimum valiturae fuissent propter utilitatem rerum, eruditionis copiam, & Latinae linguae, qua eas exaraverat, elegantiam. Sed ut sunt saepe inanes nostrae contentiones, quae medio in spatio franguntur, coegit eum mors omnia ea, quae in manibus habebat, abjicere. Nisi se continuis laboribus, vigiliis ac peregrinationibus debilitasset, potuisset quidem sibi longum aevum polliceri, quod optimo habitu praeditus a natura fuisset. Principio sanguinem evomuit, mox inflammatione, quam medici *pleuro-pneumoniam* appellant, correptus fuit; denique supervenit apoplexis, a qua vita pri-

vatus fuit III. non. Septembris an. MDCCCLVII.  
Rusticabatur tum Lonigi, & villa, quam prope  
oppidum habebat, illi erat jucundissima, quod  
ea nihil quietius, nihil alsius, nihil amoenius  
esse dicebat, & quod mirum in modum a-  
bundabat frugibus, arboribus & stirpibus,  
quas aut severat aut plantaverat ad botanicam  
& agriculturam provehendam. Nam ex omni-  
bus rebus, in quibus homines occupari solent,  
nihil a Deo iis datum melius agricultura dice-  
bat tum utilitatis tum voluptatis causa. Mo-  
riens filiam heredem fecit, quam ex Elisabetta  
Polenia susceperat. Ipse solator lugentis uxoris,  
postquam ei mandata dedit, quae ad pudice &  
sancte educandam adolescentulam pertinebant,  
fortiter & Christiane mortem cum vita commu-  
tavit, cum annos novem supra sexaginta men-  
sesque quatuor compleisset. Statura fuit ju-  
sta, & in facie ejus apparere subagreste quid-  
dam planeque subrusticum omnino dixisses.  
Natura tamen placidus & comis erat; &  
quod conjunctissime & amantissime cum Pole-  
nio & quibusdam paucis aliis vixerit, ad co-  
lendas amicitias factus esse videbatur. Sed

cum in solitudine se beatum putaret, eaque pene aleretur, & parcissimus verborum esset, quod versabantur semper in animo ejus multae & graves cogitationes, facile injiciebat suspicionem inurbanitatis: sed si propius illum inspexisses, virum bonum & humani ingenii mansuetique animi facile dixisses. Verum persaepe homines fronte & oratione magis, quam ipsa re capiuntur, &

*Dant nebulis aliquando pondus,  
Fidemque falsis arrogant.* \*

Quod glorians Pontedera interdum usurparet  
Ovidianum illud

*Pisa mihi patria est, & ab Elide ducimus ortus,*

gratulari Etruriae nostrae debemus, quod in fastis suis tanti viri nomen adscribere possit, unde non mediocris ei fiat accessio honoris atque dignitatis.

\* Ex ode I. Olymp. Pindari.

## O P E R A E D I T A

. . . Julii Pontederæ Pisani Philosophi & Medici compendium tabularum Botanicarum, in quo Plantæ CCLXXII. ab eo in Italia nuper detectæ recensentur. Accessit ejusdem Epistola ad Cl. Vir Guilielmum Sherardum Anglum Botanicorum nostræ ætatis Principem, in qua & de his, & de aliis tabulis alias edendis agitur. Patavii Typis Seminarii apud Jo. Mansfrè 1718 in 4.

. . . . . in Patavino Gymnasio Botanices Professoris Anthologia, sive de Floris natura libri tres; plurimis inventis, observationibusque, ac æreis tabulis ornati. Accedunt ejusdem Dissertationes undecim ex iis, quas habuit in horto publico Patavino an. 1719. quibus res Botanica, & subinde etiam Medica illustratur. Patavii Typis Seminarii apud Jo. Mansfrè 1720. in 4.

. . . . . Epistolæ duæ de horto Patavino ad Ab. Nicolaum Comnenum Papadopoli. *Extant in Tom. I. pag. 14. & segg. Historiæ Gymnasii Patavini ab eodem Papadopoli scriptæ, editæque Venetiis 1726.*

. . . . . Epistolæ ad Michaëlem Angelum Tillium; in qua præsertim agitur de Lapatho, de Acetosa, de Acrimonia Orientali. *Extant in Catalogo horti Pisani ab eodem Tillio edito Florentiæ apud Tartiniũ, & Franchium 1727. pag. 177. & segg.*

IV. Utiliores esse mortalium generi, magisque necessarias stirpes, quam animalia.

V. De agricultura a stirpium peritis inventa, atque auda, nullumque esse perfectum agricolam nisi botanicum.

VI. De caedendae materiae tempestivitate.

VII. De Horto Patavino.

VIII. Qui in stirpium studio versantur tam caelestium rerum contemplationi vacare, quam opem ferentes mortalium generi inservire.

IV. De commentitia stirpium foecundatione.

X. De botanicis C. Linnaei Institutionibus.

XI. Nullam esse botanices perfectam methodum.

XII. In animalium ac stirpium historia clarissime divinum numen refulgere.

XIII. De utilitate animalium ac stirpium.

XIV. Quibus anni temporibus, mensibus, diebusque in Romana Rep. Consules inire honorem solebant.

XV. Quodnam fuerit & quale Romanae Religionis institutum, Graecum ne, an proprium ac patrium.

XVI. De Graecorum πολιτίαι.

## ANGELUS FABRONIUS

## THERESIAE SPADAE

Matronae nobilissimae

S. P. D.

**U**T mihi renuntiatum fuit de obitu Eustachii Zanotti, sane pro ea, qua me prosequeretur, benevolentia, graviter molesteque tuli, & hunc dolorem omnibus Bononiensibus communem esse existimavi. Nam eorum gloriae commodisque, dum vixit, maxime servivit, isque unus esse videbatur, qui defilegium, quod sui reliquerant, ejus patruus, Manfredii fratres, Beccarius, Stancarius aliique plures doctrina excellentes homines, leniret. Vi quidem rationis, cognitionis & scientiae par iis esse poterat; excellere vero adeo magnarum virtutum comitatu, ut nihil illo jucundius, nihil amabilius fieri posse videretur. Noveras tu id in primis, nobilissima Matrona, quae in ejus consuetudine acquirescebas, quae vivum omni benevolentiae genere, mor-

*rum singularibus honoribus es prosecuta. Ut aliis  
 narrare gestis, qui quantusque vir ille fuerit!  
 Ut commoveris, cum pie, cum amice, cum ma-  
 gno animo aliquid ab eo factum recordaris!  
 Quanto studio ad inflammandos eos, qui inge-  
 nuis disciplinis & artibus delectantur, ipsius pro-  
 ponis exemplum! Et quod non es nescia non  
 esse utilitatem modo, sed etiam voluptatem in  
 historia (nil enim tam libenter legimus, quam  
 narrationem earum rerum, quas quis laudabiliter  
 gessit) tu stimulos addidisti homini in omni ju-  
 dicio elegantissimo ad illius vitam Latine decla-  
 randam, quod ita tandem perfectum esse gau-  
 des, ut per hoc Zanotii nomen aeternitate do-  
 natum esse putes. Neque aliter ipse sentio; qua-  
 propter satis me fecisse studio in virum amicissi-  
 mum arbitrabor, si hanc ipsam vitam in hoc vo-  
 lumen retulero; quod cum complectatur historiam  
 aliorum aut mathematicorum aut physicorum,  
 quorum pervagata est vel in patriam, vel in o-  
 mne genus hominum fama meritorum, illam non  
 in alienum irruisse locum, sed in suum potius  
 immigrasse facile judicabis. Quod scribis cūsum  
 etiam numisma fuisse, in quo vivam & spiran-  
 tem Zanotti effigiem licet intueri cum Horatia-*



na epigraphæ , quando ullum invenient pa-  
rem , invideo equidem vivis & mortuis Bono-  
nienſibus, quod nullo non honore, qui ſolus alie  
artes , afficiantur a ſuis, vel , ut Pindari verbis  
utar \* ,

Χαίρω δ' , ὅτε

Ἐσλοῖσι μάρνεται μέρι πᾶσα πόλις .

*Dulcis ille patriæ amor, qui late olim patebat, qui  
tot Heroas genuit, totque praeclarissima & mira-  
bilia facinora peperit, nunc pene extinctus ja-  
cet, aut ſi quo in loco viget, viget quidem apud  
Bononienses, qui non ſibi ſolum, ſed patriæ,  
ſed ſuis ſe natos eſſe putant. Qui apud eos flo-  
ruerunt doctrinae laude, ſi cui viſi ſunt ſegnio-  
res, quod oblata a Regibus præmia vel amplif-  
ſima, dum patriam relinquerent, recuſarunt,  
plaudebant ſibi hac ipſa de cauſſa, quod commo-  
da ſua a ſuorum civium uilitate haud ſejungi  
debere arbitrabantur; & mediocritate ipſa fortu-  
nae contenti, ſe beatos judicabant, quod in ci-*

\* Gaudet autem, quod de rebus praeclaris certat uni-  
verſa civitas. Pindar. Nem. V. verſ. 85.

*virtute, quae doctrina & ingeniis semper abundavit, viverent honoratissimi. Ego vero istos tantum abest ut reprehendam, ut ab iisdem, tantquam a sapientibus, moderationis & caritatis in patriam peti exempla cupiam. Quis tam excors est, quem non moveant studia tua summa & singularia, quae confers in cives tuos, qui a litteris commendantur, perinde ac si illa sola nobilitas esset, eorum gloriae dignitatique favere? Ceterorum inertiam, negligentiam, fatuitatem semper desestabor, qui amplissimis fortunae muneribus ita abutuntur, ut luxuriae, non beneficentiae instrumenta se accepisse videantur, invitabique omnes, qui gloria titillantur, ad persequenda vestigia eorum, quae non pressa leviter ad exigui praedicationem temporis, sed fixa sunt ad memoriam omnium sempiternam, quod vera & immortalis laus uni virtuti tribuatur. Nolo plura de te, ne me tibi assentari, & benevolentiam tuam verborum blandimentis colligere velle putes. Vale, tibiue persuade nihil esse, quod hoc tempore libentius faciam, quam de Zannou cogitare & loqui: hac enim una ratione acquiesco, & lenio desiderium meum; cumque mi-*

tu exhausti incredibilem dolorem ob interitum  
 tot clarissimorum Itatorum non posse videam, in-  
 fidior mihi ipse; & tantisper certe, dum illo-  
 rum caelestes & divinas virtutes memoria repe-  
 ro & animo complector, abduco atque avertio  
 me a tristitia temporum, quibus florentissimos  
 viros amisimus: qui futuri sint non videmus, de  
 quibus quid cogitem, noli tu quaerere pro sa-  
 pientia atque prudentia tua. Iterum vale.

*Pifis Non. April. MDCCLXXXV.*

## EUSTACHIUS ZANOTTUS

**D**Octorum hominum praeconia litteris consignare vetus adeo consuetudo est, neque solum usitata, verum etiam quotidiana, ut mirum esse debeat quemquam reperi, qui id factum vituperet, ac sententia sua homines ingenio & maximarum rerum scientia abundantes laudatione spoliet. Ac si qui alios ornari nolunt, aut essent ipsi litterarum rudes, aut a laudis cupiditate remotissimi, ferri commodius possent, patientius quidem certe. Cum verò hi & in iisdem studiis versentur, in quibus illi vixerunt, nec adeo levis sint animi, & lucem splendoremque fugientis, ut gloriam repudient, videant, ne, si quod volunt, non probaverint, alienae virtutis hostes, & laudis invidi, quod est turpissimum, existimentur, si probaverint, ne, contra quam cupiunt, jaceant, & minus honestam mortis conditionem ipsi sibi relinquunt. Nam quod ajunt se Galileo, aut Newtono, aut paucis, si forte, aliis laudationes & monumentorum elogia fore amplifi-

*Tom. XII.*

Q

ma decretueros, ceteris non item, ne si prae-  
 mia virtutis pervulgentur cum multis, di-  
 gnitatem amittant; primum id ipsum super-  
 bum est, praeter paucissimos illos, neminem  
 putare dignum, quem laudent; deinde non  
 intelligunt eorum etiam, quibus honorum  
 gradus pares sunt, gloriae interdum esse di-  
 spares. Itaque nemo est nostrum, qui se Ca-  
 valerio, aut Gulielmino parem esse dicat,  
 licet eundem in Gymnasio locum occupet,  
 quem illi tenuerunt, ac eodem fere, quos  
 illi, honorum gradus sit consecutus. Quod  
 si ornamenta reliqua; ut per se clara & ma-  
 gnifica sint, perinde tamen habentur, atque  
 eorum, qui illa acceperunt, virtus est; quan-  
 to id in laudationibus apparet magis? Quae  
 alias in alios accommodari possunt, neque  
 eadem in plures conveniunt. Neque enim  
 si poetam esse dixerō laude dignissimum, pu-  
 tandum erit hunc continuo cum Homero ae-  
 quari, neque si Imperatorem fortissimum fuisse  
 affirmavero, erit metuendum, ne hic sta-  
 tim cum Caesare in virtutis contentionem ve-  
 niat. Quapropter qui de Eustachio Zanotto  
 scribere ingredior, neque passus sum plus

apud me quorundam obtrectatorum, quam universae Civitatis vocem valere & voluntatem, si quis objiciat non eum fuisse Zanottum, quem in mathematicorum ducibus & principibus ponas, non contendam; sed qui eos omnes inglorios ignobilesque dimittat, quibus principes hi praestiterunt, quantum ipsi praestiterint, sciet nunquam; ut ad clariorem horum gloriam pertineat etiam alios laudari. Ceterum nos tantum Zanotto concedimus, quantum neque ambitiosi, neque invidi tribuere alteri debent. In quo tametsi difficile est iis satisfacere, qui omnia ad vivum rescant, nec verba numerant modo, sed tanquam appendunt; nos tamen quid aequis rerum aestimatoribus videatur, non quid morosi illi probaturi sint, intuebimur, neque vero timemus, ne, quia perraro grati homines reperiuntur, ideo civibus nostris crimini detur, quod nimium Zanotto grati esse dicantur. Sed de his plura persequi non est opus; ad rem venio.

Eustachius Zanottus clarissimis aetatis nostrae hominibus non aliap modo, verum etiam

ingenio, industria, rerum gestarum magnitudine conjunctus fuit; quæ prope major cognatio est, quam illa, qua plerique delectantur, generis & nominis. Patrem Joannem Petrum poetam longe probatissimum, patrum Franciscum habuit, robur illud Bononienſis Academiae, cujus per multos annos ab Actis fuit. Illius ætas in ea tempora incidit, quibus, si quando alias, omni litterarum genere Bononienſes florebant. Neque enim possumus Manfredios, Ghedinos, Beccarios, aliosque bene multos, quorum in hac urbe magna ingenia & consilia fuerunt, recordari, quin doctrinarum prope, non hominum nomina obversari nobis videantur. Cum his Zanotus uterque, Joannes Petrus & Franciscus conjunctissime & sine obreſtatione vivebant, quod in tanta maximarum rerum æmulatione, quantam inter eos intercedere oportebat, ut nunc sunt mores, vix fieri potuisse arbitreris; sed qui tum docti & erant Bononiae, & habebantur, fere æquabiliter omnes erant hujusmodi, atque hæc laus eximiae innocentiae non ad homines solum, verum etiam ad illa tempora pertinebat. Vix

autem dici potest, quam ea consuetudo Eustachio emolumento fuerit. Nihil enim adolescentulus domi audiebat nisi doctum & elegans, quodque non ipsum aut scientia auget, aut exemplo. Instruebatur interea Scientiarum Institutum, & supra quam dici potest magnificentia atque opibus crescebat. Marfilius praeclaram susceptionem illam suam perpetua quadam constantia roborabat, neque in tanta re torpere quemquam patiebatur. Senatores pro veteri ipsorum consuetudine in litteras propensi nihil habebant aut quius, quam ut Marfilio plane satisfacèrent, & egregie inchoatum opus urgerent. Ipse Pontifex, quanquam erat multis gravissimisque negotiis dilentus, partem tamen aliquam curationis & cogitationis suae in Institutum derivabat. Omnis ingens erat tam praeclari operis gloria, multique certatim, alius alio copiosius, novas aedes muneribus exornabant; qui in Instituto docebant, omni in hominum coetu, & omni sermone celebrantur: neque tantus ardor Bononiensium finibus potuit coësceri, sed ex urbe in urbem traductus Italiam atque adeo Europam brevi occupavit.



Quae cum in aliorum adolescentum mentibus inhaerescerent, tum in Eustachii animo obliterari non poterant. Etenim omnibus Instituti rebus ipse aderat, aut, si quando abesset, eas unus propter doctissimorum hominum familiaritates omnium maxime audiebat. Itaque alacrem magnumque animum ad eas attulit artes, quarum cognitione subnixos ad summam dignitatem advolasse alios videbat celeritate mirabili; cumque Eustachii Manfredii spectatae, praeter ceteros, virtutes essent, ad hunc se applicuit, atque ad hujus imaginem se totum coningere prorsus studuit. Sapienter is quidem, qui, cum optimum sibi ad imitandum proposuisset, ab ineunte aetate providit, ut, si etiam superare illum, aut aequare forte non posset, saltem in deligendo recte sensisse judicaretur. Cum vero haud pauci se se in Manfredii disciplinam per eos aptos tradidissent, vix ulli clarius explendescabant, quam Algarottus Zanottusque. Eminebat enim in utroque cum indoles virtutis, tum discendi ardor plane incredibilis; sed alter ingenii celeritate, alter judicandi prudentia, magnus habebatur:

Ille omnium doctrinarum cupidus nullam se-  
re liberalem disciplinam non attingit; his 2  
mathematicis artibus, in quibus se se puer  
abdiderat, vix unquam se abstrahi passus  
est: illius distincti, ornati, festivi sermones  
laudabantur; hujus oratio sobria, adstricta  
verbis, densa sententiis, nihil ut in ea no-  
tari posset diffuens, nihil redundans: denique  
ut nihil addi Algarotto poterat, nisi  
inepte, ita nihil huic, nisi temere, detra-  
xisses. Qua praestantia cum esset, annos na-  
tus fere viginti consecutus est, ut Manfredio  
in astronomia excolenda adjutor daretur.  
In quo facile ostendit sapientiae interdum,  
quam aetatis cursus esse celeriores, verissi-  
maeque dici; non ut arbores, & fruges, sic  
mentes & ingenia habere ad parvas dies cer-  
tos. Sive enim siderum motus observaret,  
sive astronomicum opus generosis adolescen-  
tibus explicaret, adolescens ipse, ita utroque  
in munere praestitit, ut omnibus probaretur,  
Manfredio in primis, cujus nos judicium re-  
liquorum testimoniis anteponimus. Atque gra-  
vissimis hisce occupationibus laxare se vix  
poterat, unusquisque jam tum astronomi partes

sustinere cogeatur. Coeperat enim Manfredius ex renibus laborare, lapideque in vesica facto, gravissimis doloribus excruciabatur, quibus anno millesimo septingentesimo trigesimo nono, confectus est. Nemo illum non lacrimis & moerore est profectus, hocque unum, quod verissime possumus dicere, ingenti, ut in malis, consolatione Bononienfes lenivit, quod Manfredii gloriam Zanotti doctrina renovatam non sperabant modo, sed prope sibi cernere videbantur. Itaque ea provincia Zanotto commissa est, quam in Instituto Manfredius obtinuerat, eidemque imperatum, ut, quod ille antea fecerat, astronomiam in Gymnasio explicaret; ac nemo profecto aetate illa erat alius, cui se astronomia, credo, ipsa committi mallet. Cum vero is intelligeret, quam magnum onus suscepisset, ac quanta de se esset expectatio, non modo ut ante collectam famam conservaret, verum etiam ut spem confirmaret reliqui temporis, curare coepit. At primum Ephemerides illas longe nobilissimas, quibus Manfredius futuros planetarum cursus ad annum millesimum septingentesimum quinquagesimum

gelimum prænunciaverat, ad alios duodecim annos Zanottus produxit, neque postmodum in eo labore nunquam, dum vixit, se se exercuit. In his autem libris facile apparuit, quam penitus in ejus animo Manfredi præcepta inhaesissent. Nunquam enim ab ea ratione, quam ille in prædictionibus suis agendis tenuerat, Zanottus discessit, atque in hisdem fere astronomorum tabulis institit, nisi si forte utiles aliae, magisque ad veritatem accedentes visae fuissent; quanquam nihil minus in eo volebat, quam novus videri, ac recentissimas quasque tabulas laudabat magis, quam sequebatur, neque antea usurpabat, quam illas maxime emendatas esse correctasque longo usu didicisset. Laborem hunc alius excepit. Etenim vix dum ad astronomiam tradendam accessit, cum annumeranda sibi & describenda sumpsit clariora sidera, quae certis infixis sedibus signiferoribus complectitur, vel ut provinciam cognosceret ipsa suam, vel ut quam in observandis sideribus habebat solertiam, eam studio & exercitatione redderet acriorem. Nam certe non ignorabat, quam multi ante se astro-

nomi descriptiones hujusmodi confecerant, qui etiam longe plura in Zodiaco astra, quam quae Zanottus animadvertit, studiose diligenterque notaverant. Ex quo intelligi potest, quam diligenti simul & quam magno fuerit animo. Nam qui vel omnium primi in designandis inerrantibus stellis evigilarunt, vel qui aliorum notationibus multa postea addiderunt, feceruntque antiquorum inventa meliora, sapientes illi quidem, qui ingenti spe gloriae excitabantur, de qua posset ipsos defatigatio retardare. Zanottus sapientior, cui officium pro gloria fuit, qui in solam propemodum artis suae cognitionem intentus hanc ad vigiliarum suarum fructum duxit esse permagnam. Quanquam non est potandum Zanotti consilium splendore caruisse. Primum enim id ipsum laudem habeat oportet vel sine laudis expectatione in magnis tamen rebus studium ponere, deinde, cum id ageret, ea Zanottus aperuit, quae nec erant satis nota nostris, & erant cognitione dignissima; velut illud, maximas saepe existeri in stellis prope omnibus varietates, quibus sit, ut interdum longe lateque collu-

teant, interdum lumine imminuantur ac prope nitescere intermittant. Fuerat enim antea in paucis stellis id animadversum, neque fere astronomi adduci poterant, ut vel in paucas illas vere inconstantiam cadere arbitrentur. Adeo enim placebat eorum siderum, quae inerrantia ipsi dixissent, mutabilitatem plane esse nullam, ut cum stellas extenuari cernerent, incusare quidvis mallerent, quam illas, ejusque rei culpam aut in oculorum fallacias, aut in aerem conferebant, qui modo crassus concretusque, modo tenuis & purus nobis offunditur. Neutrum Zanottus concedebat, hocque urgebat maxime: stellarum commutationes tum fieri, cum metuendum non est, ne aut videndi sensus fallat, aut coeli dissimilitudo fraudem faciat. Fit enim interdum, ut si ad duas stellas, quarum altera quam proxime alteram sit, rursus telescopio inspicendas te revoces, alteram sibi mirifice congruere videas, alteram mutata forma a se ipsa dissidentem cernas. Quid hoc autem est insolens adeo vel coeli, vel oculorum ingenium, ut harum stellarum alteri lucem eripiant, & noctem quasi quam-

dam offundant, alteri non item? Haec autem cum Zanottus proponeret, illud quoque non omittebat non se eum esse, qui has siderum conversiones certis terminis circumscriberet, aliorumque industriae malebat confidere, quam suae. Modeste & considerate ille quidem. Namque, ut mittam quam magnum fuisse id opus, atque haud sciam, an de astronomicis operibus longe maximum, alia etiam non deerant, quae ipsius conatus prohibere poterant. Nondum enim Baillius viam rationemque docuerat, quae astrorum magnitudines accurate exquisiteque conferri possent inter se, quaeque ad illorum ordines definientes pertinebant, perant obscurissima prope omnia, multisque obstructa difficultatibus. Zanottum praeterea, ut qui negotiosam provinciam administrabat, aliud ex alio impedi-  
bat. Namque, praeter Ephemeridas, quas, ut dixi, labore summo conficiebat, si quando Sol, aut Luna, aut aliqua earum stellarum, quas vi sua Jupiter complexus contorquet, deficerent, aut Mercurius, Venusque Solem trajicerent, vel si qui Cometa se prodere, ac longissime advenirent intra planetarum orbes.

se se conjiceret, vel si quid aliud in caelis  
occurreret observatione dignum, ea prope  
unus notare cogeatur. Neque enim laborem  
hunc delegare multis in ea urbe poterat, in  
qua pauci admodum astronomiae studio tra-  
huntur, aliis ad quaeuosiora properantibus,  
aliis ne ad haec quidem. Plerasque ex illis  
observationibus Zanottus edidit, quas qui le-  
gerint, nullum ab eo experientissimi astronomi  
officium desiderabunt: hoc certe nomine apud  
Mairanum, Caillium, Meffierium, aliosque  
praestantissimos aetatis nostrae mathematicos  
in honore fuit; Caillius etiam, cum in A-  
fricam iter faceret, ut eas, quae circa au-  
stralem polum volvuntur, stellas in astrono-  
morum catalogos referret, aliorum quorum-  
dam siderum, quae nobis conspicua sunt,  
motus & conversiones cum aliis longe cla-  
rissimis viris; tum notandas Zanotto commi-  
sit, qui pro sua fide & diligentia ex Caillii  
voluntate susceptum negotium sic gessit, ut  
opinionem, quae de se erat, aequaverit, &  
doctissimi illius hominis desiderium expleve-  
rit. Sed Zanotto praeter insitam animo in-  
dustriam ad bene de astronomia merendum



fortuna etiam, cujus magna in utramque partem vis est, adjungebatur: idque tum praefertim apparuit, cum Templi D. Petronii Curatores, Alamanno Insulano Senatore amplissimo in primis suadente, celeberrimum gnomonem, quem in ea magnificentissima aede Cassinus construxerat, emendandum Zanotto reficiendumque crediderunt. Jamdix enim dolebant homines praestare illud ac singulare instrumentum, per quod Cassinus cum alia bene multa, tum Solis accessus discessusque subtiliter definiverat, temporis diuturnitate fuisse corruptum, partim commota lamina, cujus centrum radius Solis trajicit, partim depravata ea linea, quam, cum meridies est, radius ipse attingit. Hanc cetera, quam Cassinus ferreis regulis aliis aliisque deinceps positis consignaverat, marmoreis lapidibus, quo illae magis firmarentur, insertis solo hinc & hinc infixisque, praetereuntes quotidie homines sic protriverant, ut esset vitiosissima, aliis ejusdem partibus depreffis, atque introrsum in pavementum actis, aliis praeter modum assurgentibus, inconditeque curvatis. Labem etiam aliquam, ne omnem

ejus culpam in homines conferamus, terrae motus fortasse fecerant, quibus identidem Bononiae aedificia nutare, crepitare compages, tabulata concuti visa sunt. Quae cum Manfredius animadvertisset, nihil magis optaverat, quam ut praeclara adeo constructio, quae vitium fecerat, restitueretur. Itaque eos, qui Templo praerant, invitavit saepe, rogavit, obsecravit: egregium Cassinianae solertiae monumentum interire ne sine-  
rent, atque ad gnomonem nobilissimum reficiendum quidquid ipsorum esset praestarent; se quidem in eam rem, si vellent, diligentiam quam posset maximam collaturum. Haec saepe Manfredius & cum multis, sed tunc Insulanus in corona non aderat. Itaque cum restituere ille gnomonem non posset, quod reliquum erat, id unum suscepit, in quo nullum impendium fieret, nisi laboris ac singularum partium libramenta, erroresque dimensus, quam hi cautionem haberent, diligentissime patefecit. Zanottus feliciter; perficere enim potuit, ne quid per multa saecula, quantum augurari conjectura possumus, a gnomone cavendum esset. Quare cla-

riſſimum illud aſtronomicae facultatis inſtrumentum eſt ab ipſo reſectum diligentia tanta, ut adhuc Caſſino dignum videri poſſit, ea vero firmitate, qua ſe a temporis, hominumque injuriis facilius tueatur. Multa vero, quae obſervaeſſe e re aſtronomica erat, hujus inſtrumenti ope ſunt a Zannotto animadverſa. Neque enim aut poli altitudinem, aut eclipticae obliquitatem, aut anni longitudinem inveſtigare praetermiſit, neque oblata ſibi illuſtrandae aſtronomiae facultatem ad nihilum recidere paſſus eſt. Neque ſolum vidit quid eſſet maxime notatione dignum, quod ejus doctrinam commendat, verum etiam in iis, quae perquiſivit, cum clariſſimis aſtronomis, ac Slopio in primis conſenſit, quod facile oſtendit, quam diligens ſpectator coeli ſiderumque Zannotus fuerit. Quam certe laudem, etſi aliae abeſſent, nos tamen ipſam per ſe vel magnam vel potius maximam eſſe putaremus. Nam ſi qui in coacervandis publicis privatiſque tabulis aetates conterunt ipſas, & vel unius oppidi monumenta diligenter collecta, atque annotata proſerunt, in celebritate verſantur; quanto  
in

in honore eos esse oportet, qui tanquam mundi annales. conficiunt, & historiae suae fines caeli regionibus. terminant? Quanquam conatus est etiam Zanottus mathematicorum doctrinis. aliquid, atque adeo multum addere de suo. Namque brevissimos calculos, minimeque artificiosos. aperuit, quibus cometarum positus. & conversiones. invenirentur, ac quantum in eo simplicitas posset, expertus est: quidquid certe ad Cometarum cursum describendum. pertinet, id. omne ad trigonometriam. & ad falsas. quasdam. positiones revocavit, quo facinore nae ille magnam ab astronomis gratiam. iniit. Etenim plerique omnes, cum locum hunc tractant, ut mathematici fere sunt laboriosi, indulgentes sibi longissimos calculos. ineunt, nec nisi per exquisitiorem industriam ad id, quod est propositum, accedunt. Molestiam hanc levare. Zanottus. voluit, idque illi in Cometis duobus, quorum alter anno millesimo septingentesimo trigesimo. nono, alter millesimo septingentesimo quadragésimo octavo prodiit, cessit pulcherrime. Neque vero diffitemur Zanotti inventum in Cometas alios aegre ac-

commodari potuisse, neque horum inventorum fortuna communis est recusanda. Cum enim Cometae toto caelo vagentur, ac seu dum incitantur, seu dum retardantur, seu dum insistant, innumeras habeant varietates, non est postulandum, ut una praeceptio sit ad omnium cursus definiendos aptissima. Est tamen aliquid, cum in re difficillima verferis, atque ea, quam nemo unus universe perfecit, astronomorum commodo iterum iterumque prospexisse. Neque alia non extant, quae ejus ingenium doctrinamque testantur. De forma terrae, quae nostrae aetatis astronomos maxime sollicitos habuit, sermones conscripsit probabiles, & vero probatos, quos qui legerint, hominis elegantiam mirabuntur. Nam quamvis hac super re eodem, quo alii fere pervenerit, brevius tamen id praestitit, & facilius ac theoremata quaedam adeo venusta explicavit, ut dicantur Boschovichium in amorem sui rapuisse. Cum vero docet Zanottus, quemadmodum e positionis, quem vocant, angulo forma terrae cognoscatur, eam nimirum tractat, quae plane pro novis haberi posse crediderim. Quanquam de

terrae forma scripserunt adeo multi, ut difficillimum sit tenere aliquid non antea fuisse scriptum; quo fit, ut ea ipsa, quae a Zanotto deprehensa fuisse arbitramur, non facile nova esse affirmemus. Idemque fortasse valet in multis aliis, neque ego ullam in partem disputo. Quis enim praestet, quae sunt ab ipso in usu, ac tractatione micrometrorum observata, ea superioris aetatis diligentiam effugisse? praesertim cum constat esse illa inventu adeo facilia, ut vel se offerre potuerint non quaerenti. Itaque Zanottus ipse, qua moderatione erat animi, non se illa aiebat proponere, quae ingenium ostenderent, id enim elucet in difficultate, sed quae astronomiae studiosis prodesse possent, quamvis parva & mediocria & essent & viderentur. Sed vero quae de perspectiva conscripsit, ut nominibus aliis, sic novitate mirifice commendantur. Omnem enim cum ichnographiam, tum scenographiam, quod a nemine antea factum legimus, uno brevissimoque praecepto complectuntur. Neque enim quisquam est qui ignoret, quam multas in partes diducta initio fuerit perspectiva, quam-

que varias praeceptiones nunquam non habuerit. Quas omnes Zanottus cum in unum theorema contraheret, non tam veterem artem excolere visus est, quam novam prope modum docere. Quocirca non est mirandum, si Zanotti scripta vix dum edita omnes fere Italorum scholas pervaserint, neque defuerint qui illa non solum veterum libris anteponerent, qui plerumque exiles sunt & aridi, & multis obscuritatibus involuti, sed vel Taylora ipsi, qui magnus habebatur, eratque in omnium fere manibus. Mechanicen quoque Zanottus attigit, ac de corporum percussionibus pauca quaedam edidit, quam subtilia non dicam, elegantia quidem certe; quo nomine in tanta amplitudine mechanices ne nunc quidem contemnantur. Sed est etiam quorundam error tollendus, ne Zanotti studia exponentes gloriam minuamus. Cum enim hic sua theoremata emitteret, illa quaestio, quae tum de viribus vivis erat, ejus animum vehementer sollicitabat, quae a Leibnitio primum orta, ab Helvetiis deinde Germanisque alijs aucta Gallos passim Britannoque commoverat, demum ab Italis

excepta, & quasi per manus Bononiæ tradita Academiam nostram mirabiliter inflammaverat. Neque tantus hic animorum ardor ante confedit, quam Alembertus planè ad veritatem ostendit Cartesianos a Leibnitianis verbo non re diffidere, sicque convenire posse, ut illi veteris opinionis possessionem retineant, hi jacturam novae ne faciant. Sed Zanotti aetas in ea tempora incidit, quibus quaestio illa nondum in suspensionem inanitatis venerat; adeo Germanorum praesertim nomen omnium animos auresque compleverat. Quare, ut mos tum erat, nemo ferè laudis cupidus mathematicus non aliquid de viribus vivis commentabatur, ac si quid occurreret, quod ad corporum impetus pulsusque aestimandos quoquo modo pertineret, id propter nobilissimae quaestionis conjunctionem praeclarum admodum, atque magnificentum habebatur. Igitur quod Zanottus breviter quaedam theoremata, quaeque ostendere nihil propè negotii erat, editione tamen digna putaverit, temporum culpa est; laus ingenii, quod de iis eleganter distincteque conscripserit. Ceterum quam ipse fuerit me-



chanicae facultatis intelligens, alia indicio sunt. Cum enim ad eam hujus disciplinae partem, quae in fluminibus arcendis, dirigendis, avertendis tota est, animum devota jam aetate appulisset, ingenio perfecit, ut videretur eam a pueritia usque arripuisse; multi certe ipsum de hydrometricis controversiis longe gravissimis cum Ximenio, Fantono, Lechio, aliisque, quorum pervulgata sunt nomina, in consilium adhibuerunt. Neque vero est quod putemus aut in consiliis capiendis intelligentiam, aut in dandis fidelitatem Zanotto defuisse; sed, nescio quomodo, sunt litigiosa in hoc genere ita multa, ac variae adeo & diversae, & in omnem partem diffusae hominum disputationes, ut nisi studia partium ante resederint, multorumque cupiditates deferbuerint, non satis occurrat quod scribamus. Quare spei fructum rei convenit, & eventui reservari, ne aut quod ambiguum est pro certo posuisset, aut destinatam forte Zanotto laudem festinatione praeripuisse videamur. Sed commentarios quosdam hydrometricos idem divulgavit, quos si mihi probari dixerō, non

metuam, ne aut fides mea desideretur, quasi tempori obsequar, aut prudentia, quasi veritati non serviam. In primis vero quaestionum omnium, quas Rheni causa Bononienses cum finitimis plurimas gravissimasque habuerunt, historiam conscripsit, utque annis ille identidem agros vastaverit, ac late perdididerit omnia, seque in alios atque alios cursus contorserit & inflexerit, docuit, neque minus quid gestum sit, ut ea calamitas averteretur, aperuit. Quam narrationem utilissimam esse fatebuntur, qui noverint, quam multa hydrometrarum praecepta miserrimae Rheni alluviones diu multumque observatae pepererint. Est etiam Bononiensibus, qui nunc vivunt, ante actorum temporum incommoda cognoscere, jucundissimum. Vix enim quidquam tantam habet oblectationem, quam tam secura praeteriti doloris recordatio. Neque hydrometria non amplificat quae idem de aquarum fluxionibus Florentiae edidit. Quamvis enim fluvios, quae in mare erumpunt, per acclive ferri Gulielminus, auctor optimus, tradidisset, rem tamen hanc strictius attigerat, quam ejus admirabilitas po-

stulabat. Itaque Zanottus & quam id late pateret ostendit, & primus omnium docuit, ut aquae ad fluminum ostia superficiei devertitate impellantur, ac quasi ex alto profluentes alvei acclivitatem concepto impetu superent. Quod quidem nemo ante ipsum ad rei dignitatem apte explicaverat. Igitur praeclarum hoc Zanotti factum probarunt multi, in his Frisius, quanquam in eo desideret forsitan aliquid, & leviter emendet. Sed non tam dolendum Zanotto fuit, quod cum mathematico tanto, quantus Frisius est, in paucissimis pugnauerat, quam jure laetandum, quod consenserat in tam multis. Alia quoque extant, quibus cognosci potest, quam fuerit Zanottus hydrometriae intelligens; sed modum adhibere oportet, ne ultra quam satis est minuta quaeque consectari videamur. In omnibus autem, quae emisit in vulgus, multa industria, & diligentia comparet, multa doctrina, ac lene quoddam, & aequabile & candidum dicendi genus, quo plus valebat in persuadendo, quam alii calamistris & lenociniis. Quo minus mirandum est fuisse ipsum in tam multiplici excellentia suis

civibus probatissimum. Quanquam non modo ingenio consecutus est, ut multis carus & jucundus esset, verum etiam moribus. Namque erat in eo auctoritatis & consilii plurimum, integritas singularis, tanta in patriam caritas, ut exterarum civitatum magna sibi praemia, si in eas migraret, pollicentium beneficio uti noluerit, tantum in Principem obsequium, quantum in eo esse oportebat, qui iustissimo Domino servire hanc jucundissimam libertatem esse arbitrabatur. Idem in perficiendo quod sibi commissum esset, incredibili erat cura, nullumque publici Doctoris officium, & munus summa cum fide non exequabatur. Itaque multos adolescentes nunquam, dum vixit, non erudit, quodque in solerti, & ingenioso homine perdifficile est, neque iracunde, neque laboriose docebat. In eo etiam apparuit, quam liberali & ingenuo esset animo, atque in omnibus servaret modum. Sunt enim, qui prae nimio docendi studio interdum peccent, quosque discipulorum multitudo usque adeo delectat, ut in quadam quasi specula perpetuo maneant, & quacumque adolescentulum

vident surgere, illum statim per summam aviditatem appetant, & artificiis omnibus aucupentur. Ab horum sedulitate tantum Zannottus aberat, quantum ab aliorum negligentia, neque modo fideliter instituebat adolescentes, si qui ad se ventitarent, verum etiam non ideo sibi minus placebat, quod interdum ne quem doceret aliorum industria impediatur. Neque vero in hoc solum, sed in omni vita curavit maxime, ut perpetua quadam moderatione temperatus & esset & haberetur: vestigium in eo contumaciae cerneretur nullum; ac, quod magnum rarumque est, ab ejus comitate quemadmodum austeritas, sic etiam levitas omnis aberat. In sententia dicenda ita orationem moderabatur, ut neque superbus, neque obnoxius videretur; neque aut alienae dignitatis obliviscebatur, aut suae. In disputando, quanquam ipse summe lenis erat, non illos tamen vituperabat, qui animose & fortiter dicunt, modo contumelia absit; haecque ejus vox saepe est audita a multis, illos ferendos non esse, qui innocuam dicentis libertatem queruntur se ferre non posse, eamque in alios

culpam conferunt, quam ipsi sustinent. Jam veritatis cum esset cupidissimus, eam quamcumque ratione infuscare flagitium, obruere autem scelus esse putabat, ac, quamvis amicorum dignitati mirabiliter faveret, eosque laudaret libentissime, cavebat tamen, ne quid in sermones suos per causam irreperet officii, quod videri posset blanditiis aut gratia depravatum. Quo magis mirandum est eundem in assentationis suspensionem nonnunquam incidere potuisse. Sed sic est vulgus; pauca ex veritate, multa ex opinione aestimat. Quodcumque autem rectum est, id ad pravum semper aliquid quodammodo videtur accedere, ac quamvis ejus dissimillimum sit, nihilominus ab imperitis iudicibus idem existimatur. Quare ut dicendi ingenuitatem arrogantiæ appellant, ita iudicandi modestiam assentationis nomine accusant. Cum vero Zanotti animum multis amicissimum deprehendimus, tum nulla in ceteros malevolentia suffusum novimus. Igitur ut ipse gloriæ seniorum succreverat, ita ad suam gloriam confurgentes alios lætus adspiciebat, aliorumque virtutes imitatione dignas esse, non

invidia arbitrabatur: omnino morum præcepta a gravissimis philosophis arripuerat non disputandi causa, ut magna pars, sed ita vivendi. His igitur rebus effecit, ut multi Principes viri ejus consuetudinem convictumque expeterent, quos si omnes recensere velim, nimius sum, præsertim cum ii. plerique sint, quorum si nomina commemorem, aegre mihi ipse temperem a laudando. Quis enim, si modo Ignatium Boncompagnum Cardinalem amplissimum nominaverit, laudibus abstineat? Quanquam hujus sapientiam admirari facilius possumus, quam verbis explicare, qui id consecutus est, quod paucissimos omni aetate obtinuisse videmus, ut in maximis Provinciae occupationibus idem prodesse litteris cum ingenio, tum auctoritate, eundemque haberent docti homines, a quo laborum suorum & praemia peterent & exempla. Senatus autem Bononiensis, cujus est judicium gravissimum, tantum Zanotto tribuit, quantum memoria nostra fere nemini. Namque eundem amplissimis muneribus decoravit, & multa non petenti concessit, quae aliis petentibus denegaverat; ac, ne quod

illi in suis civibus ornamentum deesset, Instituti Praesidem creavit, eumque tribuit dignitatis gradum; quo, secundum Patres, altior nullus Bononiae est. Cuncta autem Italia atque adeo Europa quanti eum faceret, inde apparebat, quod e doctis hominibus Bononiam venientibus nemo erat, qui ipsum videre praetermitteret, nemo, qui cum vidisset, non id ad suae peregrinationis uberioribus fructus referret. Multis etiam nobilissimis Academiis adjunctus est, quibus erat notissimus non ex praesenti quidem corporis forma (quanquam multas provincias hydrometriae praesertim exercendae causa obierat) sed ex imagine ingenii sui, quam purae, minimeque fucatae eloquentiae coloribus expressam in ejus scriptis licebat intueri. Quapropter, quod verissime possumus dicere, paucos ille habuit obrectatores; quanquam magna invidia magnae gloriae fere comes est, neque unquam inepti deerunt, qui cum se velint posse omnia, neque praeterea quidquam esse aut in homine ullo, aut in ordine, aliorum ingenium & virtutem depressam extinctamque cupiant. Sed illi certe,



quibus Zanottus se probari exoptabat, semper probarunt; sunt vero etiam multi, quibus displicere laus est. Tali modo cum II. & LXX. annos compleisset, intervenit illi mors, ut seni, matura, ita bonis omnibus acerba. Natus erat anno millesimo septingentesimo nono v. kal. Decembris, decessit idib. Maii anno millesimo septingentesimo octogesimo secundo. Mortuo honores habiti non vulgares: namque Bononiensis Academia exequias funeris profecuta est, decretumque a suis civibus, ut ejus memoria litteris mandaretur. Ejusdem imago in quamplurimis numismatis qua argenteis, qua aeneis impressa est, ut cujus ingenii monumenta aeterna futura sunt, ejus vultus effigies ne a posteritate desideretur. Utinam vero quae ornamenta in Zanottum plurima & maxima Bononienses congeessimus, ea multos e nostris adolescentibus ad bene de litteris merendum alliciant & excitent? Hic enim, meo judicio, est honorum, qui summis viris tribuuntur, fructus vel uberrimus. Neque enim, quod plerique jam dictitant, languet adeo nostrorum juvenum industria, ut commoveri sa-

mae opinione non possint, neque restinctus est apud nos vetus ille ad honestas disciplinas animorum ardor. Illorum haec querela est, qui inani quadam antiquitatis specie commoti fastidire sic praesentia consueverunt, ut eandem semper fuisse humanae naturae conditionem vix sentiant; quasi vero aut qui ad gloriam modo contendant, nulli sint, aut optimum quodque non fuerit omni aetate rarissimum, multique veteribus temporibus extiterint Themistocles, qui ad consequendum splendorem nominis mirabiliter inflammatus alienis trophaeis e somno suscitarentur.

## ANGELUS FARRONIUS

JOANNI MARIAE LAMPREDIO

S. P. D.

**C**um philosophiae partes multae sint atque diversae, nulla earum tam diligenter est colenda, si fructum quaerimus institutionis, quam quae latissime patet, & ad quamlibet disciplinam contendentibus auxilia plurima ferre potest. In quo si philosophos ipsos interrogabimus, hanc sibi quisque laudem arrogabit, si autem ratione agemus, facile reperiemus illos, qui metaphysici appellantur, haud injuria disciplinae, quam profitentur, dignitatem utilitatemque supra ceteras extollere. De iis metaphysicis loquor, qui innumeras, & abstrusissimas quaestiones ad exercendum, credo, unice ingenium excogitatas ac diu retentas longissime ablegarunt, totamque scientiam hypothesebus, spoliata gravissimarum rerum pertractatione concluderunt. Quid porro nobilius atque utilius quam argumenta inquirere, quibus convincamur Deum esse, ejusque vi & numine omnia

omnia facta esse et servari, ab eo quoque dimarasse humanas mentes segregatas ab omni concretionem mortali, atque propterea aeternas, ipsum solutum, liberum, optimum esse, et singulari providentia consulere rebus humanis, nec solum universis, sed etiam singulis, materiem inertem esse, neque ei ullam animorum proprietatem communem esse posse, his, quod corporibus adhaerescere coguntur, instrumenta data esse ad sentiendum, cogitandum, et ad absolutam rationem obtinendam, quae est idem quod virtus. Haec atque alia huiusmodi, quae longum esset recensere, in ipsis scientiae visceribus insunt. Quod vero in huius potestate esse videtur quidquid a singulis rebus cogitatione abstrahitur, quidquid ad generalia principia refertur, ejus utilitas longe lateque patet, et dominatur ipsa non modo in physica, a qua proprietates, omnibus corporibus communes expenduntur, sed etiam in geometria, in universa mathefi, in theologia, in iusti iniusti-que scientia, in grammatica omni-que arte liberali. Pictorem, poetam, musicum interroga, quibus principis ducantur, iisque parent in suis artibus exercendis, et quae tibi respondebunt, sui

juris esse contendet metaphysica. Hujus quidem varia fortuna fuit. Postquam Aristoteles illius semina sparsit, quae collecta a Grammaticis in unum veluti corpus coaluere, Arabes et Scholastici gravissimam disciplinam tot contaminarunt sordibus, ut ad loquacitatem et contentionem ipsa unice uti velle viderentur. Sic cum diu in squalore jacuisset, exiit tandem vir summus Cartesius, qui commones factus Baconis a Verulamio praeceptis, tanquam in aciem vocatus esset ad debellandos barbaros philosophos, qui anlabatarum more pugnant, metaphysicam ad novam, ut ita dicam, vitam revocavit. Sane neque ei vividum ingenium, neque judicium acie, et ad colligenda quae antecesserant cum iis, quae sequebantur, idoneum, neque libertas atque audacia ad dogmata, quas ex se ipso genuit, proponenda, et aliena everrenda defuit. Quanquam in eo erraverit, quod putaverit ideas innatas esse, habet tamen aliquid excusationis ejus error, quod cum demonstrandum suscepisset in miserabili ignorantia veri Peripateticos omnes versari, hosque tanquam pestem aliquam philosophiae vitari debere, ne gloriam quidem iis relinquendam putavit, quod viderint veritatis judicium a sensibus

oriri. Conjuratorum ducem facile illum dixisses, qui nulli pepercit industriae, dum inveteratam tyrannidem deleret; nec dubito, quin mirere hominem, qui ita coepit philosophari, ut de omni re ambigendum esse putaverit, postea quasi aestu quodam ingenii abreptum universae naturae explanationem sua disciplina contineri putasse. Ejus discipulus Malebranchius felix fuit in sensuum et phantasiae erroribus detegendis; sed quod omnia se in Deo videre putaret, non cavuit malum, quod in aliis sanandum suscepit. Magnopere ingenio suo pene summo et omnino singulari confidens. Leibnitius accuratius et exquisitius, quam ceteri ante eum omnes praestiterant, se de corporis et animae conjunctione, de Divina Providentia, et de materiae natura dicturum palam professus est. Profecto si acumen et prudentiam continuisset suam in exponendis iis, quae dubitationem afferunt, neque abutens ad omnia aut monadibus (se cum ipso loqui fas est) aut harmonia praestabilita, aut sufficienti ratione, aut optimismo, dilapsus fuisset ad praecipienda explicandique rationem, melius famae suae consulisset. Felicius Jo. Lockius metaphysicam novam illustrare

*lucē sibi sumpsit, et quae de origine idearum, de mentis viribus, de vi et potestate vocabulorum copiosissime differuit; talia sunt, ut ei, ficui et Newtono, quos viros maxime Britanniae invidere solemus, nihil ad immortalem acquirendam gloriam defuisse videatur. Postquam eos commemoravi, qui in metaphysica longe omnium principes esse judicantur, ceteros praeteribo, quibus cura fuit quasi perpoliendi quemdam operis difficillimi extremum laborem. Sed prohi dolor! quot inter hos exstiterē, quos transvorsos egit immoderata omnia explicandi licentia, nullaque est res tam sacra, aut a Deo ipso patifac̃ta, aut ab Ecclesia iudicata, quam a Religionis imperio isti abjudicare minime sint conati. Quidquid ab iis litteris mandatum est, olere malitiam, et clamitare calliditatem facile judicabis; et quanquam adversus hosce metaphysicae corruptores saepe vocem sanctā emisserit Religio, non tamen eorum frenari potuit audacia, et serpit infinitum malum, idque manat in dies latius, et consuetudine ipsa peccandi maxime roboratur. At quamvis per metaphysicos plura Religioni importata sint mala, a qua culpa ne absuit quidem gravissimarum di-*

*sputationum inventor et princeps longe omnium in iisdem pertractandis nobilissimus Lockius, alios tamen maxime admiramur, qui in metaphysicis consutandis ipsi summi metaphysici fuerunt. Qui ergo discernes aliorum temeritatem ab aliorum prudentia? Omnes homines, qui se ceteris animantibus praeferre student, summa ope niti debent, ut assequantur notitias, quas nobis natura ingenuit virtutum et vitiorum, ut Deum agnoscant et colant, ut animi motiones atque rationes, legum necessitatem et principia, et quidquid ad honestarum rerum prosperitatem, in quo sita est humana felicitas, pertinet, intelligant, quae si consentanea erunt divinis oraculis, conservabit metaphysica maiestatem et dignitatem suam. Abutuntur impie et ingratis nobilissima disciplina, qui per eam student offundere tenebras et caliginem rebus, quae ex aeterna veritate derivarunt, ut abutuntur quoque ii, qui omnia non modo omnium magnarum rerum, sed etiam tenuissimarum sic persequuntur principia, ut eorum rationes sane tenebricosissimas consequi te posse desperes. Hoc eodem vitio non mediocriter laboravit Jo. de Vico, cujus vitam scribendam suscipimus. Ho-*



minum genus in diversis antiquissimis nationibus ita consideravit, ut earum naturam, leges, scientiam, consuetudines, fortunam, vices se divisasse putaverit, nec modo quid factum ab iisdem fuerit, sed quid optimum factu esset persequitur ad beatam obtinendam vitam. Sapientius tu quidem agis, qui de hominum moribus, de ratione vitae, de legum origine, de concordia, de communi civium, de hominum, de gentium jure pro eo, quod in Academia nostra sustines, munere, ita disputas, ut omnia referas ad naturalia principia. Perge Academiam ipsam tuis scriptis illustrare, meque, ut facis, ama. Vale.

Pisis Idlb. April. MDCCCLXXXV.

## JOANNES DE VICO

**J**OANNES DE VICO Neapolitanus. Scripsit ipse confidentius de studiis suis honestissimis rogatu Joannis Artici de Portia, narrationemque illius magna ex parte sequemur, quod in ea exponenda tantum tribuerit veritati, quantum tribuere necesse est hominem, quem non obcaecaverit *πλάνη*. Quod ejus prima aetas inciderit in ea tempora (nam editus in lucem est an. MDLXX.) quibus perverse et scribebant et docebant homines, animum ostendit alienum a studiis, et praesertim a philosophia, quam Arabes omni mendacio contaminaverant. Cum vero grandior factus coepisset per se se ad veritatem revocare rationem, tanto incensus est desiderio tenendi illam laudandarum omnium artium procreatricem atque parentem, ut statuerit pedem domo non efferre, dum non compensavisset praeteritae aetatis negligentiam vel potius fastidium, per-

versaeque institutionis viua . Dulcedine in primis captus rerum metaphysicarum aiebat se invenisse in Suarezii libris , quo pasceret animum hujusmodi lautitiarum cupidissimum . Tum ab eo aegre durus pater obtinuit , ut aliquem laborem quoque impertiret hominum periculis sublevandis tractatione juris civilis et pontificii . Non modo gavisus est , sed etiam triumphavit se imperium exercuisse in filium , quando ab eo prima causa publice pro se ipso defensa est , quae tantum commendationis habuit , ut non ulla esset , quae non digna ejus patrocinio videretur . Sed hujus forensis concertatorii judicialis generis maxime taedebat Joannem , et habere scientiam quaestui , quamvis re familiari non abundaret , non insuave modo , sed turpe judicabat . Itaque eam juris prudentiam excoluit , qua divinae religionis et humani officii ratio exquiritur ; et quod huic scientiae plurima adjumenta atque ornamenta attulisse audivit Henricum Canisium et Ermannum Vultejum , eorum scripta assidue pervoluabat . Erat eo tempore in illo summa gracilitas et infirmitas corporis , cui cum accede-

ret labor continuus, non procul absuit a vitae periculo. Quieturus ergo concessit Iſciam apud Angelum Roccam ejus civitatis Episcopum, qui se beatum putabat, quod consuetudine frueretur Joannis, ab eoque in jure civili erudirentur fratris sui filii. Otii fructus fuit non relaxatio, sed contentio animi, et quo plus roboris recuperabat, eo renovabat acrius ineuntis aetatis studia. Poësis non illa amatoria, sed quam doctrina morum ornat corroboratque, divinarum rerum scientia hausta praesertim ex clarissimo Catholicae Ecclesiae lumine Augustino, illi non linguae solum, sed etiam animi et virtutis magistri Plato, Aristoteles atque Cicero, et quidquid φιλοσοφημένων Graeci et Latini scriptores reliquerunt, adeo occupabant Joannis mentem, ut nullus locus vel necessariis oblectationibus relinqueretur. Amabat praesertim in Platone rationem subtiliter disputandi in contrarias partes, et artificiosam inventionem expolitionemque locorum, ex quibus omnis argumentatio et vel ipsa sophismata ad omnem disputationem inveniuntur; et quasi comitem ac ministram eorum, qui civitatis personam ge-

runt, legumque sunt custodes, esse debere dicebat artem vera atque falsa, quibusque positis, quid sequatur, distinguendi, atque judicandi. Auctoritate atque exemplo Platonis, geometriae quoque operam dedit, sed hanc brevi deferuit, quod hujus campus visus est exiguis finibus circumscriptus menti, quae vagari libere in immenso rerum metaphysicarum spatio exoptabat. Nihilo tamen minus geometrarum concludendi methodum plurimum et laudavit et secutus est, adeoque huic tribuit, ut maluisset adolescentes prius in geometria, quam in logica exerceri. Nulli fere physicorum illi probabantur, et ne Gassendus et Cartesius quidem ipsi, qui larga luce celebriores scholas tum complevisse judicabantur. Quare aut contempsit physicam, aut hanc quaeri a se oportere ajebat in Pythagoreorum libris, dum aliquis adesset Deus, qui hominibus naturae mysteria detegeret. Hac copiosa doctrinae supellectile ditatus rediit in patriam, seque ad Josephum Lucinium applicuit, hominem summa eruditione atque auctoritate, a quo multis gravissimisque in rebus adhibitus fuit. Hu-

sus non modo iudicio ac commendatione, sed  
 editis etiam duabus panegyricis orationibus,  
 paullo latius dimanavit ad existimationem ho-  
 minum, et cum magnorum suorum laborum  
 multarumque vigiliarum fructum se cepisse  
 maximum iudicavit, cum publicus rhetorices  
 magister honorificentissimo decreto declaratus  
 est. Sibi videbatur eorum studiis, qui lit-  
 teris delectabantur, debere hoc munus, ut  
 quotannis, dum intermissae exercitationes  
 instaurabantur, ex illis rebus universis, ex  
 quibus civilis vitae ratio et humana felici-  
 tas constat, aliquid expromeret argumen-  
 tum, quod eloquentiae luminibus illustraret.  
 Quod mente nihil homini dedit Deus ipse  
 divinius, et quod illa ad rerum omnium  
 scientiam sit aptissima, plurimum interesse ait  
 ejus vires noscere, quo veluti stimulo ex-  
 citentur homines ad magna suscipienda at-  
 que perficienda. Ut magnifice ejus extulit  
 facultates, quam facilis et expedita, quan-  
 taeque sit efficacitatis in pluribus variisque  
 rebus uno eodemque tempore assequendis,  
 nisi aut negligentia, aut vitiosa obstat in-  
 stitutio! Atque haec in priorî oratione, quam

dixit an. MDCLXXXIX. Altera tota est in virtute laudanda, revocandisque hominibus a voluptatibus, quae sensibus percipiuntur, quibus qui se se dediderunt, necesse est illos continuis jactari fluctibus, ut nunquam conquiescant. Post haec multa malorum semina exposuit; et quod ei erat propositum non tam consulere virtuti quam litteris, vehementissime insectatus est malignos criticos, pertinaces ac litigiosos homines, quasi libertas non in quadam moderatione, sed in pervicacia posita sit, et illam vanorum turbam, qui fraude, mendacio, aliisque malis artibus in opinionem doctrinae irrepere se posse putant. Ut res ab se dictae prope manu tentari possent, vita, factis summorum virorum easdem illustravit, et coloribus suis tabulam pinxit, in qua felicitatem eorum populorum, qui recte uti didicerunt doctrinis et artibus, licet aspicere. Quod nati sumus ad societatem communitatemque generis humani, omnia nostra studia ad hanc referenda esse ait, in quibus ne quid perturbatum et praeposterum sit, ita instituenda docet, ut postquam pueri ab ineunte aetate se

imbuerint doctarum linguarum rerumque gestarum notitia, ad geometriam ducantur, per quam ratiocinandi artem discant, sicque praeparentur ad contemplandam universitatem naturae in physica, res divinas et totam illam rerum abstractarum, ut loquuntur, seriem in metaphysica, ad noscendas mentis vires, ad illam corroborandam doctrina morum, quo, domitis cupiditatibus, puri et minime superbientes ad *Revelatam* tandem theologiam et Christianam juris prudentiam accedant. Haec quasi materies fuit, quam sex orationibus tractavit, ex quibus conjici potuit talem esse praeceptorem Joannem, ut vel indormientes excitare, aut ferocitate exultantes animos moderari, iisque facilioribus uti potuisset. Ipse vero laetabatur se artem oratoriam, quam multi indotatam atque incommutatam et incomptam esse dolebant, non solum verborum, sed etiam reconditarum rerum dote locupletasse atque ornasse. Non tamen has vulgavit orationes, et homini Cappuccino, qui excellens tum habebatur orator, donavit. Extrat in manibus hominum illa, quam coram Card. Grimanio,



qui Caesaris nomine Neapolitanum Regnum gubernabat, dixit, in qua non minus philosophari sibi visus est, cum collatis inter se iis pristinis, et his recentibus temporibus, ostendit quante nos inferiores sumus, eo magis adlaborandum, ut felici rerum divinarum et humanarum scientiae conjunctione superiores etiam, si fieri potest, evadamus. Eo tempore coepit quaerere et scrutari omnia, quae ad antiquorum sapientiam pertinebant, admonitus ab immortalis opere, quod hac ipsa de re scripsit Baco a Verulamio, cui se aliquid addere posse speravit. Scripsit itaque, vulgavitque anno MDCQX. librum *de antiquissima Italorum sapientia ex linguae Latinae originibus eruenda*, in quo si affirmabis plus ingenii et acuminis, quam veritatis apparere, haud ego repugnabo. Quod nulli ad nos usque pervenerunt libri antiquissimorum philosophorum, ex quibus judicari possit, quae olim vignerit in Italia philosophandi ratio, id se colligere posse putavit ex origine et significatione diversorum verborum. Sunt enim quaedam, aie ipse, in Latii lingua, quae ita olent sapientiam, ut non ab vulgi usu,

sed ab interiori doctrina profluxisse videantur . At cum Romani ad Pyrrhi usque tempora in summa doctrinarum omnium ignoratione versati fuerint, ea arripuisse illos oportet ab vicinis nationibus, in quas aut Pythagorae doctrina permanavit, aut quae antea, ut Etrusci, praestantissimis institutis et artibus erant excultae . Cum ab his vocabulis *factum* et *verum*, *caussa* et *negocium* eandem rem significari affirmet, cum expendit, quid sonent verba *intelligere* et *cogitare*, cum alia hujusmodi suis ponderibus examinat, ea de Deo, de mente humana, hujusque facultatibus verustissimos Italorum sensisse judicat, ut prudentissimi et sapientissimi haberi debeant . Originem scientiarum persequitur sane acute, si non semper vere . Quae coarctavit, et peranguste referit in universo opere si dilatare voluisset, multis paginarum millibus sibi opus fore affirmabat . Gloriabatur tamen se nihil quod referret scire de antiquissimorum Italorum metaphysica reticuisse . Valde doluit, quod Scriptores Italicarum Ephemeridum multa eo in libro obscura, quaedam rationibus et argumentis

non satis confirmata esse affirmaverint, quibus ita respondit, ut correctoribus nec amicis, nec æquis. Non faciam ut enumerem quae ipse de *punctis metaphysicis*, de *substantiae indivisibilibus virtutibus*, aliisque hujusmodi rebus pro defensione sua protulit, cum in his enodandis frustra laborasse mihi videatur. Sed ita natura comparatus erat, ut ei maxime placerent ea, quae magis a vulgari sensu erant remota. Cum quae ad metaphysicam pertinebant hoc in libro pertractasset, de physica quoque et morali antiquissimorum Italorum se scripturum pollicitus est, quod ab illo minime effectum fuisse suspicor, quamvis hujusmodi investigationibus in primis oblectaretur. A severitate horum studiorum cum Vicus relaxare animum vellet, ad mansuetiores musas se se referebat, et quod erat in ejus mente plurimum roboris et nervorum, hac ipsa vi tincta ejus carmina videbantur. Omnino sunt grandia ac sublimia quae cecinit de laudibus Maximiliani Bavarorum Ducis; et granditate etiam quadam et doctrina commendatur ode, quam de origine vicibusque poesis scripsit. Tam bo-

nus

pus erat laudator Joannes , ut aeternitatem immortalitatemque hominibus donare posse putaretur , qua de causa rogatus est a Traet- ti Duce , qui fuerat unus ex carissimis di- scipulis suis , ut vitam resque gestas expo- neret Antonii Caraffae gentilis illius . Id am- plum et decorum existimavit : nemo enim virtutem praestantissimi Ducis non honorabat , de quo ita scripsit , ut res narraverit non eleganter solum , sed etiam ornate , regiones saepe et pugnas descripserit , belli , pacis , ac foederum jura perpenderit , et tracta qua- dam ac fluenti oratione interposuerit quoque conciones atque cohortationes . Quare fecit , ut vere dictum a Clemente XI. fuisse videat- ur , *Vicum hominis immortalis historiam per- fecisse immortalem* . Quod ei tum necesse fuit in manus sumere Grotii opus *de Jure belli et pacis* , tanto amore in hunc Scriptorem exarsit , ut tribus aliis eundem adjunxerit , Platoni videlicet , Tacito et Baconi a Veru- lano , quos amores et delicias suas esse di- cebat . Porro cum tam studeret nihil Ioan- nes , quam noscere hominem , et qualem hunc esse oporteat doceat mirabiliter Plato , qua-

lis vero sit exemplis declaret Tacitus, solitus omnia malitiosorum cogitata penetrare atque detegere, horum scripta non legebat modo, sed continua meditatione commentabatur. Stupefcebat vero unum Baconem, edito libro *de augmentis scientiarum*; adeo multa admonere potuisse homines, quae essent ab iis corrigenda atque perficienda, si ad perfectam sapientiam pervenire cuperent. Denique quod eam praestabiliorem scientiam putabat Joannes, rerum divinarum atque humanarum naturam causasque noscere, et omnem bene vivendi rationem tenere ac persequi, admirabatur Grotium feliciter adeo conjunxisse philosophiam cum theologia, ut illo duce, rite judicare possimus quae fuerit ratio, recta ne an secus, qua omnium temporum nationes omnes rem publicam administrarunt. Verum quid ipse quoque posset in hujusmodi doctrinis experiri voluit, et rerum multarum obscuras et necessarias intelligentias, quas quasi fundamenta quaedam novae scientiae sparserat in orationibus suis, enodare atque dilatare sibi proposuit. Huc referri debent libri, alter *de universi juris uno princi-*

*pio et fine*, alter *de constantia jurisprudentis* duas in partes divisus, quarum altera inscribitur *de constantia philosophiae*, altera *de constantia philologiae*. Quasi antesignanus operis fuit oratio quaedam ab eo dicta an, MDCCXIX. in studiorum inauguratione, qua sic universum argumentum exposuit: *omnis divinae atque humanae eruditionis elementa tria, nosse, velle, posse; quorum principium unum mens, cujus oculus ratio, cui aeterni veri lumen praebet Deus . . . atque ideo de divinarum atque humanarum rerum notitia haec agam tria, de origine, de circulo, de constantia, et ostendam origines omnes a Deo provenire, circulo ad Deum redire omnes, constantia omnes constare in Deo, omnesque eas ipsas praeter Deum, tenebras esse et errores*. Varias ac discrepantes fuerunt de hoc opere eruditorum virorum sententiae. Qui leviter docti erant, et qui soliti erant metiri omnia dictis veterum, ab eo voluisse converti solidiora sapientiae principia omnium saeculorum, omniumque nationum comprobata consensu, et quasi virtutis lumen extinguere palam dicebant. Qui vero a

metaphysica ceterisque doctrinis erant instru-  
 ti, et qui ex aequo et bono, non odio  
 atque invidia judicabant, pleniore ore illud ip-  
 sum opus laudabant, quod in eo nova  
 multa atque inopinata, et utilitate magni-  
 tudineque praestabilia continerentur. Mihi  
 instar omnium erit verissimus et sapientissi-  
 mus iudex Ioannes Clericus, cujus oratio,  
 quam in secunda parte voluminis XIII. Bi-  
 bliothecae veteris et recentioris invenies, hanc  
 habet sententiam. " Opus refertum est re-  
 " conditis abstrusis rebus variisque ob-  
 " servationibus, quas auctor coarctavit, et  
 " peranguste referit, quae si dilatandae a  
 " nobis atque explicandae essent, multis sa-  
 " ne paginis egeremus. Geometrarum mo-  
 " re illud ipsum texuit, quo facilius quae  
 " vellet persuaderet lectoribus suis. Hi ve-  
 " ro nisi attente, patienter et a capite ad  
 " umbilicum usque sine intermissione idem  
 " perlegerint, et nisi se prius assuesecerint sti-  
 " lo atque ideis auctoris, multa illos ef-  
 " fugient nova, curiosa, et quae magna-  
 " rum continent principia rerum. Ab anti-  
 " quissimis temporibus ad Annibalis usque in

» Italiam adventum celebriores epochae ab  
 » ipso commemorantur, et insigniorum Scri-  
 » ptorum de iis errores notantur. Narrat  
 » vere, judicat sapienter, adeoque doctri-  
 » na et eruditione omni abundat, ut nul-  
 » lius aequae in potestate philosophia, ju-  
 » ris prudentia et philologia, quas praeser-  
 » tim excoluit, fuisse videantur ». Non con-  
 tentus Clericus publico hoc testimonio, pri-  
 vatis litteris appellavit Vicum, in quibus  
 plena erant laudis et gratulationis omnia.  
 Addidit haec universis Italis gloriosa : *vidi*  
*multa et egregia tum philosophica, tum etiam*  
*philologica, quae mihi occasionem praebebant*  
*ostendendi nostris Septentrionalibus eruditis apud*  
*Italos non minus quam apud ipsos acumen at-*  
*que eruditionem inveniri, immo vero doctiora*  
*atque eruditiora dici ab Italis, quam quae a*  
*frigidiorum orarum incolis expectari queant. Si*  
 quaeres, num ob haec praeclara ingenii mo-  
 numenta praemium ullum a civibus suis re-  
 portaverit Vicus, dolebis profecto, ut ipse  
 vehementer doluit, vel negatum ei munus  
 fuisse docendae publicae juris prudentiae, cu-  
 jus dignitatis fuerat defensor assiduus, quam-



que suis scriptis plurimum illustraverat. Quapropter de injuria et iniquitate hominum saepe sic querebatur cum conjunctioribus, ut nullum nisi cum musis et doctrina se habere velle commercium videretur. Ceterum ex immenso doctrinarum campo nullum genus, in quo utilius et jucundius verfaretur se potuisse eligere putabat, quam in quaerendo quid sit homini tributum natura, quantam vim rerum optimarum mens humana contineat, cujus muneris colendi efficiendique causa nati et in lucem editi sumus, quae sit conjunctio hominum, quae naturalis societas. His enim explicatis, fontem legum et juris inventum esse nemo dubitabit. Quod ei semper mos fuit in his studiis inusitatas vias indagare, tritas relinquere, reddidit rationem cur id faceret, patefactis ceterorum scriptorum aut erroribus aut stultitiis, qui a naturae regula in suis tradendis dogmatibus deerraverint. Post id, positis quibusdam capitibus quasi scientiae fundamentis, investigavit, explicavitque *ortum humanorum morum cum quadam chronologia historiarum Graecarum*, quas ob-

*scutas et fabulosas dicimus*, sicque principia et causas rerum, earumque progressus patefacit, rebusque remotissimis adjungit atque annectit recentes, ut quidquid profert, ab exquisita quadam ratione atque doctrina proficisci videatur. Atque haec inedita reliquit, propterea quia majus quiddam se confecisse putavit, edito an. MDCCXXV. libro, quem ad Academiam Neapolitanam instituit cum Italica inscriptione: *Principii d' una scienza nuova d' intorno alla natura delle nazioni, per li quali si ritrovano altri principii del diritto universale delle genti*. Hoc opus ei in amore et deliciis fuit, et gloriari affirmabat se posteris monumentum reliquisse, ex quo judicium facere possent, quantum in hoc studiorum genere valeret, quantumque elaborasset. Quapropter de illo augendo et apertius explanando diu multumque cogitavit, quod se tandem perfecisse dicebat, cum tertio illud ipsum anno. MDCCXLIII. qui Auctoris vitae fuit ultimus, in lucem edidit. Contemplanti illi omnium nationum ortum et progressum, tria ostendunt se et occurrunt per quae homines civili conciliatione et so-

cietate inter se conjungi coeperunt, religio, matrimonia et sepulturae. Post diluvium cum homines exleges, feri atque agrestes tota terra dispersi vagarentur, nihil tam praepostere, tam monstrose cogitari potest, quod non proprium eorum esset. Difficile est tempus definire, quo ii ratione et consilio, quasi quadam luce ac lumine vitae, uti coeperint; id tamen evenisse Vicus putat ducentesimo post diluvium ipsum anno. Exsiccatis enim aquis aut in flumina derivatis ( inquit ille ) propter exhalationes terrae cum essent tonitrua et fulgura, et facile, tonante caelo, Deum aliquem regnare crederent homines, timore perculsi speluncas et antra petierunt, ad quae cum feminae quoque confugerent, aut traherentur, instar Homerici Polyphemi connubia concelebrarunt. Conjugatis tali modo viris et mulieribus, familiarum coeperunt distingui status, et qui nati erant ex iis liberi, ne inhumata projicerentur parentum cadavera, et ut haberent quo vitam sustinerent, occupata a se loca studiose conservarunt. Jure asyli atque vi auctae sunt familiae. Nam cum multi superessent, qui in a-

gris ferarum more vagarentur, ii aut a robustioribus capti, aut sponte dedititii, pericula evitandi causa, in famulatu fuerunt. Multiplicati, maleque habiti famuli tumultuantur, et ad eos coercendos, cum singulae non valerent, plures conspirant atque consociantur familiae. Hinc rerumpublicarum, quas aristocraticas dicimus, origo. Quas utilitas conjunxit, eadem diffociavit; et cum quaelibet aut dilatare, aut suos veri fines vellet, orta inde sunt bella, foedera, paces. Bellipotentes populi juris et naturae aequabilitatem facile agnoverunt, et dum student a cervicibus suis jugum servile deicere, ita convellunt pristinum reipublicae statum, ut dominatio inter eos omnes esset communis, qui ejusdem civitatis essent. Tranquillatis rebus, intellexerunt homines belli subsidia et pacis ornamenta a commercio, ab artibus et scientiis petenda: hinc commoda vitae, voluptates et luxus, quibus cum nimium indulgeretur, facile extiterunt studia divitiarum atque honorum, ceteraeque hujusmodi ambitiones, injustitiae, et illa omnia, quae semina sunt civilium discordiarum. Dum ab his laceratur

debilitaturque respublica, non deerit certe, qui patriam prodere, et tyrannidem occupare conabitur. Ita Imperiorum patefacta origine, ea, quae inde manarunt, Vicus percenset. Quod antiquissimum et doctis apud Graecos fuerit genus poetarum, studiose quidem utitur eorum testimoniis ad illustrandam civilem historiam vetustissimarum nationum. Indicat originem poesis, idololatriae, divinationis, sacrificiorum, omneque id quod metaphysica, poetica contineri ait. Transiit inde ad logicam, quo loco omnia illa persequitur, quae ad poeticam locutionem atque inventa poetica, ad litterarum, hieroglyphicarum notarum et linguarum originem pertinent. De morali et politica ea differit, ut virtutum, morum, legum ortum possis agnoscere; et cum saepe redeat ad Imperiorum originem, sententiam eorum confutat, qui Romulum Monarchiae conditorem, et Junium Brutum popularis libertatis fundatorem duxere. Ac ne illa quidem praetermittenda putavit quae ad physicam, cosmographiam, astronomiam, chronologiam et geographiam spectant, glorians se uno volumine comprehendisse omnia

a sapientissimis viris excogitata et tradita,  
 ex quibus effecta est philosophia. Quod ni-  
 hil tam difficile esse putabat, quin quae-  
 rendo investigari possit, naturam, mores,  
 jura, leges, linguas, characteres, juris pru-  
 dentiam atque judicia divinae, heroicae et  
 humanae aetatis, quae multis fabularum in-  
 volucris et quasi velis obtendebantur, se o-  
 mnium primum detexisse gloriabatur. Home-  
 romastigem eum facile dixeris, cum persua-  
 dere tibi conetur, in divino poeta inordina-  
 tam et incompositam collectionem diversa-  
 rum historiarum potius, quam poesim in-  
 veniri. Perantiquissimarum nationum terris  
 peragratis, earumque vicissitudinibus animad-  
 versis, tempora praeterita cum recentibus sic  
 comparat, ut quamdam formam naturalis rei-  
 publicae omni ex parte perfectae exprimere  
 studeat; et ex ea quale aedificium sit uni-  
 versi operis, et quam intemperanter saepe Au-  
 ctor abuteretur suo acerrimo ingenio in con-  
 sectandis umbris et imaginibus veri licet con-  
 jicere. Mihi sane tenebrae sunt plura Vici  
 dicta. Tacere tamen non debeo laudi illi  
 datum a doctis viris fuisse, quod in tanta

caligine , qua tegebatur ultimarum nationum historia , clarissimum lumen praetulerit multaque vera aut verosimilia detexerit \* . Quis porro non fatebitur , ut unam rem eamque gravissimam exempli causa ponamus , Deum ipsum Judaeis ducem et magistrum fuisse , si cum Vico comparisonem faciat hujus populi cum ceteris gentibus ? Hae enim sensim et pedetentim et naturali quadam progressionis

\* Gloriarì in primis videbatur Vicius testimonio Philippì Pirelli hominis sane multa doctrina exculi, qua commendatus ad Cardinalatum pervenit . Ejus Italicum epigramma de Vici operis laudibus hoc loco referre minime pigebit .

*Defta da Giove in pria sì volse a lui  
L' umana gente , e sue donne disperse  
Ritcolse , e di terren lieve coperse :  
L' ossa insepolti de' parenti suoi .*  
*Quindi altri poi regnò sul capo altrui ,  
E per suo scampo il giogo altri soffersè ;  
Quindi il nobl consorzio e le diverse  
Cittadi , e le Province , e i Regni a nul .*  
*E ben fur provvidenza , e vol ed opre  
Del Ciel , che a nostra guida accende ed arde  
I lumi , onde le menti illustra e copre ,  
Tu sveli tutto il bel lavoro antico ,  
E scopri ancor l' età future e tarde .  
O saggio ed immortal divino VICO .*

a ferinis moribus discessere, et ad artium ac scientiarum cognitionem pervenere, cum Judaeorum natio summum hoc repente, quod sine Dei voce fieri non poterat, fuerit consecuta. Mitto alia plura, quae a laudatoribus Vici efferuntur, quorum testimoniis saepe utebatur ad reprehensorum retundendam, ut ipse agebat, aut invidiam, aut ignorantiam. Quando Vicius secundo hoc opus edidit, Neapolitani regni clavum tenebat Carolus Borbonicus, cui cum tam nihil curae esset, quam ut eximiis propositis praemiis eliceret atque invitaret magnos homines ad praeclara suscipienda, faciendamque jacturam, quam, dominantibus Austriacis, fecerant iis in regionibus litterarum, novo munere, eoque honestissimo, cum accessione stipendii octingentorum, ut loquuntur, ducatorum eundem decoravit. Factus enim est Reginus Historiographus. Ille vero, quamquam nihil se habere, in quo melius et jucundius non inertem senectutem consumeret, et maximas res esse intelligeret in hac memoria et aetate nostra historia dignas, cuperetque beneficentissimi Regis laudes illustrare, verebatur tamen ne cum isti rei tantum



operae quantum vellet et opus erat ( historia enim nec institui potest nisi praeparato otio, nec exiguo tempore absolvi ) dare non posset, opinionem, quam de se omnes habebant, minueret potius quam augeret. Praeter quam quod periculosam esse offensionem potentiorum videbat, si res non ex annalium vetustate, sed ex sermone hominum, recentibusque monumentis essent eruendae. Profecto vera animum illius praesensisse declarant quae postea accidere Janonio, qui in rerum omnium certamen atque discrimen propter libertatem scribendi devenit. Quapropter bene ac sapienter se gessisse mihi videtur vir amicissimus Franciscus Danielius, qui aliorum commonefactus periculo, se satis suo muneri facturum putavit, si Friderici II. Caesaris res gestas atque leges illustraret. Sed ad Vicum revertor, qui non tam a difficultate rei, quam a provecta aetate, valetudinis incommodis et rerum domesticarum angustiis sibi dari justam excusationem arbitrabatur, si historicum aliquid minime in lucem proferret. Sed haec minime eum vindicabant a labore, quem

propter institutionem adolescentium sustinebat : Non enim jejuniter et exiliter de rhetoricis quibusdam praeceptis disputabat , sed fontes philosophiae , humani ac divini juris ceterarumque doctrinarum , ex quibus eloquentia dimanat , studiosissime aperiebat . Siqui vero minus idonei essent ad has res intelligendas , eos e schola domum deducebat exercendi ipsos causa in veterum scriptorum lectione , imitans nutrices , qui omnia minima mansa , ut ajunt , infantibus pueris in os inferere solent . Mirabantur vero omnes singularem hominis , cui nemo par in civitate ponebatur , humanitatem facilitatemque , pene ut se ipsum oblivisci videretur , dum commodis utilitatique suorum civium serviret . Qui totum vitae suae cursum in animi contentione prope incredibili confecerat , extremo memoriam perdidit , sic ut cum ei saepe verba deessent , nutu , quod interpret divinabat , affirmaret , aut negaret . Patienter tamen hoc malum , ut et ceteras , quas in vita accepit , calamitates pertulit , quod nihil non ab illo obtineret pietas in Deum , sine qua omnia , et

vel ipsam doctrinam, flosci facienda affirmabat. Ceterum erat ad iram propensus, ut sunt fere omnes boni, et laceſſurus se acerrimum ſui deſenſorem oſtendit. Vixit ſimpliciter, fideliter, vitaeque hominum amice, et ſuos quam qui maxime dilexit. Nam ex Catharina Deſſita duos ſuſcepit liberos, quos ſic inſtituit, ut majorem natu in munere publici eloquentiae magiſtri ſucceſſorem haberit. Neapoli diem obiit ſupremum XIII. Kal. Feb. an. MDCCXLIV., omnesque ejus mortem doluerunt, quod fama et opinio ſingularis de illius doctrina omnem extinxit invidiam viderentur.

## OPERA EDITA

Canzona in morte del Conte D. Antonio Caraffa Generale in Ungheria. In Vinegia per lo Ponzatti 1693. in 4.

Affetti di un disperato ; Canzone. In Vinegia per Ponzatti 1693. in 4.

Latinae orationes. I. pro aspiciatissimo in Hisp. reditu Francisci Benavidii S. Stephani Com. II. in funere Catharinae Aragoniae Segorbienf. Duc. III. pro felici ad Neapolitan. solium aditu Philippi V. IV. de nostri temporis studiorum ratione. V. de mente heroica. VI. in Caroli et M. Amaliae utriusque Sicil. Regge nuptiis. *Latinae has orationes, postquam editae separatim fuerant, uno volumine collegit Franciscus Danielius Neapoli an. MDCCCLXVI. et praefatione illustravit.*

Nelle nozze di Vincenzio Caraffa con Ippolita Cantalini Senatt. Canzone. *Estat nella scelta dell' Arcampora in Napoli 1701.*

Acta funerae Caroli Sangvii et Josephi Capyaii. Neapoli 1701. in fol.

Tre Canzoni forelle in lode di Massimiliano Duca di Baviera. *Estant nella scelta del Lippi in Lucca 1708.*

De antiquiss. Itator. sapientia ex linguae Latinae originibus eruenda libri tres. Neapoli 1710. in 8. *Hujus opera primus tantummodo liber editus fuit, qui inscribitur Metaphysicus; secundus et tertius nunquam lucem aspexere.*

Risposta di . . . nella quale si sciolgono tre gravi opposizioni fatte da dotto Signore contra il Tom. XII.

primo libro de antiquiss Italor. sapientia . Neapoli 1711. in 8.

Risposta di . . . all' Articolo X. del Tom. VIII. del Giornale de' Letterati d' Italia. In Napoli 1712. in 8.

De rebus gestis Antonii Caraphaci . Neapoli 1716. in 4. max.

De uno universi juris principio et fine . Neapoli 1710. in 4.

De constantia jurisprudentis lib. II. I. de constantia philologiae. II. de constantia philosophiae. Neapoli 1721. in 4.

Giunone in danza poema di nuova idea , lavorato su' principj della mitologia scoverti dall' Autore. In Napoli 1721. in 4.

Canzone dell' origine , progresso e caduta della poesia . *Extat* nel Tom. II. della scelta dell' Albani in Firenze 1723.

Orazione in morte di Angela Gimini Marchesana della Petrella . In Napoli 1727. in 4.

Principj di una scienza nuova d' intorno alla natura delle nazioni ec. In Napoli 1743 in 8. gr. editio tertia .

Vindiciae adversus AQA Lipsienſia . *Horum enim Scriptores illud opus de principiis &c. censuris confixerant* .

Carmina varia Latina et Italica , et inscriptiones .

## O P E R A I N E D I T A

Orationes VI. in solemnibus inaugurationibus studiorum habitae .

De aequilibrio corporis animantis .

Solemnis praefatio ad l. 1. §. de praescriptis verbis .

ANGELUS FABRONIUS

LAZZARO SPALLANZANO

S. P. D.

**P**hilosophi, qui saepe multi sunt in disciplinarum mortu et progressu investigando, facile in eam descenderunt sententiam, primogenitam fuisse morum scientiam, quippe cum hominibus ipsis procreatam. Ut enim inter hos societas esse coepit, quam necessitas ac natura ipsa conciliavit, et robustiores quidam aequabilitatem communis juris transferunt, effecta est injusti cognitio, eorumque vitiorum, quae oriuntur a dominandi cupiditate. Multis injuriis agitata atque jactata aequitas, patentius ipsa apparuit, extititque soli modo justae scientiae, donataeque virtutis nomine eae actiones fuerunt, quae opponerentur iis, quae e vitiis ortum habebant. Postquam homines intellexerunt quid esset justum et injustum, quod omnis boni et mali moraliis principium esse facile dixeris, inquire-

re coeperunt quid esset illud, per quod volumus et intelligimus. Hominibus, licet ad eliciendam veritatem rudibus et inexpertis, non multo labore opus fuit, ut noscerent eam esse naturam humanorum corporum, ut non iis, sed nobiliori substantiae, quae nihil commune cum iisdem haberet, illa facultas conveniret. Mirae conjunctionis animae et corporis, quibus, licet natura dissimilibus, formamur, nulla certe alia reddi potuit ratio, nisi mentem exare infinita potestate praeditam atque aeternam, cui id, quod sumus, referre acceptum, et quam pie et grate colere debeamus. Ex his naturalis theologiae, metaphysicae, sed praesertim legum moralium fontes et capita videre licet, quarum ea est indoles, ut omnes, qui ratione uti voluerint, quocumque in statu fuerint, easdem affequi potuerint. Natura de animis hoc merita melius, quod corporum adjumenta adhibentur extrinsecus, animorum salus et felicitas inclusa in iisdem est: nam dum se se ipsos excutiant, facile intelligent quibus officiis uti, quibusque legibus parere debeant ad beatè honesteque vivendum. Sed quamvis insita et quasi consignata in animis nostris sint ethices

praecepta, incurrit tamen haec scientia in maximas difficultates, cum argumenta, ut loquimur, demonstrativa, quidque cuique consequens sit inquirat: nam cum verba semper eandem rem exprimant, nec nisi verborum signis declarari valeant morales idae, quae diversae esse possunt non solum in diversis, sed etiam in iisdem hominibus, quae interdum ita compositae sunt, vix ut distingui oratione et explicari possint, magnum sane munus is suscipit, qui ethicam ad artem et scientiam revocare contendit. Facile est docere obediendum Dei legibus, nemini damnum inferendum, illatum resarciendum, deinde, quod alterum iustitiae fundamentum est, communi utilitati serviendum, scilicet praestandum, hancque qui violat, oppugnare omnium commune praesidium, iussa imperantium servanda, quae contraria non sint Dei voluntati, iisque naturae juribus, quae variari non possunt, ceteraque huiusmodi, in quibus iustum atque honestum continetur. Sed cum redigere in ordinem haec praecepta voluerimus, atque ostendere, quae prima sint, quae aliis occasionem dederint, quid ex his ipsis consequatur, quomodo ad omnes vitae casus atque actiones sint accommodanda, qui gradus, series, conjunctiones ac differentiae sint singulorum,



quomodo componantur, compositaeque suas in partes distribuantur, quae sint hominis natura ac iura, in quo humana felicitas ac virtus omnis consistat, fortasse magnitudine negotii obruemur. Antiquissimum tamen genus poetarum satis ostendit nullo non tempore exultiam moralem philosophiam fuisse, quamvis Socrates primus illius auctor atque inventor, eamque devocavisse e caelo, et in urbibus collocavisse dicatur. Omnis quidem ejus oratio in virtute laudanda, et in hominibus omnibus ad virtutis studium cohortandis consumebatur, et de Providentia ea docuit, ut nihil sapientius atque magnificentius dici potuerit. Quod ejus sermones sua in scripta retulerit Plato, non linguae solum, sed etiam animi ac virtutis magister appellatur. Hujus discipulus Aristoteles quae a praeceptore accepit et quae per se didicit, civis tamen magis, quam hominis officia, et praesentis magis, quam futurae vitae bonum inquirens ad certa capita redegit, quidque sit in unoquoque primum, quid proximum, quid postremum ratione atque ordine explicavit. Bene et Epicurus de morali meritis esset, si quae de felicitate docuit, aut emendasset, aut, quod reor, melius sensa sua decla-

*raffet . Verbo enim voluptatis si laetitia ac tranquillitas in animo , non delicatae et libidinose motiones in corpore , quae nullum cum virtute commercium habere possunt , subjiciantur , non erit quod de Epicuro , tanquam morum corruptore , clametur . Ejus aequalis Zeno , licet non vocabulis modo , sed etiam rebus veteris Academiae disciplinam commutaverit , cum tamen inventor et princeps Stoicorum fuerit , magnam ei tribuunt laudem moralis philosophiae cultores . Profecto quis veterum philosophorum , magisquam Stoici , vim virtutis tenuit ? Eorum sententiae et praecepta erant ejusmodi ; congruenter naturae convenienterque vivendum , homines hominum causa esse generatos , ut ipsi inter se aliis alii prodesse possint , nullum beneficentiae ceterarumque virtutum praemium expetendum , cum in ipsa conscientia magnus fructus recte factorum sit , actionem bonam aliam consequi statim debere , virtutem adeo amandam , ut prae ea nihili sint habenda pericula , vincula , exilia et mors ipsa , sapientem nulli servire , mundum hunc omnem templum esse Dei et regnum , in quo ipse principatum tenet , et in quo nos etiam partem habemus ea conditione , ut omnes*

actiones nostrae ad commune bonum dirigantur. Mito cetera sane egregia in eo praesertim, quod pertinet ad libertatem hominis, quanquam in eorum dogmatibus sint prava quaedam, quae homo Christianus nullo modo probare possit, et de quibus veteres ipsi philosophi inter se digladiabantur. Cum profeminatae essent quasi familiae philosophorum dissidentes, Augusti aetate Alexandrinus quidam nomine Posidonius illam philosophandi rationem invexit, quam eclecticam appellavit, quia in libera quadam electione alienorum dogmatum tota occupabatur. Cicero ipse huius exemplum dedisse videtur, cum in miro de Officiis opere modo Peripatetici, modo Academici, Stoici modo partes agat. Neque aliter se se gessere Seneca et Plutarchus, quorum eadem aetas ac ferme fortuna fuit, quorumque sententiae de rebus gravioribus atque certioribus saepe consentiunt, quamvis Latinus philosophus Stoicorum studiosus adstipulator videri cupiat. Sed Plutarchus magis sibi constat, fluctuat interdum Seneca, hic arma suppeditat virtuti, ut vitiosus motus perturbationesque debellet, lenior illa eminet earum rerum commemoratione, quae magis ad defendendam regendamque virtutem,

quam ad vitia oppugnanda valent, Graecus, quamvis ejus natio diuturna servitute ad nimiam assensationem erudita esset, undequaque libertatem prodit, contra Hispanus tyrannidi interdum favere videtur, hic orationem quasi calamitatis inurit, ille in ipsa concinnitate et venustate sententiarum gravis commovet magis animos, quam aures capit, et cum totus in eo sit, ut commonstret rectam viam, et ut fieri solet, digitum ad fontes intendat, haec res magis amorem conciliat, quam ille violentus impetus, quo utitur Seneca ad vitia percellenda. Qui his proximus fuit Epictetus, simplex est, et quidquid inde haurias, purum te haurire senties; sed in illo nihil est magnum et sublime, quod inflammet animos ad virtutis amorem. Ut rapimur legentes scripta Marci Antonini, ut ejus admiramur ingenium, dum aut exponit, aut emendat, aut nova luce illustrat aliorum praecepta, vel illa, quae ex se ipso genuit, simplici oratione vestit atque ornat! Platonici, qui tertio et quarto aerae Christianae saeculo florere, ut Plotinus, Amelius, Porphyrius, Iamblicus et Proculus, conjectores potius somniorum, quam explicatores cultoresque morales disciplinae, quam a saeculae conditore acceperunt, esse voluisse vi-

dentur . Neque haec ipsa disciplina admodum crevit Sanctorum Ecclesiae Patrum opera , qui quidem subtiliter atque copiose de rebus divinis disputarunt , sed parum feliciter de naturalis philosophiae principiis . Ex multorum saeculorum caligine et tenebris , in quibus omnia praeclara studia misere jacuerunt , ipsa quoque lucem aliquam respicere coepit , cum Arabes Scholasticam philosophiam instituerunt . Quanzquam iis Deus esset Aristoteles , quo sane nemo doctior , nemo acutior , nemo in rebus vel inveniendis vel judicandis acrior extitit , tamen ita praepostere , ita confuse , ita inquinata moralia praecepta ex omnibus collecta libris exposuerunt , ut pene obsoleverint omnia , quae ab iis tradita fuerunt . Ut scientiarum omnium , sic et ethices tractandae vias vir iudicio summus Baco a Verulamio tradidit . Hujus vocibus commonefactus homo Batavus Hugo Grotius omnium primus ausus est magnum extruere aedificium , cujus philosophus Anglus formam adumbraverat , et unus ex omnibus ad id maxime natus aptiusque videbatur et erat . Eminebat in eo veritatis amor et ars vera ac falsa judicandi , atque differendi , omnes fere vincebat studio atque eruditione , acerrime

ingenio erat in rebus inveniendis, et judicio prudentissimo ac certo in opimis eligendis, adeo oblectabatur industria et meditatione, ut nullis adversae fortunae casibus ab iis tanquam a suavissimo pastu posset avelli, talis denique erat, ut nemo illi superior ingenii et artis divitiis poneretur. His facultatibus jus illud, quod naturae et gentium dicitur, universe, ac certo ordine exposuit, quod fieri humani generis maxime intererat. Paulo antequam Grotius e vita decederet, in lucem hominum prodiit Thomas Hobbesius, cui si philosophari libuisset sine praejudicatis opinionibus, neque illius aetas in turbulentissimam Britanniae tempestatem incidisset, plurimum per eum morum scientia aucta fuisset. Sed aut novitatis studio, aut assentandi cupiditati nimium indulgens monstra errorum peperit, et hominibus atque virtutibus hostis fuisse judicatur, cum docuisset suae quemque utilitati servire debere, ex hac hominum societatem profluxisse, inter homines omnes a natura esse bellum, et ab imperantium voluntate atque arbitrio religionem, omneque id, quod justum aut injustum dicimus, dimanare atque pendere. Exoremus ut sileant ejus Sectatores, quorum nonnulli cum

invasissent in illa, quae satis scite instructa et composita videntur, magnas sane ediderunt rubinas. Grotii vestigia secutus Samuel Puffendorfus plurimum elaboravit in declarandis tum juribus naturalibus hominum, tum origine ac fundamentis societatis atque officiis, quae inde profluunt, ejusque opus de jure naturae et gentium, copia electioneque rerum, harum ordine atque dispositione à Lockio et Clerico ( qui quantique judices! ) omnium utilissimum existimatur. Longum esset numerare omnes, qui sapienter interpretando naturae voces moralem philosophiam provexere. Atque haec cum late patuas, domineurque vel in ipsa juris prudentia, variae et diversae et in omnem partem diffusae de illa solent esse disputationes, ut non una, sed multiplex scientia esse videatur. Fere ea, quae ab Italici nostris his de rebus omnibus scripta sunt, ab exteris aut contemnuntur, aut ignorantur. Verum si quis hunc statuet esse philosophum, qui scite persequitur morum ortum atque progressum, qui quod homini cum humano genere quasi civile jus intercedat, quid ad vitae felicitatem conducat, subtiliter, presse et annuente differit, magna tribuas et concedas re-

*cesse erit Jacobo Stellinio ( non enim mihi nunc animus est ceteros commemorare ) qui in his rebus cognoscendis atque tractandis studium suum omne posuit. Quoniam vero te cupere mihi significasti , ut exponerem quibus gradibus ad tantam sapientiam pervenit , libenter parebo voluntati tue ; neque mirabitur quisquam me de ethica , ejusque vicibus tecum differuisse , quod quamvis physicam scriptis tuis sane immortalibus illustrandam susceperis , is tamen es philosophus , qui rerum divinarum atque humanarum naturam causasque nosis , et omnem bene vivendi rationem tenes atque studiosissime exequeris . Quod ego pluribus verbis declararem , nisi omnibus perspecta esset virtus tua , tuaque singularis humanitas , quibus omnes ad te diligendum atque colendum cogis . Ego vero quoniam tantum tibi debeo quantum persolvere difficile est , efficiam profecto , ut si non dignus amicitiae tuae , beneficiorum saltem tuorum gratus ac memor cognoscar . Vale .*

*Pifis Id. Nov. MDCCCLXXXV.*



## JACOBUS STELLINIUS

**J**ACOBUS STELLINIUS, homo abundanti doctrina et incredibili varietate rerum et copia, natus est in Foro Julii v. Kal. Majas an. MDCXCIX. Mathia et Andriana honestis quidem parentibus. E Somaſchorum, sicuti vocant, scholis, quas in patria frequentavit, talis evasit, ut cum annum a-gens XVIII. in eorum societatem cooptatus fuisset, omnes jam tum confiderent, magno illum fore ornamento et ipsi societati et patriae. Itaque nullum fuit subsidii genus ad sapientiam adipiscendam, quod eidem minime suppeditaverint. Adoleſcens egregia quadam exercitatione in dialecticis, physicis, metaphysicis, geometricis atque theologicis rebus, et multarum linguarum peritus, sed praesertim Graecae, Latinae et Hebraicae, jussus est rhetoricam docere in Academia, ut appellabant, Nobilium, quae per ea tempora Venetiis fuerat instituta. Id munus non

ultra triennium sustinuit, quod Joannes Emus S. Marci Procurator amplissimus, acerrimusque ingeniorum aestimator, in quo uno Ulyssis prudentiam et Nestoris facundiam conjunctam esse dixisses, eundem apud se habere voluit filiorum suorum praeceptorem atque educatorem. Habuit etiam vitae socium, et omnium fere consiliorum suorum participem, cum non minus prudentiam, fidelitatem et modestiam in ipso suspiceret, quam doctrinam. Trium, quos hic suscepit, liberorum natu major nomine Petrus florenti in aetate magnaue in expectatione decessit. Superfunt Aloysius et Angelus; cumque ille politica, hic nautica scientia, uterque eloquentia, omnique illustri laude sint celebratissimi, non tam grata declaratione, quam gloriosis factis fidem faciunt, se omnia adjumenta a Stellinio ad virtutem accepisse. Ab eo tempore in oculis clarissimae urbis posita fuisse videntur singularia Stellinii merita; quare facile Emus obtinuit, ut is in locum Jacobi Giacometti, qui ethicen docuerat in Gymnasio Patavino, succederet. Ingressus est munus an. MDCCXXXIX. doctissima oratione

quae si minutorum opusculorum fabricatoribus minus arrisit, in admirationem certe traxit verae solidaeque sapientiae amatores cognitoresque. In ea oratione primo quidem eos oppugnat, qui naturalia, quae dicuntur, omnia praecepta subvertunt, quasi nihil natura sanctum esset, nihil honestum, nulla-que regula ostenderetur, ad quam homines vitam moresque suos conformare possent. Argumentis autem ipsorum confutatis, ostendit ipse leges quasdam esse debere nulli mutationi obnoxias, et ab ipsa natura praescriptas, quibus constringantur homines atque regantur. Principia et fundamenta honestatis in altera parte orationis indagatus haec ait: *cum mundi fabrica, fidemque pulchritudo et concentus ex dissimilibus motibus ulro incurrat in oculos, ac rerum tantarum magnificentia ex omni tempore solertissimos homines excitaret ad eas causas investigandas, ex quibus in summa varietate compositio tam admirabilis, et constans ordo duceretur; ex legibus, quibus universum hoc aspeclabile regitur, compertissimis, eas item intelligi leges ac derivari praecipue posse atque consilio, quas et*  
*mun-*

*mundus rationalis esse fateatur sibi praescriptas, ac detrectare ducat nefarium, si de naturae opifice atque gubernatore Deo pro dignitate sentiat, quidque aeternam ac summam rationem illam, cujus est ipse particeps, unum deceat, animadverterit. Iis autem in legibus enucleandis et perspicax prae se fert ingenium, et acre iudicium, et philosophiae scientiam omnino singularem; tum, quod difficillimum his in rebus fortasse fuerat, cum nova loqui videatur, nihil affert a veritate abhorrens, et a doctorum hominum intelligentia disjunctum. Secutus est eam orationem libellus de ortu et progressu morum, ex quo facile intelligas quanta huic viro humani animi, rerumque ad animum ipsum pertinentium cognitio fuerit. Capite autem primo explicat, quo ordine facultates hominum evolutae sint, ex iisque cognatae cupiditates effusae. Sentit enim rerum humanarum conversiones illi praesertim animi facultati adscribendas esse, quae cum esset expedita, quam maxime rerum potita est. A rudi victu, inquit, ac duro, quo robur alitur, ad eam vitae rationem gentes adductae sunt, in qua ferocitas*

*et versutia conflagrant inter se, resque vi peraguntur, et infidiis impotenti furore communitis. A ferino statu hoc rerum, quo dominatus occupari solent, ad eum porro devehuntur, qui fortitudine nititur et prudentia, rebusque partis tuendis, ac turbulentis ordinandis accommodatus est. Hanc deinceps excipit optima civitatis constitutio ea, quae justitia regitur, ac devincta continetur legibus; et cum otio abundet, atque opportunitates maximas habeat ad opes augendas, excolendasque artes, eapropter ad omnes vitae commoditates atque jucunditates percipiendas in primis idonea est. Otio vero confirmato, fortunis auctis, ac deliciis multiplicatis, cupiditas exaggerata laxare legum fraena nititur, ac jussi, et aequi munimenta omnia concutit adeo, propellique, ut aestuantem cupiditatem ea continere minime possint. His uberius explicatis, late persequitur, quomodo a diversis hominum ingeniis diversa vitia et virtutum species existant. Eos autem vitiosos mores fuisse rationi contrarios, et eandem oppresam tenuisse docet, cum non omnibus tamen illi probarentur. Legumlatores quidem intacta quamplurima, quae minime probabant, reliquisse dicit, quod aut remove*

non possent , aut alia simili de causa permittenda , sive toleranda judicarent . Itaque principia morum neque a cupiditatibus inter se decertantibus , neque a consuetudine , quae mutatur in dies , neque a legibus etiam sapientissimorum hominum , quae temporibus et insitae populorum infirmitati aptantur , neque a temeritate casuum incertorum , ut videlicet tempori serviatur , et iis , quibuscum agitur vita , repeti posse demonstrat . Ad extremum multo minus ex eo , quod opportunum vel intempestivum sit , totius elici dicit fontem honestatis . Ex iis efficit quidpiam nulli mutationi obnoxium , et omnino simplex esse oportere , cuius ad similitudinem mens consilia et mores dirigat . Quapropter , inquit , *etsi res , quae materia constant , omnes fluxae sunt , et homo ipse , qua parte corpus est , mutationi tempore omni subjaceat , . . . ratio tamen , qua differt a rebus aliis , constans est , ac vitae leges , quae manant ex ea , perpetuae sunt , et unius modi semper , ac sui similes* . Capite huius libelli altero totus est in inquirendo , qua ratione et via de rebus ad vitam pertinentibus.

*opinionēs exortae sūt .* Explicat autem quomodo iudicia de rebus , quae feruntur , ex affectione animi cuiusque profluant , et affectionibus roborentur , conspirantibus aliorum , quos inter est quisque situs . Caput autem errorum esse dicit , quod plerique consensione quadam incredibili partem sui potentiam eam esse putant , quae sensuum est instrumentum , ut pote cuius evolutio prior et usus in vita frequentior est , et hinc ea vehementius omnes afficimur : at contra pars ea , quae intelligentiae et rationis particeps est , cum variis iis imaginibus prope confunditur , quas olim fluere a corporibus Epicurus existimavit . Hinc fieri docet , ut homines expetendum sibi constituent , ut , obiecto impedimento nullo , voluptati obsequi possint . Hinc fieri , ut sensuum appetatur integritas , et affluens copia rerum , quae sensibus optime inserviant , et potestas perfruendi rebus ipsis arbitrio cuiusque suo . Explicat etiam quomodo vehemens in nobis enascatur libertatis amor , qui aliis postea voluptatibus ipsisque divitiis antefertur ; tum quomodo amor libertatis appetitio do-

minatus conjuncta fit, et quomodo hinc vires corporis in pretio haberi coeperint, at multo magis prudentia, sive in agendo calliditas, ex quibus omnibus desiderium extiterit multos habendi affectus, atque hinc desiderium laudis, honoris ac dignitatis. Ex iis rebus quatenus aliae enascantur aperit, et cur et quomodo antiqua et remota pluris, quam nostra, fiant ostendit; ex quo pretium nobilitatis docet existere. Eodem capite quatione nobilitas, ut pluris fiat, illustrari divitiis, aut eloquentia, aut virtute et consilio debeat, ipse aperit; et cur plus in animis multitudinis eloquentia, quam germana sapientia possit. Vulgus tamen hominum admiratione sapientiae percelli dicit eadem ratione, qua res difficiles atque reconditas mirari consuevimus, etsi praemiis eandem haud soleat afficere. Philosophos quidem ridet, qui, ut admirabiliores apparerent, vanas opiniones excogitarunt, et cum ea de causa vulgo spernerentur, ipsa immortalitatis spe jacturam nominis compensabant. Descriptio in extremo est satis elegans cupiditatum, quibus homines pro diversis ingeniis



ac vitae rationibus afficiuntur . Caput tertium explicat , qua ratione tradita , et quibus ex fontibus hausta sint praecepta de vita et moribus . Ostendit initio ea praecepta primum fuisse rudia , deinde concinniora et robustiora , denique variis modis a nimia ingeniorum subtilitate corrupta . Probat autem primum praecepta proponendi modum per exempla fuisse ; alterum ab animalium similitudine fuisse ductum ; denique ex animantibus ad alias naturae partes progressionem fuisse factam , ac leges obvias , quibus hae reguntur , ad cohibendas hominum cupiditates fuisse translatas . Originem quoque illarum praecipiendi rationum , quae paroemiae dicuntur , ac translationes a specie ad speciem vocari solent , quae in aenigmata evaserint multitudini propter obscuritatem incommoda , ob oculos ponit , nec non originem apologorum ; quae duo poetarum ipsis documentis anteponit ; et originem simul atque utilitatem allegoriarum , quae nimis etiam obscurae progressu temporis factae fuerint , cum vulgus in ipso verborum cortice haereret , neque ad rem ipsam , quae signifi-

cabatur , usque procederet . Hinc levitate et inscitia multitudinis audaciores facti nonnulli , qui sapientiae laudem affectarent , ut ipse scribit , quidquid erat in vulgus proferendum convestitum id exhibebant imagine aliqua sensibus objicienda . Philosophis vero utilissima fuere , et opportunissima integumenta haec ad ea omnia ornanda , quae sibi de rerum universa natura finxerant . Opportunus hic est exponendi locus opinionum philosophorum de natura rerum , ac de ipsa Divinitate . Itaque ubi de conversionibus aliarum rerum in alias ope , ut plerique sentiebant , Divinitatis effectis , ac de Pythagorae metempsychosi locutus est , hinc poetarum metamorphoses sumptas fuisse scribit , quae tamen cum essent temere confictae , ne apud ipsam quidem multitudinem mereri fidem aliquam potuerunt . Unde ortum habuerint brevia et acuta dicta sapientum Auctor inquit , ac dictorum eorumdem quanta sit utilitas ob oculos ponit . Socratem philosophiae , quam Cicero moralem dixit , quasi parentem mirificis laudibus effert ad caelum , et illud Themistii probat de ipso gravissime pronuntiatum : *philosophiam*

*sparfim habitantem ab eo contractam in unum fuisse, quemadmodum Athenas a Theseo.* Hoc loco Sophistarum vanitatem a Socrate reprehensam fuscè persequitur, et eorumdem inscitiam graphicis coloribus pingit: Aristophanem quoque confutat, qui Socratem accusavit, quasi ea revocaret in dubium, quæ certissima sunt, ac vera esse permagni nostra refert. Philosophorum, qui post Socratem exstiterè, sectas egregie describit, Cynicam videlicet, Cyrenaicam, Epicuream, Peripateticam, Platoniam, Stoicam, Scepticam, Academicam, a quibus ethicen fuisse corruptam, ac deformatam potius, quam auctam, vel illustratam arbitratur. Scribendi rationem a Platone adhibitam exhibet, quem simul facultates duas conjunxisse dicit, quæ videntur oppositæ; res nimirum a sensibus remotas probe percipiendi, et easdem per ornamenta eloquentiæ sensibus quodammodo subjiciendi: ex quo tamen factum putat, ut cum poetarum omnes undiquè flosculos idem Plato collegerit, et numerorum mysteria, doctrinamque idearum ab Epicharmo adumbratam penitus introspexerit, in unum hæc omnia coegerit se se invicem im-

pedientia; unde lectori obscuritas, et mox opiniones omnino vanae suboriantur. Aristotelem, quod philosophia ex involucribus aenigmatum exsculpsit, ac nudis verbis usus ratiocinationes legibus definitis, et undique enucleatis adstrinxerit, ipsi Platoni praefert. Quod pertinet ad rem nostram, Aristotelis praecepta de moribus Platonis ejusdem somniis anteponit, quod illi *visum est opportunius unumquemque putari non mundi universi, sed unius tantum reipublicae civem, atque ad hunc morum doctrinam accommodari*. Sed mediocritas illa, in qua civilis virtus posita est, quam varie a variis Philosophorum sectis declarata fuerit, fusiore sermone persequitur, et ad extremum ita scribit. *Quae cum omnia fluxerint ex opinionibus iis de naturae rerum, ad quas erant forte delati, vel affectione animi cuique propria, vel analogia incerta quapiam et obscura, factum est ut rationem distorserint, aut infuscarint illi in primis, qui rationi perficiendae operam navasse maximam videbantur*. Haecenus libellum de ortu et progressu morum enucleavimus. Hunc excipit Praelectio habita Kal. Dec. an. MDCCLXI.

in qua ut probet ab angustiis humanae mentis et ingenii tenuitate ortum rudia illa et inculta sumpſiſſe, quae de vita regenda philoſophi propoſuerunt, rem ab initio repetere inſtituit, ejusque gradus ex ipſo progreſſu mentis humanae ductos accurata oratione perſequi. Sed illa plerisque non plane arrident, quae in eodem ſermone Stellinius docet: *ut ex iis, inquit, quae non aliunde ſibi quam ex rerum viciffitudine temporumque varietatibus accidere perincommode ſentiebant, impendere ſibi vim divinam quamdam humana omni potentiorẽ homines conjectarunt, eamque ſibi placandam, obſervantia cultuque aliquo ſtatuerunt; ſic ea quae gravia, moleſta, perturbata contingebant homini ex homine, commonuerunt aliquid eſſe debere, quod homo homini debeat.* Gravius fortasſe ac verius cum Plutarcho melioris notae metaphyſici ſtatuerẽ ſolent, caeleſtium rerum atque terreſtrium contemplationem in rudibus etiam animis hominum aut inje-ciſſe primo ſuſpicionem, aut latentem expli-ciſſe notionem Divinitatis. Nonnulli etiam queri videntur, cognitionem eam, qua nihil ad veritatem illuſtrius, nihil ad vitam regendam utilius ho-

minibus a natura datum , non satis firmis a Stellinio suffultam fundamentis exhiberi , dum illa scribit : *Conjecturam eam ultero subortam moderatores societatis excoluerunt et confirmarunt eventorum iteratione subinde renovatam , et rebus praesertim improspers alte defixam in animis . Rerum enim , quae ad voluntatem fluunt , non admodum anxie causam inquirunt homines occupati perceptione grata bonorum , in eaque subsistentes ; quae vero adverse accidunt , ingrato sensu commovent animos , et mali seu declinandi , seu repellendi cura de mali causa cogitationem injicit .* his consentanea sunt illa , quae postea scribit ; ab administrandae societati Praepositis ritus ac cerimonias institutas fuisse , ac legibus communitas , ut abditae illius potentiae cultus in animis hominum altius infereretur , ac praecipue rudiores in officio continerentur . Eundem si audias , cum non possent homines ea cognoscere , quae *moralia attributa* divinae naturae dicuntur , ad eam sibi conciliandam ea sufficere judicabant , quibus nos capi solemus ; cum tamen haud ullam animi ad honestatem ipsam conformandi curam esse sibi suscipiendam arbi-

trarentur . Ipsum enim Deum in ea dumtaxat crimina putabant animadvertere , quae societatem evertunt , vim , rapinas , caedes , dolos atque alia similia . Neque vero , ut idem auctor est , gratiae apud eam naturam alium expetebant fructum , quam hujus vitae bona . Illa etiam Stellinii plerisque displicent , quae de Providentia Dei res humanas administrantis differit . *Atque cum subinde fieret , inquit , ut simul et peragerentur ea , quibus excellentior obscure provisa potentia coli solebat , et evenirent ea prospere , quae suscipiebantur aut optabantur , ideae rerum secundarum et curae , consilii , providentiae permeantis universum , et res humanas administrantis inter se colligari adeo coepitae sunt , ut alterum alterius efficiens existimatum sit . Mens enim ad ea , quae comitari se mutuo saepe videt , inter se nectenda proclivis est , et alterum ex altero pendere putat . Neque solum id accidit , ubi reconditae res et penitus absrufae sunt , verum etiam ubi nullo negotio pervideri posset , efficientiam alterius ab alterius efficientia plane disjunctam esse , neque habere in-*

*ter se commune quidpiam*. Temporis autem progressu, homines, cum exculi magis, et evoluta sensim honesti forma fuisset, denique cogitasse, naturam mentis ac rationis compotem omnino decere, non solum aequae cum aliis agere, sed et ipsam per se compositam esse, moderatam, aequabilem. Hinc in pretio haberi coepit verecundia, temperantia, constantia, lenitas, similesque virtutes. Cumque iidem homines rerum ipsam universitatem magis perfecte cognoscerent, de natura, inquit, praestantissima, quam impendere sibi conjectura cogitabant ancipiti, cogitare distinctius, et sentire dignius exorfi sunt: cumque non omnes homines in hac vita vel bene, vel male factorum praemia recipiant, aut poenas, de altera vita, atque hinc de animorum immortalitate cogitationem susceperere, quam Legumlatores, ut libenter unusquisque patriae serviret, pro viribus excolendam arbitrati sunt. Utiliora atque veriora esse arbitror, quae de philosophorum doctrina Stellinius habet, quos videlicet hominum vitae regendae peritorum inventa conturbasse putat. Duas autem in classes ipsos tribuit; alteram scilicet



cet eorum , qui solam materiam esse rerum initium existimabant ; et alteram eorum , qui materiae mentem adjungebant . Illos evertisse funditus ipsam ethicen , ab his autem paullo utiliora expectari potuisse monet . Id autem ex eo probat , quod ipse Anaxagoras , qui plus aliquid purae menti , quam reliqui omnes , tribuerat , ne ad naturales quidem effectus explicandos eandem induxerit , de quo graviter ab Aristotele , nec non a Platone sive a Socrate in Phaedone reprehenditur : quare multo minus credibile est eandem ad eruenda principia induxisse , quae ad affectionum animi temperationem pertinent . Sed et aliud honestatis fundamentum , quod ab animorum immortalitate sumitur , pene eversum a philosophis idem Stellinius putat , haud alia scilicet ratione docentibus animos esse immortales , nisi quatenus divinae sunt naturae partes , in quam , extinctis corporibus , revolvuntur . *Praelectionem* totam egregia Socratis laus concludit , qui se penitus ad res humanas contulit , ac primus inter philosophos de moribus unice sibi quaerendum esse statuit ; sive , ut Ciceronis ver-

his utar, primus philosophiam devocavit e caelo, et in urbibus collocavit. Eam vero *Praelectionem* alia excepit pridie Non. Novemb. an. MDCCLXIII. habita, in qua cum pleraque sint obscuriora, mirandum propterea non est, si variae de ipsa extitere doctorum hominum discrepantesque sententiae. Hac in *Praelectione* rectum usum sibi constabiliendum suscipit humanarum facultatum. Cum, inquit, ex facultatum omnium inter se concentu rectam affectionum humani animi constitutionem existere necesse sit, ex quo sui cujusque sensus efflorescit aequabiliterque viget, non modo jucundus, sed etiam cumularus, eaque complectens omnia, quibus ipsa natura facultates idoneas indidit inchoatas aut absolutas, ideo singularum limites ex eo statuendos esse planum est, quod asserre ipsae possunt ad augendum, explendumque sensum eum, in quo felicitas est animi posita, quamdiu corpus adjunctum habet, eoque intercedente cum rebus undique circumpositis consociatus est. Explicat deinceps, quomodo non praesentibus tantum homo affici debeat, ut imposito muneri satisfaciat, sed etiam e longin-

quo providere ; atque alia sane permulta .  
 Ex his aliqua ipsius Auctoris verbis afferemus , ne quis aliquid ejusdem sententiis nos oratione nostra demere vel addere suspicetur . Etenim de illo sensu , in quo sitam hominis felicitatem arbitratur , ea scribit . *Ubi sui sensus ita comparatus est , ut constare ex multis debeat inter se varie compositis pro varia facultatum indole , quarum ex multigena functione pendet , quidquid a temperatione consentanea functionum absit , sensum ex universis redundaturum uno tenore progredi , lateque fundi vetat , eique molestiae quidpiam admiscet , aut voluptatis detrahit .* Deinde multa de singulis sensibus copiosa magis quam perspicua oratione differit , inter quae illa , quae non leviter faciunt ad Auctoris defensionem , nobis commemoranda . *Ex facultate , inquit , in mente insita percipiendi temperationem ordinemque affectionum , quae ad vitae cultum et societatis incolumitatem ornatumque pertinent , sensus effunditur honestatis ac decoris elucens in consiliis , et moribus inter se convenienter apteque compositis ; quem sensum imbibere penitus , eique congruenter agere summum illud est , quo ipsa*

*ipsa per se vis erecti magnique animi possit. Illa etiam notatu dignissima nobis videntur de sensu honestatis ab eodem Stellinio dicta. Ne vi dignitati munerique suo consentanea carcat, mentis et rationis, in qua situs est, eatenus intendendae vires et limites proferendi sunt, quatenus ei tributa facultatum inferiorum administratio flagitat, eo pertinens, ut uno consensu conspirent omnes ad extremum illud, quo maxima bonorum adscriptorum humanae naturae summa comprehensa sit. Itaque Stellinius honestatem non ut famulam, aut administram voluptatis cum Epicuro exhibet, verum eum in voluptatem, tum in reliquos hominum sensus adscribit imperium, eique munus committit hominem ad felicitatem perducendi, quae si virtutis est praemium, virtus ipsa profecto esse non potest. Reliqua hujus Praelectionis, in qua obscurum, ut innuimus, Auctor sequitur orationis genus, ad sensus ipsos explicandos pertinent, ex quibus, ut ait, vitae sensus extitit, et quomodo permisceantur inter se, ac non raro turbentur, et alter alterius formam imitetur, aut*

simulet, quomodo praecipue sensum honestatis sensus alii corrumpant, quomodo variandi, aut intendendi, aut remittendi sensus iidem sint, ita declarat, ut maximam fuisse Stellinio in metaphysicis rebus abstrusa quaelibet intelligendi vim et acumen, quisquis ea legit, facillime agnoscat. Quare non est mirandum, si saepe audiverim a viris doctissimis tum Anglis, tum Gallis, libellum, quem de rebus ad mores pertinentibus edidit Stellinius, omnium hujusmodi rerum scriptorum bibliothecas unum superare. Dabunt vero hanc mihi veniam lectores, quod in iis exponendis paullo ultra, quam concessum historico videatur, sim immoratus. Id enim feci non tam rei utilitate, quam quod occulta quaedam et quasi involuta, quae occurrunt in Stellinii scriptis, aliqua ratione aperienda esse putavi. Verum ipse ex multorum sententia non solum probabilem, sed etiam sapientem hujusce obscuritatis excusationem habuit. Quaedam enim sunt, quae animo magis, quam verbis complecti possumus, et quae haustus potius quos-

dam ex aeterna mente, quam verborum delectum desiderant. Ad id, quae abhorrent a communi intelligentia, novum quoddam dicendi genus postulare videntur, praesertim si periculum sit, ne in propatulo posita tumultus excitent invidorum atque imperitorum, convocata de malis scholis in auxilium quasi libera turba temulentorum. Quoniam more institutoque majorum exigebatur a Stellinio, ut in publica schola universam ethicam ac praesertim Aristoteliam explicaret, eam ita divisit, ut sex annorum spatio ejusdem absolveretur tractatio, undique eruens ea, quae non solum instruere, sed etiam delectare possent ejus auditores. Cum singulis annis argumenta rerum tractandarum in publico proponeret, ex hac forma, quale aedificium futurum esset, facile cognosci poterat; quare multi ab eo postulabant, ut distincte et ordinate disponeret, quae tradere solebat auditoribus suis, et ex iis opus morale omni ex parte perfectum componeret, et quasi coagmentaret. Quod ipse vivens multis sane de causis

perficere recusavit, post mortem illius praestare studuit ejus collega et discipulus Hieronymus Barbadicus, a quo Herculis laborem exantlatum dixeris in assequendis ordinandisque iis, quae scripto consignaverat Stellinius veluti quamdam silvam atque materiam universam, permixtam tamen atque confusam, disputationum suarum. Ex his sex libros confecit, qui licet doctrina et eruditione abundant, vereor tamen, ut plane satisfaciant iis, qui cupiditatem habent ita noscendi moralem scientiam, ut illis perspicua sint, omnique ex parte composita, quae traduntur, praecepta. Ceterum quem secutus est ordinem Stellinius ipse, quae fundamenta universae scientiae posuit, quae his inaedificavit, quomodo cuncta colligavit, quae pro se aliquando amico respondidit, ex ipso intelliges, cujus unum (1) atque alterum (2) scriptum his de rebus Italicum, editum jam a Barbadico, in extremum commentariolum referemus. Si pietati summa tribuenda laus est, profecto estimabimus Barbadicum suscepisse curam co-

gitationemque dignissimam virtutis suae , quod collegerit vulgaveritque moralia Stellinii scripta \* , quodque alios exemplo suo excitaverit ad cetera ab eodem relicta edenda , ex quibus iudicium facere possumus , quam is esset disputator subtilis in omni re philosophica atque theologica , quam doctus in mathesi , quam prudens in medicina , in anatomie atque politica , quam denique in omnium fere optimarum artium studiis eruditus atque exercitatus . Quare minime est mirandum , si , vel dum viveret , fama de illius singulari doctrina cultiores omnes nationes peragraverit , ut , quod de Livio memoriae quoque proditum est , nonnulli ex remotissimis regionibus Stellinium noscendi et conveniendi causa Patavium venerint . Neque id auditum , sed cognitum praedicamus ; estque inter ceteros testis vir omni ornamento virtutis , ingenii et fortu-

\* Haec si summatim breviterque exponere vellem , frustra laborarem . Legi illa possunt , quae per nos edita fuerunt de his ipsis scriptis in voluminibus XXXVIII. XXXIX. XL. *del Giornale de' Letterati . Pisa . &c.*



nae clarissimus Comes Mercius Caesaris ad Galliarum Regem Legatus, qui saepe mihi narravit hominem summa doctrina ac ingenio, ad quem venerat ejus congressus requirens, non modo sustinuisse, sed vicisse etiam mirificam, quam sui excitaverat, expectationem. Qui vero ad eum ventitabant, queri de illo videbantur, quod licet tot ingenii atque doctrinae divitiis abundaret, refugeret tamen ab edendis scriptis suis, quasi clarorum hominum scientia librorum magnitudine et copia metienda esset. Nullam reliquit litteram Socrates; nihilo tamen minus totius Graeciae judicio habitus est omnium facile princeps cum prudentia et acumine et venustate et subtilitate, tum vero eloquentia, varietate, copia, quamcumque se in partem dedisset. Omnino tanti viri imitator aemulatorque fuisse Stellinius mihi videtur, cum quo vultus etiam atque oris, prout veteribus in monumentis exhibentur, haud levem gessit similitudinem. Illud autem ex eo etiam apparet, quod esset dulcis, facetus, festivique sermonis; quod uti solet ea dissimulatione, quam Graeci *εἰρωνία* vocant; quod jucun-

dae concertationis studio modo hoc diceret, modo illud; quodque percunctando et interrogando elicere solitus esset aliorum opiniones, ut iis cum lepore atque humanitate, quae in ejus ore atque oculis apparebat, quidpiam opponeret. Habuit Stellinius, ut Socrates, accusatores suos, adversus quos, non secus ac ille, adhibuit liberam contumaciam a magnitudine animi rectaque conscientia, non a superbia ductam. Et ipse quidem ob invidiae obrectationem nullum fecit apud aequos homines detrimentum existimationis, sed quoad vixit, virtutum laude crevit. In omnibus rebus singulari fuit industria ac prudentia; eluxitque semper in eo gravitas morum, mens casta et integra, et non vulgaris modestia, sive hanc esse dicas non elatam de se opinionem, sive continentem in animo moderationem cupiditatum, sive, ut Stoicis placuit, scientiam earum rerum, quae agentur, aut dicentur, loco suo collocandarum. Minime silentio praetereundum esse putamus, non defuisse Stellinio poeticum ingenium, quod etsi exercitatione non aluit, valuisse tamen ipsum suis viribus,

carmina praesertim , quae scripsit in nuptiis nobilissimi viri Paulli Antonii Labiae et Fioralissae Emae , satis declarant . Quamquam aptus esset ad conjungendas amicitias , et amicos coluerit , habenas tamen amicitiae laxissimas habere voluit , quas vel adduceret cum vellet , vel remitteret . Ipsum musicae perstudiosum fuisse accepimus , idque mirari licet , quod voce absonus esset , quodque recitator scripti alicujus varietates sonorum , intervalla distinctionesque parum noscere videretur . Etenim ita dicebat , ut una semper esset spiritus ac soni intentio . Et id quidem ex eo praesertim accidebat , quod jam inde a prima adolescentia edentulus esset , dentiumque inflictu et collisione voces in verba magna ex parte conformentur . At eo vitio , ut et illo altero , quod licet Latine luculenter sciret , non vitaret tamen in dicendo obscuritatem , factum puto , ut ejus schola minus , quam par erat , frequentaretur . Cum epiphora mensem aliquem laborasset , et jam tantisper recreatus videretur , repentina morte percussus decessit Patavii vi. Kal. April. an. MDCCLXX. Sepultus est in S. Crucis

decorataeque exequiae fuerunt omnium bonorum lacrimis , pompa , laudatione musicisque modis , quos fecit amicus Stellinii Vallottius , cujus pervulgatum est nomen . Ad ejus tumulum hoc elogium appositum legitur.

D. O. M.

JACOBO . STELLINO

FOROJVLIIEN.

INTEGRITATE . INGENIO

OMNIGENAQVE . DOCTRINA

PRAECLARISS.

ETHICA . PRAESERTIM

QVAM . IN . PATAV. GYMN. TRADIDIT

PATAVIN. SOMASCHENSIVM

SACERD. COLLEGIVM

SODAL. O. M.

M. P.

A. MDCCLXXII.

Non diffiteor me in Stellinii vita exponenda fuisse verecundum et parcum . Audiui enim Antonium Evangelium in hujusmodi re laborare ; neque dubito , quin homo , qui diu in manibus habuit omnia Stellinii scripta ,

qui cum eo et familiaribus illius diu vixit, quique ad elegantiam scribendi adjungit doctrinae subsidia, tale sit opus confecturus, quod merito Stellinii ipsius, et suo in illum studio singulari plane respondeat. Non ego is sum, qui cum tanto viro contendere possum: juvat tamen aliquid tentasse, quod sane pertinebat ad hoc nostrum institutum scribendi vitas Italorum doctrina excellentium, cujus operis cum vulgaverim duodecim volumina, et ad quindecim usque, si vita suppetet, illud perducturus sim, si non laudem, veniam saltem datum mihi iri confido, quod pro viribus conatus sim colligere, et Latii lingua explicare, quae monumenta et litterae prodiderunt de sapientissimis viris, quorum permultos esse imitatores atque aemulos maxime conducit ad Italiae gloriam, humanique generis felicitatem.

(1) Egli è manifesto, che l'unico fine della Morale, non è che l'acquisto dell'umana felicità naturale.

L'acquisto di questa felicità dipende dall' uso retto delle facoltà dell' uomo naturali relativamente agli oggetti loro.

L' uso retto di queste facoltà dipende dallo stabilimento degli usizj, che la natura à prescripti ad esse, e de' limiti, dentro a' quali ciascheduna dee contenersi. Stabilir gli usizj è lo stesso che fissare a quali cose debba determinarsi l' uso di ciascheduna, e stabilire i limiti è lo stesso che determinara fino a qual punto l' uso loro possa portarsi.

Dallo stabilimento degli usizj e de' limiti nasce l'equilibrio e l' armonia, che dee mantenersi tra tutte le facoltà umane, perchè l' uso dell' una non sia dall' uso dell' altra turbato, nè soverchiandosi smoderatamente si rendano l' una l' altra inutili: ma tutte insieme a' accomodino a fara un tutto ben ordinato ed unito, e contribuiscano ognuna quella parte, che loro conviene, a' bisogni della vita umana: onde l' uomo sia capace delle funzioni tutte, per le quali è stato fatto, e di tutti i beni, che l' Autore della natura à ad esso con atta proporzione accomodati.

Ma come l' uomo non è solitario, ma congiunto con altri uomini ad esso simili, e delle stesse facoltà provveduti, così l' uso delle sue facoltà determinar non si dee relativamente ad esso solo, ma anche riguardo agli altri, coi quali la natura à voluto, ch' egli abbia della congiunzione; e questo pure dee proporzionarsi in modo, che di molti tutti particolari, ognuno in se stesso bene ordinato, possa formarli un tutto universale perfettamente quanto è possibile simmetrizzato. Per la qual cosa è ne-

cessario , che niuno porti l'uso delle sue facoltà fino al segno , che potrebbero portarsi, se si considerasse chi la possiede riguardo solo a se stesso ; ma dee temperarlo in modo , che non impedisca l'uso convenevole anche delle facoltà di coloro , che gli sono vicini , e gli privi per conseguenza de' beni , che loro egualmente appartengono.

Quindi l'uso delle facoltà umane , perchè sia retto , dee determinarsi e riguardo all' uomo che le possiede , e riguardo agli altri , sovra le facoltà de' quali esse possono avere qualche influenza reciproca . Da questo uso così fissato dipende la perfezione dell' uomo quanto al ben essere proprio o relativo alla società .

L'esercizio delle facoltà inoltre , convenevole all' uso retto già stabilito , sono gli atti virtuosi ; e la costante determinazione di tenere le facoltà medesime dentro gli usi e limiti rettamente determinati , e la virtù generale , che dee chiamarsi la vera forza dello spirito umano .

L'ultima conseguenza di questa perfezione è in chi la possiede una soddisfazione pura , solida e costante , quanto la natura delle cose umane lo può permettere , ed in tutta la società l'acquisto e possedimento de' massimi beni , di cui la vita umana è capace , quali sono la tranquillità , la sicurezza e l'abbondanza di tutte le cose , che possono rendere la vita amabile .

Posto ciò , tratteremo prima delle facoltà dell' uomo naturali , delle quali son tutti a parte in qualche grado , degli usi , che se ne fanno comunemente , e degli effetti , che ne risultano . In secondo luogo dell' uso retto di ciascheduna , considerando l' uomo in uno stato assoluto . In terzo luogo dell' uso retto di ciascheduna , considerando l' uomo in uno stato relativo agli altri uomini . In quarto luogo si applicheranno i principj stabiliti alle diverse

situazioni , in cui sogliono trovarsi gli uomini nel corso comune della vita . Finalmente in ultimo luogo si faranno delle considerazioni sovra il sistema , che ne risulta dalle leggi sopradette , e sovra la felicità , alla quale un uomo può aspirare in questa vita , dove si esamineranno i sentimenti de' filosofi sovra questo punto .

Questo è il piano , che io mi sono proposto per non allontanarmi dal sistema d' Aristotele , che non à preso a considerare altra felicità che la puramente umana indipendentemente da qualunque relazione alla vita futura , non avendo egli in mira che di formare de' buoni cittadini , ed atti a costituire un' ottima repubblica . Quindi viene comunemente accusato d' essere un filosofo troppo materiale , e pochissimo religioso . Se questa fosse un' accusa legittima , essa tanto più dovrebbe valere in un filosofo Cristiano , che dalla Fede illuminato dee dirigere tutte le operazioni sue all' altra vita . Ma credo che per essere in questo proposito esenti da ogni giusta imputazione , basterà che i principj , che si stabiliscono per la felicità della vita presente , non sieno incompatibili con quella della vita avvenire . Questo è l' ultimo grado , a cui possa arrivare la ragione umana pura , che non voglia far uso della Rivelazione ; essendo ciò riservato intieramente alla Teologia , colla quale Aristotele , che io ho l' obbligo di spiegare , non à relazione alcuna . Tutto quello , che si trova dalla legge divina proibito , si troverà qui parimente contrario alla rettitudine , che la ragione prescrive all' umane facoltà ; benchè tutto quello , che l' Evangelio consiglia di fare per agevolarci la strada alla beatitudine eterna , e levarci di mezzo gli ostacoli , che ci si attraversino , non si trovi qui proposto ; anzi la presente felicità qualche volta dimandi , che si faccia il contrario .



E questa è la massima difficoltà, che si possa opporre al metodo nostro.

Ma se si prende a considerare la cosa più d'appresso, si vedrà prima che le cose dall' Evangelio consigliate di fuggire non lo sono, perchè sieno in se stesse cattive, ma perchè servono solamente d' intoppo ad un bene maggiore, e per l' abaso, che l' uomo ne suol fare comunemente. Onde l' abbracciarle come parrì dalla nostra felicità presente non è fatto d' altra specie, che d' imprudenza a di profunzione. In secondo luogo esaminando il nostro sistema si troverà, che anche in questa parte non è molto lontano dal configj Evangelici; non potendosi ottenere quell' armonia, che si prescrive nelle facoltà umane e nell' uso degli oggetti loro, senza essere obbligati a fare de' sacrifizj di quelle cose, che prese assolutamente potrebbero senza colpa goderli. Onde quando anche non si segna la strada che della vita presente, per li medesimi passi può tenderli alla futura, quando vi si aggiungano i lumi e le mozioni necessarie.

*Al P. Gigerini.*

(2) Vi sono tenuto sommamente per molti capi, ma principalmente, per la bontà, che avete avuto di pensare favorevolmente di me, d' interpretare benignamente i miei sentimenti, e di procurare, che la vostra interpretazione sia ricevuta da quella persona, che prendendo forse occasione dalla mancanza d' espressioni o di metodo ha sostituito nel picciolo saggio, che avete letto, ciò, che la fecondità della sua fantasia, o la esuberanza della sua dottrina le à presentato alla mente. Quella parte, in cui più facilmente poteva darsi luogo a qualche equi-

voto, l'ò letta prima di darla fuori ad un uomo docto ed in materia di religione scrupoloso piuttosto, che dilicato; ed avendolo interrogato su questo punto, non ò veduto ch'ei vi facesse alcuna difficoltà. Di fatto io la fo alla Neutoniana: poste alcune leggi per esperienza note, ne deduco le conseguenze, senza nè indagare, nè determinare la ragione delle leggi stesse. La legge nel nostro caso è, che la natura umana è dotata di varie facultà per operare, che queste facultà non sono tutte egualmente facili a mettersi in atto, nè anno tutte la stessa forza. Altre non an bisogno che dell'applicazion dell'oggetto e dell'organizzazione e temperatura del corpo per essere nella massima disposizione a fare le funzioni loro; altre non anno la consistenza, ed attività necessaria, che dopo una lunga coltura ed un esercizio laborioso. I sensi e le passioni varie di vigore secondo la varietà delle costituzioni corporali non an bisogno, che d'occasione per esercitare tutta la loro forza. L'intelletto e la volontà non an molto di robustezza, se non sono con diligenza coltivate. Questo è di fatto, e già spiegato a lungo da me nella storia, che ò fatta delle facultà umane e della loro forza diversa, per potere a ciascuna determinare i limiti convenevoli, da' quali nascono le virtù. Donde poi sia nata la diversità della forza e dell'agevolezza o difficoltà, che s'incontra nell'esercizio di queste facultà, non tocca a me nè cercare, nè stabilire. Epicuro lo attribuiva alla natura dell'uomo, che non può essere diversa da quello che è. Platone alla malignità della materia, che impedisce la mente. Noi Cattolici dalla Fede illuminati dal peccato originale lo riconosciamo. Quanto alla parola di sviluppo lascio la libertà di cangiaria a chi vuole, mentre non mi sona servito di

essa che come di un termine metaforico, su cui non è appoggiato altro che delle altre metafore nate in conseguenza della prima, per trasportare la cosa dalla mente alla fantasia. Per altro lasciando la metafora non vo' dir altro in sostanza se non che gli uomini credono bene quello, che si trova per accidente accomodato a ciascuno, e quello ognuno stima accomodato a se, che si riferisce più alla facoltà, che lo domina. Donde poi queste facoltà nascano, come agiscano, è tanto difficile da assegnarsi, quanto la natura dell' animo, da cui nascono e dell' organizzazione delle piu minute parti del corpo, da cui dipendono in qualche parte. Ma io considero tutte queste cose come fenomeni, posti i quali, possono spiegarsene molti altri con quella evidenza, che può averfi nelle cose composte di molti elementi l' uno coll' altro in infinite maniere e proporzioni contemperati. Quanto allo Spinosismo, s' egli si trova dentro, vi si trova come lo Stoicismo e l' Epicureismo, e tutte le altre stravaganze de' Filosofi. Ma dovrebbe chiamarsi piuttosto Parmenidismo per la stessa ragione, per cui non si chiama l' Epicureismo Lucrezianismo, perchè Lucrezio l' à professato dopo. Perchè denominare da Spinosi sentenze nate tanti secoli prima di lui? Quando non fosse per conciliare dell' errore alla sentenza dal nome di un autore esoso. *Sed non erat his locus*, come neppure lo era, perchè voi perdesse la vostra dolcezza naturale su questo punto. A censure di questa sorte si risponde con un sorriso. Ma l' amor vostro vi faceva temere qualche cosa di peggio, sentendo un' accusa fatta però da uno, che se à cervello, o qualche opinione di se, non aveva letto quello che accusava.

OPE.

## OPERA EDITA

Jacobi Stellini e Congregationis Somaſchenſi in Patavino Gymnaſio Ethices olim Profeſſoris opera omnia. Volumina IV. Patavii apud Jo. Baptiſtam Penadam in 4. I. & II. Volumen edita ſunt an. 1778., III & IV, anno qui conſecutus eſt. I. continet & ea, ſi praelectiones duas exceperis, quarum ſupra mentionem fecimus, quae per ſe antea vulgeverat Stellinius, ſcilicet orationem pro ethica, commentariolam de ethicae tradendae ratione, & librum de ortu & progreſſu morum, qui primum editus fuit an. 1740. Poſt haec quatuor volumina alia a Penada typis impreſſa fuerunt, quae ad Stellinium pertinent. Edidit enim 1781.

*Opere ſacre ſulla Paſſione, ſull' Eucariftia, ſull' imitazione della vita di G. C., ſull' utilità del ritiro, conſiderazione di altri miſterj, cum orationculis quibuſdam Latinis variis argumentis.*

Sonetti, canzoni, verſi ſciolti, ode XXII. di Pindaro tradotte, e illuſtrate. *Continet etiam volumen carmina tum Graeca tum Latina, quae compoſuerat Stellinius, editamque fuit an. 1782.*

Opusculi mathematici 1782.

Praefatio lucubrationum ethicarum liber ſingularis 1783.

Il Parmenide di Platone compendiato colle correzioni della verſione del Serrano e colle oſſervazioni critiche all' illuſtrazione dell' Ab. Ant. Conti 1783. *Volamen iſtud habet etiam opuscula varia ad medicinam, ad poeticam, ad oratoriam & criticam pertinentia.*

Lettere erudite, ſcientifiche e familiari 1784.

HIERONYMUS FERRIUS

ANGELO FABRONIO S. P. D.

**S**I quis alius, qui memoria nostra floruerit, inter excellentes saeculi viros locum merito tenere possit, is est profecto Camillus Zampierius Corneliensis, quo in uno et multorum humanitatem scribendique elegantiam, et in agendo prudentiam, et morum probitatem religionemque summam, qui agnoverint, suspexerint omnes. Ego certe homine usus familiarissime annos LX. amplius illud profueri non dubitem, neque festiviorem, neque modestiorem, itemque castigatiorem comperisse alium. Habes vitam feriis autumnalibus si non eo stilo, quo tu, candide tamen scriptam et vere; quae si per te exierit, poterit fortasse sociarum gratia non ita brevi se interituram sperare. Vale, et quod facis; bonarum litterarum historiam arriumque juva et orna.

Ferraria VIII. Kal. Majas MDCCLXXXV.

## CAMILLUS ZAMPIERIUS

**I**Nter eos non paucos, qui memoria nostra scribendi laude fecerunt, ut saeculo XVI. non invideremus, video Camillum Zampierium Corneliensem ita excelluisse, ut si non principem locum, certe summum tenuerit. Nactus siquidem ingenium cum ad excogitandum acre, tum ad ornandum promptum ac facile, sic et domi et foris excoluit, ut omne humanitatis genus unus maxime complexus esse videatur. Incendebatur ad litterarum politiorum gloriam cum Antonii patrui voce et exemplo, tum eorum praeceptis et aemulatione, apud quos et quibuscum pueritiam ultimam egerat, adolescentiaeque ineuntis parte posita, ea sapientiae fundamenta jecit, quibus postea eloquentiae germanae substructio caput tantopere extulit. Accefferat loci nobilitas, qui stimulos adderet neque sineret in tanta docentium dignitate, discipulorumque frequentia

punctum temporis remorari : Bononiam dico omnium doctrinarum parentem et altricem , qua in civitate annos plures versatus , quidquid ad scientiarum artiumque robur et decus perhibent Athenas Graecia ab universa confluisse , non una ex parte collatum gratulari poterat et admirari ; praesertim vero poetarum facultatem , quae , saeculi proximi barbarie deleta , ad pristinum splendorem maximis itineribus contendebat . Fuerat illa si-  
 ve rerum humanarum vicissitudine , sive iudiciorum labe calamitas Italiae fere cunctae communis , ut dum volunt nostri nova consectari , neque Graecorum , neque Latinorum forte contenti , quorum vestigiis superioribus temporibus insistentes ad invidiam usque praestitere , malunt vias facere , quam ab omni antiquitate celebratas terere ; ad inanitatem , ad luxuriam , ad frigus , ad tumorem non modo turpiter deflexerint , sed praecipites se ferri passi tot bona tantis majorum laboribus parata , contagionis quaedam perversitate non amiserint , sed penitus perdiderint . Bononieneses ipsi publicae corruptelae damna senserant gravissima , qui A-

chillinos et Pretios habuerint auctores, quos prole adumbrarent vitiosiore, eo credo fato, ut hominum, qui consecuti sunt, major extaret industria, quorum studio factum, ut in viam redeunt, vel primi, vel inter primos, duce potissimum Ursio, litteras, squalore deterso, ab interitu vindicaverint. Eo in animorum aestu, quo ad optima quaeque ferrentur ingenia, difficile est dictu, quanta cupiditate ad celebritatem exarserit Zampierius. Conjunxerat se cum Zannottis et Manfrediis, quorum nomina longe lateque clara: nec minus obstrictos habuit Ghedinios, Fabrios, Puteos morum studiorumque similitudine, quin ita observavit et coluit, ut mors ipsa loco divisos ne benevolentia quidem viderit disjunctos. Hoc dum amat, consulit, aemulatur, brevi effecit, ut si non semper rerum reconditorum cognitione attingeret, proxime sit affecutus: carminis vero condendi arte, varietate, affluentia aequaret saepe, interdum, absit verbo invidia, superaret. Plane si Franciscum tollas, cui ego pares paucos novi, sive Latine, sive Thufce, sive soluta, sive ligata



numeris oratione vellet scribere ; quem cum Corneliense eorum , quos dixi , universa poeseos ratione conferam , praesertim Latinorum , cujus gentis humanissimae provincias visus est omnes non quasi otandi gratia percurrere , sed tanquam qui negotiaturus est , curiosius peragraré voluisse , non ita facile invenerim . Multus fuerat in Latinis ; utque Ciceronem sibi proposuerat , in quo , veluti in portu , con- quiesceret , sive epistolas , sive conciones , sive vitas , sive quid aliud commentaretur , ita Catullum in primis adamavit , quem auctorem haberet in carmine . Plautum , Terentium tanquam adjutores sibi adscitos voluit , quibus ministrantibus Tulliano in fundo inaedificaret . Hendecasyllabis , elegis primum , ita refert , ut totus in illo pendeat ; illaque tria \* , quae in Catulliana imitatione ante oculos habenda pronunciavit , siquidem Catulliani et dici et esse volumus , quasi in succum et in sanguinem converterit ; quare et urbane adinveniret omnia , et scite ac festive singula coloraret , et molliter ac facete

\* Videbis ad carminum libros V. praefationem pag. IX.

non sine mixta ea comprehensione, quae Catulli unius propria concluderet. Epigrammate ita Veronensem purum putum exprimit, ut quem cum eo comparem, vix aut ne vix quidem habeam. Legant, qui dubitant, juvenilia. Non aliter enim grandior natus erat ea solitus nominare, quae subito calore raptus genere in illo amatorio sobrio ac venusto fuderat, et sententiae huic nostrae non aderit modo, sed ultro se inscribet. Nonnulla maturioris quoque sunt aetatis saepe Horatiano respersa, sine felle tamen et dicacitate, a quo vitio siue indolis bonitate, siue educationis bono longissime absuit. Qui gustaverit, non dubito quin lepore et urbanitate multis anteponat. Id autem ut non ita difficulter faceret, praeter naturae adjumenta, quorum nullis caruit, lectione, animadversione, exercitatione fuerat consecutus, multumque se debere fatebatur consuetudini, qua comicis duobus usus est, quos non domesticos, sed siue peregrinaretur, siue rusticaretur, siue quid aliud faceret, contubernales adhibuit semper et convivores. Testis quisquis intimum habuit vel hospitii lege,

vel itineris societate. Quo contubernio illud obtinuerat, ut quidquid vellet, Latine diceret quam facillime. Dum autem ad scripturam refert, non semper praestaret ita in carmine, ut aequabiliter fluere usquequaque, neque quid humile excideret et abjectum, quodque scenam interdum non redoleret. Id ei contigisse in elegia sunt, qui notaverint, in qua mollement ita Plautinum, ut Catullianus aliquando esse desierit. Ceteris in versibus sic incedit, ut poetae nobilitatem non desideres. Pauca habemus soluta, non quo parum eo genere sit delectatus: multa enim scripsit, epistolas praecipue neque adscito, sed naturali stilo magni faciendas; at paucas selegit, quibus amicis, opinor, vellet potius gratum facere, quam eruditionis laudem aucupari: quod sine dubio potuisset, si illa, quae ad Academicos suos et extraneos disseruit non raro et sententiose, voluisset emittere. Scimus vitas eorum, qui post Manzonianas Cornelienfibus Episcopi praefuere, descriptas reliquisse. Quae omnia Latine. Longe plura Italo sermone, quo plurimum valuit, adhibitis in consilium probationibus

scriptoribus , quibus , siqua alia natio , abundat nostra : etsi non ita multi legant , et in rem suam conferant . Mihi sane scriptione familiari sic eminet , ut litteras qui ultro citroque missas colligeret , delectasque publici juris faceret , hominem saepius desideraverim , quo non pueri uni , sed plerique omnes haberent in quem inspicerent sequerenturque , si modo nostri esse vellent , neque peregrini potius , ut neutri denique fierent . Quam rem si quis facere instituerit , optimorum , quibuscum amicissime vixit , opibus spartam hanc ornare maxime possit : extant enim volumina apud heredes disposita epistolarum , quas ipse ab unoquoque acceperat frequentissimas , quibus ( mirum ! ) quantum ad linguam locupletandam , ad recte iudicandum , ad temporum , litterarumque historiam illustrandam proficerent , qui quo ordine natura voluerit , nos sequentur . Redeo ad versus , quorum gratia , siue Anacreontis venustates ad nos lepidissimus revocaret , siue Pindari immensitatem provocaret , siue totus suus esset , famam sibi vulgatiorem conciliavit . De quibus plura dicerem , nisi in manibus essent .

Illud non est praetereundum, ludicra in dictione, salus et facetus qui erat, Bernianis proxime accessisse. Indignabatur quidquid absolutum quoque in genere non esset. Hinc oderat populare et plebejum nescio quid diceriis et conviciis refertum, quod multos habet sectatores, neque eos vulgares; bellos sibi et beatos, si scurrilibus, histrionum more, sua infarciant putidissime. Totum aliud Zampierianum, quo rivalem sive verum, sive fictum non minus acriter, quam ingeniose perstringit. Dixeri satyricum, genere quodam intermedio illius, quo rusticos amores Florentini; alterius particeps, quo Polyphemi obtrectantis insanias expresserant nostri; nisi jocus identidem se se proderet non sine aculeo, maledicto et contumelia semota. Eo fere modo Pygmaliona suum persecutus est Flaminius, quem civem, supra quam dici potest, musis omnibus probatum, credo prae oculis habuisse Zampierium, quodque ille modis Latinis, ipsum Thuscis, jocosae potius, quam vere chartis illevisse. *Sed haec prius fuere.* Formarum harum quotidianarum, aetate jam ingravescente, pertaesius se totum ad altiora con-

vererat. Levia sibi videbantur, quae ceteroquin tanti faceret quisque, nec nisi naenias et ineptias appellabat, quibus primum venerat in ora hominum. Assidua librorum sacrorum lectione, a qua nullo unquam tempore abhorruit, postremo vero semper in manibus habuit, et Graeca et Latina non ea tandem esse statuebat, quae cum Hebraeis commissa si non forderent, certe multum decoris non amitterent et venustatis. Hinc Prophetarum granditate assuefactus ea una celebrare et in caelum tollere, mirarique se ad multam aetatem humilioribus distentum ad haec operam suam non contulisse, quae jure optimo divina nominarentur, quandoquidem divino afflata numine, supernaque mirum in modum nobilitata sapientia. Rerum itaque sublimiorum amore inflammatus duo aggressus est, quae etsi nulla alia condidisset ( condiderat autem plurima ) sibi veram et solidam gloriam, nullaque perituram die parerent. Primum cogitavit de Jobo, fortasse primus Italorum, quanquam unus et alter, dum festinat lente Corneliensis, praeiverint. Deinde de Tobia, in quo non habuit, quos

sciam, competitores. Quam inter ceteros emineat Jobus et rei totius compositione, et verborum splendore et sententiarum gravitate et similitudinum evidentia, neminem esse arbitror, qui ignoret. Eos attulit spiritus quisquis ille fuit, qui memoriae illa porro mirabilia tradidit, ut Homerus ipse cum homine collatus Dares fiat. cum Entello congressus; neque Virgilius, contra ster, nulli majestate dicendi secundus. Est qui neget? Equi descriptionem adeat iis naturae artisque coloribus pictam, ut tantum Graecos post se relinquat et Latinos, quantum terrena haec et caduca, si cum caelestibus et aeternis comparemus, decolorata appareant et evanescant. Opus id generis reddere se posse credidit Camillus, et revera reddidit, non ut fidus interpretes, verbum verbo reddens, sed ut poeta, qui nihil velis de alieno detractum, nihil ab auctoris mente absonum velit additum, sed Italae ornamentis ita convestiat omnia, ut qui legerit rerum divinitate commotus poeticas festivitatis gratia irretitum se sentiat, et quò progreditur magis, eo plura desideret, et ad exitum

avide sic properet, ut ne citius deferatur, sit quod pertimescat. Id ut assequeretur factum miro reddentis artificio. Non enim nude et simpliciter transtulit, sed ad leges poematis distinxit; quod dum facit, et locum aperit industriae, et operi novas faces accendit, quo clarius spectantium oculis se se praebeat. Nam sive partes necit et componit, sive capita in libros dividit, sive digressus modo scriptorem tuetur, modo doctrina illuminat, modo narratiunculis e re ipsa suborientibus legentem delectat, ita singula perbelle apponit, jungit, accommodat, effingit, ut unum illud fiat, quod initio proposuerat: Providentia divina cuncta sapientissime gubernari; quae dum sanctum hominem tot tantisque aerumnis pressum, patientem exhibet et constantem; eundemque regio de gradu dejectum, inque summam calamitatem nulla sui ipsius culpa prolapsum, dum ad illustriorem fortunam mirabili rerum conversione traducit; id demum facere aperte visa est, ut boni rebus in adversis animum sumant, neque abjici se sinant; mali rursus, si fieri potest, resipiscant, Deumque naturam hanc



mundi administrantem agnoscant, vereanturque. Longior sim, si quae detulit de suo, velim indicare. Ut enim nihil dicam de prooemiis ita concinnis et apposis, ut si cetera desint, quae abunde suppetunt, vel hoc Areostium suum repraesentasse dici possit: quis non avidissime legat, quae de uxore, frugi providaque femina et constantiae et amoris plena, quae una scilicet et matris et patrisfamilias vice functa tantum efficere potuit, ut maritus si non solutus, domesticis curis recreatus tot illa miracula promeret; quae de Rezzonico viro sanctissimo Pontifice renunciato; quae de bello Germaniam tot annos vastante; quae de Gallorum classe ad portus ipsius fauces disiecta; quae de Ulyssipone, terrae motibus undique conquassantibus, prostrata; quae de pace, Sardorum Rege sequestre, reduce aliisque sexcentis tam bene dispositis, ut non precario vocata, sed ultro oblata affuisse, nemo non affirmaverit? Praeclara, quae de Volfio, altero Britannorum Epaminonda, quae de Laudono, quae de Carolo Borbonio in Hispaniam remigrante, quae de caelitibus homini cuique re-

gendo Dei benignitate assignatis, quorum nulla non apta inter se et cum poemate cohaerentia, quae res ingenii et sagacitatis testis plane locupletissima. Quisquis vero libri noni operisque totius conclusionem legerit, qualis et quantus in imitando fuerit, intellexerit. Prodierat Romae Jobi interpretatio, Rezzani opera splendida enimvero omni-que laude poetica cumulata, quam ubi legit Zampierius, ita animum desponderat, ut suam medio in cursu interruptam dimittere cogitaverit. Amici restiterunt, neque tulerent tanti hominis labores tanta cum expectatione ex improvviso intercidere, hortationibusque una simul collatis fecerunt, ut rem bene auspicatam ad umbilicum perduceret. Cum igitur ad opus pene intermissum manum admoveret, illa praefatus est, quae et scriptoris modestiam et virorum praestantium auctoritatem prae se ferrent, quibus suasoribus in arenam iterum prodiret. Haec dum facit, illud ipsum facit, quod Ferrariensis ad poematis sui finem. Idem librum dimissurus, quem Andreae Corsinio Musarum duci destinaverat, voluit cum Ho-

ratio dimittere. Qui utraque contulerit, imitationis probabilis exempla, quae sequatur, habebit. Venio ad Tobiam, quem non octonis versibus, uti Jobum, sed hendecasyllabis, quos solutos dicimus ea de causa, quod nulla vocum similiter desinentium lege obligatos, voluit mandare. Qui attenderit, quid ad historiam illam divinam explicandam sibi noster proposuerit attuleritque, et scribentis doctrinam et voluntatem laudaverit, qui de puerili institutione benemeritus sit. Non enim rem unam ipse jejune et exiliter sibi reddendam cogitavit, quod nihilo tamen secius valde fuerat commendandum, sed ita ornare et fulcire, ut haberemus quae Genevensis civis praeceptionibus multo captiosissimis objiceremus. Quid enim aliud Aemilio illo suo homo nequam et improbus, voluerat, nisi, religione sublata, omnem recte vivendi legem tollere, cunctaque infanis prurientis naturae motibus permittere? Quae eo perniciosiora, quo eloquentiae, ambitionis lenociniis unde unde perlita se se facilius auribus adhuc tenellis obtruderent, singulaque majorum institutis  
tam

tam bene sancteque induc̃ta callidissime contaminarent. Obstitit Zampierius, et cum carminis elegantiā ut alliceret curavit, tum Tobia optimo proposito, vi tanta hostis infensissimi sophismata convellit refellitque, ut machinationes omnes funditus everterit, et parentes et liberos in officio dum continet, et moribus et pietati sanctissime esset provisum. Res est magna cum bonorum doctorumque gratulatione excepta, Pontificisque Pii approbatione, litteris honorifice datis, consecrata. Herculatio Senatori Bononiensi misit formis elegantibus Calari credita. Poeta nimium, potentiorum atriis neglectis, poetam adire voluit, tamque gratum et munificum est expertus, ut beatiorum liberalitatem non desideraverit. Homini sic adhaeserat annis multis ante, ut autumnali tempore, se urbanis turbis surripiens, rus visere consueffet, secumque honestissimo in otio dies aliquot poneret, adeoque in suis habuit, ut diuturniore morbo confectus, jam jam discessurus ex vita vacillantibus litterulis amoris et fiduciae plenis extremum compellaverit, suaque suosque parenti tanquam alteri commendave-

rit. Rebus tot tantisque editis, Italia tota celebratus, poterat jam quiescere. Voluit tamen, quae toto vitae cursu fuerat solertia et in amicos indulgentia, Francisci Carbonii Rhëtoris, Poetae, et in Calaritano Athenaeo focii flagitationibus iteratis illud postremum concedere, ut partem alteram carminum contraheret, et petenti totam permitteret. Quod dum praestat, delectum habuit accurate, nec exire quid est passus, quod et ipse, et ii, quibus se crederet, censores non probasset; multis rejectis, neque paucis in ignem coniectis, ne post obitum edentium intemperantia rebus si non inutilibus, certe mediocribus, quod amico non ita pridem contigisse indoluerat, onerarentur ingenia non sine auctoris nota. Apparuerunt iisdem e praelis in Joannis Amatii nomine, neque ego utriusque honestati melius consultum crediderim, quam si nonnulla Carbonii, cui totum se dederat, de epistola delibaverim, qua viro principi inscripserat. Ecce tibi, inquit, vates ille tuus senili gravitate spectandus, neque languore, neque rugis infuscata, eoque robore sensuque animi vigente, quo in

litterarum plausum ierat, antequam ego, antequam tu in hanc vitae lucem prodiiſſemus. Ecce tibi et Thufco et Latino apparior comitatu tantaque rerum graviorum et ſententiarum dignitate ſtipatus dum mores format et inſtruit, ut philoſophorum ratiocinatio quanta quanta eſt nunquam tantopere valuerit ad faſtidientium et naufcantium attentionem ſibi comparandam. Exultat hinc geſtiisque librum obtuliſſe aurea temporum optimorum elegantia florentem, qui de manibus otioſorum eas tandem unus extorqueat inſolenti luxurie diſſuentes fabellas, quae poeſi, ad Dei Deiſque ſimilium celebrationem nata, intemperanter abutentes. nil aliud ſonent, niſi amores nugasque canoras. Quare in patroni bibliotheca ſelectiſſima locum honeſtiores ſit habiturus perinde ac habeat in exiſtimatione. Reapſe Itala pleraque argumento ſe ſatis probant; neque ſecus actum de Latinis, ad quae acceſſere epiſtolae ſelectae, paucae ille quidem, ſed ut Latinitatis, ita amicitiae vindices religioſiſſimae. Haſtenus de ſtudiis: quae ſequuntur, breviter de republica et de moribus. Ma-

ture ad rempublicam accesserat patrui recenti adhuc memoria commendatus. Ita vero administravit, ut primos dum ordines ducit, rebus multis juverit, pluribus amplificaverit, plurimis confirmaverit. Valebat multum consilio, eaque erat in negotiis gerendis prudentia, ut fere nihil referret, quod Senatus non probaret, temporibusque difficillimis, Zampierio duce, non expediret. Quae ut obtineret, et gratia et auctoritate consequeretur. Nemo enim Aemiliae provinciae praeerat, quin et cognitum haberet, sibi que benevolum et amicum vellet. Bononiettiis, Stupaniis, Borromeis, Valentiis carus; Oddiis acceptissimus, quos et frequens adiret cum Banditio Ferrioque amicis et familiariter uteretur. Neque in urbe Roma, in qua Elephantutio litibus judicandis primum XII. viro, deinde inter Patres merito relato hospite usus est amantissimo, minus nobilis; cui et ad Benedictum XIV. faciles paterent aditus, et successoribus esset quam notus: quibus annuentibus facile fieret, ut, suis prodesse vellet et posset plurimum. Non enim nominis celebritas sibi ingenio et labore con-

firmata una solum aderat. Morum integritas in primis commendabat, quae tanta fuit, ut ceteris sui ordinis exemplo esset. Religio summa, pietas in Deum maxima, quam et verbis et factis quisque agnosceret, et suam vellet facere. Eucharistiam, extremum Jesu abeuntis pignus, divinis prosequabatur honoribus; neque diem ullam elabi facile patiebatur, quin humi stratus altaque cogitatione defixus, multa non sine prece, adoraturus inviseret. Die, quo naturae concessit, bis cibo illo caelesti est recreatus. Ma-  
 ne ut pietati obsecundaret suae, vespere ut se in viam daret alacrior et instructior, quam rem sunt qui religioni tribuant; nec immerito. Virginem matrem colebat ut cum maxime, neque Iosepho se minus deditum praebuit, quorum uni valetudinem jam desperatam referebat acceptam, alteri plura se debere palam est professus, utrisque vero, ut credibile est, assidentibus, diem supremum pie sancteque obiit, annos natus LXXXII. menses V. dies XVIII. Qui talis extitit in superos, non poterat non gratus et memor esse in suos, sive generis,



joco. Sua libenter cum suis communicare; quid sentirent audire; multa eorum judicio facere; tantum cuique tribuere, quantum nunquam sibi. Hinc factum, ut quos probasset et amasset, amicitiae cultor observantissimus, perpetuo in aere suo censuerit. Qui Zampieriana legerit, intelliget profecto quantorum virorum clientela floruerit, ut nemo, modo litteris delectaretur, Zampierium ut sibi conjunctum haberet, non optaverit. Quam ob rem sui desiderium maximum reliquit, neque mortuo praecones defuerunt, qui vivus fautores omnes bonos habuit. Certe et Arcades signum posuere, et cives non unis publice collaudatum honestaverunt, et filii marmorea effigie cum epigrammate, quod forte fortuna inter schedas superstites est repertum, parentis optimi memoriae consuluerunt. Quos inter si locum aliquem nobis posteritas dederit, nunquam poenituerit litteris non ea, quae amor quadraginta annos amplius mutuis auctus officiis expresserit, sed quae veritatis studium postularet, consignasse.

VITARUM QUAE IN HOC VOLUMINE XII.  
CONTINENTUR.

|                                      |         |
|--------------------------------------|---------|
| <i>Jo. Baptista Morgagnius</i>       | pag. 7. |
| <i>Jo. Polenius</i>                  | 66.     |
| <i>Jacobus Fasciolarus</i>           | 118.    |
| <i>Hercules Franciscus Dandinius</i> | 141.    |
| <i>Camillus Silvestrius</i>          | 177.    |
| <i>Julius Pontedera</i>              | 205.    |
| <i>Eustachius Zanottus</i>           | 241.    |
| <i>Jo. de Vico</i>                   | 279.    |
| <i>Jacobus Stellinius</i>            | 318.    |

## I N D E X

RERUM NOTATU DIGNIORUM QUAE IN HOC  
XII. VOLUMINE CONTINENTUR.

- A**  
**A**cademia Quirinorum [51.](#)  
 --- Philomatorum [152.](#)  
 Adansonis iudicium de Pontedera [214.](#)  
 Aemilianae epistolae [15.](#)  
 Albertinus Franciscus [92.](#) [18.](#)  
 Alembertius confutatus [113.](#)  
     [161.](#)  
 Algarottus [246.](#)  
 Alpinus Prosperus [34.](#)  
 Anatome quantum a Morgagnio promota [5.](#) [13.](#)  
 Anni veterum illustrati [233.](#)  
 Antiquitates Romanae et Graecae [91.](#)  
 Aristoteles [195.](#) [274.](#) [310.](#)  
     [339.](#) [334.](#) [349.](#)
- B**  
**B**aco a Verulamio [374.](#)  
     [286.](#) [289.](#) [290.](#) [314.](#)  
 Bailius [152.](#)  
 Baldus Bernardinus [87.](#)  
 Bandinius Angelus Maria [90.](#)  
 Barbadius Cardinalis [118.](#)  
 --- Hieronymus [140.](#)  
 Beccarius Bartholomaeus [12.](#)  
     [40.](#) [244.](#)  
 Benedictus XIV. [47.](#) [98.](#) [165.](#)  
     [373.](#) [374.](#)  
 Bernoullius Jo. [69.](#)  
 --- Nicolaus [74.](#)  
 Blancus [10.](#) Baptista [21.](#) [24.](#)  
 Blondus Flavius [35.](#)  
 Bologninus Angelus [34.](#)  
 Bonetus Theophilus [5.](#) [18.](#)
- Bononientes patriae amantes [238.](#)  
 Boncompagnius Ignarius [268.](#)  
 Botanicae historia et vices [195.](#) et seq.  
 Brawinius [70.](#)  
 Brixius Caesar [118.](#)  
 Burmannus Petrus [31.](#)
- C**  
**C**aesarottus Melchior [117.](#)  
 Caestuae historia [148.](#)  
 Caillius [251.](#)  
 Canisus Henricus [280.](#)  
 Caraffa Antonius [289.](#)  
 Carbonius Franciscus [169.](#)  
     [370.](#)  
 Carolus VI. Caesar [47.](#)  
 --- Emmanuel Sardiniae Rex [47.](#)  
 --- Neap. Rex [301.](#) [366.](#)  
 Cartesius [274.](#) [282.](#)  
 Casinius Jacobus [94.](#) [254.](#)  
 Castellius Benedictus [80.](#)  
 Casae Galateus in Latinum versus [145.](#)  
 Catulli imitatio [359.](#)  
 Cecchinus Alexander [150.](#)  
 Celsi editio [31.](#)  
 Clemens XI. [28.](#) [47.](#) [189.](#)  
 --- XII. [100.](#) [153.](#)  
 --- XIII. [47.](#) [140.](#)  
     [164.](#) [166.](#)  
 Cleopatra quo genere mortis obierit [30.](#)  
 Clericus Jo. [292.](#) [316.](#)

Columella illustratus 327.  
 Cornelianus Episcopus  
 vitæ 360.  
 Cornelius Cardinalis 119.  
 Corfinius Laur. Card. 351.  
 --- Andreas Card. 367.

**D** Andinius Hercules Frsm.  
125. ejus ortus 141. quo-  
 modo Romæ infirmitas 142.  
 Galatæum in Latinum var-  
 cit 145. Dialogos de offi-  
 ciis scribit 156. ejus ele-  
 gantia 145. 146. 161. pa-  
 triam historiam describit  
148 quam a suis honorat-  
 ur 149. 153. 168. quan-  
 tum in eloquentia videret  
 150. quam in poetis 151.  
 de ratione studiorum opus  
 conficit 154. ejus de Fo-  
 rensi scribendi ratione dis-  
 logus 158. de justitia liber  
159. Patavinus doctor crea-  
 tur 160. ejus docendi ra-  
 tio 161. opus de servitu-  
 tibus prædiorum 162 a-  
 mici 163. 164. mores 166.  
 mors 167. opera 169.

Danielius Franciscus 102.  
 Diaconus Petrus 87.  
 Dionæ Ephesæ Templum 89.  
**E**  
 Lephanthus Cord. 122.  
 Kwaldius Thomas 168.  
 Emus Jo. 319.  
 --- Aloysius 319.  
 --- Angelus 319.  
 Epistetus 113.  
 Epicurus defensus 310.  
 Eschica oreus, historia et vi-  
 ces 307. et seq.  
 Eugenii Principis laudes 151.  
 Evangelus Antonius 145.

**F** Acciolatus Jacobus 33.  
 ejus ortus et educatio 112.  
 de Calepino edendo cogitat  
 120. de Schrevelio 121. de  
 Italica orthographia ib. ejus  
 oratio de grammatica 123.  
 ceteræ ejus orationes 124.  
 Logicas et consulas 129.  
 historia Patavini Gymnasii  
 scribendam suscipit 126. e-  
 jus ingenium poeticum 127.  
 ejus stilus 128. de civis of-  
 ficii opus scribit ib. quam  
 brevitatis amans 129. quam  
 honoratus 130. ejus mores  
 et mors 131. opera 132.  
 de scribendis vitis ejus ju-  
 dicium 137.

Fantonijs Jo. 34.  
 Ferrinus Hieronymus 164.  
162.

Flaminius 162.  
 Forcellianus Aegidius 130.  
 121.

Form Lippi ejus antiqui-  
 tas ex meritis 35. ibi quam  
 honoratus Morgagnius 44.

Foscarinus Marcus 46.  
 Fridericus II. Cæsar 100.  
 Frisius Paulus 269.

Frisichius Thomas 321.  
 Frontinus illustratus 85.  
 Fragonius Innocentius 112.

**G**  
 Aliquis 64. 112.  
 Gallus poeta 38.  
 Genuensis Antonius 118.  
 Genevensis philosophus 362.  
 Gennarius Iulius 19.  
 Gesnerus Jo. Mattheus 221.  
 222. 228.  
 Giacomottus Jacobus 314.  
 Grævius Jo. Georgius 91.

Gravina Janus Vincentius 143  
 Grandius Guido 95.  
 Gronovius Jacobus 91.  
 Grotius Hugo 289. 290. 374.  
 Gulielminius Dominicus 17.  
19. 35. 84. 263.

**H** Allerus Albertus 35. 46.  
 ejus judicium de Pontedc-  
 ra 217.

Hamelius Pater 9.  
 Heisterus Laurentius 21. 46.  
 Herculanus Senator 160.  
 Hermannus Jacobus 74.  
 Hippocrates 195.  
 Hobbesius Thomas 315.  
 Horatii familiae nummus 180.  
 Hugenus Christianus 94.

**J** Acomellius Michael An-  
 gelus 112.  
 Jesuitae 100.  
 Job poema 164.  
 Josephus II. Caesar 45.  
 Inquietorum Bononiensis A-  
 cademia 12.  
 Insulanus Alamannus 254.  
 Juvenalis illustratus 182.

**K** Alendarii Romani emen-  
 datio 100.  
 Kenckenius Rupertus 85.

**L** Ampredius Jo. Maria 272.  
 Lancisus Jo. Maria 21. 21.  
25. 10.  
 Latina lingua defensa 112. et  
 seq. ei quomodo consulue-  
 rit Facciolatus 121.  
 Laudonus 166.  
 Leibnizius 69. 70. 260. 275.  
 Lieutaudius Josephus 3.  
 Linnaeus ejus methodus 203.

Lockius Jo. 275. 116.  
 Lucinius Josephus 132.  
 Lufitaniae Rex 149.

**M** Achina Arithmetica  
69.

Massejus Scipio 90.  
 Malebranchius 275.  
 Manfredius Eustachius 12.  
13. 84. 100. 244. 246.  
357.  
 Manfredinius Fridericus 172.  
 Mangerus Jacobus 5. 21.  
24.  
 Marcus Antoninus Caesar  
313.

Marsilius Ferdinandus 245.  
 Marinius Jacobus 83.  
 Martineilius Christianus 120.  
 Maupertuisius 95.  
 Meadius 101.  
 Mediceus Leopoldus 112.  
 Mercius Comes 342.  
 Meranius 78. 93.  
 Mercurialis Hieronymus 33.  
 Metastafius Petrus 112.  
 Metaphysicae historia et vi-  
 ces 271. et seq.  
 Michelius 218.

Morellius Jacobus 24.  
 Morgagnius Jo. Baptista re-  
 prehensus 3. 21. ejus vi-  
 ra 7. et seq. institutio 2.  
 studia 10. 17. Academiae  
 Inquietorum quomodo con-  
 suluerit 12. ejus adver-  
 saria anatomica 13. 22.  
30. medicinam facit 12.  
 docet Paravii 19. tabu-  
 las Eustachii illustrat 21.  
 novia adversarii & ipsum  
 defendit 21. 23. anatome-  
 mes magister creatur 27.

de genere mortis Cleopatrae differit 30. Celsum et Samonicum illustrat 31. Columellam et Vegetium emendat 31. alia ad antiquitatem pertinentia scribit 34. Aemilianas epistolas edit 35. Gulielmini et Valsalvae vitas explicat 36. Valsalvae opus illustrat *ib.* et seq. de sedibus et causis morborum opus edit 40. et seq. hujus laudes 42. quantis honoribus affectus 43. et seq. ejus virtutes 48. et seq. familia 50. mors 51. levitas reprehensa 1. 32. opera 33.

**N**ewtonus 71. 72. 82. 94. 276.

Norifius Cardinalis 34.

**O**tobonius Cardinalis 8.

**P**appadopolus 126.

Paschalius Blasius 70.

Patavinae Academiae historia 117

Petellius Thomas 112.

Persius illustratus 181.

Philosophiae vices et potestas 59. et seq.

Pirellius Philippus 300.

Pius VI. 169.

Plato 281. 289. 310. 328. 334.

Platonici 313.

Plinius Secundus 120.

Pluvienus Petrus 34.

Plutarchus 147. 312. 330.

Poesis vices 336.

Polenius Jo. 17. 34. ejus ortus et parentes 66. educatio 67. Doctor Patavinus creatur 68. ejus miscellanea phy-

sica 69. Dialogus de vorticibus caelestibus 71. de physica quam benemeritus 73. 93. de mathesi 74. de astronomia 71. 75. 100. 101. 99. de optica 77. de hydrostatica 79. et seq. de nautica 96 de physica experimentalis 97. illustrat Frontinum 81. Vitruvium 86. et seq. de Dianae Ephesiae templo differit 89. de veteribus theatris 90. de obelisco *ib.* antiquitates Romanas colligit 91. de terrae figura scribit 94. Academicus Parisinus creatur 95 praemiis decoratur 96. et seq. Romam vocatur 98. honoratur 99. ejus mores 92. 102. honores et mors 103. opera 104. et seq.

Pontedera Julius 31. 91. ejus ortus 205. studium in rem botanicam 106. et seq. de ea opus vulgat 107. ipsam Patavii docet 108. ejus docendae ratio 209. de ejus methodo quid judicandum 214. 217. rei rusticae Scriptores illustrat 120. veterem chronologiam et astronomiam 221. ejus dissertationes praemio affectas 229. mors et mores 231. opera 232.

Portia Jo. [179.](#)

Potamon [311.](#)

Praemia quomodo sint distri-  
buenda [159.](#)

Puffendorpius Samuel [116.](#)

## R

Rezanus [167.](#)

Rhodigina historia [179.](#)

Riccus Bartholomaeus [165.](#)

Rocca Angelus [181.](#)

Romani Geometriam non pro-  
vexere [61.](#) quam botanices  
studiosi [196.](#)

## S

Sallaugrius Albertus Hen-  
ricus [91.](#)

Samonici editio [31.](#)

Sandrius Jacobus [2.](#)

Seneca [312.](#)

Sibillatus Clemens s. ejus  
opus pro Latina lingua  
[113.](#)

Silvestrius Camillus ejus or-  
tus et ingenium [177.](#)  
quam de patria meritis  
[179.](#) quam antiquitatis stu-  
diosus [18.](#) Juvenalem et  
Persium in Italicum vertit  
et illustrat [181.](#) de chro-  
nologia scribit [185.](#) ejus  
virtutes [186.](#) et seq. mors  
[191.](#)

Slopius Josephus [136.](#)

Socrates [310.](#) [127.](#) [134.](#) [141.](#)

Spallanzanius Lazzarus [107.](#)

Spada Theresia [136.](#)

Stellinius Jacobus [117.](#) ejus  
ortus, educatio et studia  
[318.](#) ethicea magister crea-  
tur [319.](#) ejus de hac scien-  
tia scripta [320.](#) et seq.  
scribendi ratio [337.](#) [144.](#)  
fama [141.](#) mores [142.](#) in

poesi praestantia [141.](#) mors  
[144.](#) quae fundamenta et-  
hices posuerit [147.](#) et seq.

Stancarius Victorius [22.](#)

Stoicorum sententiae [311.](#)

Stratoco Simeon [88.](#)

Suarezus [180.](#)

## T

Theophrastus [195.](#)

Tobiae poema [168.](#)

Torellius Josephus [161.](#)

Tournesortius ejus botanica  
methodus [100.](#) quid ad  
eam addiderit Pontedera  
[109.](#) et seq.

a Turre Jacobus [15.](#)

Philippus [77.](#) [181.](#)

## V

Alchius Jo. Georgius

[118.](#)

Valsalva Antonius Maria [9.](#)

[10.](#) [11.](#) [16.](#) et seq. [18.](#)

Vallisnerius Antonius [19.](#)

Verheyenius [21.](#)

Vergeria Paulla [1.](#) [50.](#)

de Vico Jo. [177.](#) ejus ortus  
[179.](#) ejus philosophica stu-  
dia [180.](#) poetica [181.](#) [188.](#)  
mathematica et physica  
[181.](#) orationes [181.](#) liber  
de antiquissima Italorum  
sapientia [186.](#) de Antonii  
Caraffae vita [189.](#) de u-  
niversi juris principio [190.](#)  
de constantia jurispruden-  
tia [221.](#) de ortu et pro-  
gressu nationum [191.](#) Re-  
gius historiographus crea-  
tur [301.](#) moritur [304.](#) ejus  
opera [105.](#)

Vires vivae: quaestio de iis  
[12.](#) [160.](#)

Vitruvii aetas [34.](#) opera ilo-

Julianus 86 et seq.  
 Volfius 366.  
 Ursius 357.  
 Vultejus Hermannus 280.  
 Vulpus Jo. Baptista 29. 33.

**Z** Ampierius Camillus ejus  
 ortus 355. Rudia poetica  
 356. et seq. in scribendo  
 elegantia 361. carmina ju-  
 venilia 362. de Job poemu  
 366. de Tobia 368. carmi-  
 na selectiora colligit 370. ejus  
 mores et vitae ratio 372.  
 Zanotus Eustachius ejus e-  
 ducatio 344. astronomiam

excolit 247. ephemerides  
 vulgat 249. Catalogum stel-  
 larum augeat 250. ejus o-  
 pus de linea meridiana Bo-  
 noniensi 254. et seq. de  
 Cometis 257. de prospecti-  
 va 259. de corporum per-  
 cussionibus 260. de hydro-  
 statica 262. ejus mores 265.  
 et seq. honores 269. mors  
 270.  
 --- Franciscus Maria 38.  
 46. 244. 357.  
 --- Petrus 244.  
 Zanichellius Jo. 17.  
 Zeno Stoicus 381.

## ERRATA

## CORRIGE

Pag. Kn.

121. 10. Adriantius

Adrianus



005270812

MAGL. 5. 6. 199.

5270812









